

49944/B

MAXIMILIANI STOLL
R A T I O
MEDENDI

PARS TERTIA.

WILLIAM STONE

OF THE

RECORDS

1802-1803

MAXIMILIANI STOLL

S. C. R. A. M. CONS. NOSOCOMII SS. TRINIT.
PHYSICI ORDINARII, ET PROF. PRAX.
MEDICAE P. O.

P A R S T E R T I A

RATIONIS MEDENDI

IN NOSOCOMIO PRACTICO VINDOBONENSI

Nova editio accuratior et emendatior.



TICINI MDCCLXXXVIII.

Sumptibus) Typographiae Monasterii S. Salvatoris et
Balthassaris Comini Bibliopolae.

Praesidib. rei lit. permitt.

Luigi Longo

WELLS & WELLS

THE WELLS & WELLS BUILDING

100 N. 3rd St. St. Louis, Mo.

ESTD 1880

WELLS & WELLS

100 N. 3rd St. St. Louis, Mo.

ESTD 1880

WELLS & WELLS





PRAEFATIO

Cum viderem laborem meum eruditis non displicuisse, hunc quoque tertium tomulum, qui res in utroque meo nosocomio gestas (eo nempe, quod a SS. Trinitate nomen habet, atque altero praxi clinicae destinato), et binorum annorum constitutionem complectitur, publici iuris facere statuebam.

Non habeo, quae meos lectores moneam, praeterquam, ne in hac quoque tertia observationum mearum sylloge, inaudita prorsus, et nunquam, et nullibi, et a nemine visa expectent; cum hunc mihi scopum non proposuerim, neque existimaverim proponendum.

Multa quippe in medicina reperiuntur, quae, priusquam in canonem abire et stabilem sanandi legem possint, iterum iterumque et saepissime visa et observata sint, oportet. Atque ita ex datis cognitisque, inter sese comparatis, novae demum exsurgent atque antea nondum cognitae veritates.

Aliae



Aliae quoque rationes supersunt, cur operam navasse prorsus perditam, et nemini proficuum non putem.

Nempe, quemadmodum a morum magistris non expetimus, ut nova vivendi praecepta, novaeque της καλοκαγαθίας officia promant, sed eos suo munere praeclare functos arbitramur, si vel tritissimas praeceptiones persuadibili quodam modo explanent, et antiqua novis rationum momentis suffulciant, ut, quae cognita quidem sunt atque intellecta, verum nondum, quantum optarent, exercitata, plus frugis ferant; ita satisfactum a me meo ipsius proposito puto, neque plane in inutili labore versatum, si vetustis quibusdam, et dudum fortasse cognitis, quamdam addidero novitatis gratiam, novisque observationibus illustrâro.

Id velim solummodo, lectores intelligant, me solum quaedam *fragmenta* dedisse, non integros tractatus, earum rerum, de quibus disserere institueram; ut ne forte plus exigatur, quam, quantum animus fuerat proferre.

In Ephemeridibus binorum annorum 1778. et 1779. promiscue multa occurrunt, solum leviter perstricta, prout sors dedit, et ordo temporum; sed quorsum ea pertineant, et quem in finem sint dicta, is noverit, qui *tritas* medendi methodos, et hypotheses medicas, subinde nimis praepropere in thesin receptas, et ad veritatum practicarum dignitatem elevatas (non plane in artis incrementum, aut aegrorum solatium) aequè norit,

Quae de dysenteria referebam, ex fidis, innumeris, meisque observationibus hausta atque
ab.



abstracta sunt, et quosdam hinc inde illius scientiae, quae circa hunc morbum frequenter popularem, et plurimis funestum versatur, fortassis hiatus explebunt, atque efficient, ut una saltem lineola propius absimus ab eo, quod hucusque fuerat inter *desiderata* repostum.

Verum non ego, sed aequi, peritique Lectores de hoc laborum meorum specimine cognoscant.



CONSPECTUS MATERIARUM.

SECTIO I.

Ephemerides anni 1778. pag. 1

SECTIO II.

Ephemerides anni 1779. 56

SECTIO III.

De caussa et sede phrenitidis , ad celeb.
Virum *Gulielmum* GRANT Medi-
cum Londinensem. 113

SECTIO IV.

De natura et indole dysenteriae com-
mentatio 158

SECTIO V.

De morbis quibusdam systematis hepati-
ci; praesertim de ictero 229
item
De quibusdam affectibus nervosis 264
et
Sparsa quaedam varii argumenti 282



EPHEMERIDES

ANNI 1778.

SECTIO I.

IANUARIUS.

Anni 1778. exordium egelidum mador ingens deturpavit, nivibus paucis, et in aquas identidem fatiscentibus.

Constitutio
Januarii 1778
molis, austri-
na.

Die quarta nivosa, nubilave tempestas ingruit, non valdopere frigida, eaque triduo obtinuit, niveo vellere terram omnem obvelante.

Inde floccorum, nebularum, minutarumque pluviarum defluvia ad duodecimum usque vices vertebant, glacie plerumque nullibi comparente: hac die flatus austrini, tepentesque, et pluviis subinde madidi residuas hucusque nives liquarunt; unde ex tepore assiduo, madore, pluviis subinde, et crebris solibus mensem potius vernum, quam hyemalem aestimaveris.

Diem vigesimam sextam, et consequentem pruina, et boreae penetrabile frigus adussit, quod extremo mensis tempore denuo mitescebat.

Iam inde a medio mense primum campos nivibus denudatos, demum et colles, et vicinorum montium calva capita vidimus.

Pars III.

A

Die

Die 7., 8., et 31. Ianuarii altissima barometri statio fuit 28. poll. 3. lin. mensur. Vienn.

Die 15. Ianuarii eiusdem maxima depressio 27. poll. 3. lin.

Die 27. frigus maximum — 6. gr. id est 6. gr. infra 0. in thermom. Reaumur.

Die 24. frigus minimum + 7. gr. sive 7. gr. supra 0.

Calor medius + 12 $\frac{2}{3}$ gr.

Anni proxime elapsi febris bilioso-inflammatoria in hunc usque mentem porrecta

Ultimis anni decedentis mensibus biliosa febris, quae per aestatem, et partem quamdam autumnus viguit, visa est exspirare. Nihilominus non ita emortuam sub huiusce anni initio vidi, ut non aliquando vires colligeret quasi novas, atque aut sola nonnunquam, aut in consortio phlogoseos non opinantibus insiliret. Nulla certe per haec tempora febris occurabat, quam quis simplicem, sinceramque inflammatoriam diceret, et putrida, biliosaque labe carentem.

Vereor, ne isthaec austrina hyemis molities delendae aestivae bili, penitusque proffigandae non sufficiat, quae, si vim frigoris superaverit, denuo in aciem violentior prodibit, et per aestatem praedas agat, neque receptui canet, nisi ab hyeme boreali coacta.

Pleuritides plures, et peripneumoniae,

Morbi Ianuarii mensis fuerunt pleuritides, et peripneumoniae commistae, seu *bilioso-inflammatoriae*, et aegrotantium paulo maior copia, quam sub anni elapsi exitu; verum paucissimi mortem oppetierunt.

Item quaedam scarlatinae,

Quaedam etiam febres scarlatinae obvenerunt, verae ut plurimum inflammationis expertes, in sexu praecipue sequiori, quaeve solventibus solis, et vomitorio serius propinato auscultarunt, neque eam sub hac methodo malignitatem experti sumus,

mus, quam alii eodem tempore, alia medendi usi. Hanc quoque exanthematum speciem genesin habere gastricam inde sum argutus, quod qui sic aegrotabant, biliosa, pituitosa, putridave magno cum emolumento, et levamine evidenti, mox insequente, $\alpha\psi\omega$ et $\kappa\alpha\tau\omega$ purgarentur; sed et aphthas hoc modo absterfi, et a gangraena fauces prohibui, et hydropem pedissequum averti.

nobis non
malignae,

Quos solae aphthae vexarant, aut tonsillarum tumor, et angina, methodus solvens, et emetocatharsi aqualiculum infarctum distentumque vacuans, momento iuvit. In infimo ventre residere morbi causam autumabam, eamque vires suas in diffitas etiam corporis regiones porrigere. Subinde demere quid sanguinis oportebat, et materiem solvente et iugi potu semper idoneam efficere, ut evacuanti pharmaco quiverit obedire.

atqua aph-
thae compa-
raverunt.

Multas hoc mense quartanas anno elapso natas sanavimus, salibus primo mediis propinatis, et subiuncto emetico. Hac ratione febrilis paroxysmus insigniter cicurabatur, et, si hypochondriorum dolor, laboriosa spiratio, et tussis nocturna aegros urgebat, mirum emesis levamen attulit, eamque omni alii solventi, alteranti, expectoranti remedio praetulimus. Tum demum saturatis solummodo radicum graminis, taraxaci, et cichorei decoctis febris residuae cum constantia medebamur; vel vero, ubi febris altius visceribus infederat, corticem peruvianum dedimus, vel solum, vel floribus armatum martialibus ammoniaci salis.

Quartanae
prioris anni
hoc mense
curatae.

F E B R U A R I U S.

Primum mensis dimidium dies serenos, siccos, frigidos, solesque ferme quotidianos, si diem

mensis tertiam crassis nebulis involutam exceperis, ventos vero aquilonares crebros, subinde furentes habuit, et noctes pruinosas.

Appetente die 15. hispidis coelum nubibus corrugari, et aquilo, frigusque intendi. Hucusque nullae nives.

Die 16. nives peraltae cadebant, per octiduum vix interruptae, ventis per id tempus a septentrione impetuose ruentibus, et gelidissimis. Has die 22. coorti austrini, tepidique flatus repente fuderunt.

Ultimi mensis dies denuo puriores, siccioreque fuerunt.

Die 3., et 4. Februarii altissima mercurii statio 28. poll. $5\frac{1}{2}$ lin.

Die 16., et 17. eiusdem maxima depressio 27. poll. 1. lin.

Die 14. frigus maximum — 6. gr.

Die 23. calor maximus + 6. gr.

Calor medius + $1\frac{3}{8}$ gr.

Die 25. notabilis aurora borealis.

Non maior hoc mense morborum seges succrevit, quam Ianuario decurrente, nec multum dispar illorum indoles observabatur.

Morbi floras frequenter, pleuritides, peripneumoniae nothae
 Febrium plerarumque hac tempestate id fuerat ingenium peculiare, ut thoracem more pleuritico, peripneumonicove impeterent; etsi benignius quam vera pleuritis, aut peripneumonia plerumque soleat, aegros adorirentur, neque in vitae conicerent discrimen, nisi insanam medicamentum nactae.

Febrim inflammatoriam genuinam, nullique alteri vicio commixtam nullam vidi, plures vero pleuritides nothas, seu pituitosas, easque aut solas, et meracas, aut superinducta phlogosi compositas.

Pul-

Pulsus habuere plerique, quales sani solebant, neque multum praeter morem incaluerunt.

Lorium aut naturale omnino erat, aut parum tantum ab urinis sanorum recedens, et coloratus. Tenuitas, et flammeus rubor, quo utroque caractere urinae inflammatorum notantur, procul aberant.

Febrilis tenor is fuit, ut aegri maiorem plerumque meridie, aut devexo iam die, validioremque accessionem experirentur, quam illi assolent, quos vera *inflammatoria* febris tenet, minorem vero, quam quae febrim comitatur *biliosam*: easque accessiones aut nulla, aut modicissima horripilatio ordiebatur.

Nec prima morbi invasio violenta fuit, nec veluti ex insidiis incautos arripuit. Quaedam corporis, et capitis praecipue, gravitas, et obtusior degustandi facultas, dentiumve sordities, atque is sensus, quasi insipidam farinae pastam ore continerent, et minor paulo membrorum agilitas multos ante dies praecessit. Proxime morbus abfuerat, ubi venter infimus adstringi, siccarive coepit, atque aliquot diebus officio non fungi. Neminem habuimus, cui non et paulo ante infirmitatem, et sub eiusdem initia alvus fuisset multis saepe diebus compressa. Atque in omnibus omnino aegris tanta infimi ventris hoc mense siccitas fuit, quanta non alia ulla tempestate. Obliterata sic alvo epigastrium tendi, dolere, et elanguescere alimenti desiderium cum oris amaro sensu coepit. Tandem tussitare interdum, noctu frequentius, et feбри evidentiori tentari. Primorum dierum tussis absque thoracis dolore fuit, atque absque sputorum reiectione, sed non sine molesto totius epigastrii sensu, eoque inter tussendum multum au-

Haemorrhagiae pulmonales,

sto. Tum demum gluten paucum extussitarunt; quidam etiam meracum sanguinem, *paucum* quidem initio mensis, at, qui post eiusdem initium sic aegrotabant, *profusum* plerique sanguinis e pectora flumen profuderunt. Certe hoc tempore haemorrhagiae pulmonum ubique increbuerunt, non apud illos solum, quibus ea aegritudo ex consuetudine redit; sed et eos, quibus firmior thoracis compages obtigit, eique morbo caeterum minus idonea.

Ante, et sub ipsa haemoptoe pectus *compungi* alicubi, aut opprimi coepit: verum selibra, aut libra sanguinis laeti, spumantisque sic reiecta pectus allevari videbatur, et aegri mitius habebant. Non ea fuit tussis violentia, quae sanguinis retinacula vi perfrangeret, ut qui saepissime non laboriose tussitantibus largus profluxit.

praepriis in Sutoribus.

Licet non intra unam hominum classem hic morbus se contineret, quosdam tamen opifices peculiarius, atque prae reliquis sibi destinavit, Textores aio, Sartores, atque Sutores.

Atque hos ipsos inter miserrima valetudine usos, et infirmissimo pulmone *Sutores* observavi.

His ex flavo nigrescens, et piceus ora color tingit, anhelosis, tussiculosis, et, si forte aetate adhuc tenera sutorio operi admovebantur, thorace angusto, ac sterni, non uti in bene formatis, modicissime protuberante, sed concavo multum, atque intropresso. Corpora, ut ille Catulli Furius, *sicciora cornu habent*, et

Vix toto decies cacant in anno

Atque id durius est faba, et lapillis.

Tenuissimus in iis abdominis nimium quantum adstricti est ambitus, at magna musculorum rectorum torositas, et vis eorundem in viscera subiecta aequo multo maior. In-

Inde faciles explicatus repetimus, cur in Sutoribus maxime bonorum, malorumque succorum inaequalis per medium, atque infimum ventrem dispensatio fiat, et eorundem utrorumque iusto maior copia intra thoracem se recipiat, illuc ex abdomine propulsa.

Prout alii propius ad hanc sutoriam diathesin accesserant, ita etiam eiusdem morbos experti sunt.

Quodnam in medendo consilium, viamve iniverim, tum demum exponam, ubi plures haemoptoes species aliis a me temporibus, aliaque visis occasione succincte commemoravero. Sic iis, quae de medendi ratione dicam, plus lucis me affusurum confido.

Diversae haemoptoes species, et hoc et aliis annis, ab Auctore observatae.

Primam haemoptoes speciem *inflammatoriam* appello, quam rigidissima quondam hyeme frequentem habuimus, cum eadem tempestate saeva pleuritis robustissimos quosque subverteret.

Haemoptoen hanc *inflammatoriam* eundem cum pleuritide morbum existimabam, cum et eandem tempestatem, et symptomata eadem, et eosdem quoque homines feligeret uterque morbus.

Pleuritidi saepenumero parca, crocea, cruentaque sputatio iungebatur, et quamdiu aegri pauxillum tantummodo sanguinis sputando reiecerant, tamdiu morbum *pleuritidem* salutabant; si vero meracior sanguis, et copia notabili ruffiendo prodit, mutato homine *haemoptoe* dicebatur, utut eadem, si rei essentiam spectes, utrobique fuerit aegritudo.

Eadem quoque et pleuritidi et haemoptoe ratione medebar, missione sanguinis repetita, et emulsis nitrosis, et enemate crebro, ac emolliente, universoque antiphlogistico apparatu.

Momentosa admonitio in sananda haemoptoe inflammatoria

Opium, hyoscyami extractum, et adstringentia remedia, ac potus aquae gelidae, quae singula multis celebrata encomiis in quavis non raro haemoptoe propinantur, nulla morbi, causarumque per investigatione, aut perfunctorie tantum facta, in praesentiarum abesse procul iussi, meliores in usus reposita.

Pleuritidem nosco *latentem*, et *chronicam* in hominibus angusto thorace, longo, tenuique collo, corpore gracili, gratioſo, iunceoque, scapulis alarum in modum exstantibus, facie nitidissime candida, genisque roseis, vivida promtissimi ingenii vi, fibra delicata, ac perquam irritabili multatis potius, quam donatis.

Hi saepenumero *inflammatoriam hanc haemoptoën* patiuntur, quam cortice peruviano in iuvene quodam exacerbata, atque in phthisin velocissime conversam novi; in alio vero phlebotomiis pareis, sed frequentissime repetitis, et vivendi ratione summopere antiphlogistica non equidem percuratam, nihilominus tolerabilem effectam, prohibitamque per plures annos ab iam iam imminente pulmonali phthisi; donec sospitatore suo, qui aegro hucusque solerter, provideque cavit, dimisso, alius accerferetur, rerum minus peritus, qui cum corroborandos esse pulmones assereret, aegrum irreparabili tabe non multo post consumtum vidit.

Altera haemoptoës species *plethorica* nominabatur, ubi aut abundantior sanguis, quam qui apte contineri intra sanguiferum systema, circumferrique commodè queat, vim in pulmones fecit, forte a natura imbecilliores, effractisque vasis suam hic redundantiam profudit; aut, etsi reapse non nimius, variis tamen stimulis exagitatus, rarefactus,

factus, orgasmicus, motu validiore corporis quocunque aut mentis, eundem, atque eadem ratione exitum e pulmonibus est molitus.

Haec altera species tanto minus discriminis quam prior afferebat, quanto minus periculosa sola sanguinis caeteroquin boni redundantia erat praec eiusdem ac necessarii visceris inflammatoria constitutione.

Medendi rationem ipsa morbi, causarumque notio docebat.

Aliam speciem haemoptoës *periodicam* statuebamus, ubi aut menstruus sanguis pulmones petiit, hique uteri vices inauspicato subierunt; aut, qui per apertas olim haemorrhoides exonerabatur, iisdem occlusis nunc intra thoracem irruebat, eique violentiam inferebat.

Haemoptoën ab erodente materia, venerea, scabiosa, achorosa, herpetica, scorbuticave oriundam, et communia omnium haemorrhagiarum adjuvamenta sanabant, et auxilia specialia cuivis specificae acrimoniae dicata.

Haemoptoë maligne febrientium non aliam medelam admisit, si remedia in omni sanguinis nimio fluxu usitata excipias, quam qualem humorum putrida tenuitas, et solidorum iners laxitas, atque imminens dissolutio poscebat; summe videlicet antisepticam, adstringentem, ex peruviano cortice, sero lactis aluminoso, stringentibus succis, et usu gelidissimae aquae, ac spiritibus acidis mineralibus etc.

Haemoptoën vulverariam violentae non raro tussi, pulmones quasi convulneranti debebamus, a diversissimis subinde causis, variaque sede locatis oriundae. Mirum quantum variare curandi rationem necesse erat, prout alia atque alia fuerat
ipsum

ipſius tuſſis cauſſa , cauſſaeque ſedes . Haemoptoen vulnerariam a gravi caſu , aut vi externa pectori illata frequenter miſſione ſanguinis , et antiphlogiſtica methodo ſanavi , totuſque in id incubui , ut inflammationem vulneribus ſupervenientem quam benigniſſimam efficerem , minimamque , et periculoſam ſuppurationem aut averruncem , aut cohibeam .

Stulta opinio eſt , atque in aegrorum perniciem nata , quae ſtimulantium baſſamorum interno uſa consolidare diſrupta vaſa intendit , nempe affuſo oleo incendium reſtinguere .

Haemoptoe , peripneumoniae nothae , ſeu pituitosae , comes , a minus perviiſ pulmonibus , atque multa redundantibus pituita , ſanguine interea violenter a dextro corde protruſo , vaſaque pulmonica effringente , reperebatur : Haemorrhagiam hanc quam nulla alia medicina comprimere valeat , quam quae , praemiſſa non larga phlebotomia , a pituita redundante thoracem expedit , quanta maxima celeritate et efficacia poteſt , facile patuit . Id vero multoties vomitorio prompto effeci , ubi antea ſanguinem miſeram , et ventrem enemate ſollicitaveram . Quodſi nullum in mora periculum fuerat , potum antea muſum , ſalitumque propinavi . Inter vomendum nec lineola ſanguinis comparebat , et vomitione peracta non niſi perparum , donec non multo poſt nihil penitus cruenti conſpicere-tur . Curam abſolvi decoctis ſolventibus e radice graminis , taraxaci , et cichorei paratis , et alvina libertate diutius conſervata .

Pleuritidem bilioſam cruenta ſubinde ſputatio quia etiam liberalis haemorrhagia comitabatur , atque in univerſum febres ab illuvie bilioſa oeconomie gaeſtricae exorſas non levibus haemorrhagiis

giis iungi narium, pulmonum, uterive aliquoties observavi.

Haemoptoen id genus *biliosam*, gastricamque et quamcunque haemorrhagiam hac origine pro-
gnatam, certius nihil, nihilque efficacius vomitorio
fuit. Quae vero abdominalia viscera, ventriculum
maxime, et intestina, demum et universum cor-
pus invigorabant, relapsus, faciles caeteroquin,
et periculosos, avertebant.

Curationum feliciter hac methodo peractarum
numerosa exempla suppetunt, quae qui in medium
producere tanquam totidem testes veller, legenti-
bus abuteretur.

Leviores haemorrhagias *biliosas* consopitas e-
quidem alia ratione subinde vidi, iterata videli-
cet, profusaque sanguinis missione. Verum diutur-
na infirmitas, et imbecilla corporis constitutio con-
sequebatur, et crebri in eandem haemorrhagiam
relapsus, si forte vel ob levissimam causam cir-
cuitio sanguinis plusculum incitaretur.

Nihilominus communior observatio docuit,
biliosas eiusmodi haemorrhagias phlebotomiis so-
lis, et antiphlogistica methodo adeo, ut plurimum,
non sisti, ut profusiores evadant, brevique virium
vitalium ruinam ingentem inferant, et exsanguie,
marmoreumque frigus, *mortis comites, et funeris*
atri.

Hanc haemorrhagiae *biliosae* curationem ope
phlebotomiarum, et antiphlogisticorum potuum
obtentam *insidam* appellabamus, cum et vires con-
velleret, et visceri praecipue haemorrhagiam pas-
so atoniam induceret frequentiori relapsui oppor-
tunam; ac stimulum excitantem, *biliosam* nempe
illuviem, ad breve tempus enervaret tantummo-
do, non erueret, qui validius posthac acturus erat
in corpus imbecillum, acie recuperata.

Complures novi crebris febriculis biliosis; iisque levissimis tentatos, qui assumpto antiphlogistico potu et instituta largiori sanguinis missione biliosum stimulum circa ventriculum haerentem partim enervarant, partim per omne ferme vasorum systema distraxerant. Materie non multa, vel potu multo submersa, vel in partes distracta multas, atque hoc ipso magis inermi effecta convaluere; sed impurioribus posthac succis utebantur, et corpore minus firmo: hinc magna in eandem febriculam proclivitas nata est, quae si denuo insurgere tentarat, eadem ratione dilata, retrusaque est potius, quam evulsa, gravius crebriusque reditura.

Sanguinis e pulmonibus eruptionem multae quoque causae efficiebant in abdomine sitae, quae circumeuntium humorum libertatem ibidem imminuebant, eorundemque competentem quantitatem pressis aut quacunque ratione angustioribus effectis vasi ab abdomine prohibebant, prohibitumque ad infirmiores pulmones ablegabant. Eas inter causas reponebamus *spasmos* undecunque productos, *tumoresque* omnis omnino generis, dummodo molis spectatae fuerant, praecipue si celeriter increvisserent.

Hinc variam in hac abdominali haemoptoe medendi rationem inire solent, atque etiam ipsi iniveramus.

Haemoptoën largam enemate, et propinata salis amari solutione, ventrem diu ante obstructum celeriter referante illico compressi, atque aliis subverso per emesin ventriculo hunc sanguinis fluxum stiti.

Enervantes narium haemorrhagias in homine febris biliosa detento, unaque et ipsam aegritu-
di-

dinem principem repetita emeto-catharsis sustulit .

Cum narium , et pulmonum perniciosae haemorrhagiae aegrorum cuidam mortem illaturae viderentur citius , quam ipse deploratus hydrops : eductis paracentesi aquis fatalem horam aliquoties differebam , proflavio vitalis laticis sic subsistente , atque nonnisi collectis aquis recurrente .

Haemoptoë illorum , quorum pulmo tuberculis obsessus existimabatur , aliquoties mihi visa difficilem semper medicationem , aut nullam admisit . Etenim duo erant , quorum habendam rationem arbitrabar : moles videlicet sanguinis per pulmones tranantis fuerat minuenda , ne ea vasorum pulmonalium capacitatem superet , et deinde ipsos meatus sanguinis in pulmonibus tuberculosis angustiores , pressosque oportuerat expedire .

Massam humorum movendorum minueram instituta phlebotomia , sed alterum scopum vix assequebar .

Plerique quorum cadavera dissecta tuberculosos pulmones exhibuerunt , fuerunt olim aut tusses *stomachicas* , diuturnas , neglectas , aut methodo non sua curatas , aut peripneumoniam notam , seu pituitosam , eamque ipsam perversa medicatione in tuberculosum pulmonum morbum conversam perpeffi .

Quos vero ob tuberculosum pulmonem credideram in haemoptoën incidisse , sanaveramque , his dempto modico sanguine , solventia remedia ex radice graminis , taraxaci , et cichorei propinavi mediocri sale , aut refracta dosi tartari emetici armata , cavique , ne morosior alvus evadat , et emeticum blandum , praecipue ubi aut tussis reverti , aut pectoris oppressio coepit , per vices exhibui :

Te,

Testor, me *solis* solventibus nil profecisse, ruffi, nocturna praecipue, noctes ruditer turbante, et laboriosa, cum vel levissime corpus commoverem, spiratione. At blandior per vices emissis thoracem mirum quantum expeditiv.

Solventibus lenia tandem tonica commiscui, cum non suffecerat infarctum solviffe solum, sed et futuram eiusdem genesin praeoccupare necessum fuerat.

Haemorrhagias pulmonum a vitio cordis, aortaeve aneurismate, aut alio quocunque, non describam, cum animus mihi non sit integram haemoptoes variae imaginem sistere.

Quaedam pauca solummodo de haemoptoe Hydropicorum prioribus subiungam.

Viri quidam laboriosi, atque exercitati, Aurigae, Fabri lignarii etc. hydropes intercute detenti, quin aliqua manifesta, et hydropis communior causa potuerit incusari, meae se curae concrediderunt.

Pinguescere initio videbantur facie, collo, et thorace praeprimis. Tandem diffundi per totum corpus tumor coepit, prodique morbosa conditio. Pulsus arteriarum erant vegeti, tardi, robustique, et caetera sanorum instar habebant. Difficillima, tardaue curatio fuit, et mitissimis solum remediis, quae et alvum, et urinas moverunt, perfecta. Salia mitiora, nitrum, et terra foliata tartari in decocto althaeae, malvae, et liquiritiae fere sola profuerunt, sero tandem oxymel scilliticum prioribus poterat admisceri.

Uni, alterive sanguinis parum extrahere debui, dolore fixo thoracis, calore, et urina flammea id exigente.

Hos inter auriga fuit, cui praeter universalem

De haemoptoe hydropicorum, et pauca quaedam de hydropes.

lem corporis tumescentiam aquosam modo scro-
tum, modo sterni pars, aut collum peculiariter
tumuit tumore repente orto, globoso, sarcimino-
so, aquoso-emphysematoso, mox iterum abortis
sudoribus diffuso. Huic per vices pectus repente
opprimebatur, ut aliquoties ferme mortem oppe-
teret suffocantem; accessit et larga sanguinis e
pulmone reiectio e pulmone reiectio, eo tempore
nulla corporis pars peculiari illo tumore, vago,
aquoso, aëreo tumere visa est, ut inde coniece-
rim, materiem tumoris illius corpus oberrantis ad
pulmones nunc esse proiectam. Sic constituto ve-
sicans ad thoracem admovi, et homini stragulis
contacto diaphoreticos potus ingessi. Abortus su-
dor haemorrhagiam pulmonum stitit.

Vesicantia largam movere diaphoresin fere
semper observo, quin etiam profusos sudores, si
et caetera accedant ad proliciendos sudores requi-
sita.

En haemoptoen vesicante compressam.

Haemorrhagias profusas narium, epilepticos
insultus, et mortem apoplecticam in non magno
virorum hydrope observare aliquoties licuit, ubi
vel graves foeminarum hydropes tuto curabantur.

Exponere nunc iuvat, quatenus ex recensitis
hucusque haemoptoes speciebus haec nostra fuerit
hoc mense visa, et qualem aegris opem, et quo
eventu tulerimus.

Atque ut huic quaestioni satisfaciam, illius
oportet recordari, nos antea et *inflammatoriam* hae-
moptoen, et aliam peripneumoniae *nothae* seu *pi-
tuitosae* comitem, ac tertiam commemorasse hae-
moptoes speciem ab illuvie ventriculi biliosa, et
infimo ventre sicciori, atque diutius obstructo na-
tam.

Hae

Hae causae, quarum singulae producendae alias haemoptoë pares sunt, suas si quando vires coniungunt, id evidentius faciunt, et maiori cum aegrotantis discrimine.

Atque hunc causarum multiplicium haemoptoën efficientium concursus hoc mense vidimus, ita tamen, ut saepe levis tantum esset, et veluti superficialis inflammatio pulmonum; gravior vero, et princeps altera aegritudo, peripneumonia videlicet notha. Adde et hoc, plerosque simul biliosas in ventriculo sordes, et alvum diutissime clausam habuisse.

Haec syndrome causarum claram haemoptoës huius nostrae notionem effingit, et quid agendum nobis fuerit, demonstrat.

Illico nempe enemate crebrius iniecto ventrem solvimus, quo praesidio, utut ad speciem non magno, et capitis remulencia, caloresque, et thoracis symptomata multum remiserunt. Aquam dein cum melle, et aceto propinavimus, et mitionem salium mediorum solutionem. Die altero paucas sanguinis uncias detraxi, sicque haemorrhagia pulmonum plerumque intra limites parcae cruentaue sputationis reducebatur. Verum, seu sanguinis fluxus persisteret, seu dicta ratione imminueretur, dummodo aut levissima, aut nulla phlogosis esset, emeticum propinavi. Vomitus, alvusque mota aegros plurimum recreavit, sanguinem cohibuit, et spiritum praecipue liberiores effecit. Quibusdam emesis post multos primum dies movi, iis nempe, quorum pulmones aut maior, aut pertinacior phlogosis tenuit. At his sanguinem crebro, et largiter detraxi, ventremque infimum eccoproticis, et enematibus vacuavi. Atque hac methodo, phlebotomiis, ecco-

pro-

proticis, et enemate crebro ad id usque tempus sum usus, quo lotium antea flammmeum, et absque hypostasi, flavescere magis coepit, rubere minus, et emissum brevi turbari, atque sedimentum lateritium, fursuraceum, ex albo rubellum demittere: hocque fractae phlogoseos signum arbitrabar, etsi et aestus persisteret, et incommoda thoracis; his enim propinato emetico tuto celeriterque medebar.

Celebrata emesi largo radicis graminis, taraxaci, et cichorei decocto utebantur, cui vel salis medii quid, vel refracta tartari emetici dosi commiscebatur.

Hoc modo et tussis nocturna in dies cicurari, sputaque albumen recentis ovi referencia minui coeperunt, aegro subinde pituitam vomente, et solito crebrius deliciente.

Amaricantia, stomachicave curationi coronidem imposuerunt.

Quibusdam omisso emetico, suffecerat ventrem per epicrasin manna, tamarindis, et sale medio solvisse.

Sanguis emissus plerumque crustam habuit virentem, auruginosam, diffusam, crassam, teaacem.

Sola crustae phlogisticae apparitio me non commovit, ut iterato, et saepius, largiusque sanguinem mitterem, nisi et alia verae inflammationis, eiusque praedominantis signa copiosiores, iteratasque phlebotomias exigent.

Morbi ergo thoracis hoc mense fuerunt pleuritides inflammatorio-pituitosae; inflammatorio-biliosae; aut praevalente phlogosi, pituitoso-inflammatoriae; atque eadem omnino eadem ratione

commixtae, et a praedictis pleuritidibus essentialiter non differentes haemoptoae.

Recordabar hoc tempore pleuritidum ab egregio *Gleghornio* observatarum, quas aliquis non inepte *putrido-inflammatorias* compellaret, ubi vera in pulmonibus inflammatio est, at simul putridas, et inflammantis acrimoniae fomes intra abdomen haeret, quem primo obtundere, diluereque oportet, dein vero aut vomitu, aut alvo mota exterminare.

Ceterum toto Februario vomitiones dato emetico crebriores, deiectiones vero parciore observabantur, quam elapsa aestate; qua vigente, atque adulta: et per omnem autumnum, alvus lubricissima fuit; et suapte, et, multo magis, vel levissimo pharmaco propinato.

Vomuerunt hoc tempore paucam plerumque pituitam, at levamine molem materiae plurimum superante.

Bilis hoc mense nonnulla, *phlogoseos* multum, et plurimum *pituitae* ubique offendebarur: atque haec ultima toto hoc mense praefecturam exercuit.

Et si nullos habuerim morbos mere inflammatorios, sed recensita ratione compositos, nihilominus non defuerunt febres ex pituita aut sola, aut bili remixta prognatae, putridaeque, attamen putredine non valida, nec ferociente.

M A R T I U S.

Martii primos dies tepor, et aura serena, puraque commendavit.

Nullae ullibi nives comparuerunt, nisi ubi easdem venti nuperrimi in acervos congesserant ferius liquandos.

Die

Die quarta tepidissimus et capita gravans vulturnus coelum nubibus obduxit, pluvias comminatus. Soles dein, nebulae, nubes, et pluviae tenuissimae quasi in orbem redierunt, tempore humido assidue persistente, donec die nona madori frigus accederet.

Die 12. aquilones algidissimi coorti auram siccarunt. Sol, gelu, nivium hinc inde flocci, et tenuissima grando, ventique ab septentrione per vices.

Die 19. aquilonem hucusque dominantem repente enormis auster excepit, coactisque a meridie nubibus coelum in pluvias dissolvit.

Ex eo tempore multa aurae inconstantia, turbidae, austrinae, terramque exiguis sparsim pluviis irrorantis.

Penultima tota pluviosa fuit, atque ultima nimbosa, austro corpora, atque animos exsolvente.

Die 12. 13, mercurius altissimus 28. poll. 4. l.

Die 4., et 5. eius infima statio 27. poll. 2. l.

Die 13. frigus maximum—4. gr.

Die 30. calor maximus+12. gr.

Calor medius+2 $\frac{2}{3}$ gr.

Plures hoc mense aegrotarunt, sed morbo mitiori atque in longius, quam mensibus elapsis, tempus excurrente, et foeminae prae viris: at parvus libitinae census.

Mense Februario ad finem decurrente et Martio lumbagines, ischiadesque multae sunt visae, longiore purgantium lenissimorum usu sublatae. Quos haec aegritudo quasi e consuetudine quotannis una alterave vice revisit, eos etiam tarde

Rheumata
multa.

deseruit, atque ita, ut aegros identidem recurren-
te leviculo dolore, aut pondere artus cuiusdam
intolito, aut eiusdem stupore sui commonefaceret.
Quidam hos inter fuerunt, quorum aut crus, aut
brachium multum emarcuit.

male curata
atrophiā ar-
trum induxe-
runt,

Atque hanc artus alicuius atrophiam illi im-
primis experti sunt, qui rheumatismos *originis ga-*
stricae non subversione ventriculi sorde multa con-
taminati, confirmataque eiusdem coctrice potentia
sanare annitebantur; sed phlebotomiis, et scarifi-
catione, et multa tepida, sudorifera, enervante
porione morbificam materiam per minutissima vasa
deduxerunt, alte tandem irradicatam, non extri-
candam.

Hic mensis magnam *pituitae* copiam genera-
vit, sed phlogoseos minus.

Ianuarii enim, et Februarii *phlogisticum* vi-
tium, quod ipsam per ea tempora raro, aut nun-
quam solum aut meracum, aut etiam intensum
fuit, hoc mense evidentius remisit, atque in *pi-*
tuitosum totius corporis, abdominis autem imprimis,
et pulmonum convertebatur.

eorum natu-
ra,

Rheumatum, seu lumbos, seu femora, sive
alia loca occupant, ea indoles fuit, ut vesperi,
nocturne aegros vexarent, atque interdiu plerum-
que silerent. Haecque aut sola fuerunt, aut cat-
arrhum, aut peripneumoniam notham commilito-
nem habuerunt.

et sedes,

Si quis quandam corporis partem iam antea
affectam habuerat, aut imbecillam, in ea rheuma
figebatur. Sic, qui antea aut artum forte impe-
gerat, aut oculum festuca, arenula, aut quocun-
que illabente pulvisculo irritatum habuerat, pau-
cos post dies febrile obscure, noctes habere tur-
batas, sudare, et ventriculo gravari, ac nauseare

occe-

occepit. Demum vexata antea pars, sive oculus fuerat, sive artus quidam, gravius tentari dolore dilacerante, vespertino, nocturno.

Illata externa vis sive oculo, seu alteri parti, hoc rheuma gastricum videbatur invasisse.

Ophthalmize hae cito in corneae transparentis cineream opacitatem abiverunt.

Duo in medendo spectabam; ut et ipsam febriculam rheumaticam sanem, et ea sanata, resiccatraque eiusdem e ventriculo scaturigine, alteram auferam infirmitatem topicam atque in artu quodam aut oculo resistentem.

Rheumaticam hanc febrim solventibus, emessi, emeto-catharsi, aut sola etiam catharsi leniori, sed diuturna, et tandem invigorantibus plerumque fuisse fortunate discussam, supra dixi.

Topicam artus alicuius infirmitatem, quam, febris rheumatica penitus iam abacta, nonnunquam diutius perstitisse commemoravi, v. g. stuporem, aut levem per vices dolorem; vesicans, aut rubefaciens emplastrum, aut frictio aromatica sustulit.

Metastases hae a febribus huius tempestatis productae multo dissolvi difficilius, tardiusque observabantur, ac illae solent febrium aestivarum; atque in universum depositiones hyemales, vernaе, autumnales, etsi iam percurata genitrice febre, diu plerumque persistunt, et morbum efficiunt ipsaemet peculiarem, peculiari quoque ratione curandum. Ubi e contrario quidquid sub ipsa aestiva febre topicarum affectionum subnascitur, eodem prorsus modo sanatur, quo ipsa princeps febris; quacum aut viget, aut profligatur.

Peripneumonia *notha*, seu *pituitosa* hac etiam tempestate emittitur, eaque aut sola, aut pulmo-

nam verae quoque inflammationi, utut exiguae plerumque, et cito dissolutae, sociata. Paucos gravior, et periculosa inflammatio pulmonum prostravit, eosque prae caeteris Exercitatos, et Iuvenes.

Plerisque dolor alterutrum thoracis latus infestabat pungens, dilacerans, diffusus, ab humero ad usque ilei ossa decurrens.

Quibusdam etiam artus afflicti lateris veluti a destillante acri sero compungebantur. In illam quoque, quae dolebat, corporis partem cubare nequiverunt.

Peripneumoniae nothae, nothae quoque pleuritidis huius mensis descriptio.

Peripneumoniae huic, seu pleuritidi nothae, rarior hoc mense pulmonum haemorrhagia iungebatur, etsi parca cruoris spuitio vix ulli absuerit.

Omnibus sputa prodire albumen ovi referentia, initio pauca, dein copiosa.

Quorundam pendula, ductiliaque sputa color herbaceus tingebat.

Anxietas magna: cardialgia, praecipue post potulenta: febris non magna, vespertina, et obscuras habens accessiones.

Sputatio multa morbum non solvit, hinc eandem nunquam urgebamus. Satius erat, morbificam materiem solventibus salinis ita praeparare, ut, ubi sanguine una, subinde et altera vice, detracto phlogosi cavimus, dato vomitorio potuerit educi. Mox inde et tussitatio molesta componi, et sputorum reiectio plurimum et magno cum levamine imminui.

Peripneumoniis nothis levioribus eccoproticorum continuatus usus profuit, gravioribus multum impar.

Peracta vomitione, quam subinde iterare post aliquot dies oportebat, taraxaci decoctum, et aut pau-

paucum salem medium, aut refractas portiones tartari emetici propinavi; donec, praeter corporis lassitudinem, cuncta ex legibus sanitatis procederent. Decocto radice cichorei, lichenisque islandici confirmatos dimisi.

Abi quoque morbi fuerunt hac tempestate peripneumoniae nothae comites; asthmata nempe, et catarrhi, et abortus crebri, et haemorrhagiae uterinae, quae vel abortientibus acciderunt, vel tempore menstruae purgationis.

Morbi epidemici principis quidam quasi satellites.

Morbos hosce, utut dissimili facie in publicum prodeuntes, eadem de stirpe satos eodem quoque pabulo enutriti, eadem ubique therapeutica methodus, et eodem cum eventu adhibita, demonstravit.

Qua ratione eadem morbifica materies in his catarrhum, in illis vero abortum fecerit, aut profusum catameniorum profluvium, ignoro. Id assero, me ad speciem diversissimos morbos febriles, sed eadem prognatos tempestate, et absque alia omnium horarum accedente evidenti causa, eadem methodo tuto sanasse, hancque ab anni constitutione desumptam medendi rationem prae omni alia vidisse meliorem, compendiosamque magis.

Cognitio morbi epidemici est dux, et acus nautica in affluendis innumeris aliis affectionibus morbos corregnantibus.

Certe se ipsum, et artem, et Aegros ludit, qui febrilium morborum curationes aggreditur, non manu identidem quali ductus hac fida itineris duce; temporis nempe pervertigata conditione.

Hac temporum scientia destitutum mille formae eiusdem causae πανδημου, milleve lusus ludificabunt.

Nemo nec exercitui aegrotanti, nec numerosae in nosocomiis urbanae plebi consulat, qui hac magistra caruerit, constitutionum notitia.

Versatilem certe, nullive innixam fundamentis id genus medicinam appellabo, inutilemque et nugatoriam, dummodo nihil momentosum, aut heroicum moliatur: quae vero, aequae infirmo insistens talo, sed magnis et valentibus remediis abutitur, inter infamia veneficia reponam, vel ipsa deterrima epidemia magis devastatricem.

Qui naturam epidemiarum peruestigavit, nullaque varietate accidentali distractus causam arripit, oppugnatque pandemon; quot quaeso Mortalium erit Sospitator, et Genius tutelarior?

Peripneumoniae nothae, et catarrho, et asthma, et fluxibus sanguinis eadem, quemadmodum antea exposui, ratione medebar; solventibus nempe, atque emeto-catharsi. Nil certe discriminis intercessit, si phlebotomiam unam, quin et plures excipias, initio peripneumoniae nothae subinde necessarias, atque emesi praemittendas. Catarrhi solus subinde solventibus salinis, plerumque etiam his, et vomitorio serius propinato auscultarunt. Asthmatici eadem, ac Catarrhosi medicina sunt usi, sed emesi frequentiori.

De catarrhis
quaedam sci-
tu necessaria,

De catarrhis, quos antea dixi fuisse hoc mense frequentes, multa ubique querela audita est, eos esse solito rebelliores, atque non raro in febrem converti malignantis naturae, quamque idcirco *catarrhalem malignam* appellarunt. Malignitatem nos nullam experiebamur; quam nempe descripta superius medendi ratio auspicio praeoccupavit.

Multa ab his peccari video in cura catarrhorum, qui, externa solummodo morbi facie, semper ferme eadem, contenti, etsi toto coelo differens aegritudo sub eadem catarrhi larva delitescat, rei viscera non rimantur.

Hinc

Hinc tussim, vesperi maxime, nocturne pulmones ita quatientem, ut, praeter hanc, nullum aliud memorabile symptoma hominis artem ignorantis attentionem in se convertat, catarrhum dicunt, praepremis si assidua faucium irritatio adsit, et acris materiae in easdem depluentis sensus.

Quas viderim sanaverimque diversis temporibus catarrhi species, et quibus notis singulas discriminauerim, paucis exponam.

Neque inutilem prorsus laborem arbitror, si varias huius morbi species exactius notauero, crebras omnes, et eandem prima fronte originem mentientes; quae et ob id ipsum solent confundi, subiicique eidem omnes medicationi, unde aegritudinum chronicarum ilias in artis opprobrium lucrescit.

Catarrhum benignum, ortamque *febrim catarrhalem benignam* coryza, gravedine, raucedine, et ophthalmia serosa stipatam, ea plerumque tempestate frequentem habuimus, qua aër multum incaluit, corporave in sudores dissolvit, aurae ab Arcto acutius spirantis flamine identidem compressos. Illi etiam, qui ab itinere, aut exercitatione quacunque validiori, sudoresque proliciente incallescunt, atque auram frigidiorum improvidi ad corpus denudatum admittunt, vel intra pulmones spirando recipiunt, hoc simplici catarrho plectuntur.

Catarrhus
terrosus, fe-
bris catarrha-
lis benigna.

Perspirabile suppressum, quod illico pulmones petiit, revocabam, atque ad alvum, renes, et vesicam tanquam aptiora colla, determinabam. Tandem quassatis pulmonibus quietem pauxillum opii reduxit, atque cutaneam functionem restituit.

Manna, nitrum, althaea, opium hic requirantur, et fere sola sufficiebant.

Catarrhus inflammatorius

Aliam catarrhi speciem *inflammatoriam* appellavi, eamque pleuritidis, aut peripneumoniae rudimentum, et quoddam alterutrius initium arbitrabar.

Catarrhi hi *inflammatorii* epidemiam verarum thoracis inflammationum praecedunt, et antequam hae ingruant, quibusdam quasi velitationibus imminenti populari stragi praeludunt. Sed etiam tum, cum epidemiae vis iam elanguescit, catarrhus adhuc aliquamdiu viget, atque omnium ultimo receptui canit. In ipsa *ακμῇ* constitutionis pleuriticae quidam aut sanissimi degunt, aut non nisi catarrho vellicantur; ii videlicet, quos minus idoneos offendit popularis labes.

His aequae ac ipsis Pleuriticis methodus antiphlogistica opitulatur.

Febris catarrhalis malignae nomen crebro auditur, sed non ubique eandem omnino aegritudinem deprehendo, quam ita compellant.

Catarrhus peripneumoniae nothae comes.

Peripneumoniae nothae superius descriptae praecursor plerumque aut comes, aut pedisequus catarrhus est, quem *malignitatis* criminantur, quod benigni catarrhi curationem, mannam, nitrum, emollientia, et anodyna vespertina omnino respuat, et phlebotomiis, iteratis praecipue, in febrem abeat malignam. At oportuerat catarrhum hunc ab ipsa peripneumonia notha non distinxisse, cuius is inferior solum gradus est, eandemque utrique medicinam opposuisse.

Catarrhi gastrici, biliosi, putridi, maligni.

Februm biliosarum aestatis, atque autumnicae subinde consuetudo est, ut, aut neglectae, aut calido regimine, aut phlebotomiis multis exasperatae, et sorde biliosa non exantlata, vim impul-

pulmones faciant; has tunc *catarrhales malignas* dicunt, et exanthemata morbum solutura praestolantur.

Febris biliosa subinde thoracem illico invadit, et pleuritidem, aut peripneumoniam in quibusdam prae se fert; in aliis vero mitior febris, minoraque thoracis incommoda sunt, ut Aegri se solo catarrho vexari credant.

Qui curam huiusmodi catarrhorum suscipit, turpissime labitur, ni eorundem originem *gastrocam* perspectam habeat, nesciatve, eos esse quaedam conamina, aut veluti praeludia peripneumoniae, pleuritidisve biliosae; aut febris biliosae mitificatae modificationem solum quandam, ac lufum.

Biliosis id genus catarrhis eadem omnino medicatio fit, quam variis aliis in locis fusius descripsi; *antibiliosa* videlicet, cuius praecipuam partem vomitio constituit arte concitata.

Qui ex febre maligna eluctari, et convalescere incipiunt, non raro in tussim veluti catarrhalem incident, maxime noctes interpellantem; etsi forte ab eadem, et inchoante, et vigente morbo, imunes fuerant.

Catarrhi ex febre maligna Convalescentium.

Hos ex febre maligna Convalescentium catarrhos fere semper observabamus, ubi Aegri morbo iam multum progresso, neglecto, atque abdomine a sordibus non vindicato nobis committebantur.

In aliis vero, tempestivius ad nos delatis, praesertim ab eo tempore, ex quo artis generosa praesidia in averruncanda malignitate, non ex quadam male feriata hypothese, aut coeca systematis imaginarii praedilectione, sed usu multiplici, constanti, atque oculatissimo in dies magis magisque

que mihi innotuerunt, et admirabilem emeticorum facultatem, tum in hisce febribus, cum in quam plurimis alii infirmitatibus uberius didici; vix unquam contigit, hanc tussim observare.

Si ea fuerant, quae morbus ipse primarius postulabat, scite, et diligenter administrata, atque Aeger convalescere inciperet, nocturnam tussim, et auditum plerumque gravem, tempus ipsum et remedia corroborantia, ac stomachica emendarunt.

Neque a portione tepida, emolliente, pectorali ullum hic unquam emolumentum opperiebar, at multum detrimenti.

Ubi tussis ita perstitit, ut aut intenderetur quavis nocte, aut eadem assiduo vi rediret, rem iam non soli tempori, aut methodo roboranti, aut nutriendi committendam existimabam.

Tunc vero novas sordes in imbecillo ventriculo Convalescentis fluitare rebar, sub ultima morbi tempora denuo collectas, et mole maiores, quam quae subigi, atque concoqui possent. Has aut emetico, aut purgante submovi, et, ne nova denuo earundem colluvies fiat, vires coctrices accui.

Catarrhus
post morbil-
los aestate
1777.

Catarrhus aestate praecedentis anni morbillos excepit, vix devincendus, quamdiu eiusdem e ventriculo genesis me fugerat.

Variae species
catarrhi
gastrici.

Alias catarrhi gastrici species, in Pueris praecipue frequentissimas, Voracibus, Pituitosis, Verminosis, male Digerentibus, et Crudis, non referam, utpote in vulgus notas.

Catarrhus,
et coryza ca-
num.

Aestate anni 1777, atque ea, quae eum annum proxime praecedebat, tussis catarrhosa canes enecuit. His et coryza nares tenuit, quae multum virescentis muci profuderunt; oculorum lemae,

mae, et squallor, apostitia, tussis laboriosa, spontaneae vomitiones, et putrilago vomitibus refusa, extrema macies, et tandem veluti quorundam artuum semiparalyfis, ac mors.

Catulum hoc morbo correptum sanavi ingesta tartari emetici solutione, multaue illuvie olidissima reiecta. Verum elapsis aliquot septimanis, cum voracissimum animal carnibus, quas indulgentior Hera eidem obiecerat largiores, denuo ventrem refererat in eandem infirmitatem relapsum, et postquam muliebri consilio oleum amygdalinum, et *axungiam* caninam prae vomitorio ingerere placuerat, convulsus perit.

Grassante epidemico seu Adultorum, seu Infantum catarrho in naturam, atque indolem febris acutae, ea tunc tempestate praedominantis, quanta maxima sedulitate potui, inquisivi. Catarrhi enim, cuiuscumque illi originis sint, plerumque nullos specificae suae indolis certos characteres, sed ambiguos, atque omnibus, et diversissimis catarrhis communes habent, atque aegritudines sunt appellandae *inchoatae* solum, et nondum ita effectae, ut semper ac tuto ab se invicem dignoscantur. At vero imperitans acuta febris, sub qua catarrhalis constitutio militat, luculentioribus plerumque, et minime dubiis notis instructa, morbosicas causas, causarumque sedes, et aptam medendi rationem docet; atque ita suam ipsius indolem prodendo, de natura congeneris catarrhi ambigere non sinit.

Unde catarrhorum diagnosis fuerit repetita.

Id etiam investigare solebam, quamnam in febrim acutam popularis catarrhus abeat, aut suapte nonnunquam, aut sinistra medicatione irritatus. Catarrhos enim *inflammatorios* in veras usque pulmonum inflammationes intendi vidi, biliosos ve-

ro in peripneumonias, pleuritidesque spurias, biliosas.

Perspecta catarrhi, de cuius natura, et mendendi modo mecum ipse disceptabam, in morbum quemdam acutum, mihi antea aliunde cognitum, promptitudine, atque sic agnita utriusque cognitione; et ipsum catarrhum, et eius sanandi rationem assequebar.

Mirabitur fortasse aliquis, quod disquisitioni aegritudinis tam levis, tam ubique et ab omni aevo notissimae scrupulosius immorer, de eaque et minutim, atque anxie differam. At vereor, ne hic ipse frequentior conspectus morbi nobis imponat, ut eiusdem etiam naturam perspexisse falso existimemus, cuius externam solum faciem novimus. Sed et gravem eundem nonnunquam, et graviorum malorum causam catarrhum esse, quis est, qui ignoret? et quis diversissimas catarrhi species impune confundet?

A P R I L I S.

Impetuosus venti, et austrinae, ac tepidissimae pluviae, extremi Martii reliquiae, in primam adhuc huius mensis diem desaevierunt.

Inde aura ante exagitata componi, inertissima fieri, et incalescere multo sole, ac praefocante.

Diem mensis quintam nox intempesta excipit, quae fulgure, crebris tonitribus, ac sonante demum imbre inhorruit. Dies postera denuo pura, tranquilla; malacia eadem, atque aestus idem.

Die nono turbari coelum, solesque nubibus obscurari per vices, calores retundi parumper, pluuere demum duodecimo coepit.

Post

Post frigus; venti, et tristis universum maior. Dies, qui pluvias non funderet, aut minaretur, ad decimum septimum usque nullus fuit. Verum

Hoc die veris amoenitas reversa reliquum mensis beavit, non nisi paucis pluviis, die vigesimo octavo cum fulgure cadentibus, interrupta.

Calor austrinus maior, et pro anni apud nos ratione tempestivior erat, ut idcirco omnia multo maturius, ac illis annis, germinarint.

Die 8. mercurius altissimus 28. poll. 2. l.

Die 28 — infimus 27 poll. $3\frac{1}{2}$ l.

Die 5. calor maximus $+16\frac{1}{2}$ gr.

Die 16. — minimus $+2\frac{1}{2}$ gr.

Calor mentis totius medius $+12\frac{2}{3}$ gr.

Inter feminas haemorrhagiae uterinae crebriores fuerunt, frequentes quoque abortus.

Haemorrhagiae uteri epidemicae; epidemici abortus.

Catameniorum enim fluxus non intra paucos, ut antea solebat, dies continebatur; sed eodem excessit, in plures usque septimanas. Gravidis vero eo ipso tempore: quo menstrua redire, antequam uterum gestarent, consueverunt, inter motus febriles, et pariendi conatus sanguis prorupit, cum foetus tenelli iactura.

Profecerunt quies, et sanguinis detractio, et quae biliosa ructarunt, misso prius sanguine, utiliter vomuerunt, assumpta ipecacuanhae radice.

Itaque id nobis praesidio fuit, adversus intempestivos uterinos fluxus, quod alias eos ipsos solet excitare; aliis nempe et temporibus, et fluxus causis.

Pleuritides complures hic quoque mensis nunciavit, bilioso-inflammatorias. Virorum quidam hoc lateris morbo affecti domi suae neglecto, ut primum nosocomium attigerunt, perierunt suffocati.

Suffocatio ex inflammatione thoracis.

Pul-

Pulmonem alterutrum inflammatissimum habuere; carneum, et sub cultro stridentem, ponderosissimum et tantae molis, ut socius pulmo, utut sanus, suo fungi officio nequiverit, ab alterutrius videlicet pondere et magnitudine compressus.

Funera verno
tempore cre-
briora.

Mortes etiam hoc et praeterito mense plures, quam per hyemem, observabantur.

Bina exempla referam thoracis inflammati, et mortis inde secutae.

Exempla Suffocatorum ex
plauritide, et
peripneumonia.

Vir 55. annorum, strictiori fibra, et fusco corporis colore, atque ad id usque aetatis, ut aiebat, semper sanus, ex Italia decem ante hunc morbum diebus huc venit.

Die 21. Aprilis post validos labores, et liberalius ingestas suillas carnes, fumo et sale duratas, dolore lateris dextri corripitur, a crista ossis ilei, ad mammam usque porrecto. Anorexia plena erat, et os amarum, et caput vertiginosum.

Die 23. dolor lateris, ante acutus et pungens, in obtusum mutatur, orta mox pectoris oppressione ingenti, et anhelosa difficili respiracione, ac tussi sputa mucosa, modicissime flava excutiente; aestuat, siticulosus: noctu *δυσφορεῖ*, et largiter insudat.

Ter quaterve quotidie pauca, foetida, tenuia alvo dimittit.

Die 28. Aprilis ad nos devehitur, citissime, laboriose, stertorose respirans, et sputa extussitans copiosa, ex flavo virentia, tenacia, et foetidissima. Cardia dolet contrectata; extrema perfrixerunt. Pulsus naturali vix celerior, non deiectus; at deiectae vires musculorum.

Solo potu theato se usum fuisse aiebat.

In

In nosocomium susceptus examine morbi vix absoluto, praesentissima mente repente perit .

Pulmo dexter inflammatus, carneam duritiem dissectus exhibuit, et colorem ex flavo aeruginosum .

Exigua pulmonis portio septum transversum respiciens inflammatione carebat .

Pleura valde inflammata, uti etiam diaphragma, atque hoc quidem magis .

Pulmo sinister sanus fuit, sed in angustum ab altero vicino spatium compulsus .

Venae cordis distentissimae .

Ventriculus amplissimus; pylorus quoque perquam amplus et hians; amplissimum duodenum .

Ieiunum et ileum subinflammatum, et lumbricis quam plurimis refertum .

Alter Operarius erat 42. annorum, sanus a multo tempore . Die 19. Aprilis sub vesperam capite doluit, noctu caluit, insudavit . Postridie inter vagas horripilationes incaluit . Dolor pungens invasit utrumque latus, a molli utrinque hypochondrio, ad mammas usque, cum tussi sicca . Die 3., et 4. morbi nihil emendatur . Accedunt leipothymiae, et anacatharsis glutinosa . Die 5. ad nosocomium pedes venit . Secta hac die vena, antiphlogisticis assumtis dolor laterum vix ullus erat, et pulsus ferme Sanorum, quemadmodum etiam calor, qui sub vesperam et noctu plusculum intendebatur .

Die morbi 8. pulsus ceteroquin naturalis intermisit frequenter . Levem pectoris oppressionem querebatur, quam iam inde ab aliquot diebus abfuisse dicebat, utut identidem male respirasset . Dolorum pungentium exiguae reliquiae, et tussis non molesta . Nox implacidissima, merus suffoca-

rionis, tussis, et sputa glutinosa, sanguinolenta: fervor, et sibilus in respirando, cum pulsus varia inaequalitate. Die 29. April. sub vesperam moritur.

Urinae semper erant croceae, et modice fluentes secessus. Febris videbatur esse exigua; pulsus, et calor propemodum naturales. Verum respiratio erat decurtata, abrupta, ac celerata, et facies collapsa. Sermo frequenter intercessus, ob spiritus creberrime captandi necessitatem, primas morbi dies rectus, atque obambulans, et inter consuetos labores exegit.

Sectus thorax ostendit pulmonem dextrum enormis magnitudinis, inflammatum totum quantum, durumque: Dissectus exhibuit substantiam ex albedo virescentem.

Pulmo sinister bonus, sed uterque vetustis atque arctis vinculis ad pleuram religabatur. Pleura omnino sanissima. In pericardio aquae flavescantis unciae quatuor.

Intestinum jejunum et ileum valde inflammatum. Vesiculam felleam multa et tenax bilis maximopere distendebat.

Pulsus et calorem, propemodum naturales; in peripneumonia laethali non raro observabamus, et mortis certae signum in Peripneumonicis, *strepitum in thorace inter decumbendum, et velle erectum sedere.*

Exitus varii
inflammationum
thoracis;
scilicet:

Quosnam eventus inflammati thoracis crebriores observarim, hoc loco in illius gratiam referre iuvat, qui historiam morborum thoracis quondam plenior, rem hercle difficilem, consignare voluerit.

Benigne resolutas pleuritides quamplurimas, perpaucas antecatharsi indicatas, paucissimas vero
sup-

suppuratas videre contigit. Verum de his solutarum pleuriticarum, et peripneumoniarum modis, cognitis abunde et pertractatis, nil dicam.

Primum mortes narrabo, et earum diversas in inflammato thorace rationes. Dein vero affectus chronicos eorum, qui ex pleuritide aut peripneumonia (non enim est dispar ratio utriusque morbi) mortem vitarunt.

Non pauci in morbi vigore *suffocati* periierunt prorsus in modum, quo bini illi Aegri, quorum historias paulo ante referebam. Pulmo inflammatus, et impar sanguini transmittendo, atque socium pulmonem sua mole elidens, necem infert. His brevissima spiratio est, thorace ferme immoto, fervens, stridens, cum vano plerumque conatu se erigendi, sedendique, dum identidem in dorsum relabuntur; pulsibus et calore plerumque vix mutatis a sana conditione: mens aliquoties praesens, plerumque subdelirans.

1. Suffocatio a pulmonis inflammato et immovebili effecti mole

Nonnunquam e lecto surgere moliantur, et erecti minorem aut nullum in respirando stertorem edunt, quem et in faucibus, et per gutturis decursum potius, quam intra thoracem observamus. Periculum non repente, sed *pedetentim* increscit.

Quidam ob aliam rationem in inflammatione thoracis suffocantur. His inflammatio repente solvitur, lymphae coagulabili subito atque confertim in cavum pectoris aut in pericardium ex viscere inflammato transudante.

vel vero ex subito lymphae coagulabilis in cavum thoracis confluxu.

Haec prava metastasis phlogisticae lymphae repente nonnunquam in iis est facta, quibus morbus non negligebatur, quive aliquam salutis spem iam conceperunt. Eam autem actu fieri augurabamur, si cui thoracem inflammato, neque pessi-

me habenti, et diligenter curato, ex improvise spiritus difficillime, celerrimeque, atque nonnisi erecto, aut inter sedendum, antrorsum inclinato corpore, trahi coepit, cum pulsum tenuissimorum celeritate, et frigore extremorum, et facie Hippocratica; pereunt haud multo post a spurio hoc empyemate suffocati.

2. Hydrothorax inflammatorum, et eius effectus.

Servari forte tales possent, thoracis paracentesi mox instituta, et lymphæ, priusquam in coagulum abiret, educta.

Alios hydrothorax, aut collectum in pericardio serum enecuit, utut inflammatio thoracis fuerit sanata. Frequens enim observatio docuit, pulmone inflammato, intra cavum thoracis aut pericardium serum colligi; cuius exiguae portiones a sanato fortasse pulmone, aliarumque ambientium partium resorbentibus vasis excipientur, in communem denuo humorum massam reducendae. At vero maior eiusdem seri collectio hydrothoracem efficiet, aut subito suffocantem, aut diuturnum.

Inferius occurrit exemplum, hydrothoracis cum peripneumonia coniuncti, ubi aquae strangulantes perforato thorace emittebantur.

3. Pulmonum vincula, cohaesiones, et quae inde consequuntur

Aegritudines quoque diuturnae inflammationem pectoris sequuntur: variae, et incurabiles pleuraeque.

Non raro pulmo religatur ad pleuram. Id genus cohaesiones, laxiores, et strictiores, quam plurimas in cadaverum sectione deprehendi, quin Aegri laesam, dum viverent, respirationem incuassent.

Quidam tamen hos nexus pulmonum cum partibus vicinis aegrius tulisse videbantur; fortasse recentes, et quibus nondum essent assueti.

Frequentius pulmo reperitur, quasi sacco coria-

siaceo, crasso, atque e variis quasi membranis, sibi invicem superstratis confecto, circumdatus, atque in angustum subinde spatium conclusus. Saccus hic hinc pleurae, illinc ipsi pulmone necebat, ut ab utroque difficulter solveretur. Pollicis crassitiem subinde habuit, atque etiam hac maiorem. Substantia tenax, coriacea, subinde ferme cartilaginea, fuit, et aliquoties pro pleura incrassata imposuit.

Vasa sanguifera ex vicino vel pulmone, vel pleura in ipsam sacci substantiam porrigi videbantur. Natum hoc corium arbitrabamur ex lymphâ coagulabili, exposita ante ratione transudante, sed cuius minor quantitas fuerat, quam quae Aegrum potuisset suffocare.

Membranae sibi invicem impositae non unius erant tenacitatis, sed intimae firmiores, extimae minus firmæ, et quae ex nupero morbo nascebantur, adhuc gelatinosae: poteras ex numero stratorum ferme de numero pleuritidum praegressarum concludere.

Membranaceus hic saccus pulmonis explanationi non potuit non insigniter obstare, praecipue si liberalius inspiraretur. Hinc angustiae et coarctationis in alterutro thorace sensus, cum aliquo, sed obtusiori lateris totius dolore; si quando motus humorum incitaretur, exercitatione corporis maiori, vel febre. Hinc omnis febrilis morbus in homine sic praedisposito ab illius lateris dolore oritur. Hinc illa quoque in pleuritidem eiusdem lateris proclivitas maior identidem, maiorque, ob pulmonem ibi loci minus pervium, et explicabilem minus.

His antiphlogisticam vivendi rationem consulebamus etiam Sanis, ut ita morbi insidias vitent,

tam frequenter et inopinato incurfantis : praesentis vero initia venae sectione repressimus .

Hydrothoracem inflammationum thoracicarum commilitonem supra commemoravi , enecantem subinde , plerumque tamen sanata inflammatione pedetentim evanescentem . Is nihilominus diutissime visus est persistere , et consuetis aquarum intra thoracem collectarum signis prodi .

4. Pulmones granulosi post inflammationem , et induratum asthma .

Quam plurimos pulmones dissecabam , *granulosos* . Granula minuta , miliformia , alba , laridi , aut mollioris cartilaginis firmitatem habentia , subinde cavata , et modicissimum laticem aquosum continentia , per omnem pulmonum substantiam largiter diffeminata , et propemodum contigua reperiiebantur . Pulmo ponderosior erat , difficulter secandus , et stridens sub cultro . Inter omnia pulmonum vitia hoc omnium frequentissimum offende-
batur ; pleuritidis , peripneumoniaeque olim male iudicatae indicium .

Granulorum genesis hanc animo concepi ; lympham nempe coagulabilem non , uti antea dicebam subinde fieri , in cavum thoracis confertim exsudasse , sed e vasis quidem egressam , divisam vero per omnem pulmonum substantiam fuisse , ut innumerae fuerint , minutulaeque coagulabilis liquoris collectiones ; quae dein singulae in corpusculum solidum , grano milii non absimile , eadem ratione coierint , qua coagulari illa copiosior lymphæ solet , in cavo thoracis collecta .

Tussiculosi , astmatici , pronissimique in novas inflammationes erant , neque ullum , nisi ab antiphlogistica methodo , levamen experiebantur , qui pulmones ita affectos habuerunt .

M A I U S.

Initium Maii incaluit calore peramoeno, et paucis subinde pluviolis, deinde et ventis temperato.

Diei decimae octavae praefocantem aestum nocturnus imber exstinxit. Denuo siccum, serenum, calore non intenso.

Diem vigesimam tertiam perplutam madidissima nox et frigus multum excepit; inde coelum inconstans vento et pluviis frigidiusculis inhorruit, donec ultimus mensis dies amoenissimo verno sole recrearetur, aura mane duntaxat et vesperti frigescente.

Die 20. altissima mercurii statio 28. poll.
2. 1.

Die 1. infima 27. poll. $4\frac{1}{4}$ l.

Die 18. calor maximus $+ 21\frac{1}{2}$ gr.

Diebus 2. 8. 23. 24. 29. 30. minimus $+ 9$.
gr.

Calor mensis totius medius $+ 15\frac{1}{2}$ gr.

Etiam hoc mense abortus contigerunt, et catamenia profusiora, multo tamen rarius, quam septimanis praegressis,

Plurimae fluxiones sub mensis prioris exitum, et huius initium, ad fauces, lumbos, acetabula, femoraque, non difficiles, cum levi subinde inflammatione, plerumque autem originis gastricae, fuerunt. Crebra de-
fluxio.

Scarlatinae aliquot inflammatorio-gastricae, et Aliquot scar-
latinae, pleu-
ritides, rara
paucae pleuritides inflammatorio biliosae, verum catarrhi multi: Multis difficiles sanatu, non vero nobis.

Toto hoc mense plurimae febres tertianae et intermittentes plurimae
C 4 occur-

occurrerant, quarum initia referri debebant ad medium mensis praegressi.

I U N I U S.

Dies primi aestuosi, et pigerrimum coelum, atque nonnisi a tepidissimo austri flatu per intervalla tenuiter perstrictum. Carebaria. Atonia.

Die 5. a meridie pluvia conferta, austrina, calidissima, pulverum ab aridissima terra evolantium nubem, quae urbi atque agro ambienti incubuit, decussit.

Denuo siccitas, ananemia, et assidui soles ad decimam septimam usque; si diem undecimam et duodecimam exceperis, utramque delitescente per vices Phaebo frigidiusculam. Decima tonitrua.

Reliquum mensem rebus in contraria versis quotidiana propemodum pluvia, et aurae asperioris inclementia multum offendit.

Ultimum biduum serenum: venti: tonitrua.

Die 9. barometron altissimum 28. poll. $1\frac{1}{2}$ l.

Die 16. et 30. maxime depressum 27. poll.

$3\frac{1}{2}$ l.

Die 8. calor maximus + 22. gr.

Die 17. et 21. minimus + 9. gr.

Calor medius + $17\frac{3}{10}$ gr.

Scarlatinae plures, nobis non malignae.

Paucae quaedam biliosae, aut simplices, aut cum exanthemate erysipelatoso, petechiali, vel vero cum artuum rheumatismo.

Intermittentium numerus, pertinacia, et accessiones auctae

Intermittentes hoc mense plures, et paulo pertinaciores erant, quae tamen americano febrium domitore non egebant.

Sub finem mensis febres tertianae hucusque simplices, abierunt in duplicatas; solis tamen solven-

ventibus, atque emesi confectas, absque Herculis americani clava.

Morbi in universum non multi fuerunt, et aliis, aliarum aestatum morbis non dissimiles.

Intra solas plerumque diatheses morbosas consistebant.

Synochi putres rarissimae, sporadicae, et decursus tardioris. Unica solum cholera comparuit, atque unica dysenteria.

I U L I U S.

Terra pluviis biduo irrigata urgeri, dein calore aestivo, coepit.

Die 12. Sol occultari, dein modice plueri, atque aura refrigerari.

Inde et ventorum quies, et aestus insurgens in dies augescebat; incumbente passim inertis languore, quem aurae meridanae lenissimum flamen vix recreabat.

Die 18. largus imber malaciam discussit, caloribus aliquantum repressis.

Ultimum biduum, cum pridie coelum tonitruans pluvias dedisset, moderatius urebat.

Die 6. et 13. maximus mercurius ascensus 28. poll. 1. l.

Die 20. maxima depressio 27. poll. $8\frac{1}{2}$ l.

Die 25. 26. 28. calor maximus + 27. gr.

Die 12. minimus + $13\frac{1}{2}$ gr.

Calor medius + $21\frac{1}{10}$ gr.

Quaedam febres *uricatae remittentes* comparabant, quae paucas post dies *intermiserunt*. Febres remittentes,

Plures etiam hoc mense intermittentes habuimus tertianas. Harum aliquae accessionis loco vomitum habuerunt, tertia quovis die reverentem; et intermittentes cum vomitu, item cum cephalalgia periodica.

aliae

aliae vero sub gravissimo occipitis dolore omnino triduo redeunte delitescabant.

Curabantur pleraeque solis solventibus, et dein emesi. Paucae, hac methodo cicuratae, tandem cortice peruviano indiguerunt.

Non multae scarlatinae, nostris Aegris non periculosae.

Morbilli irregulares.

Morbilli passim, frequenter anomali, ob febrem aestatis complicatam; non laethiferi, sed aptae curationis patientes.

Dysenteriae praeludia, et cholerae quaedam, aliorum aestatis morborum medicatrices.

Dysenteriae hinc inde; et hucusque leves.

Perrarae cholerae, sanatu facillimae, cum se ipsae ferme sanarint. Cholerae plerorumque morborum aestatis graviorum antidoton salutabamus, et *emeto-catharticum medicatricis naturae*.

Post mensis initium aliquot simplices biliosae *semiacutae* viscebantur.

Colica saturnina frequens hoc mense, plerumque evacuante pharmaco indiguit.

Colicas saturninas plures hoc tempore curabamus, commixtas cum populari aestatis vicio. Hinc rarius opio indigebamus, frequentius emesi, aut purgatione, frequentissime vero utroque hoc praesidio opus fuit, evacuatione praemissa, et narcotico subiuncto.

Numerus universim hoc mense Aegrotantium non valde magnus.

AUGUSTUS.

Primum mensis diem, pluvium, frigidumque, plures sunt secuti nubibus obscurati, et aspero vento, et frigidiora inamoeni ad 6. usque.

Inde sole puro torreretur tellus, indies magis siticulosa, ex vix subinde pluviolis meridianis levissime conspersa. Ananemia; malacia: carebaria

a calidissimo et effoeminante Austro, subinde, tenuiterque flante. Siccus ubique squallor.

A decima sexta contrahi coelum, et ventis primo temperari, dein etiam asperari, persistente siccitate.

A vigesima prima meridies plurimum iterum incaluit; horis matutinis et vespertinis acute frigidis.

Tellus fissa ubique rimas egit, exarescens ob longam penuriam aquarum, donec ultimum quatrimum, nubibus et vento matutino frigidior contristatum, pluviae clauderent et madens nebula.

Hoc mense magnae, et subitae factae sunt mutationes aestus enormis, siccissimique, in frigus primo siccum, deinde pluviosum.

Die 18. 19. altissima statio 28. poll. $3\frac{1}{2}$ l.

Die 31. infima 27. poll. 8. l.

Die 14. 15. calor maximus + 26. gr.

Die 29. — minimus + 10. gr.

Calor medius + $19\frac{1}{2}$ gr.

Ordiente hoc mense cholerae et dysenteriae paulo plures, quam elapsis septimanis sunt visae, universim tamen non multae; crebriores vero utriusque morbi conatus.

At post initium Augusti dysenteria increbescere coepit, et mense vergente non pauci ex hoc morbo perniciose habuerunt; per eandem tempestatem tormina sicca grassata sunt, cum eodem plane vitae discrimine, ac ipsa difficultas intestinorum.

Dysenteriae huius anni naturam inferius descriptam dabo.

Febres per hoc tempus plures, et inflammatorio-putridas curabamus. Pleraeque longiores fuerunt,

Dysenteria
vulgatur.

Febris huius
mendis descriptio.

re, et Aegros alvi fluxu vexabant. Continuitas earum maior, minorque et obscurior remissio. Vomuerunt, qui eâ febre tenebantur, dato emetico mole pauciora, pituitosiora, laboriosius, et cum minori emolumento. Stupidiores iacebant, pulsu, et corporis calore non multum a sanis recedente, et multo minus, quam in febribus mensium praeteritorum, si utramque hanc qualitatem admota manu examinaveras; utut calere se valde, et uri ipsimet Aegri testarentur.

Virium deperditio magna, et linguae arentes, contractae, fuliginosae, lignae, tremulae, et quas porrigere nequiverunt: dentes, gingivae, labia fumoso muco, atque in fila ductili oblinita; dolor, aut tensio, aut pondus abdominis totius.

Urinae aquosae, mucosae, et cum hypostasi multa, atque mucosa. Arida, atque imperspirabilis cutis erat.

Mares multo plures hoc morbo detinebantur, et prae Foeminis eluctabantur laboriosius.

Circa ultimos mensis dies quaedam corporis partes peculiarius affligebantur, pulmo potissimum ut pleuroperipneumonice inceperint aegrotare; deinde glandulae submaxillares, thyroidea, parotis, artus demum superni, et eorum extrema. Vividissimus in hisce plagis non raro dolor fuit et cum tumore, *emolliente* remedio primum delinitus, deinde vero *discutiente* profligatus.

Sub finem mensis etiam Foeminae pari cum Viris numero, et periculo non minori, et eadem prorsus ratione aegrotabant.

Circa medium mensem multae intermittentes exortae sunt, tertianae praeprimis, simplices, et duplicatae: accessionibus omnes plurimum produ-

ctis,

is, encephalo inimicae, apoplecticae, epilepticae, phreniticae .

Solventium , antiphlogisticorum et ipsius phlebotomiae in *his intermittentibus* necessitas erat, si quando, quod saepe evenerat, in *remittentes*, aut etiam in *continuas* inciperent converti, aut Aegros tenerent robustiores. Sed tandem cortex peruvianus subiungi plerumque debuit, et multo frequentius hac tempestate, quam praecedentium quorundam annorum aestatibus.

Minus erat hoc anno ab emesi, acut indicata, levamen observatum.

S E P T E M B E R .

Coelum nubibus, pluviis, ventis frigidis, et nebulis depluentibus triste, vix tandem 13. mensis se reficere, et depurari coepit, perstantibus porro ventis frigore, et nebula tenuiore.

Post 20. octiduo aura purior, et soles valentiores.

Finis initio par.

Dominabatur frigus boreale, ut plerique hoc anno, qui per aestatem ruri degebant, maturius urbem hybernaque petierint.

Die 20. 21. ascensus mercur. maximus 28. poll. $4\frac{1}{2}$ l.

Die 8. 27. minimus 27 poll. $6\frac{1}{2}$ l.

Die 27. calor maximus $+27\frac{1}{2}$ gr.

Die 30. — minimus $+8$. gr.

Calor medius $+14\frac{1}{10}$ l.

Aurora borealis diebus 15. et 21.

Morbi iidem omnino hoc mense conspiciantur, qui circa medium Augustum, eiusque finem;

nem; nisi quod plus habuerint phlogoseos Septembri mense, quam elapsis septimanis.

Aestatis anni
prioris com-
paratio cum
anni huiusce
aestate.

Hoc anno plures et graviores *dysenteriae* ob-
venere; sed anno elapso numerosiores erant *diar-
rhoeae*; ut vix ulla tunc febris fuerit absque fluxu
alvino.

Hoc anno encephalon et saepius, et cum
discrimine maiori in Febrientibus aegrotabat; un-
de febres *soporosae*, *furiosae*, *apoplecticae*, et *cata-
lepticae*. Praeterito autem pulmo frequentius mor-
bi impetum excepit; unde tussis Febricitantium
peripneumonicae passim, et frequens phthisis, sunt
visae.

Hoc anno maior, non in continuis solum,
et remittentibus, sed etiam in intermittentibus
phlebotomiae tolerantia, quin et necessitas fuit,
minor vero emeseos; quae serius institui debuit,
et instituta morbum cicuravit quidem, non pro-
fligavit.

Continuae hoc et praecedente mense non mul-
tae, plures vero *remittentes*, *quotidianae*, *tertianae*:
exacerbatio plerumque ab horrore non incepit,
nec desinit inter sudores. Solus persaepe calor ac-
cessionibus formabat.

Remittentes hae rarius hac aestate in inter-
mittentes convertebantur, et si etiam in has con-
versae fuerant, tamen difficulter curabantur.

Aliarum quoque intermittantium febrium cu-
ratio plus nobis negotii fecit, quam aliis annis,
et rarius absque specifico antifebrili expugnaban-
tur.

Verumtamen, etsi cortice peruviano indige-
rent *intermittentes* pleraeque; nihilominus vel huius
remedio tardius et morosius auscultabant, atque
ita, ut febrim *soporosam* unam eamque *quotidia-
nam*,

nam, itemque aliam *catalepticam tertianam* sanare, utut largissimis dosibus corticis peruviani nequiverim; et Aegri, Foemina una in octavum mensem gravida, alter vero Hortulanus, in paroxysmo perierint.

Quorundam febris *intermittens* propinato cortice peruviano denuo in *remittentem*, et tandem in *continuum* abiit, solventibus, emesi, et infuso — decocto radice arnicæ sanandam.

Remittentium, et intermittentium accessiones alieno et periodico symptomate occultabantur, erantque varia ratione *larvatae, regulares, irregulares, rheumaticae, dysentericae, ophthalmicae, cholericae, soporosae, apoplecticae, phreniticae*, etc.

Caput hoc anno et partes eidem vicinas peculiariter impetitas, supra dicebam. Hinc parotides variae visae sunt, *inflammatariae, erysipelatosae, oedematosae, seu aquosae*, (quae nempe adpressi digiti vestigium retinuerunt), *difficilius resolvendae*, saepius *suppuratae*; profluente multo, tenui, et virescente ichore, qui lintea atro colore, velut atramentum infecit, diutius ibidem relictus. Frequentior quoque fuit hoc anno tumor genarum, glandularum submaxillarium, erysipelas palpebrarum, ophthalmia, hemicrania, dolor faucium, nuchae, gutturis etc.

Hac tempestate capiti adeo inimica, mensibus nempe Augusto et Septembri, duo solummodo operationem cataractae subierunt, et quibus haec operatio mense Iunio atque Iulio auspiciato fuerat instituta, eorum quidam visu illaeso posthac gaudebant; cum alii, etsi belle sanati, mense Augusto et Septembri in longas et difficiles defluxiones inciderent; quidam etiam genae tumore, hemicrania, ophthalmia, et febre corriperentur,

tur, et visum; quo iam diutius integro utebantur, denuo amitterent; iride flavescente, pupilla contracta, cornea nubilosa, et nata cataracta secundaria: ac si febris superveniens praeprimis in oculo figeretur, ex operatione nupera adhucdum debiliore.

Anthraces hac aestate multo rariores erant, quam anno elapso.

Corium sanguinis phlebotomia educti caeruleum, gelatinosum; sub mensis finem vero contractum, tenax, et fimbriatum fuit, cum symptomatibus morborum pleuriticis.

Vergente mense dysenteriae solum hinc inde comparuerunt.

Haec aestas morte multiplici, variolosa praecipue, ita infamis fuit, ut inito calculo decimum quodque funus a variolis esset. Aestate vero prior pauci, iique solum ex morbis longis, atque ex iis, qui omnium horarum sunt, perierunt.

O C T O B E R.

Primo Octobris die sereno, frigidiora vesperti nubes congregari, et pluere inter tonitrua: inde ex continuis nubium, pluviarum, ventorum turbis.

5. sol demum emerfit, qui subsequenter dierum horas meridianas recreavit, discussa pingui nebula matutina.

Dies nona a calentis austri flatu multum intepuit. Parcae et tepidae pluviae per biduum.

A 12. frigus incubuit siccum, acutum, boreale, donec 21. tepidus et gravis auster cum Aquilone vices verteret, et aura maderet, et pluviae subinde stillarent.

27. et 28. transparens nebula cum pruina; et ultimos mensis dies multus et frigidus humor potabat.

Praevaluit hoc mense mador, utut non multum, isque ut plurimum modice frigidus, atque ita, ut humor, siccitas, frigus, calor, diversimode sese exceperint, ac contemperarint; mutationibus non repentinis, neque magnis.

Omnium tamen ratione subducta praevalere visus est mador frigidiusculus.

Die 30. 31. mercurius altissimus 28. poll. 1. lin.

Die 25. eius infima statio 27. poll. 3. lin.

Die 8. calor maximus + 14. gr.

Die 17. 18. 28. minimus $1\frac{1}{2}$ gr.

Calor medius + $9\frac{2}{3}$ gr.

Circa initium et medium mensis febres quartanae multae, una alterave quintana, atque aliquot tertianae nobis oblatae sunt, post exordium Septembris natae.

Quartanae multae, quaedam quintanae.

Item putrido-inflammatoriae inter Foeminas viguere, non plurimae tamen, nec perquam periculosae; rarius praeterea et mitius, caput petebant, quam mense elapso.

Colicae quaedam ex inflammante saburra, et tormina sicca, postquam alvini fluxus vergente Octobri cessarent, plures obvenerunt.

Sub exitum mensis vix ulli morbi acuti, nec graves fuerunt.

Binis his autumnii mensibus frigus principatum tenuit; primo siccum, deinde paulo humidius. Mutationes subitaneas habuimus nullas, paucos Aegros, perpaucae acutas, mortes raras.

Quidquid ferme morborum occurrebat, id

Pars III,

D

po-

potissimum quartana fuit, simplex, duplicata, triplicata.

N O V E M B E R,

Per sex continuas dies siccum et mediocre frigus fuit.

7. confertissimae pluviae. Inde leve frigus, pluviolae rarae, sol et serenitas alternabant usque ad medium Novembrem.

Ab eo tempore nebulae spissae, pingues, et depluentes omnem ferme conspectum coeli eripuerunt.

25. solem denuo reduxit, cum eoque amoenitatem *ευδία*, et aurae teporem persistentem.

Ultima nebulae in pluvias colligebantur.

Die 2. altissimus mercurius 28. poll. 4. l.

Die 12. infimus 27. poll. 5. l.

Die 26. calor maximus + 11. gr.

Die 22. 23. frigus maximus — 1. gr.

Calor medius + 6. gr.

Circa initium mensis aliquot pleuritides curabamus.

Pleuritides
mensis No-
vembris.

Sputa cruenta; dolor initio exiguum lateris plagam, deinde vero diffusus latissimam occupavit. Sputa tenacia, pendula, multa, lineis cruentis distincta, subinde herbacea, porracea, crusta in educto sanguine crassa, tenax, virescens, flava, diffusa, non fimbriata. Os omnibus amarum. Omnibus vomitio adfuit spontanea, biliosa assumentorum: alvi resiccatae: lingua sordida, albida: os quasi spuma soluti agitatique saponis plenum. Febres intensae, et insigniore quotidie accessione notatae; calor digitos tangentium urens, urinae

mox

mox initio morbi hypostasim fursuraceam, lateritiam habuere.

Erant pleuritides verae, inflammatoriae, verum aliqua labe biliosa contaminatae. Phleboto-miae et usus emollientium morbum levarunt, fregerunt. Attramen sero tandem, morbo nempe pro- vecto, et inflammatione fracta, bilioso autem vi- tio insurgente vomitio arte concitata mirifice iu- vit.

Perpaucae harum pleuritidum, hoc modo curatarum, in intermittentes desierunt.

Quibusdam decimo quarto morbi huiusce pleuritici die primum ad nos allatis, et nullo ad id usque remedio usis, sputa prodibant, plurima, pingua, purulenta: febris vix ulla iam, et eva- nescens: amaror oris, et subinde spontanea bilio- sa emesis: noctu molesta tussis, et sudatiunculae nocturnae. Phthiaseos minae.

His parca v. s. profuit, et potus primo e- molliens, nitrosus, subacidus, et tandem emeti- ticum lenius; nisi si forte vomuissent sponte.

Demum aut lichenis islandici aut polygalae, vel vero corticis peruviani, decoctum propinabam. Convaluere non multo post, si vetulam excepe- ris strigosam, excarnem, lotricem, quae sputo- rum purulentorum maximam vim, noctu potissi- mum, unaque vitam, extussitabat.

Quaedam Foeminae hoc mense, aequae χλω- ποτεραι, ex febre continua decubuere surdaltrae, stupidae, immobiles, taciturnae, et veluti iamiam dormiturae; pulsibus et urinis, aut non omnino, aut modicissime, mutatis; genis rubentibus, aut utrisque, aut alterutra, altera virescente, utroque hoc colore instabili; ambitu ovarium virescente; linguis humidis, saepe prae rubris, raro siccis, nun-

Chlorotica-
rum quarum-
dam febris
continua.

quam ligneis. Hae febres nullas habebant accessiones, erantque continuae. Odorem aceti acerrimi omnes spirabant, cum ad nos venirent, nares vel procul adstantium ferientem.

Non poteram advertere, quam ratione, et qua crisi, solverentur.

Sub finem morbi tussis accessit, sicca, nocturna, respiratione illaesa, et indolente.

Convaluere omnes intra 14. et 20. dies.

Haec febris stimulos non tulit, nisi subinde, et serius, et blandos. Nonnunquam avara manu initio paucillum sanguinis detraxi; praecipue ubi eum difficiliter per pulmones tranare adverti. Plerisque una saltem vice radicem ipecacuanhae dedi. Urgentioribus obviam itum est, et febris ita ac temperata, ut se ipsa tandem confecerit. Florum arnicae decoctum plerisque multum opis tulit.

Tres Foeminae febsiculam querebantur vagam, aut vespertinam, oris amarorem, deperditam orexin. Orto repente exanthemate scabioso, levare visae sunt. Vomuerunt biliosa propinato emetico. Febris omnis absterfa est, efflorescentiae exaruerunt.

Medio mense paucae anginae, et rheumata brachiorum.

Sub ultimos Novembris dies pulmones maxime tentabantur tussi multa, gluten excutiente. Hinc febres putridae, continuae; utut perpaucae fuerint hac tempestate; febres quoque remittentes, et intermittentes, ocyus, serius tussim sibi sociam iunxere, diu durantem, etiam in convalescentibus, cum metu phthiseos, sed vano.

Queis pulmo laxior erat, Foeminis, Lotricibus, olim Haemoptoicis, haec tussis praecipue inimica fuit, subinde perniciofa.

Sub

Exanthemata
scabiem refe-
rentia.

Sub haec ultima mensis tempora catarrhi, peripneumoniae nothae, asthmata, phthises pituitosae fuere frequentiores.

His noctes erant invisae, et tussitando peractae.

Rheumatismi complures, vespertini, nocturni, instar rheumatis syphilitici, longi, sanatu difficles. Anginae eiusdem indolis cum rheumatismo.

Venaesectione praemissa, leniora purgantia, et non raro emeticum, praesidio fuere.

Quosdam, irritis et hisce, et aliis quam plurimis remediis, conservae herbarum antiscorbuticarum sanarunt.

Uni alterique febrienti brachium rheumate tentatum pus fecit, copiosum, tenue, virescens. Convaluerunt.

Quidam id genus anacatharsin sunt passi, longam nempe, et tenuem, et virescentem. Phthiseos inchoantis species erat, cui lichen islandicus medebatur.

Morbi tamen universim non plurimi, et non lethales.

Mortes quaedam hominum, iam antea et diu, phthisicorum.

D E C E M B E R.

Primo quatrinduo frigus nebulosum.

5. nives toto die cecidere, quae vix biduum superarunt, colliquefactae tepido madore. Inde vero frigus moderatum siccumque persistit ad 18. usque, quam pluviae et nebulae obscurarunt.

Ab eo tempore frigus mediocre, siccum, serenum, ventosum per totum reliquum mensem.

24. nives, ne quidem ephemeræ, ceciderunt, atque iterum ultimo mensis die.

Die 25. mercur. altiss. 28. poll. 7. l.

Die 30. eius maxima depressio 27. poll. 3. lin.

Die 10. calor maximus + 11. gr.

Die 4. et 25. frigus maxim. — $\frac{1}{2}$ gr.

Calor medius + 5. gr.

Rheuma frequens et pernici-
osum.

Idem morbi, qui sub exitum Novembris passim sunt visi, hunc etiam mentem notarunt; numero pauci, et raro perniciosi; vix ullae febres continuæ hæque phlogisticoteræ; sed rheumata plura, quædam supra modum rebellia, nec nisi mora, et ordine temporum mutato potius, quam arte, sanata; erysipelata quoque plura.

Chloroses.

Chloroticae complures, pituitam acidam, itemque assumpta vomebant. Peius hoc mense habuerunt id genus ægræ.

Febricula, cardialgia; palpitation cordis, et difficilis, si movebantur, spiratio erat.

Dabatur remedium solvens, salinum; deinde ipecacuanha, tandem conservæ trifolii fibrini, et cochleariæ, cum pauxillo rhei, radice gentianæ, floribus salis ammoniaci martialibus hos foedos Virginum colores emendarunt.

Quartanæ.

Quartanarii complures, qui morbum adultæ æstate, aut initio autumnii contraxerunt, primum hoc mense nos accesserunt. Corticem peruvianum aut non ferebant omnino, aut non nisi sero, et remediis multis solventibus præmissis, et emessi celebrata. Tandem dari quibusdam cortex potuit, ita tamen, ut silente paroxysmo defuncti debuerit; ob tumorem præcordiorum, tussis etc., et solventium, aperientium usus resumi.

Qui-

Quibusdam quartana in continuam est versa, cortice propinato.

Praestabat, exhibito electuario ex conserva nasturt. aquat. trifol. fibrin. sale ammon. aut floribus sal. ammon. martialibus et extracto absinthii parato, febrim lente conficere. Consultius fuisset, flores arnicae exhibere, sed quibus contra quartanas hoc anno nondum utebar.

Phthises plurimae, utique non consummatae, ex catarrho aestivo, et autumnali neglecto. Initia phthi-
seos.

Quidam ex longo id genus catarrho Haemoptoici sunt facti. His primo phlebotomia una, quia et altera profuit, et diuturnus solventium, emollientium usus: Nonnullis solummodo, sero tandem, sublata nempe pulmonum phlogosi, et succis autumnis spissioribus attenuatis, dilutisque, lene subinde emeticum, tussim una, et haemoptoën sedavit. Lichene islandico, et polygala contra relapsum praemuniebantur.



EPHEMERIDES

ANNI 1779.

SECTIO II.

IANUARIUS.

Quae die hunc annum ordiente nives delapsae sunt, perstitere, exiguis hinc inde proventibus auctae. Urens gelu, et siccum perpetuo fuit, coelo plerumque sereno. Extrema vero mensis tempora aliquantum erant nebulosa, et nubilosa.

Die 23. merc. altissim. 28. poll. 7. lin.

Die 1. infima eiusdem statio 27. poll. 2. lin.

Die 9. et 24. frig. maximum—10. gr.

Die 1. et 21. calor maximus+3. gr.

Calor medius 2. gr.

Quidam hoc mense ad nos venerunt cum ita radicatis quartanis; cum saepius usus essem conservis nasturtii aquatici, et trifolii fibrini aa. unc. ij. cum pulv. rad. gent. et flor. sal amm. mart. aa. dr. ij., et non pauci curarentur, quidam vero non emendarentur nec a cortice, nec a conservis his; hinc dedi sequentes pilulas: \mathfrak{R} . Sapon. venet. unc. β . Gum. amm. dr. ij. massae pil. Ruff. dr. β . Elix. propriet. q. s., ut fiant pil. gr. ij., ter per diem pil. quatuor sumat. Statui, prae-

praecipue in Foeminis, *Haentiana* methodo uti; quam is scilicet adhibuit in omnibus fere Foeminarum morbis, iis nempe, qui languidiore humorum, eorumque spissiorum, motui debebantur (et quot illarum morbi huic causae non debentur?); fausto haec omine dedit, in perquirendis morborum chronicorum causis mire sagax, et in iis sanandis multo felicior, quam in acutis.

Respirationis vis quanta sit ad vitam, vel mortem, et quam securas iusta illius aestimatio praedictiones suppeditet, hoc mense aliquoties vidi. Respiratio abbreviata, et simul accelerata, ita, ut inspirationes et expirationes pusillae sint, seque cito insequantur, pessima est, licet omnia alia bona esse videantur: quamdiu tam in putridis, malignisque, quam etiam in inflammatoriis thoracis morbis talem respirationem non videro, non despero; at, ea praesente neminem vidi convalescere.

Ea ita brevi, citataque existente, utut bonus, et vix celerior naturali pulsus sit, nil est sperandum.

Si in peripneumonia, aut pleuritide inflammatoria, immo in cuiuscunque visceris inflammatione repente respiratio curta, et celeris evadat, (quo tempore pulsus multum solet emendari, minus celer, et debite mollis fieri), mors ostia pulsat.

In cadaveribus horum reperitur inflammatio ex magna parte soluta; sero nempe *copiose*, et subito in cavum quoddam, aut thoracis, aut pericardii, aut abdominis, transundante. Subita talis mutatio in pleuritide est illa funesta pleuriticidis in peripneumoniam metamorphosis: inde mors suffocans.

Vidi

Vidi Puellam rusticam in febre maligna pulsu *evanescente* per duos fere dies iacentem, ac placide respirantem: vesicantibus et *magnis* dosibus camphorae, sanabatur.

Iuvenis Scriniarius Nro. 12. decumbens, per tres dies frigus marmoreum omnium artuum habuit; faciem collapsam, vere Hippocraticam; nihil pulsantis arteriae, nisi *subinde* et *tenuissime* micantis, et mox evanescentis, et languidissimos motus cordis: surrexit subinde ad alvum ponendam, subinde tamen non: *placide* et *Sanorum instar* respirabat, lingua aridissima exigua rotundum ligni frustillum referebat, adeo erat contracta, et rigens; auditus gravissimus: tamen, utut tarde, vinosis, vesicantibus, camphora angelica, *sensim* vis, et sanitas rediit. Neminem vidi morti tam propinquum, qui iterum convaluerit.

Pleuritides
rheumatico-
rum inflam-
matoriae.

Circa medium Ianuarium complures venerunt pleuritici; pleuritis non saevissima, *rheumatico-inflammatoria*. Dolor latam thoracis plagam occupabat; saepe iungebatur doloribus artuum, illorum praecipue, seu inferiorum, seu superiorum, qui lateri dolenti respondebant: Sputa rarissime cruentata. Morbus solutu non difficilis: emollientia; venae sectio.

Fallax pul-
sum debili-
tas in pleu-
ritide.

Observavi debilissimos subinde pulsus in *haec pleuritide*, qui *detracto sanguine* fortiores evadebant; prout scilicet dolor mitigabatur. Metuebam in paucis quibosdam Foeminis, laxioribus, et fere chloroticis, frequentius, ac copiosius menstruantibus, cum dolore *tali* pleuritico corripere, et pulsus exhiberent mollissimos, debilissimos, secare venam; hinc primo timide, et parcissime sanguinem detraxi, visurus, quomodo ferant; mox, audacior factus, plus detraxi, pulsu inde validiore effecto, et secuto mox levamine.

Iudicabantur hae pleuritides omnibus viis; sudoribus, urinis, alvoque; rarius sputis; sudoribus vero omnium creberrime, sed spontaneis, et serius obortis.

Id etiam mihi praeter morem aliis annis consuetum accidere videbatur, quo *Foeminae* prae Viris hac specie pleuritidis laborarint. Complures certe habui, easque debiliores, delicatiores; evacuationibus sanguineis, profusis nempe menstruis, et ante tempus legitimum recurrentibus, exhaustas; quas haec pleuritis praeprimis corripuit. Venaesectionibus, emollientibus etc. curabantur: sanguinem habuerunt pleuriticum.

Pleuritis inter Foeminas crebrior.

Nempe virile robur, aut viraginum conditio inflammanti aëris hyberni stimulo hucusque resistere videbatur; cui delicatior, et irritabilis magis foeminarum fibra male obsecundabat.

Linguam habuere mucosam, quaedam etiam arentem, et saporem assumtorum pravum; sed arida humectabatur potu emolliente, qui etiam enervando, si quid simul putridi subsuerat, diluendoque, gustum restituit.

Plerique hac tempestate inflammati, in principio morbi, subinde etiam in eiusdem progressu, biliosa, pituitosaque cum levamine vomuerunt, sed sponte.

Pleuritici rarissime anacatharsin cruentam patiebantur; sed quatiebantur tussi sicca creberrima, qua tandem aliquid muci excutiebatur.

Decubuerunt in latus sanum paulo facilius, nequaquam autem in latus affectum.

Pulsus in carpo lateris affecti multo minor, debilior, et contractior semper observabatur, et dolor non diu, nec pertinaciter uni plagae infixus, si quid remedii adhiberetur; sed superiora pe-

tens, aut ad artus extremos, unde saepe initie venerat, sese recipiens.

Crustam emissi sanguinis plerumque modice luridam, et discolorum vidimus, flavam, virentem, cineream, liventem, aut variegatam. Plerumque etiam non contrahebatur, sed mansit, diffusa, at tenacissima.

Levabantur dolores laterum admoto fotu, aut etiam vesicante, phlebotomia praemissa.

Quibusdam dolorem ex fotu emolliente ita evocari ad externum thoracem vidi, ut aeger attractum non ferret.

Aliis, quibus dolor aut fotu, aut vesicante, discutiebatur apte et cito, febris tamen ipsa mansit per plures dies; donec alvo, urinis, sudoribus motis sensim aegritudo satisceret.

Hae tamen excretiones urgeri neutiquam debebant, sed sua sponte incipientes adjuvari.

Quibusdam vero, quibus generosior cura antiphlogistica facta est; praecipue sanguine liberalius educto; morbus in putridorum castra transiit.

Quidquid erat morborum febrilium, hanc fere pleuritis curationem poscebat; nitrosis, emollientibus largiter haustis, et sanguinis moderatis missionibus, peragendam; et si etiam longius, et pertinacius malum videbatur, non licebat impetuosius agere, nec esse praecipitem. Continuo sibi inclamare Medicus debebat: *σπενδε βραδως*.

Haec observatio in cura phthisicorum magni momenti est; cum oporteat paullo aliter Phthisicis mederi hyeme, sicca, praecipue, et boreali, quam aestate atque autumno.

Quibusdam enim, quibus per aestatem atque autumnum cortex peruvianus, lichen, et polygalae

lae radix multum levaminis tulit, morbus repente recrudescere cum febre coepit, et dolore pleuritico. Plerique mortui sunt, atque a morte pulmonum abscessus, maiores, minores, apertos, conclusos, reperimus; sed abscissibus interiacentem substantiam, carni durae simillimam, direque inflammata. Aliis, qui in principio phthiseos adhuc versabantur, et quibus initio prodesse lichen, polygala, cortex peruvianus, deinde vero nocere visa sunt; superveniens, inflammatio mature depulsa est, fuerantque praesenti periculo erepti, ut longae iterum aegritudini committerentur. His sanguinem, sed moderate, detraxi, et emolliente potu, ex althaea parato, tussim asperam, et dolores laterum delinivi. Subinde huic potui aliquid gummi arabici admiscebatur; unde multum visi sunt allevari.

Ei frequenter
inflammatio
iungebatur.

Goriaceus ubique sanguis erat, etsi corio tam in his, quam in omnibus aliis hac tempestate inflammatis, discolori, plumbeoque, flavo, virente; crasso tamen subinde et contracto, ac simbrinato, cruoreque pariter tenaci.

Hoc mense odontalgiae frequentes fuerunt, quae primo continuae erant, dein remiserunt, ita, ut interdum vix et micissime, atque per vices affligerent, noctu vero crudelissime Aegros excruciant, donec sub auroram denuo mitescerent: nil profuit, nisi, praemisso solvente salinoque remedio, cortex peruvianus; qui minori dosi et citius has odontalgias compressit, quam alias solet intermittentes comprimere.

Odontalgiae
periodicae,
item alia rheu-
mata periodi-
ca cortice
sanata.

Artuum etiam dolores nocturno vidi hoc mense, nonnisi cortice peruviano sanandos, quem salibus, stibio diaphoretico non abluto praemissis (haec subinde sola curando huic morbo succedant)

cerant) serius exhibuimus , doli non magna , nec diu ; absque tamen relapsu .

Dolores venerei nonnunquam interdum graviores sunt , noctu mitiores , etsi plerumque contrarium obtineat .

Puella dolorem colicum habuit levi febricula , horrore , maxime vero calore , et tandem sudore stipatum , qui quotidie ab ora 3. pomeridiana ad sextam duravit , ad omnia rebellis ; febrim larvatam existimans , corticem frustra largiter diuque dedi : tandem , cum tumorem labi dextri pudendorum noctu dolentissimum aegra monstraret , mercurium sublimatum dedi : non multo post convaleuit .

Vidi etiam alios dolores venereos *constanter diuturnos* , et noctu penitus silentes .

Didici , quantopere etiam in chronicis morbis , (iis quoque , qui omnium temporum appellantur , atque etiam sunt) , oporteat ad anni constitutionem respicere , atque inde velut ab oraculo doceri , quidnam agere in re dubia expediat .

Pleuritides numero plures sub ultima mensis tempora offerebantur , atque etiam magis inflammatoriae ; nullam tamen laethalem vidi , sed omnes emolliente ac tepido , assiduoque potu ac nitroso , cataplasmate item ad latus dolens adplicato , et sanguinis missione una , binis , tribus , feliciter atque benigne resolutas .

Dysenteriam unam sanavi emolliente solum potu , mucilaginoso , ac tepido foru abdominis , et phlebotomia .

Febres inflammatoriae huius mensis

Febres putridae hac tempestate fuerunt paucae , etsi complures inflammatoriae , eae praecipuae , quae nullam , aut levem solum , topicam inflammationem sibi sociatam habuerunt , *putredinem* mentirentur . Quippe et sapor aderat , et linguae conditio , dentium sordes , nausea , vomitu-
ritio-

ritiones, vomitus, et alvini fluxus spontanei, et urinae, prout haec in febribus putridis solent apparere. Nihilominus inflammatio suberat universalis, et phlogisticus lentor, venae sectione, emolliente, nitrosoque potu solvendus.

Qui *has febres hac methodo feliciter sanaverat, putridas febres* antiphlogistica solum methodo sanasse arbitrabatur, eumque bonam fecisse medicinam existimabam, sed male fuisse ratiocinatum, morbumque alieno nomine salutasse.

Saepeius putridas mentiebantur.

Sanaverat enim *inflammatorias febres non putridas*; attamen quodam putredinis furore contaminatas, quem potulenta antiphlogistica et alvus pronior absque negotio deterferant,

Id ita esse, aliunde etiam docebar; quippe haec febris non robustissimos invasit, neque paucratice valentes, in quos phlogosis alias facilius cadit, sed debiliores, et foeminas prae Viris.

Largiores, quam oportuerat, venae sectiones, et curam antiphlogisticam morbo ipso maiorem impune non tulerunt. Fiebat enim hac ratione inflammatoriae febris in veram putridam conversio.

Hanc febrem *salutarem* indicabam, atque naturae instrumentum, quo illa praedominantem aestatis, atque autumnii humorem, mutata nunc temporum conditione aequè inmutat, atque invertit. Sed exorbitantes motus medicatricis licet febris ad iustam oportuit mediocritatem reducere.

Quare ?

Fuere, qui *has febres fictitiae* putridas, *reipsa* inflammatorias antiseptica, et stimulante methodo aggressi sunt, vomitoriis, cortice peruviano, vesificantibus, camphora, moscho etc. earumque malignitatem multo maiorem, quam {qualem aestare viderant, incusabant. Eorum aegri moriebantur.

et quo eventum ?

Erratum in diagnosi est in perniciem aegrorum, tantum interest in morborum cognitione externa specie non decipi, sed ipsa rerum viscera rimari, et nosse

FEBRUARIUS.

Primis diebus aura molliori coepit, et nebulis pinguioribus humestari, atque acris hyems dissolvi, ut nivibus deliquium instaret, quae die mensis quinto cadente austrina pluvia penitus contabuerunt.

A die octavo vernus tepor, et amoenitas multa ad finem usque obtinuit, ita ut post medium mensem vividiora hinc inde germinationis molimina comparerent.

Diebus 17. 18. 27. 28. mercur. altiss. 28. poll. 6. l.

Die 7. infimus locus 27. poll. 11. l.

Die 1. et 2. frig. maxim. — $3\frac{1}{2}$ gr.

Diebus 25. et 28. calor maximus + 10. gr.

Diebus 9. 12. 13. aurora borealis.

Calor medius + $5\frac{2}{7}$ gr.

Defluxiones
populares,

Hoc mense rheumata multa observabantur, ita, ut quotidie magnus aegrorum numerus nosocomium accederet.

variae.

Defluxionum magna varietas, et differentia fuit, ex febre potissimum, et ex parte corporis aegrotante repetenda.

Febris nempe plerumque non magna fuit, interdiu praeprimis, sed vesperi horripilatione praegressa intensior noctuque; donec tandem post dies non multos, nec certo numero definitos, evanesceret sensim.

Ple-

Plerique sordes oris conquesti sunt, mucosas maxime, insipidasque, quidam etiam amaras.

Quidam febrilia symptomata nulla exhibuerunt.

Dolor dilacerans fuit, vesperi auctus et noctu, interdiu silens, aut remissus. Quibusdam genua, et carpi tumuere, tumore dolentissimo, instabili tamen; et intra nycthemeron profugo, ubi alius alibi aut tumor exoriebatur, aut dolor.

Dolores nocturni articulorum, aut partium inter articulos sitarum, subinde diutissime persistabant, etsi febris decursum dudum absolverat.

Mira morbi variatio fuit, si partem spectemus ab rheumate occupatam.

Hinc cephalalgiae vespertinae, occipitis, sin-
cipitis, unius lateris, ophthalmiae, defluxiones ad
dentes, fauces etc.

Fuit, quae nobis committebatur, florentis aetatis foemina, glandulis submaxillaribus tumidis, tumente etiam parotide utraque. Loca dolentia contrectari citra gravem dolorem non potuerunt. Rheuma inter scapulas; febricula. Die morbi 3. cum difficultate deglutit, et obstaculum quaeritur paulo supra sternum, cum labore respirat, ob dolorem ad caput asperae arteriae praeprimis, per omnem quoque eiusdem canalis longitudinem ad usque supremum pectus, eumque pungentem, et intensiorem inter inspirandum; guttur contrectatum gravius doluit.

Nocte diem morbi quartam excipiente difficillima respiratio fit ob punctorium dolorem gutturis totius cum suffocationis discrimine.

Die morbi quinta ad nos venit laboriosissime, et cum dolore dicta ratione respirans, tumentibus glandulis submaxillaribus, et parotidibus. Glocitabat

bat identidem voce, et modo tali, quemadmodum gallus indicus solet ad iram concitatus. Fauces inspectae nihil alieni exhibuerunt, omnium artuum ad extremos usque digitos dolores rheumatici; pullus naturalis, at assidua hucusque horripilatio.

Aegra haec venaesectione una, fotu emolliente faucium, gutturis, parotidam, potu emolliente nitroso, et tepido, demum stibio diaphoretico non abluto brevi convaluit.

Quosdam assidui dolores abdominis cruciabant, postquam artus dolere cessaverant, vel etiam artus una et intestina doluerunt. Colicos hosce cruciatus ab rheumate interanea obsidente natos credidimus.

Dysenteria
yerna.

Quibus venter hoc modo doluit, simul alvus fluxit, hi mucum pendulum, velut ranarum sperma esse solet, vel etiam qualis in calculosorum urinis observatur, in fila ductilis; crebro, et torminose, et cum tenesmo deiecerunt, identidem cacaturientes. Mucum hunc subinde sanguis tingebat. Morbus dysenteriam referebat, sanavi tamen ut rheuma intestinorum phlogisticum, venae sectionibus sanguinem lardaceum exhibentibus, cataplasmate, fotuque abdominis emolliente, et potu tepido, mucilaginoso, mucilagine potissimum gummi arabici.

Dolore omni profligato; subinde collecta et auctior saburra excuti ore potuit tuto, quin et debuit. Diarrhaeam, si qua restitaret ob inductam intestinorum lubricitatem, emendaverunt infusodecoctum radieis arnicae, amara, interpositis subinde paregoricis, et vinum austerum.

Quidam difficulter, et cum ardore mingeabant; malum hoc subito nonnunquam, praegresso partis cuiusdam alterius dolore veluti destilla-

torio,

torio, nunc vero dissipato, accessit, *rheuma vesicae* appellabamus. Potus tepidi emollientes, et cataplasma contumile dolenti pubi et perinaeo admotum profuit.

M A R T I U S.

Ab eadem coeli clementia, quae Februarii partem potiorem commendabat, etiam hic mensis initia sumsit; hanc tamen exacto triduo denuo depulsam lugebamus ab incurstante Borea frigidiorē, atque immiti.

A medio Mense ad diem usque 25. frigus boreale mutari occepit *grata vice veris, et Favoni*, et germinantis naturae conatus praecociores, suspensique parumper ob auram asperiores, denuo edi, donec extremos Martii dies asperaret novum gelu.

Die 5. merc. altissim. 28. poll. 6. l.

Die 15. 18. 19. infim. eius statio 27. poll. 9. lin.

Die 6. frigus maximum — $2\frac{1}{2}$ gr.

Die 26. 28. calor maximus + 13. gr.

Calor medius + $8\frac{2}{3}$ gr.

Initio huius mensis inter viros maxime, at- Peculiaris
species febris
putridae.
tamen numero non magno, febrium putridarum species observabatur, quae more peripneumonico invasit; sanguis crustam gelatinosam, diffusam, cineream habuit. Sanguis parce, licet repetitum, at initio missus profuit, tollendo topicam pulmonum inflammationem; dein vero decocta graminis etc. cum oxymelle, vel oxyssaccharo copiose potum iuvarunt. *Rarius*, et morbo tantummodo *procediore* emesis subinde utilis erat. Non erant

autem *febres saburrales primario putridae*, sed tantum *secundario putridae*, et *subinde*.

Aliena illa, et incognita conditio, quae vocabulo *putredinis* exprimitur, primitus in viis secundis, quacunque demum ratione nata esse videbatur, non autem ex viis primis in secundas primum traducta.

Febris uno tractu pergebat absque violentis symptomatibus, sine exacerbatione, nisi paucula, et nocturna. Somnolentia assidua, lingua mucosa, os raro pravam. Cortex peruvianus, arnica, aromatica, et omnis generis stimulantia debebant exulare. Antiphlogistica profuere: incerta morbi duratio. Nulla manifesta crisis.

Cum die mensis quarta frigus boreale, siccumque et ventosum ingrueret, multi pleuritici facti sunt, dolore validissimo. Venae sectiones complures, crusta ingens, crassa, diffusa non contracta, et quemadmodum in rheumatismo inflammatorio solet observari. Tepidi potus. Cataplasmata emollientia ad latus dolens. Erant verae, et graves inflammationes, nihilominus quibusdam, fero licet, et fracta phlogosi, emeticum profuit; morbo nempe inflammatorio transitum moliente in febrim saburralem.

Quos haemorrhoids subinde vexavit, hi etiam hac tempestate eiusdem molimina conquerebantur, et subinde graviter decubuerunt, tenesmos inter, et colicos dolores, et febrim inflammatoriam: profuit methodus antiphlogistica; venaesectio scilicet, potus apti, et hirudo, demum eccoprotica.

Hoc mense compluribus gravidis abortus instabat mense quarto, aut septimo, dolores partientium, febris. Venaesectio, emulsa nitrosa, quales: uni etiam post haecce remedia, quae dolores

Metus abortiendi populi-
sares.

lores pariendi mitigabant, non profligabant, vomitus sponte primo secutus, et pituitam eliciens, dein etiam arte concitatus, ita profuit, ut omnis abesset, post vomitum, lumborum, et abdominis dolor, pariendique molimina. Alteri, subinde anrea fluentes haemorrhoides passae, et abortum metuenti, hirudo dolores, et nifus pariendi sustulit.

Post medium mensem febris quaedam putrida frequens fuit. Caput omnibus valide aegrotabat, confusum, stupidum. Sensuum tarditas, somnientia peculiaris, et taciturna tandem, noctu praestitum, deliria.

Frequentius febris putrida post medium Martium visa praeter varia alia accidentia.

Saburralia signa multa adfuere; verum pharmaco propinato, sive id vomitum, sive alvum ciceret, nullum, aut perexiguum levamen, idque ipsum non durabile. Post paucos dies lingua exaruit, intensiore, assidua, et comatosa in somnum proclivitate. Os fuliginosum non paucis. Inter dormiendum oculis non raro, et praeter consuetudinem connivebant. Quod si uterque oculus inaequaliter conniveret, aegros magis periclitari iudicabam. Et, neque hoc, nec aliis annis, ullum novi sanatum, cui in acuta febre, licet quaedam comparerent non mala, quin etiam salutaria, alter oculus altero maior fieret.

Incertis morbi diebus nonnunquam exanthemata proruperunt non levantia, sed neque laedentia, petechialia, morbillos exacta referencia magnitudine, formaque, lacte rosea, nisi quod subinde cinerei coloris, subinde modice subflavescentis essent. *Petechiae morbillosae* appellabantur. *Lenticulares* fuere rariores.

saepe petechias habuit morbillosas.

Pulsus pleni, fortes, duri, naturalibus modice tantum celeriores. Durities, et vibratio pul-

suum aliquoties post venae sectiones repetitas augeri visa.

Nares subinde sanguine manabant, sine evidenti levamine.

Sanguis phlebotomo eductus *roseam* plerumque crustam habuit absque sero, et cum insula tenacissima. Quibusdam tamen crusta plumbea fuit, cinerea, obscure et obsolete flava, diffusa, tenax, non fimbriata.

Urinae naturalibus magis flavae, aureae; nunquam autem flammae, aut exquisite inflammatoriae.

Febris haec initio quotidie, et paullulum remisit, at modice exacerbata est praecedente levi horripilatione; tandem nulla aut remissio, aut exacerbatio notabatur: continua tunc fuit.

Varia morbi duratio fuit ad duas, tresve septimanas: crises variae, nullae tamen evidenciores, aut magnae, aut cum tumultu, pleraeque fatiscere sensim videbantur *αχρηστως*.

Omnibus plus, minusque thorax peripneumoniae, aut etiam pleuritice laborabat.

Sanabantur plerique, et plurimi.

Profuerunt antiphlogistica sola; venaesectiones nempe iteratae, et decocta radicis graminis, taraxaci cum nitro, at oxymelle.

Profuit quoque omnibus alvus pronior, et crebro enemate sollicitata.

Magni momenti observatio in curanda hac febre.

Res maximi momenti fuit, aegros lecto eximere, et sedili imponere, ut erecti a somno prohiberentur. Nemo nisi expertus novit, quantopere somnus febrim incendat, vigiliae vero, et coacta a somno abstinencia eandem restinguat, et mentem a delirio praeservet.

Eme-

Emeses non profuerunt, nec purgationes, nisi *subinde, absterfa phlogosi, morbo multum provecto*, et iam non tali, qualis hucusque fuerat, sed *converso* in febrim putridam *saburralem*.

Vesicantia, camphora, serpentaria, contraierva, vinum, etc. quibus aegri ante adventum ad nosocomium utebantur, male cesserunt.

Incisa cadavera latentes alicubi inflammationes exhibuerunt, in thorace potissimum, nonnunquam etiam in abdomine.

Hanc febrim exanthematicam dicebamus *putridam sanguineam*; ut eam distingueremus a *putrida saburrali*, qualem sordes putridae e systemate gastrico in sanguinem attractae solent generare: in nostra vero *putrida sanguinea* vitium in systemate sanguifero *primario* natum videbatur.

Febris putrida sanguinea

Haec putrida sanguinea erat simul etiam *indolis inflammatoriae*.

En petechias *non factitias*, sed *sponte natas*.

Pe tech non factitiae.

En febris quoque *petechialis speciem*, et *quamdam* febrim putridam, quae methodum *calefacientem* aequè averfatur, ac methodum *emetico-catharticam*, sive *antibiliosam*, quaeve unice amat methodum *refrigerantem*, atque *antiphlogisticam*.

Sed qui omnes, aut plerasque saltem, febres putridas, quarum, sub eodem licet vocabulo comprehensarum, differentiae multae sunt, et *essentiales*, antiphlogistica, ac refrigerante methodo sanandas contenderet, aliasque sanandi methodos in aliis putridarum speciebus proscriptas vellet; nae is multis parafrangis aberraret a vero, atque ab omnium saeculorum observatione.

Non est una eademque methodus medendi in omnibus et singulis febribus putridis.

Haec febris *putrido-inflammatoria* hyemes minus boreales, et magis austrinas amare visa est,

itemque vernos menses ; expiratura iam iam constitutione phlogistica hyemis borealis .

Subinde etiam sero autumnio inflammatorios brumae morbos orditur .

A P R I L I S :

Exordium asperum , et gelidum : verum a die quarta incallescere cuncta potentius coeperunt ad diem usque 17. , ubi ventus frigidior hos veris calores quatriddo repressit , coelo nihilominus constanter sereno , et siccitate producta .

Die 21. calor aestivus potius , quam vernus successit , quem die postera tonitrua exceperunt inter aestus intensos .

Die 23. pluviae ceciderunt post diurnam aquarum penuriam desideratissimae , et coelo dudum , sed irrita , devocatae .

Extrema tempora moderatius caluerunt , salutare subinde pluviolas experta .

Die 2. merc. altissima 28. poll. 6. lin.

Die 9. infima statio 27. poll. 8. lin.

Die 15. 16. calor maximus $+19\frac{1}{2}$ gr.

Die 17. 18. calor minimus $+4$ gr.

Calor medius $+14\frac{3}{10}$ gr.

Ab primis huius mensis diebus plurimi pleuroperipneumonici facti sunt , maxime viri , dolor *amplam* plagam occupabat , febris validissima . Sanguis totus phlogisticus ita , ut parum adfuerit rubrae partis . Venae sectiones largae requirebantur , et emollientia cataplasmata ad thoracem .

Quosdam etiam hepatitis aut sola , aut cum pleuroperipneumonia , affecit , quibusdam inflammatio omnem hypochondriorum ambitum occupavit , eumque vel solum , vel una etiam thoracem .

tem. Icterus quibusdam in hac hepatitide accessit; gravissimus tunc morbus erat.

Praeter hos inflammatorios, morbos, febres putridae sanguineae adhuc observabantur complures.

Plerique Peripneumonici aut Pleuritici aliquid habuere saburrealis, et biliosi, diarrhaea hinc utilis fuit, moderata tamen. Emesis rura non fuit, nisi *fero*, febre mitigata, aut penitus cessante; dolore interim aut manente, aut iterum suborto.

Mortes ubique multae.

Faeces plerisque profunde virides.

Circa medium Aprilem quidam petechiis totius corporis obsiti ad nos venerunt, his autem peculiaris saburra erat, scilicet *aeruginosa*, non *tenax*, sed *diluta*, et *perliquida*, copia non magna, odorem spirabat acido austero dulcem, ad instar aceti, cui aliquid litargyrii admistum fuit. Talis erat potissimum anhelitus, talis odor sudoris, vaporisque perspirabilis, talis etiam quam maxime odor erat saburrae vomitu reiectae.

Vomitoria tunc quidem requirebantur non raro, attamen tantum levaminis ac alias in biliosis, non attulerunt, ob adiunctam topicam alicubi, praecipuae thoracis inflammationem. Venae-sectio una, aut etiam plures, fieri debebant, maxime Viris. His etiam *Sola antiphlogistica*, post et ante emesin data, saluti fuerunt, aliis vero, Foeminis maxime, serius od debilitatem, aut fluxum alvi molestum dedi infuso-decoctum radicis arnicae.

Sub exitum Aprilis complures febres habui quotidianas, seu potius tertianas duplicatas post continuam. Hae intermittentes solventibus continuatis non curabantur, sed cortice, et amaris.

M A J U S :

Initia habuit praecalida, et praefocantia.

Die 5. tornitrua, vesperi ventus validissimus asperum frigus induxit ac repentinum. Noctu vento cessante pluviae cadebant.

6., 7. serenitas et calor, 8. pluviae parcae, sed gratae, quas ingens iterum aestus excepit ad usque 20. mensis diem, qua aura modice refrigerari coepit, atque impatientius ferri post tantos praecipue calores, et tantam calorum et frigorum vicissitudinem, siccitate iterum continuat.

Die 23. merc. altiss. - - 28. poll. 4. lin.

Die 3. 4. 13. infima statio 27. poll. 7.½ lin.

Die 11. calor maximus + 23. gr.

Die 5. minimus - - - + 6. gr.

Calor medius - - - - + 16.½ gr.

Initio Maii plures tertianae, quae sub exitum Aprilis orisbantur, occurrebant. Tertianae hae initio simplices fuerunt, dein duplicabantur. Curabantur decocto graminis, taraxaci, cichorei cum sale medio, dein emesi. Profligato hac ratione paroxysmo plerisque dabatur electuarium antifebrile Dispensatorii Viennensis, ut relapsui caveretur.

Anginae
vernae.

Post initium Maii complures, praeter dictas tertianas, obvenerunt anginae tumidissimis consillis, et meatum sese contingendo intercludentibus. Erant inflammatorio-biliofae, venaesectione, ubi phlogisticus sanguis educebatur, debebat institui, at perparum inde levaminis, plurimum vero ab emetico serius paullo exhibito. Deglutitio enim antea abolita statim a vomitu restituebatur, deinde dabantur eccoprotica, item gargarismata cum
sale

sale ammoniaco. Vesicans, ut alias in angina rheumatica, non profuit, nec cataplasma ad totum collum applicatum, nec foci faucium emollientes.

Praeter has tertianas et anginas, observantur etiam pleuritides, et peripneumoniae: eisdem prorsus erant indolis, ac anginae. Primo enim aderat inflammatio, quae venaesectioes, sed non crebras, expetiit, et potus multos, dein vero serius emesin, et eccoprotica. Quod enim apud quosdam Aegros faucibus contigit, id evenerat apud alios pulmonibus. Morbus *idem*, eadem ratione curandus, sede solum dispari. Febris erat ex remittentium tribu.

Circa Medium Maium complures obvenerunt simplices biliosae.

In tertianis, post solventia et emesin, profuerunt flores salis ammoniaci martiales in vehiculo amaricante.

Post medium Maium febres biliosae meraciores, bilis magis flava, copiosior. Ipsius vero febris lusus complures. Raro iam crusta visitur, nihilominus, in viris praecipue, phlebotomiam unam aut alteram emesi praemisimus. Quaedam erant putridae potius.

J U N I U S:

Totus ferme hic mensis frigidior fuit, et inclementior, quam aliis plerumque annis soleat; venti crebri, et rariae, ac parcae pluviae. Dies ultimi sereni, et calidi.

Die 21. 22. 29. 30. merc. altiss.

28. poll. —

Die 12. infima statio - - - 27. poll. 6. lin.

Die

Die 12. calor maximus - - - + 23. gr.

Die 21. - - - - - + 7.½ gr.

Calor medius - - - - - + 16.½ gr.

Post initium huius mensis plures febres rheumaticae occurrebant, adfuit una et bilis, et phlogosis. Nemine opinante et subito, materies rheumatica artus deseruit, et pectus occupavit dyspnoea, orthopnoea, tussi validissima, oppressione, sputis subinde cruentis. Puella quaedam ferme marmoreum frigus repente sensit, post rheuma ex artubus ad pulmones reccurrens. Orthopnoea, sudores frigidi in guttas collecti, pulsus ad carpos nulli. Cor inordinatissime, et celerrime micabat. Vesicantibus, camphora, epispasticis, frictionibus, fotu artuum, vires revocatae. Reliquis, facta depositione ad pectus, et pulsu forti existente, venaesectio, dein vesicans cum potu tepido, auxilio fuit.

Crustae in sanguine iterum frequentissimae. Erysipelata phlegmonodea. Etiam convalescentes experti sunt vim temporis frigidioris; nam passi sunt catarrhos inflammatorios.

Post medium mensem, ubi frigidiusculum tempus fuit, complures rheumatica febre prehendebantur, fuerat haec febris inflammatorio-bilio-sa; tumores genuum, ad dorsum manuum, vagi, dolentissimi. Venaesectio, leniora purgantia, profuerunt.

Cum mensis frigidior, et siccus ut plurimum esset, bilis, quae ultimis diebus Maii aestivos morbos videbatur ordiri, subsidere denuo, reprimique, aut inflammationi coniungi coepit.

JULIUS.

Principium mensis confertissimis imbribus complutum. Inde ad decimam sextam usque assidue mutationes, repentinae, et eodem saepe die iterato evenientes, caloris frigorisque, siccitatis, et pluviarum, coeli sereni, et nubili.

Dies 16. et 17. serenae et calidae. Deinde vero calores magni cum pluviis alternabant; ita, ut ingens, et exlex fuerit aerae nunc aestuantis, nunc imbrosoe, nunc vero ventosae, frigidaeque vicissitudo.

Die 15. merc. altiss. - - - 28. poll. 3. lin.

Die 5. et 7. infimus - - 27. poll. 7. lin.

Die 21. et 31. calor max. + 23. gr.

Die 13. 14. 15. minimus + 11. gr.

Calor medius - - - - - + 17. $\frac{1}{2}$ gr.

Post initium Julii frequentes ubique *dysenteriae*, fuit autem earum natura bilioso-inflammatoria, qualis nempe plerarumque febrium hac tempestate grassantium.

Dysenteriae frequentes, inflammato-
riae, subinflammato-
riae, aliquae vari,
morbi cognati.

Juvenibus, robustisque ob doloris *assiduitatem*, et doloris ad attractum augmentum, venae-sectio, et foris et intus emollientia tepida; deinceps tamen, nec ubique, nec semper, emetico-catharticum, vel solum purgans, vel eccoprocticum.

Non paucas dysenterias sola venae-sectio, fortis abdominis emolliens, et potulenta tepida sustulerunt.

Verumtamen de dysenteria et huius, et aliorum quorundam annorum, inferius ero paullo uberius disserturus.

Febres rheumaticae indolis bilioso-inflammato-
toriae.

Plu-

Plurimae febres erysipelatosae ; erysipelate faciem praeprimis , gingivas , faucesque totas petente , ubi ichorosa e gingivis materies fundebatur .

Febres biliosae simplices complures .

Febres bilioso . putridae cum petechiis *lenticularibus* .

Eaedem hae febres, sed cum petechiis *morbillos* referentibus ; quod genus petechiarum verno , et aestivo tempore huius anni perquam crebro visebatur .

Rariores intermittentes tertianae .

Colicae quaedam inflammatorio - biliosae .

Defluxiones crebrae , variaeque ; ita ut fere quivis morborum , quos hoc mense observatos fuisse narrabam , aliquid habuerit rheumatis , seu destillationis biliosae , inflammatoriae , septicæ , mixtae .

Erant hi morbi fere omnes *cognati* , et eiusdem familiae , *eiusdem materiae* , sed *forma* diversi .

Materies erat *biliosa* , *bilioso . putrida* , sed fere semper cum aliqua *phlogosi* .

Materiam anni tempus generabat , *formam* vero vitae genus et praedispositio ec.

Methodus medendi initio semper fere debebat antiphlogistica esse , aut ob praesentem inflammationem , aut ob eandem saltem adfuturam , ni fuisset venaesectione et antiphlogisticis cautum , Deinde vero insurgente fors vitio bilioso emesis iuvabat : saburras minutiones ipse antiphlogisticus potus , emesi omissa , enervavit .

AUGUSTUS.

Hoc etiam mense tempestas mirifice variabat, pluviis inopinato et crebro cadentibus humidior, praeprimis circa medium mensem. Inde vero constantior erat cum siccitate maiori. Verum paucos post dies denuo humoris, frigoris, caloris et siccitatis mira et illegitima vicissitudo successit.

Vesperis acutum frigus ad finem usque.

Die 28. merc. altiss. - - - 28. poll. 2. $\frac{1}{2}$ lin.

Die 11. infimus - - - - 27. poll. 8. lin.

Die 7. calor maximus + 23. gr.

Die 27. minimus - - - - + 11. gr.

Calor medius - - - - + 18. gr.

Dysenteriae plurimae, saepe difficiles, non raro laethales, in omni sexu, aetate: Senibus atque Infantibus maxime laethales.

Dysenteriae
et rheumatis
multiplicis
dominium.

Febres rheumaticae putridae, erysipelatosae putridae, petechiales putridae, petechiis morbillofis, lenticularibus, medio maxime mense, passim et populariter vagatae sunt.

Post medium mensem, copiosissimis, et perniciosis non raro dysenteriis adhuc durantibus, pleuriticides ortae sunt plurimae, tam rheumaticae quam rheumatico-bilioes; eiusdem generis, ac ipsae dysenteriae, a quibus forma sola differebant.

Toto reliquo mense innumerabilis seges reumatismum ferocium, rebellium, per omne fere corpus divagantium, nunc hanc, nunc illam partem excruciantium, articulos, pulmonem, thoracicos musculos, intestina. Inde dysenteriae adhuc creberrimae, difficiles non paucae ec.

Tussis ferinae, difficiles, subinde sputa puriformia excutientes, et pulmonem ulcerantes, sub-

inflammatoriae , inflammatoriae , peripneumonicae , pleuriticae ; rheumata dolentissima musculorum thoracis tumentium , ubi adplicata emollientia cataplasmata nil effecerunt , aut perparum . Subinde eiusmodi tumor rheumaticus pus coquebat , et in abcessum abiit .

Caute vestitum incedere , cavereque oportuit , ne sudantis corpus frigidiora aura , eaque hoc anni tempore magis inimica septicacque feriretur .

Ultimis mensis diebus dysenteriae aequae grassabantur , et habebant saepius non exiguam abdominis inflammationem ; emissus sanguis fuit instar sanguinis Pleuriticorum . *Plures* subinde venaesectiones , et *cum magno* levamine , feci : dedi copiosos potus tepidos .

Eodem , quo dysenteria regnabat , tempore , non paucae colicae observabantur , item *urinarum difficultates* , alvo interim ordinata . Eadem , qua Dysenterici , methodo , etiam his feliciter medebamur .

Quidam raro , quinque sexiesque solum intra viginti quatuor horas , deiecerunt , attamen dysenterica , cruenta multa , mucosaeque , et torminose .

Mira , et protheiformis morborum variatio fuit , si loca corporis aegrotantia spectaveramus : eadem licet morbifica materiei praesente , et eadem quoque proficua medendi ratione .

Antiphlogisticus apparatus , non ille quidem generosior , et qui sanguinem copiosum , et crebro exantlat , sed qui parcius , quive tepidorum potulentorum diluvio , et locorum dolentium assiduo foru medetur , primas tenebat . Phlogosi vero , qua omnes fere huius aestatis morbos , tanquam fuso illitas vidi , penitus absterfa , aut Aegrotus

convaleuit, fatifcente nempe, atque submersa biliosa illuvie, ubi haec exigue molis erat; aut vero, aegro nondum sanefcente, morbum reddidimus *simpliciorē*, ut, qui antea inflammationem una habuerit, nunc, ea depulfa, fuerit *mere fa-
burralis*, gastrica dein evacuatione fanandus.

Non erant hoc anno promptae illae morborum sanationes, quas annis *biliofioribus*, et phlogosi carentibus videre atque admirari contigit.

Neceffum fuerat non ignorare hanc curationum tarditatem *huic* anno effe imprimis propriam, ne quis forte Aegrotum *valentioribus* remediis fubinciat, quem fub *leniori* curatione debebat tempori commendare.

Morbi violentiam fregiffe, eumque ex *acuto* in *longum* apta medicatione, et mora fanandum commutaffe, non raro lucri fuit. Id maxime in dysenteriarum quarundam graviorum curatione verum effe deprehendi.

S E P T E M B E R.

Primis quinque diebus calores permagnos, dein vero repente exortum frigus atque ventofum experiebamur, et magnam ubique ficcitatē.

Die 12. redire calor coepit, amoenus, neque sudores extorquens, donec die 16. largiffimus imber decideret, quem ventus excepit compluribus diebus impetuosus.

Inde et calor, et frigus alternis vicibus ita redierunt, ut binos dies calidiores exciperent alii duo acutē frigidi.

Die 17. et 18. mercurius altiffimus

28. poll. 2. 1.

Die 5. et 20.	eius infima statio	27. poll. 8. $\frac{1}{2}$ l.
Die 4.	calor maximus	+ 21. gr.
Die 21. —	minimus	+ 8. gr.
Calor medius - - - - -		+ 15. $\frac{2}{3}$ gr.

Dysenteriae durant adhuc, sed inflammatoriae, et subinflammatoriae. Parum, aut nihil, et raro, et serius, levaminis aliquid ab emesi. Profuerunt cataplasmata, potus tepidi, emollientes, emulsa, venaesectiones. Versus finem mensis dysenteriae multo rariores.

Rheumata quam plurima, et varia.

Puellae crus utrumque per vices erysipelatosum fuit. Erysipelata sponte evanuerunt. Post aliquot dies *repente* hydrops articuli in genu dextro, isque magnus, et manifeste fluctuans factus est; dedi eccoprotica salina. Genu adplicui vinum aromaticum cum sale ammoniaco, brevi post convaleuit. Dein vero in lentam nervosam febrim incidit; decocto florum arnicae sanabatur, miliaribus iudicata.

Circa medium Septembrem vidi dolores abdominis *prorsus tales*, quales observabantur in Dysentericis alvo aut ordinata, aut etiam difficiliori. Appellabam hos dolores *dysenteriam siccam*, seu *siccam intestinorum difficultatem*. Cura per emollientia tepida, venaesectiones, cataplasmata, serius emeticum ec.

Circa medium Septembrem febres biliosae, item et putridae, saepe aliquid peripneumonici habuerunt, quod venaesectione una alterave debbat tolli; neque erant meracae biliosae, nec mere putridae, sed *simul* inflammatoriae.

Maior identidem venaesectionum necessitas in quovis morbo; rarus usus emeticorum; leviores pleu-

pleuritides ; peripneumoniae inflammatoriae , subinflammatoriae , putridae , mixtae , rheumaticae .

Post medium Septembrem morbi rheumatici , iique inflammatoriae non raro indolis , longe lateque grassabantur , et ii omnium ferme morborum soli , quo tempore iam multo rariores dysenteriae fuerunt .

Haec rheumata sedem in thorace , et collo , capiteque fixerunt , itemque in artubus superioribus , inferioribusque , raro autem in abdomine . Inde cum constitutionem dysentericam vigentem rheumata simul sint comitata , eaque iam emoriente ea ipsa rheumata populariter quosunque invaderent , opinio mea confirmabatur , esse affinitatem quandam καὶ συγγενεὶς τε rheumatismum inter et dysenteriam .

Cognatio
dysenteriam
inter et rheu-
matismum .

Nam illi morbi , qui pari frequentia eadem tempestate grassantur , et suam in humana corpora potestatem veluti conregentes unitis viribus exercent , eiusdem familiae furculos se esse , et idem ingenium testantur .

Circa ultimos mensis dies morbi suam stationem fere penitus deseruerunt , atque ad pectus et caput migrarunt .

Mensis hic temperiem vernam aemulabatur , eamque borealem ; morbi quoque , quales per ver esse solent , ubique observabantur .

Constitutio fuit phlogisticotera , quam aestate hac praegressa , itemque quam aliis tribus autumnis proxime elapsis .

Numerus aegrorum valde magnus fuit ; ut quotidie multo plures advenerint , quam suscipi potuerint .

Non multa tamen funera numerabamus .

Morborum solutio difficilis , partitim facta ;

et tarda fuit. Reconvalescentiae diuturnae: relapsus faciles.

Typus febrium is fuit, ut vesperi maxime cum horrore exacerbarentur, continuae remittentes.

Paucissimae per aestatem et initio autumnus febres *intermittentes*.

Materies morbi hoc mense fuit composita, scilicet phlogistica, mucosa, biliosa, acris, modo hoc; modo illo vitio praedominante.

Febres ultimis mensis diebus, ut initio phlogosin habuerint non levem, tamen in progressu erant saepe putridae, et quidem habuimus febres *rheumatico-putridas* sub finem Septembris complures, praecipue inter foeminas; in progressu multis petechiae *lenticulares*, et *morbillosoe* eruperunt.

Morbillosoe erant *flavae, bruneae, laete roseae*; lenticulares autem *obscurae rubrae, castanei coloris, lividae, roseae*.

Quaedam mortua est ex petechiis lividis, obscurae rubris, licet ingens quantitas acidorum mineralium fuerit data.

Reliquiae convaluerunt methodo *initio* anti-phlogistica et *parca venaesectio*ne, sanguine phlogistico educto (crustae flavae, et serum virescens); dein vero methodo solvente, ope scilicet decocti graminis, taraxaci, cichorei, cum syrupo ribesiorum, dato serius, non tamen omnibus (fracta phlogosi), emetico. Ubi autem somnolentia, stupor, et pulsus fere *naturalis* adfuit, aut naturali languidior, his decoctis addidi decoctum florum *arnicae*.

His dein non dedi acida mineralia.

E lecto crebro eximebantur: febres diuturnae,

nae, nulla manifesta crisi solutae, sed lente, et sine sensu fatiscentes.

Nec cortice, nec aliis alias in putrida febre laudatis utebar, nec vesicantibus, nec camphora.

Miratus sum adeo pulchrè convalescere, si modo iusta fiat virium aestimatio, et hae nimium erectae aliquantulum deprimantur, deiectae autem blande, non tumultuarie, nec stimulis potentioribus, erigantur; excretiones non permittantur *superficiali*, nec *profundi*. Viribus salutariter erectis, et moderate se habentibus, quatenus ad subigendum morbum requiruntur, et sufficiunt, dare aptum vehiculum ex gramine, taraxaco, cichoreo, syrupo ribeliorum ec. oportebat. Potior ergo fuit moderata methodus antiphlogistica, etiam petechiis lividis existentibus: has vidi una cum inflammatione.

Viri pauciores aegrotabant, et levius absque petechiis. Venae sectione una, dein potibus antiphlogisticis brevi tempore sanati. Foeminae multo plures et diutissime decubuerunt, et putride cum petechiis variis. Tarde convaluerunt.

Defluxionum hac tempestate creberrimarum quaedam exempla proferam notabiliora.

Defluxio ad oculos facta *ophthalmiam serosam* fecit, ultimis huius mensis diebus frequentem.

Nonnunquam intra corneae lamellas rheumatica materies confluebat, eandem crassam, albidam, et luci imperviam fecit.

Puellae cuidam serosa materies humorem aqueum ita auxit, ut cornea multum protuberaret, staphylomatis instar, oculo utroque assidue plorante vim magnam acrium lacrymarum, et naribus coryza obsessis.

Oculorum
vitia a defluxione.

Dedi, quas rheumati mederi existimabam, et

corneam protuberantem curavi aliquoties pertundi, ut subsideat. Liquore licet saturnino, ne posthac assurgeret, et roborante foru adplicato, nihil effectum.

Novi cataractas ortas a rheumate lentem oculi afficiente, item *puriformem* in anteriore oculi cavea materiem collectam ex defluxione.

Puella quaedam dolores capitis fere totius dilacerantes habuit, et modicissimam febriculam vespertinam. Oculo dextro obscure vidit, sinister oculus aliquantum distortus ac luscus erat, et visus duplicatus. Data mixtura salina est, et alvus aliquantum mota; dein vesicans nuchae admotum, et exhibitum stibium diaphoreticum non ablutum ex aqua, et roob sambuci: paulo post convaleuit.

Visum duplicatum ex eadem causa, et eodem modo sublatum in alia foemina observabamus.

Item variae
aliae deflu-
xiones.

Quidam ischiade rheumatica ad latus dextrum prehendebatur: paucos post dies repente testis dexter duorum pugnorum magnitudine intumescit: ita ut dolorem tensivum aeger quereretur, et ipse tumor quasi ab aqua intra tunicas testiculi collecta omnibus, qui eundem exploraverant, videretur. Discutientia adplicata: data quae alvum, urinas, dein etiam diaphoresin moverent: his ischias, testiculi vero tumor emissis acu aquis, sanabatur.

Cuidam alteri puellae una nocte genu intumuit, ut die altero manifesta fluctuatio perciperetur. Venae sectione, et lenioribus purgantibus, fortu item vinoso, in quo aliquid salis amoniaci dissolvebatur, brevi sanabatur. Febricula quoque rheumatica simul adfuit.

Qui-

Quidam , ex febre rheumatica per quatuordecim dies decumbens , repente delirabat , tandem sopore apoplectico correptus paucos post dies periit . Multum aquosi laticis inter utramque meningem , et in ventriculis lateralibus inventum fuit , item humor aquoso - cruentus infra tentorium .

Foeminae gravis coryza oborta est , postquam ex aestu perfrigeraretur . Coryza paucas post horas evanuit , nata mox ingenti , et astmatica respiratione . Hydrothoracis signa . Profuerunt praemissa venae sectione , quae mollissime et alvum , et urinas ciebant . Item gummiferulacea . Tarde sanata est .

Sed eiusmodi defluxiones ad viscera *nobiliora* Paucorum fuerunt ; illae vero multo frequentissimae , quae artus , lumbosque afficerent .

O C T O B E R .

Minor hoc mense caloris et frigoris vicissitudo fuit ; neque tantae mutationes ; nec tanta , quaecunque esset conditio aëris , eiusdem intensio ; nec mutationum ortus repentini , aut fines abrupti , praecipitesque . Ita et siccum , et humidum , et calidum , et frigidum , moderata fuerunt , atque ita contemperata , ut nullius principatum inculsaremus . Coelum frigidiusculum ut plurimum erat secundum anni rationem . Venti hoc mense conquieverunt .

Die 24. mercurius altissimus 28. poll. 4. l.

Die 29. 30. infima statio . . 27. poll. 9. l.

Die 2. calor maximus - - + 16. gr.

Die 27. — minimus - - + 2. gr.

Calor medius - - - - - + 11.½ gr.

Dysenteriae valde rarae inflammatoriae, subinflammatoriae.

Dysenterias huius mensis, uti etiam illas, quae circa Septembris finem occurrebant, tenesmus terminavit multo frequentius, et pertinacior, quam in priorum mensium dysenteria solebat fieri.

Febris quaedam putrida inter Foeminas.

Februm putridarum quaedam species adhuc frequenter Foeminasprehendit, quae initio inflammatorii quid habuit, deinde vero putrida fuit, ita tamen, ut stimulantia efficaciora non tulerit. Optime habuerunt protracto morbo a decocto florum arnicae, radicis graminis, taraxaci, cichorei ec. Linguae plerisque arebant, pulsus non erat analogus reliquis symptomatibus, praecipue lassitudini, sensuum stupori.

Sitis non erat magna, aut etiam nulla; indifferentia animorum mira, de nulla re sollicitorum, ac si somnum inter et vigilias haerent, et iis analogi, qui ab assumpto opio iamiam sunt dormituri.

Quaedam aegrae corporis calorem habebant naturalem, pulsum quoque naturalem, et celeritate, et robore; utut alvus insciis fluere. Petus quibusdam vel initio, vel saltem protracto morbo, tentari coepit tussi, oppressione. Solvebantur hae febres post quatordecim fere dies, serius etiam. Jacebant immoti, et incondite: deliria non erant furiosa, sed placida, et vel in somno, vel inter vigilandum inconcinna mussitantium. Urinae sanorum, subinde croceae, ictericæ quibusdam.

Petechiae non criticae Miliaria vero sponte nata, non coacta, critica fuerunt cum lar-

Petechias vidi saepius et hoc, et aliis mensibus effloruisse, quin aeger inde commodius haberet. At vero miliares pustulae inter largos sudores propullulantes aegrum a febre liberarunt peni-

penitus, ut haec crisis, licet nullo definito tempore in aegris appareret, fuerit absoluta, et plena.

Cuidam, cui ea febris soluta est modo in sensibili, nullaque manifesta facta excretionem filuit, parotis aquosa, dolens tamen, ex utroque latere orta est ingens, et ingens colli tumor; anaesthesia. Deglutiit tamen, et iussa linguam porrigere, porrexit. Purgans salinum, et manna-tum dedi, et nuchae adposui vesicans. Aliquantum tumores detumuerunt, dein magis: denuo incrementibus parotibus vesicans inter scapulas positum, perii.

Effrene, et exlex serum etiam hoc mense, praesertim circa eiusdem exordium, ferebatur ubique; repente nonnunquam in ventriculum, pleuram ec. desaeviens, ut aegri eiularent. Tepidi potus, fons, vesicantia, stibium diaphoreticum non ablutum, tarde cicurarent, etiam domarunt; hanc mole paucam, ut videbatur, sed indole vaga et feroci pessimam materiem. Circa medium Octobrem saevae quaedam gastritides, compluresque pleuritides invadebant cum febre modica, sed intolerabili cum dolore, ne minimum attactum ferente. Secta vena sanguinem summopere inflammatorium dedit et dolor metu mitescibat, tardissime et morosissime cessabat. Atque ita scenam rheumatica materies ex abdomine transtulit in thoracem, et magis inflammans fiebat.

Hoc mense nullae saburrae, nisi raro; neque biliosae, sed pituitosae; et exigua mole visae sunt.

Hinc rarus quoque emeticorum usus, sed crebrior venae sectionum moderatarum in initio, emollientium tepidorum, diaphoreticorum ec.

Causa mor-
tis a paroti-
de.

In cadavere foeminae, quam ortis parotidi-
bus antea dixi periisse, serum cruentum copiosum
inter meninges inventum est, itemque in omni-
bus ventriculis, et initio thecae osseae elongatum
encephalon continentis. Ruptura quoque fuit ob-
servata, dimotis cautissime lobis cerebri, penetrans
in ventriculum dextrum, longitudine trium digito-
rum transversorum; forte ab irruente in ventricu-
lum hunc sero, eumque ita per vim disrumpente.
Compressum et complanatum corpus striatum istius
lateris reperiebarur.

Quo mortis
genere febris
putrida ac-
gros pereme-

Id genus serosae, seroso-cruentae collectio-
nes repente fiebant ad encephalon, aut ad thora-
cem, in febribus putridis, eaque putridarum spe-
cie, quam *lentam nervosam* quidam appellant,
Alii *lymphaticam*, *catarrhalem* alii, alii vero *rheu-
maticam malignam*.

Hinc facta ad cerebrum metastasi primo de-
lirium, stupor deinde cum crebro quasi grunitu,
pulsu vibrato, duro, pleno; tandem oculis con-
niventibus apoplectici perierunt.

Quibus parotides sub hac febre tumescebant,
de vita periclitari mihi idcirco videbantur, quod
haec materies ad vicinum quoque encephalum eo-
dem impetu feratur, et perimat.

Respiratio peripneumonica repente orta, fe-
bre hac iam longius provecta, metastasin aquosi
aut cruenti feri in cavum thoracis factam signifi-
cabat.

Et quomo-
do periculum
imminens sub-
inde potuerit
praeoccupari

Praeoccupari plerumque possunt funestae hae
migrationes, si toto tempore morbi alvum *paullo
prontorem* feceris; non solo enemate, quo infimum
intestinum saepe solum eluitur, sed ipsis remediis
per os assumendis, quae facilem transitum ipsa
sibi parare debent, et humorum quidquid est, ad
anum,

anum, tanquam ad communem cloacam, invitare. Non id volo, ut humores huc concitatus; et quasi pharmaco propinato, compellas (quantum etiam id subinde facto opus est, in putridis nempe ab infimi abdominis saburra natis), sed ut constans quidam, perlevis tamen, humorum ad alvum nisus, et inclinatio fiat.

Factam metastasin subinde solvit extractus e ^{aut praesens} vena sanguis; seu lanceola id fiat, seu hirudibus ad tempora positis, sive scarificatione nuchae; dein vero movere alvum conducit, et vesicantibus depositum serum evocare.

Descriptae huius mensis febres *lentae nervosae* dici queunt, et prout aestivae febres plerumque a *biliformi materie* gignuntur, ita hae autumnales a *pituita*, seu *mucosae* abundante fiunt.

Plerumque mucosae hae febres constitutioni ^{Communior} aestivae, et hyemali, si modo suum haec tempora ^{or constitutionum febrium annua} tenorem servant, intermediae iacent; ut uno ex ^{periodus} tremo biliosos aestatis morbos contingant, altero hyemis inflammatorios.

Certe, ubicunque singula anni tempora ab habitu consueto non recedunt, *brumalis* phlogosis in *vernani* pituitam extabescit, multorum morborum parentem: donec tandem et haec temporum potestate subigatur, aut tandem sub urentis caniculae aestus arescat, et ad praecordia confluat; non iners iam pituita, sed morsicans, tumultuosus, effrenis novus humor, a bile nomen sortitus.

Appetente autumnali refrigerio bilis mitescit, et immutatur, orta tunc denuo pituita distractaque per universum fere vasorum systema. Inde multiplex imago febrium *pituitosarum*, atque ea fere, quam hoc mense frequenter spectabamus.

Una cum dysenteria, quae caput iterum efferre hinc inde visa est, catarrhi complures, et quaedam anginae occurrebant.

Post medium mensem febris superius descripta pectus frequentius et validius, et peripneumonicè invadebat.

Tussés validae, sputa pauca, tandem multa doctilia, pellucida, ovi albumini similia. Venae-sectionum initio febris necessitas crebrior. His febribus tepida, emollientiaque, et omnis stimuli expertia, manifesto profuerunt.

Materia fe-
bris pituito-
sae,

et

eiusdem sedes

Differentiae inter *pituitosam* et *biliosam* haec comparebant: in febribus pituitosis abundans humor erat insipida pituita, qua os et fauces redundabant, quaeve anachatharsi prodibat; neque ad gastricas saburrales pertinebant, nisi *subinde*, atque solum *ex parte*. Pituita enim per universum corpus diffusa videbatur; cum bilis et mole maior esset, et intra primas vias primario se contineret.

ac crises:

Largior diarrhoea minus profuit *pituitosis*, quam in *febre biliosa* prodesse visa sit. Tamen magnopere iuvabantur, si his, terve intra nycthemeron deiecerent. Quibus alvus per omnem fere decursum morbi difficilis fuit, hi de capite, vel thorace nimium oppresso, atque inde de vita periclitabantur.

Vomitiones arte initio excitatae non allevabant, serius autem provocatae exiguae, et neutiquam decretoriam, opem ferebant; cum febres biliosas e contrario vomitus maturi saepe subito comprimant.

Sudores non coacti, et morbo provento exorti, boni fuerunt. Cutis siccitas diuturna, et aegritudine iam multum prompta, malum. Sputa ur-
geri,

geri, absque metu inflammatoriae staseos, non potuerunt nisi potu tepido, et emolliente.

Miliaribus albis, spontaneis, inter largos non facticios sudores abortis, haec febris solvebatur non raro, et absque alterius periculi suspicione; in biliosis vero febribus millaris eruptio plerumque factitia est, periculosaque, neglecta initio emeto catharsi, aut regimine calido violenter expressa.

Diversa miliarium origo, materies, periculum.

Symptomata febrium pituitosarum mitiora in specie, decursus tardior, et minus tumultuosus; quarundam functionum minor a sanitate recessus, pulsibus nempe, calore et urinis parum mutatis. Cum febris biliosa ferociat magis, tumultuetur, et omnes fere functiones evidentius turbet.

Differentiae quaedam febrium pituitosae a biliosa.

Functionum praeprimis animalium, sub apparente lenitate, laesio maior et periculosior; sensuum scilicet tarditas, stupor, sopor; delirium mite, taciturnum, et inter missitandum; obauditi-
tio, anaesthesia, et narcosis: in febre vero biliosa encephali affectiones sunt vividiores; cephalalgia dira; inquietas; delirium, saepe furiosum.

Pituitosae continuae sunt, biliosae remittentes plerumque.

Lusus quoque mirifici, et innumerae varietates accidentales observantur, aequae in pituitosis ac biliosis: prout nempe haec vel illa corporis pars peculiariter afficitur, ita varia erit laesarum functionum imago, meterie licet eadem existente.

Hinc varia quoque nomina haec febris fortitur, e. g. febris rheumaticae, arthriticae, lentae nervolae, phrenitidis, anginae, catarrhi simplicis, peripneumoniae nothae, catarrhi suffocativi, asthmae, tussis convulsivae, ischiadis, lumbaginis ec.

Febris pituitosae varietates.

et complica-
tiones,

Febris pituitosa aut simplex est, sinceraque, aut cum alia quadam febre e. g. *biliosa* aut *inflammatoria* complicata; prout aeger aut bili aut phlogosi magis subiacet, aut constitutio *biliosa*, vel vero *inflammatoria*, propius abest.

ac intensiones.

Febres *pituitosas* diversi subsellii est observare; cum quaedam malignitatis damnentur, et abiecto *pituitosarum* nomine *lentae nervosae* audiant, aliae vero benigniores sint.

Differentiae
quaedam me-
thodorum cu-
rativarum in
febre biliosa
et pituitosa,

Subinde febris nondum adest *efflata*, atque *formata*, adest tamen dispositio febriculosa, et futurae febris *pituitosae* rudimentum. Eadem quoque *biliosarum* discrimina notabam.

Cum febrilis materies in febre *pituitosa* per totum corpus distracta sit, utut eius non exigua portio primas vias obsideat; patebit, potestatem remediorum in eandem materiem esse *indirectam*, at illam solummodo portionem, quae in ventriculo et intestinis continetur, directe et efficaciter educi posse; quidquid vero materiei in interioribus cavis haeret, illud ab humoribus caeteris extricati, subigi, exterminari vario modo, et morose debere.

Sunt autem hae naturae solius operationes, cuius vires medicatrices magnitudini morbi, et subigendae moli contemperare oportet, incitando, deprimendo, divertendo, removendisque iis omnibus impedimentis, quae salubribus his naturae conaminibus obstareprehenduntur.

et dispar pro-
gnosis.

At vero in *biliosis* febribus maior, certiorque, atque directa remediorum vis est in febrilem materiem, cum eam evacuare possis emetocatharsi.

Methodus *indirecta* non raro fallit, cum solum oblique feriat causas febriles. Hinc febrium
pi-

pituitosarum curatio laboriosior, tardiorque, prognosis incertior. Crisium errores periculosi, et crises ipsae solenniores in hac febre, quam in biliosa.

In febre pituitosa, praecipue provectiore, absente phlogosi, remedium aperiens, resolvens, alterans, subemeticum mirifice confert.

Id vero genus medicamentum flores arnicae suppeditarunt, ut posthaec explicatius narrabo.

Circa finem mensis anginae plurimae inflammatorio-rheumaticae, asthmata, peripneumoniae cum respiratione asthmatica, et orthopnoea nocturna: catarrhi pertinaces, qui saepe inflammationem conceperunt: tussis convulsivae infantum: rheumata artuum magis rebellia, diuturnioraque, quam prioribus septimanis, et subinde cum convulsionibus aut universi corporis, aut maxillae, non diu durantibus, item cum phrenitide; prout nempe vaga defluxio aut has aut illas partes lacerasset.

Maiores indies defluxionum, et copia, et pertinacia, et varietas.

Puellae cuidam longo, rebeli, nocturnoque rheumatismo, eoque vago laboranti tumor in inguine dextro dolens pedetentim nascitur, itemque sensim disparet. Mercurium dedi, luem veneream suspicatus: non profuit: sero intellexi, rheuma esse huius constitutionis, quod subinde alicubi tumorem excitat. Decepit me et locus tumoris, et dolorum pertinacium nocturna intensio.

Iuvenula 20. annorum die Octobris decima, morbi autem die nona, ad nosocomium deportabatur; exhibuit symptomata febris compositae ex lenta nervosa, biliosa, et inflammatoria, signa levioris pleuroperipneumoniae in latere sinistro non defuerunt. Data sunt emollientia tepida. Sanguis iterata venae sectione eductus corium pleuriticum ostendit,

ostendebat. Vomuit etiam amurcam sedata phlogosi. Pulchre habuit, convalescere visa est. Die 20. Octobris pulsus citator fiebat, validissime, et serme assiduo tussire coepit. Sputa copiosa et ductilia prodierunt, tandem menente tussi anacatharsis supprimitur, pulsum subinde vibratio, stupor, grunitus. Alvus toto tempore morosa, clystere sollicitanda, et imperspirabilis, aspera, siccave cutis. Respirationem aiebat liberam esse, et talis etiam nobis visa est, excepta modica spirandi celeritate. Tandem stupor maior, et sine mente. Grunitus assidui, et assiduus, sed inanis, tussendi labor; urinae nunquam flammeae, plerumque naturales, subinde inmentosae, et parcae. Die 24 Octobris perit.

Ex alvi siccitate, et cutis simul ariditate toto fere morbi tempore observata, urinis interim non copiosis, malum ominabar; etsi initio belle habere, et convalescere videretur. Rapi humores ad caput et thoracem aliunde noveram, ubi alvus et cutis urinae exposita ratione se habent.

Ex ore et naribus cadaveris serum flavescens, et odoris gravissimi manabat. Resecta calvaria encephali vasa plurimum turgere, ventriculos vacuos, at infra cerebelli tentorium tres uncias feri, cum modico virore flavescents, continuit.

Plures Puellae eodem morbo detentae eadem methodo sanabantur, tepidis nempe, et mollientibus, et venae sectione frequentiori, attamen quavis vice pariori. His sputa copiosa, tenacia, mucosa prodierunt, omisso omni stimulo expectorante; cuius impatientissimos hos pectoris morbos vidimus.

Medio mense aliquot iterum dysenteriae comparebant, materie nempe rheumatica, quae nunc frequentius partes supernas, thoracem praecipue infestabat, desertas abdominis sedes revisente.

Puella 16. annorum elapso vere chlorotica, martialium et amarorum usu convaluit. Mense Septembri vaga febricula prehendebatur; nil sumsit remedii, morbum tenui diætæ committens.

Die 13. Octobris me vocat, aitque, a septem diebus alvum esse torminosam, frequentem, cruentam, ita, ut intra nyctihemerum decies et quater deiciat. Febriculosam esse, sitire, appetere tamen: tormina erant leviora, et solum imminente deiectione et sub eadem. Abdomini cataplasma ex floribus chamomillae et sambuci cum lacte curavi applicari: dedi sequens: R. aq. chamom. unc. v. olei amygdal. dulc. unc. j. syrupi de alth. et diacod. aa. unc. j. ß. Misce. Alvus intra viginti horas penitus mutata est; deiecit raro, absque torminibus, et flava, pultacea: sanescit.

Post medium mensem cura meridiana tempora multum incalescerent, horis matutinis et vespertinis urente gelidoque vento perflatis, dysenteriae quasi postliminio rediturae videbantur. Emissis non profuit, neque catharsis, qualiscunque illa fuerit. Ab opio, etsi iam provectae, ita abhorrebant, ut, quibus id datum fuerat, mox quasi asthma corriperentur, et proximo mane, ubi pridie vesperam opium devoraverant, ultro fatebantur, se noctu propemodum fuisse suffocatos. Sola antiphlogistica medendi ratio, venae sectiones nempe, emulsa tepida, et fomenta abdominis profuerunt.

N O V E M B E R.

Aër serenus, siccus, et modicissime frigidus initio fuit. A die vero sexta pluviae assiduae ca-

Pars III. G de-

debant, quas medio mense nives secutae sunt, elapso biduo liquatae. Inde coelum frigidum, nivolum, nubilosum ad usque mensis finem mansit.

Die 1. barometr. altiss. 28. poll. 3. lin.

Die 21. 29. infim. 27. poll. 2. lin.

Die 29. Calor maximus + 12. gr.

Die 24. 26. frigus maximum $1\frac{1}{2}$ gr.

Calor medius + $5\frac{1}{10}$ gr.

Febrium
rheumatica-
rum huius
mensis indo-
les;

Pauca funera hic mensis vidit, eaque ipsa ex morbis solum longis, et consumtivis.

Postquam die 6. coelum in pluvias diuturnas dissolveretur, multi ad nosocomium venerunt genu alterutro, utroque etiam, et carpis, tumen-
tibus, et acute dolentibus; ita ut immobiles, ut fors dederat, cubare debuerint, tanta dolorum saevities fuit, ubi commoverentur; quieti mitius habuerunt. Noctes difficiles erant, et febris inter sudores profusos assidua sine horrore. Tumentia loca, ubi dolor aliquantum remittere coepit, impressi digiti vestigium retinuerunt.

Febrium harum rheumaticarum materies genitrix non una fuit. Phlogisticum quid semper aderat, unde emollientium, tepidorumque, et venae sectionis necessitas. At vero postquam hic mensis maderae assiduis fere pluviis coepit, manifestiora illuviei biliosae, quam mentibus praeteritis siccioribus, signa in conspectum prodire, et maior iterum usus emeticorum fieri coepit, qui mensibus praeteritis fuerat perparcus.

In mentem venerat, humidam tempestatem, eamque frigidiorum functioni cutaneae inimicam esse, et quae per extimas superficies deberent excerni, humore frigido corpora nostra nunc ambiente cohiberi, repellique quibusdam ad artus, aliis

aliis vero per interaneorum superficies ad praecordia confluere et gastricum sistema inundare; nomine, colore, sapore a bile mutato.

Aegro, qui nobis committebatur, asthmatico, cum febreret, sitiretque, et pullum haberet praedurum, detractus sanguis est aliquoties, cum et levamen inde perciperet, et crusta pleuritica formaretur. Pleraque quoque symptomata habuit, quae hydrothoracem notare visa sunt. Initio remedia antiphlogistica data sunt; deinde vero, quae urinas modice sollicitarent. Tumere et crura et femora coeperunt, tandem etiam abdomen mediocriter intumuit. Ex asthmate periit. Pulmones sanissimi reperti sunt.

uti etiam
asthmaticum.

Compiures dein alii, quibus pectus aequè oppressum, et anhelosa et sibilosa respiratio fuit, meliora usi fortuna sunt, mutata medendi ratione: his enim praemissa phlebotomia est, et dein datum emeticum, quod illico respirationem asthmaticam emendavit.

Icteri cum virore flavi non pauci circa medium Novembrem comparebant. Profuerunt gummi ammoniacum aceto scillitico solutum, et salia media.

Frequens
icterus,

Tusses convulsivae in urbe grassabantur, de quarum curatione nihil habeo, quod referam, nisi, eos infantes citius convaluisse, et aegrotasse levius, qui inter tussendum vomuerunt.

et tussis convulsiva.

Referente quodam amico meo, sal ammoniacus nonnullis profuit tussi convulsiva vexatis, aliis gummi ammoniacum, aliis sapo venetus.

Quidam convaluerunt, postquam hydromel purgans infantum Dispensar. Vien. omni secundo die fuerat propinatum.

Cuidam omnibus incassum adhibitis profuisse

aiebat decoctum florum arnicae, herbarumque fistulul et radicum emollientium, adiecto sale medio mortis ab opio inductas, et in cadaveribus bronchia glutine obfessa vidisse.

Paracenthesis
thoracis sup-
purati insti-
tuta.

Hoc mense puellae cuidam dextrum latus dolore pleuritico compungebatur; dolor erat diffusus per totum latus: pleuriticidem appellabamus: *rheumatico-inflammatoriam*. Tertia morbi die (21. Octobris 1779.) in nosocomium suscepta est, exactis compluribus diebus dolor mitigari, tandem penitus desinere coepit, et aegra anacatharsi sputorum coctorum visa est convalescere. Post Novembris initium difficiliter iterum respirabat, absque dolore quidem, sed non sine ponderis sensu.

Pulsus modicissime febrilis interdum, vesperi, noctuque durus, et diurno concitator erat. Sudores noctu profusi, in iugulo, ad claviculas, et thoracem praeprimis. Tussis vespertina, nocturna, humida initio, at morbo progressu inanis et sicca: spiratio sedenti, et in anteriora vergenti facilior, difficilis in dorsum, et impossibilis, ob suffocationis metum, in latus sinistrum cubanti. In sedente humerus dexter elatior apparebat; fors, quod, cavo thoracis dextro nunc graviore, centrum gravitatis magis sinistrorsum recideret. Lateris pars posterior, dorsi regionem dextram constituens, videbatur esse magis convexa, atque protuberans. Thorax dexter in inspirando vix attollebatur, cum totum ferme respirationis negotium perageretur pulmone sinistro; ubi dexter thorax levissime solum, et nonnisi ob nexum cum thorace sinistro modicissime elevaretur. Haec inaequalis utriusque thoracis elevatio et visu poterat observari, et imposita utraque ad utrumque thoracem manu.

Circa

Circa octavam Novembris tumor in brachio sinistro durus et dolens repente ortus est, qui admoto cataplasmate emolliente aliquantum mollitus, dein percussus, pus dedit laudabile, sed paucum. Die Novembris 12. mamma dextra noctu repente intumuit cum rubore, livore, doloreque inagno, postquam genarum per vices rubor, tumor vero aquosus sub oculo dextro, et ad dextrum carpum, livor labiorum et unguium iam per aliquot ante dies fuerat conspectus.

Thorax quoque dexter, methodo *Avenbruggeriana* (*) pulsatus, illo sonitu caruit, quem alias sana thoracis cava, praescripta methodo pulsata, edunt. An et maior thoracis pure repleti calor fuerit, celeriorque illiti cuiusdam humoris in latere affecto exsiccatio, quam sano, non inquisivi.

Die 15. Novembris cubanti thoracem dextrum inter quartam, et quintam costam veram, numero a superioribus ducto, loco sternum propius quam spinam dorsi spectante, perforari curavi: (is enim locus dolorum quondam focus, et centrum fuit) magna vi prorupit pus tenuis subcruentum, foedum. Facta deligatio est, manente interim ingenti puris quantitate, viasque sibi per fascias moliente. Aegra levata visa est, attamen eiusdem diei sera vespere, cum

G 3

mane

(*) Vide *Leopoldi Avenbrugger Medicinae Doctoris etc. inventum novum ex percussione thoracis humani ut signo abstrusos interni pectoris morbos detegendi. Viennae apud Trattner 1763.* Non facile Medicus reperietur, qui toties pus e perforato thorace emiseric, ac idem Cl. *inventi novi* Auctor; ut vel inde non exigua huic invento, eiusque Auctori commendatio accedat.

mane lateris sectio fuerat instituta, vivere desit.

In cadavere pulmo sinister sanissimus fuit, dexter vero in exiguum spatium compressus, et membrana crassa, fibrosa, antiqua obductus, caetera sanus observabatur. Pleura quoque consimili prorsus membrana ex pluribus veluti sibi invicem impositis membranis, firmissimeque cohaerentibus confecta, investiebatur. Abscessus inter pulmonem et pleuram formatus fuisse videbatur; ita tamen, ut nesciam, an potius ad pleuram, vel vero ad pulmonem pertinuerit.

Inter musculos intercostales lateris sinistri paucillum puris haesit, ea ratione, ut illuc delatum esse, non ibi factum, facile intelligeres.

Iecoris substantia mollissima erat, dilute flava, et perquam friabilis.

Referente Cl. Auenbrugger, qui solus omnium plurimos emissio e thorace pure sanavit, pleuritides *rheumatico-inflammatoriae* promptius in empyema transeunt, punctura thoracis curandum.

Afferebat, plerosque intra sex septimanas a perforato thorace fuisse sanatos.

Paucos tamen paullo post emissum pus mortem oppetiisse, quam peripneumonicam fuisse existimabat, atque a sanguine natam, validius in pulmonem antea compressum, nunc vero liberum, irruente.

Hinc non unica vice pus omne educit, sed latere perfosso, et emissa exigua puris quantitate contentus aegrum deligari iubet. Pus dein parce, atque inter fascias profluens pulmonem compressum *pedetentim* solum, et *tarde* sinit explicari, et incursum sanguini moram facit.

Pulmonem in cadavere nostro reperiebamus nondum ex integro explicatum, sanguine tamen non gravem, Quid

Quid si mortes, paracentesin institutam edo-
 do omni pure celeriter insequentes, repeteremus
 a cordis functione repente turbata, confusaque?
 Cor enim ingenti puris mole dislocatum et pres-
 sum hanc repentinam a puris pondere immunita-
 tem impune non feret. Hanc in nostra aegra
 mortis causam rationi magis congruam, et pro-
 babilem magis puto.

Ob eandem rationem *Hippocrates* quoque
 paucissimam aquam emittere iubet, si in hydro-
 thorace sectio instituatur. *L. 2. de morbis.*

Mortem quoque ex puris conditione praesa-
 gire poteramus, oraculo Coo edocti: evadere eos,
 quicumque suppurati uruntur, aut secantur, si pus
 purum fluxerit, et album; si vero subcruentum,
 foeculentum, ac foetidum, perire. *Aphor. 44.*
Sec. 7.

Post medium mensem quamplurimi nos ac-
 cedebant diros articulorum cruciatus questi, saepe
 vagos, horis vespertinis atque nocturnis graviores,
 ex sexu praecipue sequiori. Quidam febricitabant
 validius, ut iterato sanguis fuerit detrahendus,
 omni nota pleuriticus. Plerique febre carebant,
 etsi morbum febricula inchoasset. Uti sumus re-
 mediis ex antimonio paratis, vesicante, decocto
 stipitum dulcamarae, bardanae, taraxaci, lapathi,
 liquiritiae, infuso flammulae lovis, et extracto
 aconiti. Paucos quosdam cito restituit decoctum
 eccoproticum multo tartari cremore foetum, eos
 praecipue, quibus os paululum amaresceret. Reli-
 qui omnes tarde sanabantur, quibuscunque reme-
 diis tentati. Quorundam morosissimos dolores ar-
 tuum, et febre destitutos, decoctum florum arni-
 cae profligavit.

Quae de floribus arnicae fuerint observata.

Non possum hoc loco praeterire, quae hoc anno de arnicae floribus experiundo atque observando didicerim.

Atque haec, quae modo dicturus sum, idcirco solum dicentur, quod, quae meis aegris tanto meo cum solatio profuerunt, ab alia saepe medendi ratione desertis et conclamatis; aliis quoque existimem profutura: non amore novitatis; sine spe, sine metu, sine ira et studio, quorum omnium causas procul habeo.

Non puto sufficere, si asservero, flores arnicae in febre putrida eminenti quodam modo profuisse; cum febris putridae notio vaga sit, atque indeterminata, et cui nullum adaptare stabilitum, atque immutabilem medicandi modum possis; cum eundem ex oblato primum particulari casu formare, atque consilium plerumque ex arena capere sit necesse.

Sub quibus conditionibus in febre putrida flores arnicae profuerint.

In febribus putridis decoctum florum arnicae propinabam, 1. ubi nulla ullibi alicuius visceris inflammatio subsuit, aut ea iam fuerat depulsa; 2. pulsu aut naturali, aut ad eundem proxime accedente, aegro nihilominus debilissimo, et animali functione proiecta; 3. ubi lingua aruit, aut muco multo et sordescente obduceretur; 4. aegro praeprimis stupido, tardo, graviter audiente, somnolento, mussicante, subdelirante; 5. in febre *putrida pituitosa*, lenta nervosa, aut eidem analogae; putrida vernali et autumnali; qua videlicet utraque tempestate maior humorum lentor esse solet; et febrium putridarum decurtius minus celer, et minus tumultuarius, quam iis in putridis observatur, quae vigente aestate occurrant, atque ex biliosis antea in putridas abierunt; etsi et his non inauspicato flores arnicae aut soli, aut cum eo:

fun-

tandem radice medeantur; 6: facta prius primarum viarum purgatione *αῖω* aut *χατῶ*, si quando (quod equidem plerumque contigit) materies aut sursum aut deorsum turgere visa est; item, exanthemate petechiali miliari, aut alio quocunque, existente, vel etiam non existente.

Quae autem observaram in aegro ab hoc remedio mutari, haec ferme fuerunt:

1. Multis ventriculus plus, minusque dolebat, aut flatu et borborygmo vexabatur. Qui sopore, aut sensuum tarditate, et stupore tentabantur, largissimas doses ferebant, et prout alacriores fieri, et habere melius coeperant, ita conqueri de ventriculo, et incusare oblatum remedium solebant. Verum tunc iam extra teli iactum constiterunt. Cardialgiae etiam graviores mitigabantur, aut ex toto cessabant, ubi *refractor* dosis, sed tanto *frequentius*, propinabatur, ut intra nychthemeron praescripta decocti saturati moles fuerit absorpta.

Frequenter carminantia remedia addimus.

Saevia etiam cardialgia ab hoc remedio excitata, qualem ab alio quocunque medicamento inductam plurimum fuisset, averfati, tanquam ex inflammatione natam: aegris nostris praeter molestum doloris sensum nihil mali fecit.

Vim *specificam* in ventriculum exerere hi flores mihi semper videbantur, et forte hac ipsa vi febri putridae, quae plerumque suos natales ex *systemate gastrico* ducit, tam potenter mederi.

2. Quidam ab assumpto decocto per vices vomuerunt, vomitibus modicis non tumultuariis, post longiora intervalla recurrentibus; initio saltem, donec ventriculus fuerit ferendo par.

Ple-

Plerique decocti gravem saporem horrent, nauseabundi perpetuo, etsi non vomant.

Vomitiones has non compescebam; aut innoxias vidi, aut etiam salutare.

3. Paucissimis alvus movebatur, quae tamen omnibus facilis erat, et naturali paululum promptior.

4. Vis florum alterans, potenter resolvens, et subemetica omnibus ferme experimentis demonstrabatur.

5. Plerique sine manifesta crisi et pedetentim convaluerunt.

Morbi in meliorem statum conversi initium ducebam ab eo ipso die, quo aeger interroganti citius et promptius respondebat.

6. Urinam in multis croceam et ferme ictericam cum morbi levamine observavi.

7. Quidam levi ictero perfundebantur, quem oculorum album potius, quam reliqua corporis superficies exhibebat.

Nunc qua dosi et forma hoc remedium propinarim, paucis dicam.

Plerumque unciam dimidiam, non raro unciam unam, rarius unam cum dimidia, atque unica tantum vice uncias duas, florum arnicae in sufficienti quantitate aquae coquendas curavi, ut decoctum librarum duarum pararetur, adiecto syrupo quodam conveniente. Inde omni secunda hora eger vasculum huius decocti hausit.

Qui hanc dosim aegrius ferebant, singulis horis priorem dosim dimidiatam hauriebant.

Raro corticem peruvianum una cum hisce floribus coqui iussi, atque eo solum in casu, ubi aut morbi longitudine, aut sanguine fortasse nimio educto, solidorum compages dehiscere, laxa-
rique

rique inciperet, vel vero ubi febris, quae hucusque uno tenore perseveraret, in remittentium tribum transiret, statosque auctus pateretur, et decrementa.

Perraro quoque *arnicae radicem* adieci, et tunc solum, ubi aegrum alvi fluxus exerceret non levans, sed exhaustiens, atque enervans. Tunc vero unciam unam, vel etiam unam cum dimidia, *radicis arnicae decoctioni* florum ferme ad finem perductae addi et momento temporis una coqui curabam, clauso vase, et dein aliquamdiu in quiete repposito, donec refrigeraretur.

Radix arnicae coctionem non nisi levissimam admittit, quam tamen eiusdem flores sat productam requirunt; ut idcirco a *decocto* radicis, aut eius *extracto* speres nihil, quo tamen utroque modo flores profunt.

Parum forte videbor fecisse, si remedium quoddam profuisse demonstrem, cum medicaminum potius copia, quam inopia laboremus; nisi hoc ipsum ostendam et efficacius fuisse, et indicationibus curativis prae alia quacunque re adcuratius respondisse.

Periclitabar profecto omnes fere methodos decantatas, et methodorum modos omnes, ut stabilitam tandem, determinatamque feбри putridae medendirationem invenerem; cum, qui eo morbo decumbant, potio rem aegrorum meorum partem constituent, tum, quod hac ipsa in re et opinionum, et methodorum diversitatem conspicerem non componendam.

Eandem, quam multi alii clari Viri, sub hac vel illa medicatione sortem persaepe non experiebar, videbarque mihi multa detexisse, quae praegario

catio tanquam vera assumpta, falsa licet, opiniones quoque falsas, et methodus iisdem analogas pepererunt.

Verum haec mea de febrium putridarum natura, et modo medendi cogitata publici iuris tum demum faciam, ubi ulteriori observatione maturuerint; ne fructu nondum excocto atque immaturore lectorum orexin offendam.

Interea fateor, me floribus arnicae multo fuisse auspiciatus usum, ac alio remedio quocunque. Sed oportebat et tempora posse, et morbi conditionem medicamento huic opportunam, hucusque a me abunde, ni fallor, explicatam; sine qua opportunitatum cognitione quaecunque medicatio mala est, non remediorum vitio, sed inscientia medentis.

D E C E M B E R.

Totus hic mensis austrinus, mollis et tepidus fuit, atque aut pluviis, aut nebulis maduit, καὶ πολὺς πῦαδος; gelu rarissimo, leviori, et noctu modicissime et subinde solummodo, viarum humorem stringente.

Die 7. mensis nives cecidere tantum ephemerae, die vero 10. atque 11. denuo nives delapsae sunt perquam confertim, sed aequae instabiles.

Die 15. ventus impetuosus nubes dispulit, ortaue die sequenti malacia novas iterum nives conspiciebamus, aberrimasque, sed mox iterum austrino tepore colliquescentes.

Die 30. barometr. altiss. 28. poll. $5\frac{1}{2}$ lin.

Die 22. infim. 27. poll.

Die 31. frigus maximum = 4. gr.

Die

Die 3. calor maximus + 13. gr.

Calor medius + $3\frac{2}{3}$ gr.

Arthritidum, et rheumatismorum uberrima messis etiam hoc mense fuit; ut id genus morbos aut frequentiores, et επιδημικωτερους, aut saeviores, aut pertinacioris indolis nec viderim ipse, nec fando acceperim.

Defluxionum
vix tanta,
qua maior
vis unquam
est observa-
ta: par per-
tinacia et do-
lorum saevi-
ties.

Quibusdam ita vexatis febris erat phleboto-
mias exposcens, et tepidorum, ac emollientium
usum. His sero tandem vesicans profuit, et uni-
versim, utut tarde levarentur quacunque methodo
medendi, citius tamen sanabantur, ac illi, qui-
bus dolores fuere sine febre.

Mira variatio symptomatum erat, cum qui-
busdam pectus repente infestaretur aut dolore pleu-
ritico, aut asthmatica spiratione. Paralytin bra-
chii, maxillae tetanum, emprosthotonum, chole-
ras non praevisas, tormina, mictus difficiles, lum-
bagines, ischiades, vertigines, et innumera alia
incommoda a rheumate furibundo, et vago nunc
hanc, nunc illam partem impetente productas per-
ferebant.

Evacuantia quaecunque, alterantia ex anti-
monii praeparatis, doses refractae ipecacuanhae,
bardanae, stipites dulcamarae, acconitum, et flam-
mula Iovis, quorum singula alias mirum quan-
tum profuerunt, in hoc rebelli morbo paucissimos
solabantur, nec ullum ab ipso mercurio levaman
fuit.

Vesicantia iteratis vicibus eidem plagae im-
posita nequidquam fuerunt.

Hac tempestate occasio offerebatur experi-
riundi, quantum ferre quis possit extracti ex aco-
nito parati. A minuta dosi incepimus, atque ean-
dem ita auximus quotidie, ut aeger intra nychthe-
meron

meron absumeret partitis vicibus, et absque incommodo, scrupulos septem.

Quartanae
corticis peru-
viani impa-
tientes.

Quartanas quasdam primo solventibus multis, decocto graminis, taraxaci, et salibus mediis aggredebamur, et cum intenderentur, et hydrops instaret, cortice peruviano. Febris compressa est, sed exactis duabus septimanis denuo revertebatur, nisi maiores corticis doses quondie et diutius devorassent.

tandem flori-
bus arnicae
sanatae.

Quidam sub usu corticis continuato in febres continuas, inflammatorio-putridas inciderunt.

Placuit ergo quartanis ferius oblatis, iisque duplicatis et triplicatis aliam aptare medicandi rationem, in iisque florum arnicae vites periclitari. En observationum mearum summam!

Pulverem florum arnicae ope syrupi corticum aurantiorum in formam electuarii crassioris redigi curavi, iussique, ut aeger quotidie quater caperet, quantum nucem moschatam aequaret. Qui hac dosi utebantur cardialgiam flatulentam, tolerabilem tamen, experiebantur. At qui maiores portiones absumserant, ventriculo gravissime dolebant paullo post, inter eiulatus, et sudores uberrimos, frigidos, pingues, tenaces, cum pulsu magno et pleno, tardissimoque. Alvum experti sunt difficiliorem, et solo ferme enemate proliciendam.

Cardialgia haec et enemate mitigabatur, et carminantibus variis, opto praesertim, secure et cito.

Quartanae triplicata hac methodo in duplicatas, haeque in simplices, conversae sunt intra non multos dies; eae integro tandem cum reliquo quartanarum febrium satellitio profligatae sunt, absque periculo recursus.

Qui-

Qui largiores florum doses absumebant, ventriculo gravius dolebant, sed multo citius sanabantur ex febre: quasi ea ipsa permolesta ventriculi affectio, quam flores arnicae excitarent, febiles elideret paroxysmos; ut idcirco gravissimae feberi, et pertinaciori non mederetur, nisi valida, et morbo commensurata remedii actio fieret in nervos praecordiorum.

Non perinde nobis erat ipsos arnicae flores, vel vero eorundem decoctum, exhibere. In febribus putridis decoctum praeplacuit, in intermittentibus vero flos ipse. Decoctum florum vomitum crebrius concitabat, sed rarius ventriculi dolorem, eumque leviolem. Praeterea proniores habebant, liberioresque secessus sub usu decocti, quos non nisi laboriosos & raros querebantur, qui floribus ipsis fuissent uli.

Hae ipsa florum arnicae vis in nervos gastricos quosdam explicatus dabit, sublatae quondam eo remedio tussis convulsivae, quae quibuscunque antea medicamentis restitisset. Operae pretium forte non poenitendum is reportaret, qui accuratius in vires huius floris potentes sane inquireret, & vim hanc *cardialgicam*, floribus peculiariter insitam atque specificam, certis nosset affectibus morbolis tanquam medicinam opponere.

Quid? si in morbis quibusdam gravissimis nervorum, epilepsiae, maxillae tetano, aliisque, ubi non raro nimis curtam medicinae suppellectilem querulamur, remedii huius *cardialgici* vis exploraretur?

Plures scorbuto incipiente affecti hoc mense ad nos venerunt gingivis consumptis in inferiori praecipue maxilla, & cinereis dentibus, atque

Scorbutus
levior passim.

a gingiva desertis, anima foetente, doloribus vagis, vesperi & noctu acutioribus Puella unica prae caeteris gravius multabatur. Longis antea intermittentibus vexabatur: tumidulo & pastaceo habitu erat, atque a tribus mensibus lividis, latisque maculis per crura & femora hinc inde sparsis, itemque petechiis scorbuticis, rotundis nempe, obsoletis rubris, diametrum grandioris ciceris habentibus, & creberrimis per brachia & omnem corporis truncum disseminatis variegata. Mictus cruentus, pallidissimae & evanescentes gingivae, & animae foetor peculiaris. Sero lactis cremore tartari parato, & herbarum antiscorbuticarum conservis sub huius mensis finem sanescebat.

Scorbutica haec labes videbatur aliquantum epidemica esse, ob assiduum humorem atmosphaerae.

Phthisis incipiens solis antiphlogisticis sanata.

Phthisim inchoantem in Textore sanabamus phlebotomia repetita, sed singulis vicibus pauciori; vegetabili victu, & potu tepido, atque emolliente.

Quam nos ideam habuerimus de humore phthiseos natura.

Hanc phthiseos speciem ab aliis quibuscunque distinguebamus: erat enim potius chronica atque occulta aut pleuritis, aut peripneumonia in suppurationem iam iam transitura; aut forte in exigua atque sanabili plaga iam modice suppurata.

Thoracicas id genus inflammationes sub incipientis phthiseos nomine antiphlogistica hac methodo & sanavimus ipsimet, & sanatas ab aliis accepimus.

Paucas febres inflammatorio-putridas hoc mense habuimus curandas, longas, taciturnas, non tumultuantes, pulsibus vix mutatis, cute universa & linguis aridis, tussiculosas, & subpe-

ripneu-

ripneumonicas, atque *αφρισίμους*. Venaesectiones repetitae, non profusae, emollientia, tepida, humectantia, et situs corporis erectus, tandem decoctum florum arnicae, profuerunt.

SECTIO III.

DE

CAUSSA ET SEDE

PHRENITIDIS

Complures ad nos ferebantur, qui inter furores insaniebant. Plerosque non magna febris tenebat, si eiusdem mensuram ad saltum arteriarum dimetiaris, quosdam perobscura, paucos elatior; seriebant tamen omnes, etsi varia intensione. Quibusdam oris, et linguae conditio, uti in sanis, observabatur. Paucis a naturali harum partium habitu non magnus recessus; lingua modicissime, aut albida, aut flavescente.

Phrenitidis
nobis oblatae
descriptio.

Omibus, quousque mens sana fuit, morbi initia ab horrore sunt coepta, summam solum cutem perstringente, vago, atque per vices; obtrusa cephalalgia, intermisto denuo calore insueto, et artuum lassitudine, ac minuto ciborum desiderio. Vesperis, noctuque paullo difficiliter aegrotabant, obambulantes tamen et suis quisque laboribus functi.

Pars III.

Et

Tan-

Tandem mente laborare, sed diversa ratione occoeperunt. Hi enim repente in furias agebantur; illi prius convulsi epileptica convulsione, aut grave animi deliquium passi, soluta nervorum distensione, aut lipopsychia insaniebant. Pauci desipere pedetentim, atque intervalla, plerique inopinato et graviter et cum furore coeperunt.

Id animadverti, non eadem intensione eos interdium noctuque ferocire, sed esse quasdam ferociae remissiones, nulli plerumque horarum periodo alligatas; subinde tamen statim tempore recurrentes, atque ita, ut meridie mansuetius, vesperti gravius, noctu gravissime, furerent cum eiulatu, taurino musculorum robore, collisis dentibus, convulsi vel solis maxillis, vel etiam corpore universo. Sudoribus plerique disfluebant. Omnium fere tendinum assidui saltus, aut tremulae micationes. Quidquid ore hauriendum offerres, aversio pertinax: sicca alvus: lotium paucum, et raro missum, et si quid excipi poterat, croceum, atque icterodes.

Pulsum habuere plus minusque acceleratum, atque eundem in tribus viris deprehendi, instar percussae chordae vibrantem.

Phreniticorum quorundam historiae. Quorundam Phreniticorum historias narrabo, eo animo, ut quae morbi natura, ac sedes fuerit, et quae soleat plerumque esse, non ego ipse statuam, sed dispar exitus morbi; disparem aequè medendi rationem consecutus.

De phrenitide vero hic solum carptim agam.

Tertius annus est, ex quo invenculam mihi concrediderunt parce semper, tardius, atque solito aquosiora menstruantem, aliquot iam diebus leviter febrientem, morosam, multa praeter morem ineptientem, minus appetentem, ac lassam. Fuit, qui febrim intermittentem praediceret. Ea

aegritudinis praeludia fuerunt : obambulabat , sed aegre .

Tandem apertius et desipere , et febrire , mihi que committi .

Rei summam memoria teneo , unde ista depromo , cum , quae in singulos acta dies essent , negotiis aliis tunc longe plurimis districtus in pugillares non retulerim ; sed sinister eventus morbi , ut quem curare nequiveram fidelem sui memoriam reliquit .

Febrientem accepi , et placide delirantem . Pertusa semel atque iterum vena , datisque , quae alvum per epicrasin , et diutius sollicitarent , mite delirium in ferociam commutabatur . Febris in initio non magna , nunc nulla videbatur , et si quid febrim argueret , id facile vigiliis assiduis , iactitationibus , clamoribus , et irritato per haec humorum circuitui tribuebam .

Cum aegram itaque apyreton iudicarem , delirium assiduum , ferox , atque per multas septimanas ; multa , quae maniae mederi sunt observata , adhibui , et fere pleraque , si emeto-catharsin excipias . Purgantibus usam noveram diu , et absque emolumento , quin sub ipso eorundem usu desipientiam placidam abiisse in furias . Hinc ab emetico separabam nihil , metuebam plurimum , in ea aegra , quae pharmaco etiam multo mitiore quam longissime esset a sana mente dimota .

Item novem septimanae labebantur inter assiduas furias . Donec aegra in alium locum transfereretur , ad Maniacorum videlicet ergastula . Ibi curatam novi , etsi , qua methodo , ignorem .

Ex iis , quae mihi referebantur , gratiola una , atque altera vice propinata sanatam coniicio . Sed ad alios non absimiles casus properemus .

Aestate anni 1776. aliam ad me iuvenulam deportarunt, delirantem aequae, sed absque furore, mihiq̃ue narrarunt, ab aliquot iam diebus leviora frigora, caloresque intermistas, dedolationem, anorexiam, et oris amarorem esse questam; omni alterna vespera luculentius febricitasse, erectam ut plurimum, atque Herae morosiori, saepiusque adversa valetudine tentatae, etiam noctu fervientem. Sub ipsis accessionibus mens vacillabat, atque etiam aberrabat. Febrim biliosam esse Medicus, qui vocabatur, aiebat, deditque scrupulum pulveris ipecacuanhae. Vomuit perpauca pituitam, at nil emendatur: ad me deferitur, multa et inconcinna loquitur, attamen non ferocit. Febris assidua vario tempore exacerbata, et sub hisce exacerbationibus desipientia maior.

Sanguinem compluribus vicibus detraxi, modo bonum, modo grassa phlogistica crusta coopertum, atque ex venis variis, pedum, brachiorum, et iuguli. Sanguisugae ad tempora, vesicantia nuchae, postea capiti adplicata. Verum sub horum usu desipientia in ferociam abiit assiduam: febris magna, tendinum saltus, atque per vices accedens trismus.

Hac methodo cum proficerem nihil, reducere humorum impetum ab encephalo volui ope purgantium leniorum. Sed nec ita profeci quidquam. Aegra aequae ferocit, attamen minus febricit, sed virium iacturam mollities pulsum testabatur. Mutato consilio ad nervina, et camphorae doses largiores ventum, cum eius remedii vim in non ab simili morbo clarorum Scriptorum observationes quaedam nobis facerent testatam.

Post diuturnum horum usum deliniri ferocia primum, dein etiam lucidis intervallis distingui: tan-

tandem apta, concinnaque loqui, sed immodica garrulitate, cui si diutius indulgere permittebatur, ferri denuo mens exlex coepit, et ad ineptias divagari; aegra nihilominus obambulante, caeterisque actionibus ad modestiae normam compositis; atque ita diutius fatuitatem inter, et mentis sanitatem ambigebatur. Demum cortice peruviano, et foliis aurantiorum est usa.

Exactis tribus mensibus, crurumque oedemate, quod sub ultima morbi tempora accesserat, depulso, sanata domum repetiit, sed ita, ut possem dubitare, secunda valetudo medicinae, an corporis beneficio contigerit.

Tres adhuc historias narrabo, etsi complures suppetant mox enarrandis conformes, sed quas ob id ipsum non proponam. Collectae observationes, et numero plures, et eventu diverso in re non diversa huic mentis agritudini exactius intelligendae forte quid lucis affudent.

Ita posthac confidentius persequemur hocce
parietibus textum caecis iter.

Faber ille ferrarius, qui Nro. 11. decubuit; pulchram nobis in hanc rem observationem dedit. Fuerat is annorum 44. lacertosus, corpore breviori, sed denso, atque compacto. Nosocomium adiit 13. Junii 1778. aitque, se iam a sex diebus lassum esse, minus appetere, levique per vices, maxime vero sub vesperam, horrore perstringi; ob haec ipsa incommoda nudius tertius Medici cuiusdam suasu brachii venam secuisse. Nihil emendatum esse; quin potius tremorem mox ab educto sanguine accessisse totius corporis (treme-
bat totus cum haec narraret, quemadmodum sub accessione febrili soleat); hucusque nondum praeter morem decubuisse, atque operi fabrili, morosius tamen, vacasse. H 3 Pul-

Pullus habuerat a sanitate vix abludentes , vibratos aliquantum , modicissime acceleratos . Nulla gustus aliena conditio , et lingua levissime ad radicem albescens , mens firma , et sermo promptus : alacritas : in sudores fuisse per hosce valetudinis adversae dies proclivem aiebat , et urinas paullum magis , ac ordinario tinctas .

Aiebam adstantibus , febrim esse perquam exiguam , febris biliosae solum rudimenta : rem probabilius posse totam componi remedio leviter salito , blandissime alvum sollicitante , potu aquoso , mellito , posca .

Eum diem in seram usque noctem , quemadmodum narraui , transegit .

Altera die , (14. Junii) , cum aegrorum cubilia peterem , procul clamores audio late sonantes ; mox hominem furiis agitatum ipsummet video , qui vinculis cohiberi , ob insolens robur , vix poterat . Aiebant custodes , nocte fere media repente furere coepisse , horasque noctis reliquas vociferatione assidua turbasse ; vincula sat firma aliquoties perrupisse , multa undique iniecta manu vix potuisse coërceri ; non vidisse se ullum a multis retro annis , qui tantis viribus polleret , neque tantopere efferatum . Sudores profusi , assidui , toto corpore depluentes ; pulsus vibrati ; urinarum conditio me latet , cum aeger lectum comminxerit .

Illico tria grana tartari emetici exhibeo ; non vomit , non deiecit , nec ulla ratione a minuta hac dosi affici videbatur .

Exacto horae unius spatio portionem emeticam octo granis tartari emetici foetam ita propinari iussi , ut dimidiam portionem modo absumat , alteram exacta dimidia primum hora , ni prima do-

dosis proposito responderet . Foemina aegrorum cultos potiunculam propinat , quam aeger , vinum esse exclamans , ita avide ingurgitabat , ut , aestimatione facta , septem grana tartari emetici hauserit uno fere haustu . Custos , utut dividere portionem iassa , hac prompta bibendi voluntate uti voluit , atque ita plus , quam mandaveram , ingessit , verum

— — — ut saepe iam in multis locis

plus insciens quis fecit , quam prudens , boni , ita etiam nunc auspicato hic error contrigit , ter enim biliosa vomuit , ter deiecit . Manabant uberissimi sudores . Mox remittere furor , placide dein , et mussitando delirare . Vespera appetente indormire per vices , et tandem compluribus horis somno non interrupto , tranquilloque ultra mediam noctem soporari . Versus auroram diei 15. Junii evigilat , reducta mente , et prorsus sana .

Ex eo tempore decocto tamarindorum , radicis graminis , taraxaci , cichorei , et tartari cremore usus , ac paucos post dies sanus ad suos rediit ; valetudine , ut posthac innotuit , constanter bona (*) .

Autumno anni 1778. Famulus Illustrissimae Comitissae de B** in nosocomium susceptus est mente lapsus , et furens . Quatuor , an quinque , die-

H 4

bus

(*) Gaudeo , me huius curationis testem , egregium Carol. Gulielm. NOSE posse compellere , quem ob praeclaras integerrimi animi dotes , ob eruditonem multiplicem , in artis spes et incrementa natum , Viennae tunc amabamus , nunc vero Augustae Vindelicorum commorantem invitissimi desideramus .

bus antea, cum multum hinc inde cursitando intrecaluisse, et cerevisia immoderatus ingesta sicim restringeret, mox capite doluit, et friguit per vices, et praeter morem: Doluit quoque thoracé dextro ad costas spurias, dolore pungente, non valde intenso, et sine tussi: non decubuit.

Instituta phlebotomia, atque extracto coriaceo sanguine, non iuvabatur. Linguae et gustus ea ratio, quam in recte valentibus videmus: Vesperis eius diei; quo sanguinem eduxerunt, menté deiectus delirat, trovo aspectu, celerrime rotatis oculis, et quasi prominentibus cum eiulatu, et oestro percitus: Perfluebant ex omni corpore sudorum rivi, pulsu arteriarum vix citatiore, veruntamen vibrato: Fit altera venaesectio eadem vespera, quae sanguinem aspectu bonum dedit, sed aegrum non levavit. Noctem inter furias exegit cum interdij cicuratus delirasset.

Altero delirii die circa meridiem nobis committitur: iis horis, meridianis nempe, cum domo efferreretur, in via resipiscere aliquantum incoepit; ut adveniens et apte loqueretur, et quod initium morbi fuerit ad id usque tempus, quo mentem amiserat, adamussim referret. Nondum integra hora ab adventu in nosocomium praeteriverat, cum denuo fureret, pulsu forti, pleno, vibrato, sed vix praeter ordinem accelerato; inter assiduos subsultus tendinum, et sudores largos.

Sanguinis ex nocte perparum detraxi, visurus, et quomodo phlebotomiam ferat, et quae conditio sit eiusdem emissi. Eum crusta phlogistica carentem vidi, et superficie laetissime rosea.

Mullam et poscam adiecto sale medio mitiori frequenter, et assatum propinavi, atque iniecto clystere alvum sollicitavi.

Cum

Cum eo tempore, quo pridie mitius delirabat, videlicet meridie furor adeo non remitteret, ut potius novis auctibus cresceret, grana quinque tartari emetici ex quatuor unciiis aquae haurienda dedi. Ter inde stomachum exoneravit, nausea gravem, ventrem sexies. Bilis vomitu reiecta est flava, et amurcosa; sed mole non maxima; bilis etiam alvo secessit longe copiosissima, morbi fax, et origo. Mox cicurari aliquantum, et tractabilior esse; dormire tandem; somno ea vespere inque multam usque noctem producto, inter exiguos, rarioreisque tendinum, et digitorum lusus. Post mediam noctem evigilat, sui plenissime conscius, et compos.

Ab eo tempore ment, quam rectissime valetuit: sudores imminuti tandem nulli fuerunt.

Ufus est decocto radicum graminis, tarakaci, tamarindorum, et tandem, elapso non multo tempore, domum abiit; etiam nunc, dum haec e pugillaribus excerpo, plane sanus.

Id addo, hominem ante aliquot annos gravi terrore perculsum fuisse, tuncque etiam convulsivum: sed et antea, et posthac sanum vixisse.

Famulus Baronis P** 37. annorum die 17. Decembris 1778: mane lassus, et capite dolens inhorruit; pituitam suapte vomuit; intercurrente per vices fugitivo calore. A meridie commodius valere videbatur; obambulabat; Gustum equidem non depravatum, at anorexiam, questus.

Meraciorem cerevisiam et eius largiores haustus amasse, ad crapulam usque, Domestici testabantur.

Haec incommoda quotidie recurrebant, donec die 21. Decembris Medicum accederet, qui herili, totiusque familiae valetudini curandae praeparat,

erat, is pulveres ex sale medio et rheo confectos praescripsit, per vices absumendos.

Die 23. Decembris a meridie idem Medicus ad aegrum accitur, totis artubus trementem, sicutulosum, et capite valdopere dolentem; cum pulsu duro, pleno, atque accelerato. Alvum a sale medio, et rheo aliquoties fuisse motam comperit: oris amaror nullus; nullae nauseae. Mox sanguis eductus est, crustam postmodum phlogisticam exhibens: remedium refrigerans, nitrosumque propinatum. Cum morbus ad vesperam intenderetur manifesto, alteram iam multa nocte phlebotomiam instituunt, sanguine corium phlogisticum denuo formante. Copiosus limonadae potus dabatur: nox absque somno, et inter deliria, exacta.

Die 24. Decembris mane convellitur. Vescantia ad suras applicantur, et mixtura ex spiritus salis ammoniaci, aceto saturati, drachma una, syrupo papaveris albi, et aqua stillatitia conveniente propinatur. Delirat assiduo, et cum furore; nisi forte Herae aut admonentis, aut increpantis, conspectu resipisceret aliquantum, et componeretur: nox insomnis, et cum furore.

Die 25. Decembris meridie ad nosocomium deducitur. De morbo interrogatus apte, atque omnia exacte usque ad id temporis, quo mente labi coepit, narravit, et tremuisse se totis artubus per omne hoc morbi tempus, tremens addidit. Nunc vero frequenter sibi poplites quasi succidi, veluti iamiam lapsuro. Condicio linguae et faucium quemadmodum in sanitate; sed pulsus fortes, et pleni, vibratique cum aliqua celeritate, et uberrimi sudores aderant.

Et si cuncta concinne atque ex ordine, quemad-

admodum gesta fuerant, referret; nihilominus aspectu, sermonisque insolita promptitudine a sana mente alieni quid attonitique, atque etiam rerum suarum incurii, prodebat.

Brevi morbi historia vix absoluta, cum in plura volueram adcuratius indagare, delirare furiose coepit, furore vesperi, noctuque intensiore. Ad nos venienti vesicantia detrahi curavi.

26. Dec. aegrum assidue, sed mitius, furentem inveni, eumque, quod antea recusavit, strenue bibentem. Alvum noctu bis posuit. Collecta studiose atque asservata urina sedimentum lateritium, aut potius cinnabarinum deposuit. Pulsus et sudores, uti pridie.

Horis antemeridianis grana quinque tartari emetici in quatuor unciiis aquae soluta dedi, atque uno haustu potanda. Vomuit inde sexies pituitam non copiosam, cum parca bile: quaternis secessibus multae biliosae faeces excernebantur. A vomitu mitius delirare et taciturne, ac quaedam subinde quasi mentis reversurae signa dare. Qui antea lectum conspurcaverat, iam nunc excipulum petiit, atque matulam lotium missurus. Urinae quaedam iumentosae erant, quaedam vero propemodum naturales, aut a naturalibus intensiore solum flavedine differentes. Lingua per vices arescebat. Sudores, et pulsus hucusque nil mutabantur. Potus multus ex aqua simplici, aceto et melle. Noctem placide delirans et insomnis egit.

27. Decembris mane vomiturit, vomitque paucam pituitam; quietior est, atque ita compositus, ut manibus subinde liberatas potuerit a vinculis dari; subinde etiam apte respondet, delirio licet identidem recursante. Urinae et pulsus iidem: lidem etiam potus medicari, adies-

Oto nitro et tartari cremore. Hac vespere cum denuo inquietior, quin etiam ferox, redderetur; pulsu plenissimo, vibratoque, undecim uncias sanguinis detraxi, qui crustam plumbeam, tenuem, modice contractam, et serum multum atque caeruleo-viridescens monstrabat. Ea nocte ad singulos potuum refrigerantium haustus pituitam non paucam leviterque virescentem vomebat. Nox insomnis, inter sermones ineptos, sed absque furore.

Die 28. Decemb. mane dormit, remotis vinculis, mente constat, lassitudinem magnam, sitim, et gustum vitiatum quaestus: perraro haesitare videtur, quasi denuo mente lapsurus. Circa meridiem eius diei emeticum denuo propinabatur ex scrupulis duobus ipecacuanhae, et grano uno tartari emetici paratum. Inde decies multa, biliosa revomuit, deiecit: mens inde perfecte sana; febris vix ulla; levis tremor artuum; sudores exigui.

29. Decembris nulla febris, mentis sanitas perfecta. Nullus ullibi dolor, lingua humectata, leviter albescens, urinae croceae. Decoctum ex radice graminis, taraxaci, et fructibus tamarindorum cum succo citri et saccharo.

30. Dec. nox bona, apyrexia plena. Remedia eadem. Per vices e lecto surgit.

Locus ille, quo de sede phrenitidis disceptatur, atque eidem medendi ratione, magnus est hercle, et a non paucis vexatus. Quibusdam enim phrenitides visebantur encephalo inflammato; cum aliis eiusdem visceris inflammatio non infrequenter occurreret, etsi aeger, quamdiu in vivis erat, non deliraret. Non raro nihil omnino quod accusares, aut nihil saltem, quod non alibi saepius, quin
prae-

praegressa phrenitis esset, conspectum fuerit, intra calvariam reperiiebatur, utut a phrenitide mors fuerat.

Non unam eandemque ubique ac semper esse phrenitidem arbitror, nempe non unam semper, eandemque phrenitidis causam, nec causae sedem. Diversae dantur febres phreniticae, seu phrenitides, quod exemplo illustratur.

Febres phreniticas aequè inter se differre existimo, ac febres *ophthalmicas*, *anginosas*, *pleuriticās*, *peripneumonicas*, aliasque; quae quantum et genesi, et medendi ratione discrepent, alibi est abunde dictum. Amabo enim, si ophthalmiam videas, ruborem oculi nempe, doloremque cum motu febrili, num eadem ubique aegritudo erit? nonne haec febris *ophthalmica* (si fas sit hac compellatione uti) diversas habere origines, causasque potest, et diversam exigere ob id ipsum medendi methodum? Febris *ophthalmica inflammatoria* esse solet, in aliis *serosa*, *rheumatica*, *gastrica*, seu *saburrālis*, atque in aliis denuo alia.

Ea ipsa ratio etiam in phrenitide obtinet, morbo videlicet saepius differente.

Quodsi forte curanda quaedam febris occurrat, quae more phrenitico mentem turbat, male solum plerumque delirium spectamus, quasi is morbus princeps esset, et non potius febris cuiusdam quoddam accidens non necessariam.

Has, quas ego videram, phreniticorum febres, fuisse aut *biliosas*, aut *inflammatorio-biliosas*, existimo eventu posse probari; atque hanc ipsam speciem phrenitidis esse idcirco multo frequentiorē, quod et ipsa princeps febris, gastrica nempe, prae caeteris febribus sit multo crebrior, annis omnibus, atque etiam per omnes terrarum tractus.

Dum huius phrenitidis sedem (de hac enim Quanam ratione saburra
sola

ventriculi en-
cephalon af-
ficiat.

sola loquor) cuius hic exempla retuli, in abdominis saburra statuo, non id dico, rationem me nosse, qua ventris illuvies valeat encephalum turbare; fortasse enim nihil omnino morbosae materiae ad cerebrum ablegatur, sed aegrotante ventriculo ob inexplicabilem quemdam consensum encephalum aequè aegrotat; fortassis etiam id fit, quod in ophthalmia biliosa ac saburrali accidere saepe videmus; quod aequè evenire in erysipelate solet, morbo nempe ex ventris illuvie nato. In his enim morbis, quorum uterque natales ex abdomine deducit, particula materiae, decerptae nempe ex abdominali saburra, ad oculos dimittitur, aut ad locum erysipelate tentatum: videmus enim rubentes oculos, et acrium lachrymarum imbres, atque erysipelas ipso aspectu docet, materiem alienam esse aegrotanti loco infixam.

Huius ergo phrenitidis sedes concipere fortassis *binas* possumus, in praecordiis unam, infatuante humore, biliformi, putrido, aut qualicunque fæctis; atque alteram in ipso encephalo, quod eiusdem dementantis materiae particulam, ut veterum phrasi utar, attraxit.

Videre igitur in cerebris demortuorum et vasa infarcta, et rubores praeter morem, et alienos latices frequenter licebit, etsi morbus in infimo ventre suum habuerit promptuarium, suamque penam; ignis sacri, atque ophthalmiae saburralis exemplo.

Emesis suo tempore, iisque, quae antea acta esse oportet, praemissis, instituta, et ventris saburram eliciet, novaeque metastasis generandae, aut prioris alendae ansam rescinder, et ipsam forte materiem e ventre aliorsum iam dimissam, atque alicubi pertinacius adhaerentem, submovebit,

con-

concussu salutari corporis totius, ac largo sudor-
um proventu, hi enim ab emesi ubertim ma-
nant.

Verum quoscunque haec res explicatus pos-
cat, is semper veluti canon, atque regula obti-
nebit, a qua impune deflectere non licebit: *in-*
quirendum esse in febrium indolem, easque, misso non
necessario symptomate, directe esse oppugnandas.

Unde divisio
phrenitidis
sic repetenda

Atque id non solum in febribus phreniticis
facto opus esse existimo, sed etiam in omni alia
quacunque febre, quam eminens quaedam affe-
ctio topica comitatur, angina, pleuritide etc.

Symptomatis cuiusdam apparens magnitudo
plerumque Medicum inauspicato abducit a con-
templanda febris natura, et eum in se totum con-
vertit, insolentia rei, veluti monstro, perculsum.

Ita phrenitidem *apparenter* eandem, *re* diver-
sam, eidem plerumque methodo subiicimus, erra-
bundae potissimum, atque incongruae; qualem
nempe illam esse oportet, quam nulla morbi de-
terminata notio regit.

Epierises
phrenitidum
antea narra-
tarum.

Ipse non eandem in quinque phreniticis me-
dendi viam institi, etsi debueram; in morbo nem-
pe, prout is mihi offerebatur, his quinque vicibus
eodem.

In prima aegra leniorum purgantium usui,
eoque protracto confisus sum, ea nempe ex opi-
nione, id aequè confici atque etiam tutius pur-
gante posse, frequentius propinato, quod vomito-
rio.

Purgantibus, utut antiphlogisticis, morbos
evidenter saburrales efferari vidi, atque intendi
non raro; quos emesis, si ex simillimis, et quam
plurimis casibus iudicium formare liceat, repente
sustulisset.

Attamen id etiam observavi, febres quasdam alias, aequae ex ventris infimi saburra natas, mihi pharmaco alvum pluribus diebus movente fuisse sublatas.

Inde est, cur non existimem, esse indifferens, an emetico, an vero purgante in febre saburrali utamur, nec alterum posse alterius vices supplere.

Dispicere igitur oportebit, an materies *superum*, an vero *deorsum* turgat.

In cura huius aegrae debueram misso delirio in morbum principem, febrem nempe saburralem inquirere, eique a fronte occurrere. Non enim commentitia lex est, neque a veterum placitis deflectens: morbi iugulum premendum esse, non circum-eundum: sed cautos esse, atque oculos oportere, ne forte iugulum putemus, quae solum aut manus, aut pes foret.

Phrenicis eiusdem aegrae, postquam febris defervuit, in maniam convertebatur, delirium nempe apyreton.

Phrenitidis
in maniam
conversio.

Quidam, qui maniacis olim non paucis medebatur, eiusmodi mihi narravit, unde collegi, plerosque maniacos initio *Phreniticos* fuisse, utque ob febrem obscuriorem (si febrium notas ex pulsu fere solo capiamus) iam inde a morbi principio *Maniaci* dicerentur, et febris expertes.

Id etiam assererat, se multos, et fere omnes recentes maniacos sanasse, cum multo solvente potu praemisso, et phlebotomia una aut pluribus, infatuantem fomitem ex eorum ventriculis evulssisset. Atque ea in re patrum nostrorum consuetudinem sequebatur: fuit enim antiqui moris, delirantium animos helleboro detergere.

Altera Iuencula febre laborabat manifesto biliosa; sive ad Medici, qui prior aegrotae curam gessit, assertum attendas, hominis exercitati; seu id spectes, quod febris certis, dimensisque momentis accresceret, atque iterum modice subsideret.

Emelin ab eodem Medico concitatam non suffecisse, mirari desinet, qui noverit, illam parcissimam fuisse, et ab exigua vomitorii dosi factam, et in corpore ad vomendum non praeparato, tanta igitur aegritudine minorem.

In nosocomio vero periculosam medicationem subiit. Copioso equidem atque apto potu materies vitiosa, et morbum committens diluebatur; at, quod via et brevissima, et tutissima, eam totam eveheret, nil fuit.

Misso non paucio sanguine, et exantlato systemate venoso arteriosoque, alienus isque dilutus humor intra vitae hospitia receptus universum corpus oberrabat; donec tandem ad varia cola errabundus ferretur, atque aut artis stimulis, aut medicatricis naturae vi a tergo pulsus diversos sibi exitus ac fugam quaereret, morosam quidem ac tardam, neque sine omni prorsus desertae stationis damno.

En crisin difficilem, saepe inadaequatam, et mille periculis implicitam.

Qua phrenitidis specie tres reliqui phrenitici laborarint, prompta medendi ratio, et eventus docet.

Id solum difficile videtur, ut adcurate determines, an vera, atque inflammatoria phrenitis sit, an vero sympathica, aut etiam aliunde proveniat.

Et si enim in scholis Medicorum phrenitidum distinctiones adcurate tradantur, earundem tamen

diagnosis penes lectos aegrorum non raro anceps reperitur.

Ambigua
sunt inflam-
mati encephali
figura.

Quippe multa, quae inflammationem praesentem indicare dicuntur, eamque encephali praepriis, decipere visa sunt non raro.

Ut a pulsu initium faciam, is saepe durus et vibrans inventus est, etsi nulla praesens inflammatio fuerit; atque alia vice debilis et mollis, ubi phlogosis encephalo profunde insidet.

Aetatem viridem, et calefacientium usum, sicubi in eodem homine febriente, et phrenitico concurrant, inflammatoriam phrenitidem indicare nemo facile dubitabit. Verumtamen aegri nostri omnes aetate floruerunt, atque unus eorum cerebra meraca, et vino abuti solebat, etsi nullus eorundem inflammatione encephali laboravit.

Cephalalgias validas phrenitidem veram antecedere afferunt; quod quidem ut saepe fieri non nego, ita semper accidere inficior, contrarium doctus. Cephalalgia gastrica, febrium biliosarum, putridarum, malignarumque comes plerumque praecaeteris saeva est, atque ex hac ipsa dolorum intensione non raro eiusdem indolem et causam dinovimus, nullatenus inflammatoriam.

Immoderatas vigilias, quas inter *verae* phrenitidis causas *Boerhaavius* recenset, bis vidi *spuriam* fecisse.

Faciei rubor et turgor, atque oculorum pars alba velut sanguine suffusa plethoram et inflammationem non raro notant; at vero eadem symptomata in quam plurimis febribus, biliosis, putridis, malignis a me fuisse frequentissime conspecta, fidenter aio.

Adde etiam illud, deesse nonnunquam notatas omnes, quae corruptam atque acrem bilem
circa

circa praecordia haerere, communiter docent.

Non haec idcirco prolata velim, ut haec accidentia in determinanda phrenitidis indole negligantur, sed ne in formanda diagnosi difficillima iisdem solis fidamus.

Tempus anni, morbi congeneres, eorum accurata cognitio, quae delirium praecesserunt, morbi remissio per vices, iuvantium et nocentium notitia, scientia earum rerum morborumque, qui *passim*, et *caeteris frequentius* eveniunt, et facultas quaedam vel occultissima dignoscendi, usu comparanda, verbis non describenda, medentem melius instruent, quam scholarum praecepta.

Divisionem phrenitidis accuratam, et quae omnes delirii febrilis species complectatur, statui nullam posse existimo; quemadmodum nullam quoque febrium partitionem habemus completam, neque habere possumus.

An, et quomodo condī possit practica phrenitidis divisio?

In tanta enim febrilium causarum infinitate, quarum singulis respondebit *sua* humorum, solidorumque crasis vitiata, et *sua* febris, necessum omnino erit, febres esse non solum innumeras, sed etiam summopere ab se invicem differentes.

Iam vero vix ullam febris speciem dari puto, quae non aliquando encephalon quacunque ratione afficiat; aut dolore, eoque vario, aut functionum eiusdem laesione varia; atque vix ullam febris speciem, quae non aliquando sub certis quibusdam conditionibus encephalon ita afficiat, ut aeger *phreniticus* dicatur.

Erit ergo phrenitis symptoma quoddam commune quam plurimarum febrium, inter sese summopere licet differentium; quemadmodum id de calore, frigore, cephalalgia, siti, sudore, aliisque

communibus febrium non necessariis accidentibus dicimus .

Quemadmodum ergo in febrium partitione non omnes omnino febres complectimur, neque ob dictam rationem complecti possumus, sed solum *quasdam, easque cardinales, ac primarias* statuimus, reliquas vero in partitione non expressas ad eam febrium cardinalem reducimus, quacum aliquam quoad causas, decursum, et maxime quoad methodum medendi analogiam habent, reducere solemus; ita etiam agendum reor in phrenitidis partitione .

Non id ago, ut phrenitidis partitionem hic dem; sed ut, quid difficilem eam reddat, quidve in ea stabilienda sit observandum, ostendam .

Inadaequatae
plerorumque
Auctorum di-
visiones et
definitiones
phrenitidis .

Hinc, qui vel in solo encephalo inflammato phrenitidis causam quaesivere, morbum latissime patentem nimis arctis limitibus circumscribere; aequae ac illi, qui eandem, encephalo sano, subter praecordia locarunt, sed neque ii phrenitidis omnem ambitum complexi sunt, quibus placuit, utramque hanc phrenitidis speciem ita admittere, ut aliam nullam agnoscerent; cum pluribus, quam binis solum his locis, supremo atque infimo ventre, discludi infatuans causa possit, eaque ipsa summopere differentis indolis esse, et diversissimo modo mentem laedere .

Idcirco differre etiam phrenitides debent, pro-ut et *locus* phreniticae causae, et eius *indoles*, et infatuandi *modus* differt .

Cum hae phrenitidum differentiae negligeren-
tur, idemque semper et ubique morbus statue-
runt, ubi mens febrientis erat diutius emota; id
accidit, ut Auctores diversimode de morbi sede,
causis, et accidentibus, ac medendi ratione opi-
na-

narentur, et quam maxime pugnancia proferrent; suis singuli observationibus confisi, et extispiciis subinde docti.

Plerosque res non *commentitias*, sed *factas* in medium protulisse, lubens concedam, verum in eo lapsos esse existimo, quod, quae viderint in *paucis*, ad *plurimos*, quin ad *omnes*, transtulerint, qui cum febre delirarent.

In *definienda* phrenitide aequè disceptabatur; utut, ignorata et morbi causa, et sede, in promptu fuerat, morbi notionem ex characteribus, qui constanter atque in quovis phrenitico, sensibus occurrant, haurire.

Verum plerique ex quadam amica hypothese, aut ex rarioribus observatis, definire morbum maluerunt.

Febrim acutam cum delirio phrenitidem nominabis.

Nil refert, quaecunque acutae febris species sit, quae phrenitidem committat: neque semper *malignam*, etsi id quibusdam placere videam, requiri, phreneticorum historiae docuerunt.

Sed neque semper *inflammatoriam* febrim dicēs, nec inflammatum encephalon in iis omnibus, quos phrenitis tenet.

Vix enim febrim acutam novi, quam non aliquando cum delirio viderim.

Quidam thorace solum inflammato, alii ventriculo et intestinis, phrenitice delirarunt, encephalo omnis phlogoseos experte.

Encephalon inflammatum cum delirio observavi; inflammatum quoque, mente sana.

Afferta mea extispiciis possum confirmare.

Delirium nec *assiduum* volo, nec *furiosum*, nec tale, quod morbum *inchoet*, ut phrenitis di-

ci queat; quanquam, si haec ita sint, phrenitidem adesse, nemo dubitet.

Non enim ex eo, quod *plus*, *minusve* est, morbum adesse, aut abesse dices; sed eum solammodo *plus*, *minusque* *urgere*, *intendi*, atque *remittere*.

Acutae febres propius aut longius absunt ab eo statu, quo praesente *phrenitis* dicitur, eruntque febres quaedam *plus*, *minusque* *phreniticae*, *leviter phreniticae*, seu *paraphreniticae*, vel vero *phreniticae per eminentiam*.

Neque refert, an inter clamores deliret, ac lacertorum suorum vires periclitetur; an vero inter verba solum ineptiat, tranquillus, aut mustitando.

Sed neque, si serius, ac morbo iam progresso, delirium accedat, propterea non erit phrenitis.

Verum hae distinctiones, utut ad praesagendum morbi exitum conferre quid et eius docere periculum queant; nil tamen conferunt, quo possis oblatam aegritudinem a reliquis eiusdem speciebus dignosse.

Phrenitis
amplitudo

Phrenitis igitur latissime patet, et aequae late, ac ipsae notio acutae febris.

Et prout ipsa acuta febris varia est, et varium eiusdem acutae stadium, et varia in vario eiusdem acutae stadio medicina; ita etiam varia erit, et phrenitidis species, et modus sanandi; quem idcirco ex curatione febrium repetere oportebit.

Caelius Aurelianus phrenitidem appellat *alienationem mentis cum acuta febre*, *pulsu parvo*, et *crebro*, *carphologia*, et *crocidismo*.

Verum aliam pulsuum conditionem in phreniticis subinde obtinere, *carphologiam* vero, seu

se-

festucarum collectionem, et *crocidismum*, seu *fibriarum* ex operimentis decerptionem, phrenitidis definitionem ingredi non posse, utpote non necessarias nec individuas phreneticorum actiones, per se patet.

Nihilominus phrenitidis symptomata hic Auctor ferme pleraque, veterumque de eius morbi sede opiniones, stylo licet minime latino, et in scriptores, quorum sententias refert, persaepe iniurio, ita complectitur, ut lectorum patientiam remuneretur.

Sed alias referre phreneticorum historias malim, quam confutandis aliorum opinionibus immorari.

Delirium, et acutam febrim in multis observavi, qui ex alto delapsi caput alliserant: sanguis secta vena eductus crustam pleuriticam contraxit.

Dissecta post mortem capita encephalon multis in locis valdopere fugillatum monstrarunt.

Quasdam vero aliorum phrenitides, pariter a vi externa capiti illata profectas, missionibus sanguinis, et antiphlogistica methodo sanavi, eadem nempe ratione, qua validiori contusioni aliarum partium, quarum periculosa inflammatio foret, medemur.

Die nona Aprilis 1779. Famulus quidam triginta septem annos natus noctu per octodecim graduum scalam delapsus est, et caput pavimento lapideo impegit. Per aliquot temporis minuta sensuum officio caruit. At iis paullo post restitutus integro biduo se domi continuit, levem carebariam, et vulnus questus, quod dextro capitis lateri inflictum multum sanguinis fudit, et pollicem longitudine exaequans ibi loci visebatur, qui medio ossi parietali responderet.

Phrenitidis sero intra caput effuso post lapsum ab alto.

Die a lapsu tertia tremere artubus vehementius coepit (tremebat enim iam a multis annis , quod olim tinctor pigmenta saturnina plurimum tractaret), et intor assiduos calores , febrimque delirare : delatus in nosocomium cum furore insanit . Specillo exploratum vulnus ad os ipsum non pertingebat .

Incisa vena est semel iterumque : e ductus sanguis in crassam , tenacem , et obsolete flavam crustam coivit . Clysteri alvus mota , et emulsum , in quo aliquid salis amari , et mannae dissolvebatur , propinatum . Pulsus validi , duri , accelerati , et calor febrilis .

Die quarta cum insania ferox , et febris incrementa caperent , vulnus altius incisum est ad ossis usque superficiem levissime fissam . Trepano perforare cranium placuit , ubi extimam eiusdem solum laminam fissam videramus , fissura ultra diploen non penetrante . Nihil humoris e suis vasis effusi comparuit . Noctu delirium furiosum , et febris .

Die 5. denuo trepanon applicatum , ut amplior redderetur ossis perforati plaga . Nil alieni repertum . Delirium assiduum et furiosum cum febre .

Die 6. mane menti restitutus ad interrogata apte responder , et mitissime febricit .

Die 7. et 8. mens integra , et febris vix ulla ; alvum his diebus facilem habuit crebro enemate sollicitatam .

Die 9. de novo incalescere , febrile et delirare coepit . Sanguis missus corium pleuriticum exhibuit : non levatur .

Die sequenti moritur .

Ablata olla cranii inter duram , et piam meningem .

tingem per omnem late ambitum insignis copia feri aquosi inventa est. Caetera illaesa, nec ulla ullibi encephali sugillatio; quam tamen in aliis, qui alliso capite periere, toties deprehendi.

Spes forte salutis fuisset, si dura matre initio cruciatim percissa, aquae colligi aut non potuissent, aut iam collectis fuisset exitus paratus.

Si pathognomicus phrenitidis character sit, ut aeger acute febriens ferme assiduo deliret, quaecumque demum febrilis insaniae ratio sublit, non miraberis, opinor, me etiam haec deliria, febrimque ex valido in caput impactu ortam in phrenitidem tribum transcripsisse.

Senex septuagenario maior vegeto adhuc corpore, et senectute cruda, per duodecim scalae gradus fallente vestigio cadit. A casu illico deliravit. Vulnus in occipite paullo infra saturam lambdoidem, ac sinistrorsum pollicis unius longitudinem aequans, ibique os denudatum adparuit. Per aurem sinistram, et nares aliquid sanguinis stillabat. Eum diem domi suae absque auxilio, et inter deliria exegit.

Phrenitis
à sugillatione
encephali
post lapsum
ab alto.

Die altera ad nosocomium deportatur delirans, ac inter inconditos et motus, et clamores; pulsu pleno, forti, duro, vibratoque, at iustam in sanis celeritatem vix excedente. Incaluit praeter morem. Αλυσμος, et exsilitio frequens e lecto.

Examinatum vulnus: nulla initio laesio cranii in conspectum prodiit. Sanguis detrahatur aliquoties, alvus iniecto enemate, et antiphlogistico purgante proritabatur, verum perpauca, et morosissime secesserunt.

Ea die, et sequenti nil emendatum est, perius habuit, febris augebatur.

Vul-

Vulnus producere sectione placuit; fissura cranii detecta moritur.

Fissura cranii paullo infra supremum ossis occipitis marginem incipiens per latus sinistrum decurrebat ad foramen usque occipitale, quod et ipsum erat diffusum.

Inter calvariam, et duram matrem iuxta ductum fissurae paucillum effusi, grumosi que sanguinis exiguam taeniam referentis, plusculum vero sanguinis non coagulati in ipso foramine occipitali offendebarur.

Cerebellum totum amplioribus vasis, et atro sanguine turgidis perreptebarur, omnesque eius anfractus, si eosdem explicueras, sanguinem habuere effusum, atrum, grumosum; ipsam inter cerebelli substantiam, et piam meningem ita retentum, ut nullibi copiosius colligeretur, sed diffusus per omnes cerebelli maeandros gravissimam potius sugillationem referret, et piae matris, et superficiei cerebrinae.

Hemisphaerium cerebri sinistrum totum nigrescentibus, amplisque sugillationibus et vasis atro cruore tumidissimis commaculatum.

Lobus eiusdem emisphaerii anterior hanc, quam dixi, sugillationem, multo graviolem habuit partibus caeteris quibuscunque.

Anfractus omnes eiusdem hemisphaerii, ubi eosdem ab se invicem dimoveras, effusus cruor coagulatus inter piam meningem et cerebri substantiam haerens opplevit.

Hemisphaerium dextrum, qua parte medio bregmati responderet, plagam orbicularem, pollicis diametro sugillatam, et atram, ibique loci intra anfractuosos cerebri ductus atrum quoque sanguinem exhibebat.

Famulus quidam quadraginta circiter annos natus Medicum accedit, lassitudinem, et minorem ab aliquot iam diebus appetitum questus. Suasum est, ut sale amaro ventrem purget: melius habuit. Elapso octiduo redit, aitque minui de novo desiderium cibi, et subinde parum bilis suapte vomere, corpore quasi a laboribus defatigato. Exhibebatur mixtura solvens; salina: vomuit frequentius. Cum alvum positurus latrinam peteret, indeque in cubiculum rediret, in limine concidit; alliso in acutam ferramentum capite, regioni temporali sinistrae vulnus inflictum est digiti longitudine, quod ultra integumenta quasi cultro dissecta non penetrabat. Subtus et circumcirca sana omnia et tunc videbantur, et a morte reperta sunt. Impos mentis per aliquot momenta humi iacuit, crebrius modicam aeruginem vomitu reiectans, et sanguine multo ex vulnere manans. Accersitus prior Medicus propinato quodam haustu vomitum cohibuit. Mens plene rediit haud multo post, vulnus exploratum, ac deligatum est, et sanguis e brachio ductus. Aeger commode valere visus est.

Phrenitidis;
fortassis sympathice, post
casum.

Vespere cum recte se habere, et die proximo consueta munia obituro se diceret, repente rotus convellitur. Phlebotomia larga fit, et clyster iniicitur. A convulsione delirium, furorque, et exsiliendi conatus validi, assidui. Ante mediam noctem denuo sanguis extrahitur, idem furor, et iactitatio eadem.

Die altero (cum duodecim fere dies exacti essent, ex quo prima vice Medicum accesserat inappetentiam questus) circa meridiem ad nosocomium deportatur, in quo transacto inter furores, febrimque magnam nycthemero, primo con-

convulsus, dein toto corpore obrigescens moritur.

Cum cranium ferra in orbem circumducta diffecaretur, parum serosi humoris effluxit, quod intra meninges conclusum, et iis ferra laesis permanare, arbitrabamur.

Cranio remoto nihil vitii repertum est, si maiora meningum vasa atro sanguine paululum turgidiora, minora vero quasi ab injecto pigmento rubentia excipias. In ventriculis lateralibus perparum serosi laticis deprehensum.

Nullum omnino vitium intra thoracem fuit.

Hepar, resecrato abdomine plurimum flavebat, et superficie modice inaequali fuit, ac minus, quam in sanis solet, laevigata, atque, si contrectabatur, durius, et veluti coctum apparebat: bilis amurcosa vesiculam replevit. Ventriculus amplus, et intestinorum tractus omnis profunda, ac lurida flavedine saturate tingeabantur; multa quoque bile eiusdem coloris et tenaci, horum viscerum cavum obliniente.

Reliqua iuxta naturae consuetum ordinem fuerunt.

Antiquum in potatore (nam hominem mero a multis annis profuse indulgisse, qui eum noverant, asseriebant) officinae biliferae vitium fuit, quod in hepate videramus.

Pima ventriculi incommoda a biliosa et tenaci materie profecta videbantur, quibus sal amarus aliquantum medebatur.

Pkrenitidem consensualem existimabam potius, quam idiopathicam. Biliosa enim colluvies, iam antea praesens, casu ipso adaucta atque ferocior facta in caput irrupit, vi illata debilitatum, et morbo opportunius effectum.

Hos

Hos consensuales quidem encephali affectus ; cephalalgias , deliria etc. plerumque serius , atque aliquot primum a lapsu diebus cum febre subortos vidi ; cum , quae propria fuerunt ipsius capitis mala , mox ab illata iniuria praeprimis urgerent .

Verum subinde contrarium obtinere et ipse expertus sum , et ab aliis legi consignatum .

Neque isthaec humoris biliosi vis Bilis post capitis . DIVI SENIS perspicaciam fugit , qui *L. de vuln. capitis : Si vuln. capitis vel serra secto , vel etiam non secto , osses tamen nudato , tumor rubicundus , et erysipelatodes in facie , et in ambobus oculis , aut saltem alterutro , superveniat , et , si contrectato tumore doleat , eumque febris , et rigor prehendat ; caeterum ulcus ipsum , quantum ad carnem , atque ad os pertinet , atque excepto illo faciei tumore partes ambientes se belle habeant ; denique , si nullus in reliqua vicius ratione error fuerit commissus , eum medicamento , quod per inferiora bilem ducat , opus habere , testatum facit . Sic enim purgato et febris sedatur , et tumor evanescit , et secunda valetudo restituitur .*

Quam hic afflicto encephalo efferri bilem , elatamque et faciem , atque oculos igne sacro impetere , Coo teste , et experientia suffragante , didicimus , eandem eadem illa in laesa capita potestate , aut phrenitides in aliis generare diras posse , aut veternos in aliis , aut apoplexias , aut quodcunque genus convulsionum , atque omnibus hisce malis eodem & fonte manantibus idem quoque remedium mederi , pharmacum nempe , quod bilem ducat , nemo opinor , inficias ibit , qui , quam versatili ingenio hic humor polleat , et diversissimorum in speciem morborum esse choragus soleat , non ignoraverit .

Digressio ad
capitis laesio-
nes.

Seposito paulisper, quem de phrenitide institueramus, sermone, postmodum denuo resumendo, pauca quaedam laesionum capitis exempla narrabo, quae, utut ad praesens institutum non pertinentia, superioribus nihilominus, cumque aliis aliorum observationibus comparata, aliquid forte in re adhucdum obscura lucis dabunt.

CASUS I.

Vir 38. annorum compage robusta, et optime valens, 25. Ianuarii ex ingenti altitudine, ex secunda nempe altissimi aedificii contignatione, decidit, atque in machinam levandis oneribus destinatam caput ita impegit, ut transversus machinae truncus, isque sat firmus, confractus dissiliret.

Vulnus ad supremum bregmatis dextri marginem haud procul a sutura sagittali, cum eaque ad duorum fere pollicum longitudinem decurrens, os nudum exhibuit, attamen illaesium.

Sensuum omnium officio compluribus horis destitutus iacuit: mox sanguinem e brachio eduxerunt.

Die altera ad nosocomium deportabatur, soporosus, ita tamen, ut apte responderet, si inclamaveras. Tensivus dorso, lumborumque dolor, uti etiam dextri genu quod moveri non poterat, nec absque dolore contrectari: nihil tamen externae laesionis adparuit. De capite exiguae querelae. Calor febrilis aderat, et pulsuum robur insignis, durities, et plenitudo, celeritate vix aucta. Sanguinem copiosum e brachio misimus, corio postmodum pleuritico coopertum. Potus copiosus, antiphlogistici, nitrosi propinati.

Mansit illa in soporem proclivitas in quintam diem

diem usque, dolor lumborum vero, et dorſi primo intendebantur, deinde sensim mitiores facti ad nucham et scapulas migrarunt .

Antiphlogisticorum et potuum, et eccoproticorum, et enematum usu circa octavam a lapsu diem dolores et febris evanescere coeperunt .

Genū fomento discutiente emendabatur. Denudato ossi initio aquam nostram vulnerariam, cui dein aliquid spiritus mastichini affudimus, vulnere ipsi arcaeī balsamum applicabamus. Non est animadversa exfoliatio. Vulnus brevi coaluit. Sanus post mensis Martii initia discessit.

CASUS II.

Sartor 53. annos natus, Bacchi strenuus cultor, ante annum e lapsu caput vulneraverat: curatus est; verum ab eo tempore interiectis longioribus intervallis sine febre, et placide delirat .

Die 7. Februarii 1778. hausto vesperi potu meraciori per duodecim scalae gradus delvolvitur, alliso capite; ex ore et naribus largo sanguine manabat. Domum delatus de capitis, et potissimum hypochondrii dextri dolore querelas movebat: mente constabat .

8. Februarii hypochondrium dextrum plus doluit. Oppressio thoracis accessit. Sitis, iactitatio: noctu dormivit, sed inter manuum, quasi floccos captantium, assiduos lusus: mentis constantia .

9. Februarii symptomatum incrementa, rufis, sternutatio, et inter sternutandum hypochondrii dolor intensior, nuncque etiam thoracis .

10. Februarii mane in nosocomium susceptus
do-

dolorem epigastrii totius, hypochondrii praecipue dextri, pectoris oppressionem, tussim, difficilemque tenacis materiae anacatharsin querebatur. Caput non multum dolere contestabatur: domi suae absque remedio decubuit: sensuum functiones hucusque illaesae: febris magna.

Sanguinem hac die binis vicibus detraximus. Vesperi insultus epileptici per intervalla accesserunt, ubi oculi sinistri frequentissima motitatio fuit, et convulsivi labiorum motus musculorumque faciei, praecipue in eiusdem latere sinistro. Continua ferme masticatio, etiam extra tempora convulsionum: extra hos epilepticos insultus mente constabat exacte, dolorem epigastrii solummodo, et hypochondrii dextri, atque etiam infimi thoracis accusans. Alvum eccoproticis, et crebro enemate sollicitavimus. Noctu frequentissimae convulsiones.

Die II. Febr. denuo venaesectio. Sanguis corio pleuritico, crasso, virescenti livido semper contegebatur. Mentis praesentia creberrimis epilepsiae insultibus interpolata. Noctu moritur.

Suprema occipitis pars, qua in apicem excurbat bregmatis concursui contiguum, multum atque inaequaliter protuberabat, quod omnibus originarium videbatur, atque a prima conformatione profectum. Paullo infra hoc tuber osseum vulnus sex fere lineas longum, atque transversim inflictum extimum solum capitis integumentum penetravit, illaeso musculo subiacente.

Caput, antequam disseccaretur, exploratum, et in homine vivente, et in demortuo, si vulnus hoc leve exceperis, nihil alienum vitiosumque sensibus obiecit.

Recluso cranio, en quantam maximam concipere

elipere vales, rerum omnium ruinam! Os bregmatis sinistrum ita diffractum, ut late hiaret, fracturaque commissuram ossis occipitis contigui transsiliret atque decurreret per sinistrum occipitis latus, iam non una, sed in quatuor ibidem alias fissuras divisa, quarum una tenuis foramen magnum sindebat, ceteris aliorum excurrentibus et cum hiatu.

Fissura unum cum dimidio pollicem longa e bregmate dextro in vicinum os temporum descendebat.

Cruor multus in grumos coactus effusuque in tota basi cranii, maxime in utroque eiusdem basis laterali cavo inter utrumque meningem colligebatur.

Supra et infra tentorium magna eiusdem cruoris vis fuit, magnaque item cerebellum circumdedit, inter utramque meningem haerentis.

In occipitis fere centro dura meninx ab osse secessit, magnamque hanc inter et ipsum os cruoris copiam invenimus.

Sanguis quoque coagulatus corpori calloso infidebat.

Omnem intestinorum tractum saturatissima flavedine bilis tingebat.

Quas in aliis encephali sugillationes videramus in hoc aegro omnino nullas; collectiones vero insignes cruoris grumosi observabamus.

CASUS III.

Operarius 48. annos natus, praeterita aestate absoluto diurnorum laborum penso cauponam intrabat, modico deinde Baccho incalescens domum repetiit, per quinque scalae gradus devolu-

tus caput impexit, sensibus destitutus iacuit. Latus dextrum paralyticum erat; ita tamen, ut subinde et crus levissime commoverit, et brachium. Fit bina phlebotomia.

Altera die ad nosocomium deportabatur; stertorose, cum sibilo, et labore respirans, et febris magno, pleno, duroque, et accelerato pulsu, et calore intenso. Ad angulum posteriorem inferioremque bregmatis dextri per vulneris hiatum os ipsum ad lineas fere sex denudatum spectabatur, et fissum in crucis formam. Terebra cranium reseratum est, ubi dura meninge percussa multum cruoris effluxit. Nil emendabatur. Venae sectionibus, enematibus, eccoproticis nil effectum est. Febris increvit. Die post lapsum tertia ad plures abiit.

In medio occipitis levior integumentorum contusio fuit. Totius piaë matris continuata sugillatio, maxima omnium erat ad latus sinistrum, versus encephali anteriora.

Intra anfractus cerebri, et graves fuere sugillationes, et hinc inde cruoris collectiones. In basi calvariae sinistra multus effusus cruor inter utramque meningem colligebatur.

Ad alia phrenitidem exempla redire iuvat, et abruptum antea sermonis filum resumere.

Peditus ad institutum sermonem de phrenitide.

Phrenitis ad æstatis et ignium calore, et abusu vini.

Quidam ætatis consistentis vir, qui duos Cyclopi labores ferventissimis æstivis horis exercebat, cumque ipsius tempestatis, cum ignium vulcaniorum aestu incaluit, febrile, dolere capite, tremereque totis artubus coepit, lassus, vertiginosus, et elato magnoque pulsu, atque accelerato, cum interim viuo se largiter prolueret.

Vix in nosocomium receptus, quasi oestro percitus furit. Bina phlebotomia, et oxycrato, tecto,

recto, atque umbra ferocientem sanguinem componebamus. Paucas intra dies relipuit, atque convaluit.

Phrenitis an
idiopathica?

Murarius 44. annos natus procero corpore atque robusto, die 6. Aprilis 1779. ad nosocomium venit, aitque, se a quatuor iam septimanis catarrho laborare, a novem vero diebus peius habere; dolorem enim puncturium thoracis sinistri paullo infra mammam accessisse; corpore erecto, et obambulantem aegrotasse.

Morbum flocci facere videbatur, atque ita narrabat, ac si levissima aegritudine teneretur. Vox prompta, narratio audacula: Pulsus pleni, fortes, non valde accelerati; tussis pauca, atque inter tussendum dolor lateris, qualem antea dixi.

In lecto reponitur; fit venae sectio; potus multi emollientes, tepidi, nitrosi.

Mox vero peracta morbi narratione delirare furiose, tremere, et vociferari incoepit.

Consequentibus diebus complures venae sectiones factae sunt. Corium pleuriticum sanguis habuit: furor assiduus, abdomen tumidulum, et, si paullo rudius contrectaretur, doloris signa, utut furens, dedit.

Die 8. Aprilis iam devexa spiratio stertorosa, sopor, atque in male soporato oculorum conniventia: pulsus duri, vibratique, atque appresso digito difficillime elidendi, naturalibus tamen vix celeriores.

Mane die 9. April. moritur.

Cadaver, per errorem matarius humatum, noctu effodi curavi, ut in viscerum, atque in capitis praecipue, conditionem inquirerem.

Vasa meningis piaae solito ampliora, et sanguine pleniora comparebant: erat ita constitutum

hoc cerebri involucrum, ut, an aliqua eius inflammatio adsit, vel vera; an sola sit quaedam vasorum a sanguine congesto *dilatatio non inflammatoria*, qualem etiam in delirantibus, et nullo capitis morbo defunctis non raro vidi, fuerit dubitatum.

Inter utramque, utriusque cerebri, meningem serum fuerat coloris straminei repertum, atque idem eiusdemque coloris utrumque ventriculorum lateralem ita replevit, ut ambo haec cava instar abscessus pure turgentis extumescerent, et fluctuarent.

Pulmonis sinistri dimidium inflammatum. Tenuia intestina fere omnia perquam inflammata fuerunt; amplissimus ventriculus. Vacua cystis fellea; reliqua bona.

Phrenitis a cerebelli abscessu, et pure intra meninges diffusa.

Die 29. Aprilis Iuvenis 26. annorum, robustus, ad nosocomium venit, aitque, se a biduo cephalalgia ingenti, ad occiput maxima, atque aurium tinnitu, et recurrente per vices cervicis validissimo dolore affligi, non appetere, frigore, incalescere.

Adstantium quidam referebant, hominem hoc bello inter levis armaturae milites stipendia meruisse, eumque his diebus, fervidissimis nempe, et quales vigente solum aestate aliis annis experiebamur, iter ex Hungaria, iam tum valdopere languidum; Viennam fecisse; ante duos vero dies linquente animo, in foro publico cecidisse.

Ab uno et dimidio anno frequentissime et ferme assiduo caput dolere, multo mitius tamen, quam hoc biduo, assererat.

Ante quatuor annos gonorrhoea laborabat.

Multa alia distinctius interroganti confuse respondit. Pulsus validi, accelerati, duri, atque ita vibra-

vibrati, quales plerumque in colica saturnina deprehendo; sitis, calor, et lingua aliquantum immunda, atque albescens. Dolor occipitis atque cervicis subinde, potissimum vesperi ita intendebatur, ut eiularet, moxque iterum remittebat.

Exacto biduo delirium accessit, assiduum quidem, at mite, atque cum carphologia. Potu multo, refrigerante, nitroso usus est, et phlebotomia, quin vel hilum emendaretur.

Durante morbo septies sanguinem detraximus, qui vix emissus pleuriticum corium contraxit. Pulsuum vibratio, eorumque frequentia maior a singula sanguinis missione, et delirium idem observabatur.

Semel emeticum datum est, et vesicans applicatum ad nucham, absque emolumento.

Balneo tepido, quo illum arteriarum spasmus solveremus, per quatuor dies, una alterave hora impositus, resipiscere coepit, emollito pulsu. At iterum et durities pulsuum et delirium rediit aequo passu, balneo iam non iuvante. Lotium plerumque croceo colore tinctum adparebat.

Pridie ante mortem oculorum conniventia per vices, et quasi incipiens opisthotonos; pulsus item durissimi et vibratissimi fuerant. Septima phlebotomia instituebatur. Periit, vena vix deligata, die 11. Maii.

Inter piam meningem et arachnoideam, iuxta ductum maiorum cerebri vasorum, pus excurrebat, nullibi tamen intra ipsos anfractus profundius immittebatur.

In cerebello utrinque, qua dura auditorii nervi portio oritur, ulcusculum fuit ipsius cerebelli, erosa meninge pia.

Pus item sat copiosum, et pone acusticos

nervos, et circa opticorum nervorum coniunctionem, et in foramine occipitali inter utramque meningem diffusum.

Tentorium hinc inde; dextro in latere praecipuis, profunde rubrum, et veluti sugillatum.

Ventriculi laterales cerebri sero turgabant. In thoracis sinistro cavo nigricantis et liquidissimi sanguinis unciae quatuor repertae sunt, atque in dextro illius cavo unciae eiusdem sanguinis sex.

Intestina omnia bile saturare crocea ex toto suffundebantur. Sana reliqua.

Quae ulceris in cerebello origo? Adcurata praeteritorum cognitio, quam Aegri confusa et truncata narratio suppeditare non potuit, aliquid lucis his tenebris affudisset. Videbatur antiquum ulcus esse, ob antiquos capitis dolores.

Durissimos pulsus; et instar fili ferrei vehementer tensi vibratas per saepe in morbis acutis observavi, metastasi ad caput facta; eaque semper perniciofa; tunc vero seroso latice laterales ventriculos cerebri turgidissimos in extispiciis offendi; quique ita habuerant, ex febre plerumque composita perierunt, nempe putrido-inflammatoria.

Hinc est, ut serum in cava encephali expressum coniiciam, ubi in febribus putrido-inflammatoriis, iam multum proVectis, *delirium aut accedit; aut intenditur, cum oculorum conniventia, pulsu praeduro, celeri, atque vibrato; praecipue ubi haec omnia, aut eorum complura; simul; ac serme repente, contingunt.*

At facta ex hisce signis probabili coniectura, id genus metastasin ad encephalum accidisse, atque videlicet in ventriculos irruentis; quae medicatio?

Unde ea liquidissimi et nigri cruoris effusio?

Eam.

Eandem in alio homine nuper observavi, cuius et anatomen et historiam morbi subiungam.

Sed quam rationem afferemus sanguinis extra sua vasa in cavo thoracis collecti? nec enim calefacientem medendi methodum, quae sanguinem intempestivis stimulis in loca aliena urgeret, criminaberis, hic utpote non usurpata; nec sanguinis putridam dissolutionem accusabis, corio pleuritico, quotiescunque emittebatur, contexti. An a spasma arteriarum id fuit, quem earundem vibrata durities prodebat, sanguinem ex vasis suis exprimente?

Ob labis in cerebello detectae similitudinem, utut dispar accidentium ratio fuerit, et dispar mortis genus, alteram addo cadaveris sectionem.

Cerebelli abscessus prioris maior, sed absque phrenitide.

Iuvenula 22. annos nata, semper antehac sana fuit, nisi quod ante 12. annos scabie foedaretur, quam solo sibi litu depulit, et absque remediis internis. A sex fere annis dolore occipitis vexabatur, ita ut subinde totus conquieverit, subinde fuerit reversus, at nunquam aegrae patientiam superavit. Ab eo fere tempore virescens ichor per intervalla ex aure sinistra parce stillabat, cum lateris illius obauditione.

Catamenia iuxta legem consuetam semper recurrebant, nisi quod his ultimis binis mensibus statum reversionis tempus praeoccuparint.

Post festa Bacchi anni 1779. vertigine tentabatur assidua ferme, ut exire domo nequiverit integris 14. diebus. Per id tempus nunc modicam bilem, nunc vero assumpta suapte vomebat, et amaroris sensu vitiata gustandi facultatem querebatur. Tandem mitescere sensim vertigines, et oris amaror corrigi coeperunt, restante tamen, quae his binis septimanis continua fuerat, levi ad occiput cephalaca.

Die 19. Aprilis dolor occipitis, hucusque tolerabilis, ingravescerebat, ad singulos corporis, non magnos, motus vehementer auctus. Rediit et amaroris in ore sensatio, et repletionis in epigastrio. Vesperis levi horrore se quotidie perstringi aiebat, insequente calore.

Die 21. Aprilis ad nosocomium venit. A meridie eius diei dolor in sinistro occipitis latere dirissimus invadit; eiulatus, et assidua per lectum volutatio, noctu praecipue. Pus virescens ex aure fluit, os amarescit.

Die 22. Aprilis interdiu dolor occipitis magnus, vesperi maior, et noctu. Pauxillum bilis vomuit.

Die 23. 24. et 25. Aprilis nihil mutatum est; nulla toto hoc tempore, quo apud nos fuit, febris observabatur; utut se domi suae febriculam vespertinam quotidie expertam fuisse, testaretur. Pulsus tardiusculi potius, non elati, et calor naturalis fuerunt.

Nocte diem 25. Aprilis insequente dolor occipitis ferme totus evanuit; aut potius mutata sede ad nucham migravit; multo hic loci implacabilior.

Mane alterius diei (26. Aprilis) lingua viridissimo muco foeda, et fauces virescенти ac pendulo pure oppletae. Gargarismata et iniectiones nil profuerunt. Periit a meridie; aucta in fauces viridissimae, aut pituitae, aut puris, illuvie, ortaue difficili, strepente, brevissimaque ac celeri spiratione.

Aperto cranio lobus sinister cerebelli abscessum virenti ac ductili pure plenum continuit, qui facile nucem juglandem caperet. Ductus quidam, calami amplitudine; ex eo sacco protendebatur ad

os usque petrosam, quod ipsum erosum ita fuit, ut pus in aurem internam penetrare, inde sibi exitum parare potuerit. Sana reliqua fuerunt.

Negavit se unquam impuro fluore laborasse, utot non infrequenter eiusdem contrahendi discrimini se exposuerit; illicito nempe, ut aperta est fassa, nec ullius solum viri, commercio usa.

Dubitabamus, an venereum id esset, vel vero scabiei, non scienter olim sanatae effectus.

Tiro Sartor 16. annorum, die 28. Octobris 1779. in nosocomium deducebatur. Tercio aetatis anno a curru velocius acto prosternebatur in lapidem eminentem et acutum. Inde oculi distorquebantur, et aures multo sanguine manabant. Venae sectione, et cataplasmate discutiente capiti applicato emendabatur; mansit tamen et oculi sinistri ad radicem nasi detorsio, et recurrens per vices cephalalgia, et obaudicio constans. Sexto aetatis anno cephalalgia gravissima prehendebatur, ad initia usque convulsionum, sed phlebotomia et puris fluxus ex aure dextro solatio fuit. Pus etiam post haec parcum et sanguinolentum, atque per vices, ex eadem aure fluebat, cum auditus gravitate ad hanc usque aetatem.

Phrenitis a
pure in
cephalo.

Variolis interea perbenignis defungebatur.

Die 23. Octobris 1779. mane ab irruente carpento in pavementum lapideum proiciebatur, postquam a quatuor iam septimanis cephalaea intensior fuisset, et copiosior fluxus puris ex aure. Mox febris oritur est cum validissimo dolore capitis, in summo praeprimis vertice, atque ad frontem: delirium item et furor. Biduo apud nos propemodum transacto moritur.

Ventriculi cerebri laterales, dexter praecipue, turgébant pure viridi, et foetidissimo; e quarto ventriculo.

triculo, eroso et aperto, pus prodibat uberimum quod et totum cerebellum circumfluxit, et specum vertebrarum colli replevit. Hemisphaerium cerebri dextrum alicubi firmitus adhaesit ossi petroso; quo nexu soluto canalis patuit, carie erosus et apertus in acusticum tubum, atque e cerebro modice ulcerato pus evehens per aurem, foedam et putidissimum.

En, quam subiuncturum me dixi, et anatonem, et morbi historiam alterius aegri, ob phrenitidem quoque huc pertinentis.

Febris putrida-inflammatória phrenitica, et extispicium.

Famulus quidam 28. annorum, cum fratri ex febre putrida mortuo, et valde amato parentaret, tristari initio coepit; per quatuordecim a morte dies morosus semper et taciturnus. Post haec et ipse feбри tentabatur, cum pectoris oppressione non magna. Erat lingua ex alio flava, signaque alia saburrae bilioso-putridae.

Aegrotabat erectus. Domi solventia sumsit; et dein emeticum, praemissa sanguinis missione: levamen nullum.

Die morbi quinta ad nosocomium venit febris continua: lingua flavo muco obducta, et levissimis oppressio thoracis dextri.

Mentis integritas, eiusque et virium muscularium vigor: pulsus duriusculi et pleni.

Elapso biduo petechiae conspiciebantur ubique disseminatae; quae colore dilute roseo corpus instar marmoris variegati distinguebant.

Paucos post dies delirium non interruptum accessit, cum assidua arteriarum celeriter vibratarum spasmodica duritie, eaque post singulas phlebotomias, quae sexies universim institutae sanguinem pleuriticum, sed luridissime flavum dedere, maiori.

Sudores sub ultimos morbi dies confertim manabant; oculis connivebat, floccos colligebat.

Circa decimum septimum morbi diem periit.

Cum phlebotomiis, potuque refrigerante, nitroso, aliisque, quae utilia fore existimabam, nihil proficeretur, bina vesicantia suris admotā sunt, unde peius habere videbatur. Urinae nunc intensius croceae, nunc naturales fuerunt.

Recluso cranio magna feri copia inter binas meninges, et inter cerebrinos sulcos reperiēbatur.

Singuli laterales ventriculi unciam eiusdem feri concluderunt.

Tota pleura, praecipue in dextro cavo thoracis, uti etiam magna septi transversī portio, quae oesophago perforatur, inflammata conspiciēbantur.

In singulo thoracis antro serum cruentum, aut potius ipse, sed liquidissimus, sanguis, ultra librā dimidiam continebatur.

Pulmonis dextri exigua pars fuit inflammata, et intestina tenuia hinc inde leviter inflammari coepta.

Operarius 42. annorum die 9. Iunii 1779. crure dextro minutissime confracto nobis committebatur. Ampla ubique vulnera et carniū comminutio. Ea, et sequente die commode habuit.

Phrenitis post gravissimam cruris contusionem et fracturam.

11. Iunii circa meridiem per vices delirat, e lecto exsilit; pulsū pleno, et modice celeriori, non duro; incaluit, sudavit.

Vesperī et noctu assiduum delirium et ferox.

Die 12. Iunii delirium perstabat, et accessit pedis livor et frigus.

Hinc dei sequente amputatio facta est: sub qua, uti et meridiē, mens subiade redire visa est.

est. A meridie vero denuo cum furore delirabat, cum febre, et inter sudores continuos.

Periit nocte media, diem 14. Iunii, quem inter assidua, et ferocia deliria exegit, excipiente.

Inter utramque cerebri meningem, item infra tentorium cerebelli, atque in utroque laterali ventriculo serum limpidum continebatur, unciarum universim quinque. Reliqua in encephalo bona fuerunt.

Iecori substantia omnis *aeruginosissima* fuit, ubicunque dissecueras. Vesicula fellea penitus vacua, et omnes bilis viae in duodenum apertae.

Vulneris conditio bona. An spasmus a terrore, cum ab illabente trunco vulneraretur, inductus, bilem e vesicula expressit in hepar?

Au hepar vulnerato solummodo capite afficitur, compatiturque? an etiam in aliis, aliarum partium vulneribus? atque ibi quidem frequentius, hic vero rarius? an eo in casu hepaticum systema a solo terrore afficitur, vim illatam excipiente?

Quae mala inde oriuntur? et quo eventu? et quis influxus est biliferi systematis, dicta ratione affecti in ipsum morbum chirurgicum?

Unde haec feri collectio, et inde exorta phrenitis?

Phrenitis ab ira.

Puella ob negatam ab hera mercedem irascitur. Mox phrenitica fit, frequenter convellitur; perit die quarta. Cadaver sedulo perquisitum nil prorsus alieni ostendit.

Febris miliaris phrenitica.

D. L. ** ex febre miliari phrenitica decubuit. Delirabat assiduo et frequenter convellebatur εις τα οπισω. Cum poetarum lectioni se fere totum lanus daret, et ipse quoque non illepidus poeta, cumque adstantium quidam Klopstokium

minaret, illico resipuit; tamdiu integerrima mente usus, quamdiu volueras de immortali sublimis poëtae carmine fermocinari. Sermone hoc dimisso, mens aberrabat toto caelo, toties iterum revocanda, quoties divinum carmen quis recitaret. Convaluit.

Cum quotidie ferme phrenitidis, praeprimis symptomaticae exempla se offerant, complura volueram de eiusdem curatione differere. Verum sentio, me in amplissimo argumento versari; eius si singula capita vellem vel strictim persequi, idem agerem, ac si caloris febrilis, aut cephalalgiae, aut cuiusvis alterius symptomatis fusam vellem pertractationem dare. Nonne enim de febribus esset et singulis, et omnibus, earumque diversis curriculum, agendum; argumento nempe vastissimo, meisque viribus maiori?

Infinita enim fere sunt, quae vel ingerendo, vel adplicando, vel morsu, communicata corpori, mentem perturbant: haec non omnibus in hominibus eandem insaniam inferunt: et varia haec varias quoque mentis emotiones inducunt. IOANN. DE GORTER in medicina dogmatica. GORTERI
effatum de
phrenitide.

Hinc viam relegam, ut, qui hucusque solum litus rasi, mature portum occupem. TU vero VIR PRAESTANTISSIME, qui vento vehemeris secundiore, et nave firma, viarum errorumque probe gnarus, alto te mari committes tuto, et, quod es bonis avibus iam aliquoties emensus, denuo, si volueris, ingens auspicato iterabis aequor (*).
SE

(*) Egregium opus de natura febrium, et methodo iisdem medendi GUILIELMI GRANT, idiomate germanico nuper donatum, cum maxima meritissimaque Auctoris commendatione ubique innotuit.



S E C T I O IV.
D E
N A T U R A E T I N D O L E
D Y S E N T E R I A E
C O M M E N T A T I O
C A P U T I.

Cur Auctor ad describendam dysenteriam animum appulerit ?

Complures in describenda dysenteriae indole et curatione fuisse egregie versatos, ut aut nihil omnino, aut sane perparum, desiderari, videatur, quod vel ad cognoscendam huius morbi naturam, vel ad sanam medendi rationem pertineret; probe novi.

Nihilominus, cum ab aliquot iam annis dysenteriae naturam studiosius contemplerer, variarumque annorum constitutiones, atque etiam eiusdem anni dysenterias compararem, magnasque non solum diversis aestatibus, sed eadem quoque tempestate, dysenteriarum differentias viderem; non illas accidentales quae methodum medendi non

non mutant, sed quae alium quasi morbum faciunt, alia sanandum ratione; dubitatio subiit, num omnis in peruestiganda dysenteria labor praecupatus iam sit, nihilque reliquum factum temporibus futuris.

Et hercle, non eam esse huic morbo simplicitatem, atque impermixtam naturam, ut quibusdam videri possit, has morbi differentias aut non, aut perfunctorie contemplantibus, et, quod inde consequitur, non esse tam planas in medendo praeceptiones, ut irritus idcirco meus labor futurus sit de hoc morbo scripturi; mecum statuebam.

Hinc vellem dysenteriae notionem dare clariorem, morbumque, simplicem visum, sed reipsa plerumque compositum atque ex pluribus aliis aegritudinibus conflatum, in sua quodammodo elementa dissolvere; ut inde ideae nascantur *illustres*, et *directrices*, quae dysentericorum medicinam tuto regant, plane versatilem, et desultoriam; qualem nempe implexi morbi ingenium petit.

Quamplurimis fortasse actum agere videbor, et nihil novi, atque antea nondum visi, proferre: id vero, quemadmodum multis concedo lubens, ut qui et plura, et perspicacius viderunt, (novi enim ingenii mei tenuitatem); ita vereor, ne quidam alii *vocabuli* potius, frequentissime nempe, prolati, atque vulgi ore triti, quam *rei ipsius* hoc vocabulo signatae ideam habeant; uti nempe non paucis accidere video, qui audito e. g. *febris putridae* nomine, rem se tenere, non vero *solum vocabulum* arbitrantur, diversissimis (utut iisdem symptomatibus quasi vestiantur), febribus imponi solitum; neque inquirendum ultra esse existimant, quae ea degeneratio sit, quam hoc vocabulo, multa

multa et varia, et opposita saepe complectente, putredinem, aut febrim putridam appellant.

Est etiam non infimum meritum, aliorum praeclara observata firmare suis, et illorum praeceptis subscribere.

Non hic omnem dysenteriae ambitum complectar, nec aliorum referam aut observata, aut medendi praecepta; sed, quid ipsemet viderim, et quam ipse sortem in sanandis dysenteriis sim expertus, quam denique morbi notionem ex meis solius observationibus abstraxerim, narrabo, aliorumque iudicio submittam; ut mea cum suis conferant, rectificentque.

De ea specie dysenteriae loquar, quae quamvis aestatem plus minusve contaminat, etsi in alia quoque tempora subinde incidat; quaeve vel in ipsum vulgus nota est, quamcunque demum eiusdem definitionem statueris.

CAPUT II.

Dysenteriae complicatio, et varia divisio.

Morbum hunc rarissime simplicem, plerumque diversimode dixi complicatum.

I. species dysenteriae, seu dysenteria simplex.

Simplicem morbum tunc appellabam, ubi aegri secessus creberrimos, aquosos, admixto non raro sanguine, morbo praecipue aliquamdiu durante, profusosque, initio subinde mucosos, semper terminosos habuerunt; cum febricula tenui; gustu aut non omnino, aut leviter vitiato, et cum doloris extra tempora deiectionum absentia. Saepe coryza, eut angina, aut alia ad thoracem, vel ad artus facta defluxio, ut
inde

inde catarrhus esset, aut dilacerans artuum dolor, hunc alvi fluxum praecessit, aut una adfuit.

Quibus neglecta haec aegritudo fuit, aut remediis ineptis tentata, his tormina augebantur, atque etiam extra tempora secessuum perstabant, qui frequentiores fiebant, mucosiores, magisque cruenti, et tenesmodeis supra modum.

Nunquam accidisse hunc morbum vidi, nisi si corpori sudore mananti incaute admissum frigus fuerat.

Haec perfrigeratio aliis anni temporibus alias corporis partes impetebat; *supremas* hyeme, vere *medias*, sed *infimum* ventrem adulta aestate, atque autumnii initio.

Ventriculum nempe et intestina hac anni tempestate debilissima habemus, et excipiendae recurrenti materiae perspirabili prae alia quacunque parte opportuniora.

Hinc materies, quae alio anni tempore aut odontalgias fecerat, aut coryzas, anginas, catarrhos etc. morbos videlicet serosos; nunc ad intestinorum membranas proiecta *ventris coryzam*, aut *intestinorum catarrhum*, aut *eorundem rheumatismum* fecit; morbum nempe, ab aliarum anni partium serosis morbis non nisi *sede* differentem.

Etiam illud accedit, quod non quovis anni tempore eadem destillantis materiae indoles sit, sed nunc *benignior*, atque insons fere, nunc vero *acrior*, et *septica*; qualis nempe aestivo tempore esse plerumque solet.

Anno 1778. mense Augusto haec dysenteriae species, quae mihi *prima* et *simplex* erat, aliquoties observabatur, eamque ipse ea tempestate perfrigeratus experiebar.

Profuerunt iuges, et tepidae portiones, cum

Pars III.

L

lecti

Diversis anni partibus diversae quoque corporis partes plerumque aegrotant. Cur aestas plerumque dysenterias producat.

lecti tepore: subinde eundem potum leni aromate feceram medicatum. Sub vespere pulverem ex nuce moscata, et opii pauxillo propinavi. Motis per noctem sudoribus alvus compressa est, cum euphoria et absque alterius morbi metu.

et quid no-
cuerit.

His male cessit quaecunque alia medendi ratio; seu quae occoproticis, sive quae emeticis, aut quae radice arnicae dysenterias sanat; aucto deiectionum torminosarum, cruentarum, ramentosarum numero etc.

Dicto modo intra nycthemeron cum perseverantia sanabantur; si modo nondum invaluerat morbus, aut perversam medicinam fuerat expertus.

Hinc quorundam methodi dysenteriae medendi explicari possunt.

Absque negotio nunc intellexi, quatenus illae dysenteriae fuerint, quas solius aquae tepidae potum cum tenuissimo victu, aut tenue infusum theae, at dilutissima carniū iuscula assatim epota sanasse, observatores testantur.

Eiusdem quoque indolis, *serosae*, nempe, aut *rheumaticae*, *simplicis*, *impermixtae*, illas fuisse dysenterias puto, quas infuso florum sambuci, stibio diaphoretico non abluto, opio, aut remediis vi leviter carminante donatis, ut balneo tepido aquae dulcis, aut fotu crurum, vel abdominis etc. aut alia quacunque ratione, huc revocanda, tuto, feliciterque curatas narrant.

Quibusdam auxilio fuisse in dysenteria velicans legimus, abdomini admotum, et salutis mox insecutae rationem ex hucusque relatis colligimus. Rheuma enim intestinorum vesicante ad cutem evocabatur, sudore (quemadmodum post applicatas alicubi cantharides semper est observare) uberrim moto, atque alvo resiccata.

Qui dysenterias alterantibus sanant, ex opii,
et

et radicis ipecacuanhae refracta dosi confectis et perspirationem sollicitantibus, *has* certe *solas* sanant, nempe *rheumaticas*, habentque eventus fortunati rationem.

SYNDEHAMUM (quem virum, et quantum!) in eo reprehensum legi, quod usui sui laudantium in aliis morbis non paucis, cum vero vel maxime in dysenteria sananda, plus iusto indulserit. Verum aequissimum fuerat, id quoque ad dere, nec *eadem* eundem ratione *omni* dysenteriae, nec *omni* fuisse constitutione medicatum.

Cur quidam methodum Sydenhami Dysentericis medendi ini- que crimi- nantur.

Nonne enim variam dysentericis medicinam fecit, prout varius fuerat dysenteriae genius, ab ipso non praetervisus? nonne cathartica non raro suavit? nonne solis phlebotomiis profuisse se foeminae ait, longa dysenteria vexatae?

Sed etiam omnibus hisce auxiliis locum dedit, ubi dysenteriae fuerat compositio ea, quae composita quoque methodo indigeret.

Certe, si quando solius laudani ope, omissis catharticis, rem totam confici posse asseruit, id ita experiundo edoctum fuisse credendum est, fuisseque eas ipsas dysenterias, quae solo laudano conquiscebant, illius prorsus originis, de qua hucusque differebam.

Fortasse mihi litem quis movebit de morbi nomine, ut quem dysenteriam salutarim, quae eius sola quaedam *simulatio* fuerit, quocunque alio demum vocabulo, e g. *rheumatis intestinalis*, *colicae*, *diarrhoeae torminosae*, a *perfrigeratione* etc. apertius insignienda. Verum multa pro hac mea compellatione pugnant; atque hanc veram dysenteriam esse, aut esse potius unam ex amplo dysenteriarum genere quasi speciem, eamque *simplicem*, me-

racam, et caeteris speciebus multo benigniorem; multis evincere argumentis possem.

Nam, ut pauca afferam, 1. eosdem exhibuit characteres, quos eo ipso in morbo deprehendimus, quem omnes unanimi suffragio dysenteriam appellant; deiectiones videlicet frequentes, cum ventris torminibus, et colluvie mucosa, utique etiam aquosa initio, et paullo post cruentata.

2. Intra eosdem quoque temporum fines coerceretur, intra quos contineri dysenteria solet; eosdem cum dysenteria progressus fecit; eosdem est sortita cum illa exitus, si morbum aut nihili feceras, aut eidem sinistre medebaris.

3. Ab auctoribus quoque non paucis et visum hunc morbum, et pro dysenteria habitum, et eadem nobiscum ratione sanatum, accipimus.

4. Intestinorum hoc rheuma, quod simplicem dysenteriam appellabam, in omnibus dysentericis, quoscumque vidi (et videram non paucos) adfuisse, utut multiplici alia complicatione ita variegatum, ut diversissimae medendi methodi requirerentur, affirmo.

Nonnunquam hoc rheuma intestinorum altius figitur, ita, ut sudoribus motis dimoveri, dissiparique non possit, sed persistet immotum; tunc autem et haec simplex dysenteriae species reperitis vicibus blando, anodyno, tepidoque potu, et laudano subinde interposito tentari debet. Quod si vero haec dysenteria serosa negligatur, male curatur, in veram abibit, eamque pertinacem *febrim intestinorum rheumaticam*, longam, difficilem; quemadmodum febres rheumaticas artuum, carpis et genibus tumentibus, et valde dolentibus, fieri vidimus.

Altera species dysenteriae.

Altera dysenteriae species est, eadem cum priori tempestate occurrans, sed priori magis composita-

posita, et e binis, ut ita dicam, elementis confecta. En eius genesin, indolemque, et qua parte priorem contingat, et qua ab eadem recedat.

Ventriculum et intestina aestate adulta, et Eius genesin.
ineunte autumno plus solito languere, et sorde biliformi gravari non raro, ac crebrius, quam aliis anni temporibus, id vero vel in vulgus constat.

Saburra haec temporum opportuna vicissitudine, et appetente brumali frigore ab invigorato systemate gastrico sensim subigitur, immutatur, eliminatur, viis et modis variis. At sunt, quibus abundantior bilis insidet, et ventriculus est imbecillior, iisque, non expectata hac temporum felici mutatione, ea materies, quam abundare dixi, morbum facit *biliosum*, e gr. febrem *biliosam*, *cholera* etc., verumtamen nondum *dysenteriam*.

Fac iam, homini cruditate biliosa laboranti, quae forte hucusque iners delituit, et, si nulla occasio eius commovendae fuisset data, etiam posthac iners delituisse, donec annua vice fuisset mutata; fac, inquam, huic homini corpus perfrigerari, prehendique illa *dysenteria*, quam supra descripsi, *destillatoria*. Aegrotabit iam hic talis homo et *rheumate illo intestinorum* a perfrigeratione orto, (quod vel solum *dysenteriae* primam speciem facit), et *cruditate biliosa*, quam ipsum *rheuma* mole auxit, atque acriorem reddidit, quamve gastricum systema, ob defluxionem nunc irritatum ex exquisitius sentiens, gravissime feret.

En iam alterius huius *dysenteriae* genesin, compositae 1. ex *dysenteria superiori*, *simplicique*, et 2. ex *biliosa materie commota*; binis nempe, quae dixeram, elementis.

Cum hac *dysenteria* superius allata remedia et curatio

nequaquam congruebant, nisi bilem commotam eduxeras, atque ex morbo *composito* feceras *simplicem*. Haec illa dysenteriae species erat, quae, propinato antea pharmaco, medicinam sopientem et diaphoreticam amabat.

Non idem omnibus modus est ventrem purgandi, multis enim vomitio placet, non paucis alvus purgante mota blando, salino, mannato, tamarindis, rheo etc.

Utraque ratione in sananda dysenteria utebar (de hac secunda specie loquor, *rheumatico-bilio-sa*); quamvis et efficacius, et pluries morbum vomitorio, aut emeto-catharsi commiserim.

Everso ventriculo turbæ plerumque suapte, et quin narcoticum daretur, componi, et aegri in placidos somnos labi, atque inter dormiendum in sudores, coeperunt.

Sic pharmaco bilis absterfa est, et sudoribus rheuma intestinorum.

Dysenterias aestate anni 1776. omnes huic methodo subieci, easque celeriter confeci; pleraque etiam in Hungaria annis 1773. et 74. eadem ratione, et eodem eventu sanavi.

Plerumque autem hunc canonem statuebam, ut saburram, ventrem infimum et intestina crassa occupantem, blande per secessus evocarem, at vero materiem *fursum turgentem*, atque exitus molientem per cs, excuterem vomitu.

Has quoque dysenterias fuisse existimo, quas SYDENHAMUS non solo laudano, ut quasdam alias, sanavit, sed catharsi, eaque repetita, et opio primum a purgatione propinato, atque in plenam usque sanitatem protracto.

Usus horaeo-
rum fructuum

Dysenteriam *rheumatico-biliosam* mitioremque, et a saburra non copiosissima productam, presso
uva-

uvaram succo sanavi; qui ab aegro remediorum aliorum impatiente largiter haustus ventrem turbavit, solutamque bilem purgantis instar eduxit; dysenteria in diarrhoeam conversa, salutarem, et facilem curatu.

Cuidam et pruna recentia concessi, ablata curicula indigestibili, quin et alios horaeos fructus, qui succo prae caeteris abundabant; aut, ut assumant, ipse iussi, aut non invitus concessi, fibrosis tamen, et duris eorum partibus reiectis.

Hi horaeorum succi saburralem materiem solvebant, quo opportunior emesis, aut catharsi efficeretur; vel vero ipsimet purgantis remedii simul vices subierunt.

Convalescentes tamen ab usu fructuum horum arcebam, saltem largiori; tunc enim firmare potius et acnere languidas ventriculi vires oportebat.

Hanc alteram dysenteriae speciem ab ea, quam *rheumaticam* appellabam, certae quaedam notae distinguebant, eaeque potissimum sequentes: Qui proximis diebus dysenteriam fuerant experturi, ventriculi pondus per aliquot ante morbum tempus querebantur, aut matutinum amarorem oris, aut sudores praeter morem nocturnos, nidorosos, et somnos turbatos. Quibusdam alvus antea sine torminibus fluxit, eaque subsistente suapte, aut intempestive cohibita, haec intestinorum difficultas accessit.

Quibusdam abdomen subinde levi, et fugitivo per vices dolore, aut flatu crebro perstringebatur, alvo adhucdum ordinata; donec elapsis aliquot diebus dysenteria adoriretur. In aliis alia praeceffere futuri morbi indicia.

Morbū praesentem ea omnia comitabantur, quae biliformem saburram indicant circa prae-

et abusus in
dysenteriiis.

cordia collectam; atque aliunde iam abunde nota.

Dysenteria rheumatico-biliofa febre *evidenti* quidem carebat, non omni tamen *motu febriculofo*. Atque univerſim, utut non ignorem, dysenterias febris expertes deſcribi, earum tamen nullam me viſſe recordor, febre penitus deſtitutam. Sed febrim forte, quae *exigua* fuerat, *nullam* prorsus putaverunt.

Febris bilioſa
dysenterica

Sola intenſione differebat ab hucusque deſcripta dysenteria is morbus, qui mihi *febris bilioſa dysenterica* fuit. Erat enim et copioſior bilis collectio, eiufque acrioris, atque ita agentis, ut febrim faceret bilioſam, accedente inteſtinorum rheumate tali, quale requiri ad noſtræ dysenteriae geneſin ſuperius dicebam. *Febris* haecce *bilioſa* ſibi novum cognomen adſcivit, fuitque *bilioſa dysenterica* dicta.

Aliunde conſtat, quibus notis bilioſae febres prodantur, iis nempe, quae materiem biliformem intra praecordia fluitantem indicant; cuius tamen portio quaedam ſuam iam ſtationem deſeruit, intra humorum circumeuntium canales recepta. Maniſte quoque ſunt certa plerumque horarum aut dierum periodo recurrentes febris auctus, et decrementa.

Febri hac bilioſa dysenterica detenti non omni diei tempore, nec omnibus diebus aequali ratione deiecerunt; ſed ſuam hae deiectiones torminoſae periodum obſervarunt, ut nunc frequentiores eſſent, aucta nempe ipſa febre, nunc vero eadem remiſſiore ipſae quoque remitterent.

rarius peti-
culosa fuit,

Haec tertio loco memorata dysenteria vitae periculum poterat intentare, quod ab utraque priori, niſi inſana medicatio ex benigniſſimo morbo

ho periculosum fecerat, longissime absuit.

Quae torminum ratio fuerit in hac febre dysenterica, exponam.

Abdomen nempe sub ipsa deiectione, et momento ante eandem non raro vehementer doluit; mitius tamen, aut non omnino eo tempore, quo aeger mox a secessu surrexit. Verum, utut persaepe graviora tormina eundem vexarent, venter tamen, etiamsi rudi manu contrectatus, validius non dolebat, nec mitius eadem remota.

Inde inflammationis absentiam coniectabar, et tempus emetico opportunum.

At tumidulum aliquantum abdomen cum aliqua tensione, et cum dolorum sub ipsa manu contrectante augmento intestinorum phlogosin prodidit. Sed hac de re inferius erit dicendi locus.

Methodus medendi his febribus biliosis dysentericis (de iis loquor, quibus nulla inflammatio iuncta erat) tota in eo ferme versabatur, ut febris biliosa ipsa, tanquam morbus eminentior, sanaretur, cuius sanandae modum *Tom. II. Rationis medendi meae* abundanter ostendi.

Consistebat enim intra remedium saponaceorum, solventium, acrescentium usum; cui subiungi, aut interponi emeto-catharsis debebat.

Opium tardius propinandum hic erat, ut arce, et febre biliosa ferme ex integro iam consumpta. Male enim biliosae febris, et opio convenire is novit, qui vim utriusque perspectam habet, atque alterum cum altera contulerit.

Raro solis purgantibus febris biliosa dysenterica curabatur, nisi mitior fuerit, et ipsa purgantia fuerint blandiora, antibiliosa, eccoprotica, tamarindi, cassia etc.

Rheum

nisi complicata inflammatione.

Qua ratione medendi usi sumus in febre biliosa dysenterica.

Rheum enim quacunque ratione datum, aut myrobolani, aliaque huc revocanda, spem fefellerunt, nisi febre iam inclinata, et emeto-catharsi praemissa.

Plerumque aliis adiumentis haec species dysenteriae non egebat.

quosve exitus habuerit eadem haec febris.

Varios modo exitus referam, quibus *febrim biliosam dysentericam* contigit terminari.

In quibusdam, iisque compluribus, morbus recta in sanitatem abiit, intra idem ferme tempus, quo alias biliosae febres solent concludi, atque eadem etiam ratione.

Vidi, cui febris dysenterica methodo superius exposita in intermittentem fuerat conversa; alvo extra tempora accessionum febrilium compressa, sub iisdem vero denuo dysenterica. Dixisses *febrim intermittentem dysentericam*: hanc dein corticis peruviani decoctum sanavit.

Quidam initio ex febre biliosa dysenterica aegrotabat; haec in tertianam abiit, absque symptomate dysenterico.

Nonnunquam haec febris biliosa dysenterica apta methodo profligabatur; verum alvus, utut indolenter, attamen immoderatus, et longo tempore fluebat; dysenteria nempe in diarrhaeam abeunte; bonam quidem, nisi diuturnior fuisset, et obfistissimum intestinorum robur difficulter supprimeretur, et convalescere prohiberet.

Usus radicis arnicae.

His radix arnicae aut pulverata, aut infusa prae quovis alio roborante remedio constanter profuit.

Non raro *febris biliosa dysenterica* in morbum putridum transibat, ut nomine mutato *febris putrida dysenterica* appellaretur.

Diversa ratione haec morbi mutatio contin-

gebat; cui explicandae nunc diutius immorabor, cum hic foecundae notiones delitescant, quibus in medicina antidysenterica absque piaculo nemo careret.

Febris biliosa dysenterica in putridam convertebatur:

1. *neglecta*: Qui enim auxilia sprevere, vel iisdem ineptis usi sunt, his non iam remittere febris visa, iterumque statò tempore intendi, sed uno impetu atque accelerato ferri. In continuam itaque mutabatur, gravem, iisque symptomatibus stipatam, quorum complexus *febrim putridam* insignit. His diuturnior solventium, emollientium, tepidorumque usus, non raro etiam venae sectio, profuit, et serò tandem emeto-catharsis; postquam nempe, quam diuturnior et elatior febris intestinis iam affricuerat, inflammatio fuerat absterfa.

2. *inepta methodo*: Alii enim febrim biliosam dysentericam venae sectionibus compluribus aggressi sunt; verum, sanguine ultrà aëgri tolerantiā extracto, exasperari biliformis materies coepit, atque intra corporis penetralia attracta quaquaversum dispensari, et humores circumeuntes malo suo connubio coinquinare.

Hi longissime ab inflammatoria conditione abfuerunt; sed ardoribus perusti acerrimis, parvo debiliq̃ue, ac celeri pulsu, et febre assidua, eaq̃ue nunc *putrida*, aëgrotabant.

Hoc rerum statu radix arnicæ prae quovis alio remedio saluti fuerat ad dr. β. omni, aut secunda, aut tertia, hora propinata.

Emeto-catharsin hi non ferebant; utut enim illuvie venter scateret, nihilominus vel impurorum succorum evacuatio residuas vitae vires attrivit.

Serius autem, atque arnicæ radice refocillati sub-

Quandonam
habeatur di-
recta radicis
arnicæ indi-
catio in dy-
senteria;

inde

inde salubriter emetico purgabantur, resumpta de-
nuo eadem radice.

3. Febras biliosas dysentericas imprudenter ite-
rata emetica, aut etiam purgantia ultra modum pro-
tracta contumaces effecerunt, et ob exhaustas vi-
tae vires periculosas.

Tunc vero desertas propemodum res radix
arnicae restituit.

Quemadmodum *simplici feбри biliosae* remedia
calefacientia, constringentia, et narcotica valdo-
pere adversabantur, easque in *inflammatorio - putri-
das* invertebant; ita febres biliosas dysentericas
eadem medicatio longe pessimas fecit. Tunc ve-
ro phlogosin prava methodo accersitam potu,
fotu, et phlebotomiis omnium primo sedare oport-
uit, ac tandem exposita ante ratione persanare.

Nonnunquam febris adest *originario - putrida*;
non multum ab illa differens, quam *secundario - pu-
tridam*, ex praegressa nempe *biliosa*, fieri supra
narrabam.

De *Syncho putri* differere nunc oporteret;
priusquam de eius cum dysenteria connubio ver-
ba facerem; nisi animus mihi dudum fuisset, alia
occasione de febrium diversissimarum indole, quas
sub eodem *putridae febris* vocabulo tanquam *natura
easdem*, et hercle, quanto cum errore, et quam
multis pernicioso! complectuntur, et de diversa
iis medendi ratione, praecipere.

Ubi putri syncho rheuma intestinorum sub
iis conditionibus adiungebatur, quae ad generan-
dam dysenteriam requiruntur, *febrim putridam dy-
sentericam* appellabamus.

Synochus pu-
tris dysente-
rica seu dy-
senteria pu-
trida.

Toti in eo tunc versabamur, ut, an omnis
inflammatio absit, constaret; hanc enim praesen-
tem fotu abdominis, et emolliente, ac mucilagi-
noso

noso potu, quin etiam phlebotomiis delinivimus. Tum demum aut emesi, atque hac crebrius, usi sumus, aut blanda catharsi; prout materies aut sursum turgeret, aut ad alvum inclinaretur.

Tandem radix arnicæ complementum curationis fecit.

Dysenterias eiusmodi putridas, sed absque notabili saburra, atque omnis inflammationis expertes, mox initio propinata radix arnicæ sanavit sola.

Tunc autem ferme omnibus alvum pedentim, et lente inhibuit, et ventris tormina sensim composuit: Paucissimis vomitum movit: Perpaucis dysenteriam in diarrhoeam convertit.

CAPUT III.

Febris inflammatoria dysenterica, seu dysenteria inflammatoria, benigna, maligna.

Rheuma intestinorum, quo sine dysenteriam concipere nequimus, inflammatoriam non raro sibi febrim sociabat; seu ipsa materies destillans acedinem, et inflammandi habuerit vim: sive aegri habitus fuerit prae caeteris opportunus phlogosi; vel vero constitutio anni phlogistica, tunc forte vicens, quidquid per id tempus morborum occurfabat, in phlogosin inclinaret inverteretque. Non raro, quod neque temporis neque aegri constitutioni tribueris, nec peculiari cuidam rheumatis acedini, inepta et prava medicina fecit, vinosa, aromatica, narcotica, adstringens etc.

Dysenteriae vernae, autumnales, hyemales, pletho-

*thoricorum, robustorum, aut ex toto erant inflammato-
riae, aut saltem ex parte, maiore, minore.*

Unde natura
dysenteriae
possit deter-
minari.

Subinde *aestiva* quoque dysenteria multum
phlogoseos habuit, subinde vero omnino nihil.
Anno 1776. unicam certe dysenteriam inter lon-
ge plurimas offendi inflammationis participem.

Ea in re dysenteria naturam *dominantis febris*
imitabatur, ut, si *haec* multum, aut parum, di-
staret ab inflammatione, illa quoque ab eadem
longius abesset, aut propius.

Oculatum medicum esse oportuit, atque e-
munctae naribus, ni insidentem ventri phlogosin vo-
luerat praetervidere: decepit pulsus, deceperunt
vomitiones saburrales, aeruginosae, vermes ore
reiectioni, ut motae turgentisque saburrae molimina
crederes, quae potius ab incendio fuerant intesti-
norum. Dolor *assiduus alicubi fixior, tactum refu-
giens, inquires, αλυσμος*, atque alia, quae enteri-
tidum solent signa esse, medentem periculi com-
monefecerant.

Eandem in hac dysenteria medendi rationem
tenuimus, quam enteritidi quoque conducere nove-
ramus, nempe *generosius antiphlogisticam*.

Balnea, aut cataplasmata, postquam sanguis,
subinde iterato, detractus fuit, et emulsa tepida,
ore assumpta, ano injecta, iuscula quoque non
pinguia, quibus gummi arabicum incoctum fuerat,
cruciatus abdominis, et deiectionum frequentiam
composuerunt: quaecunque alia, aliarum nempe
virtutum, remedia nocuerunt.

Dysenteriae
complicatae,
seu varia ra-
tione com-
mixtae,

Dysenteriae diversae subinde commiscebantur.
Inflammatoria, atque *biliofa* in unum morbum con-
flari prae ceteris solebant; constitutione temporis
subinflammatoria, in corpore caeterum valente,
pleno,

pleno , stricto ; vel verò ubi opio , vino , rheo , myrobalanis , aromaticis , adstringentibus aeger fuerat abusus .

Nonnunquam , quae in quibusdam aegris aut solae fuerunt , aut complicatae , in aliis sibi ita successerunt , ut una dysenteriae species exceperit alteram ; atque huic dysenteriarum variarum successioni oportuit medendi rationem accomodare .

Dysenteriae
variae se in-
vicem exci-
pientes .

CAPUT IV.

Tentamen novae divisionis morbi dysenterici , ex cognatione cum vario rheumatismo repetitae .

Quam hucusque dysenteriae divisionem dedi , plerasque eiusdem species complectitur , easque communiores , sanatuque non difficillimas .

Superfunt autem aliae quaedam , quas ad hucusque recensitas operosius referes , et quarum indolem ex superioribus vix perspicies .

Hinc aliam inire viam placet , qua ad genus morbi intimius cognoscendum nos perventuros confido .

Statuo , dysenteriam , hisce annis observatam , fuisse *intestinorum rheumatismum* , ab eadem genitrice materie natum , qua rheumata nasci , aestate adulta atque autumnò solebant .

Febris ergo rheumatica aestatis , rheumataque partis cuiuscunque , artuum , faciei etc. *eandem* per ea tempora habuere cum dysenteriis *causam materiale* , et solummodo *forma* differebant .

1. enim rheumatismos artuum videre contigit , repente sublato dysenteria oborta .

2. nonnunquam eundem hominem et rheumatismus vexabat, et dysenteria.

3. dysenteria quoque subito cessabat, ut primum carpi, aut genua intumescere, doluerique ad eum modum, quo a febre rheumatica solent, in artus incurrente.

4. par quoque utriusque morbi frequentia fuit eadem tempestate, ut alios rheumatismus affligeret, alios dysenteria.

5. eadem medendi ratio in utroque morbo valebat, idem etiam habitus symptomatum erat; si ea excipias, quae ob partis affectae diversitatem differre necessario debebant.

6. dysenteria non infrequenter sudoribus, aut efflorescentia miliari, vel vero utraque hac ratione, iudicari et solvi solebat, quod saepenumero in rheumatismis quoque observabamus.

Sola certe acrior bilis, atque ab rheumate non adiuta, dysenteriam non fecit. Acerrimam saburram in febre biliosa ipse quondam vomebam fauces ita excurentem, ut integro biduo, vel lenissima potulenta ignis instar oesophagum quasi arrosam afficerent; nihilominus, praesente licet hac acerrima bile nec ventriculus, nec intestina doluerunt, nec ullum dysenteriae signum adfuit.

Praeterea, qui dysenteriam patiuntur, saepe perpauca vomunt, et quae nec colorem, nec saporem depravatum habent, nec sensibilem aliam qualitatem vitiatam, etsi cum multo plerumque levamine vomant.

Idcirco non videtur dysenteria produci ab acri bile intra tubi intestinalis cavum contenta, et nondum resorpta; licet ab eadem reddi possit periculosior: atque emeticum non raro profuisse vitum est, qua *sudoriferum*: novimus enim post emetum sudores moveri.

Hinc

Hinc dysenteria non ob remotam quamdam analogiam, et per metaphoram, sed vere ac genuine rheumatismus intestinorum dicetur, suntque hi duo morbi ἀδελφεία παθήματα, atque eiusdem matris.

Quapropter methodus rheumatismis aestivis medendi rectificari corrigique ex ea medendi ratione potest, quam dysentericiis applicamus, et e contrario haec per illam potest illustrari.

Recensebo nunc, quam rheumatum diversitatem viderimus temporibus dysentericis; ut, quanta rheumatismos inter, et dysenterias analogia intercesserit, liquido constet.

Rheumata observabantur in hominibus caeteroquin bene valentibus, ab aura frigidiorē, quae forte sudantes afflarat. Hi rheumatismi benigni fuere absque febre, et potu tepido, diaphoretico, ve absque negotio dissolandi.

Prima species rheumatismi, et dysenteriae.

Eiusdem omnino moris dysenteriam vidi ferrosam, benignam, cito et eadem ratione sanandam; hanc superius primam dysenteriae speciem nominabam.

Alteram speciem rheumatismi constituebat rheuma artuum pertinax, et diuturnum, initio febrile et cum afflictæ partis tumore, atque, febre licet profligata, diutius nihilominus dolorificum; quodve, ni exquisita methodo succurreretur, articulos sero tandem a dolorum cruciatu liberarat, et eos reliquerat ad motum ineptiores, rigidiores, tuberosos, tumidos, et per omnem fere vitam veluti semidistortos.

Secunda species rheumatismis, et dysenteriae.

Non dissimilem dysenteriam offenderamus rebellem ad notas sanandi leges, et cum hac pertinaci fluxione articulorum apprime convenientem. Sero dolor abdominis valedixit, longissimamque

omnium moram traxit, sano reliquo abdomine, in intestino recto; quod assiduo tenesmo mucum tremulum lineis sanguineis pictum expressit. Tenesimum hunc diutissime durantem sublatum una nocte vidi, oborto mox femoris sinistri, et carpi dextri tumore, ac dolore rheumatico, qui sero lactis, et frictionibus sanabatur.

Cum paucissimis tamen tam benigne agebatur, nonnunquam enim dysenterico dolore, utut sero, cessante, alvus nihilominus indolenter et assiduo fluebat multis septimanis. Varia incassum tentata sunt; Aegri aut hydropici perierunt, aut consumpti ab assidua, aquosa, chymosa deiectione.

Tunc intestina, potissimum crassa, reperiuntur solito multo crassiora, rigida, coriacea, at nullibi ulcerata.

Idem hic intestina sunt passa ab inveterato rheumate, quod articulis ab eodem accidisse ante dixi, tumidis manentibus, tuberosis ac rigidis effectis, et ad motum ineptioribus.

Oblitteratis nempe intestinorum absorbentibus vasis, rigescentium, durorum, alvus absque torminibus et assiduo manans, hydropem induxit, et consumptionem.

Horum pauci, iique solum valentiores, et quibus adhucdum virebat genu, postquam diuturna aegritudine ferme ad incitas redacti fuerant, attritas sensim vires resumserunt; fatisciente fortassis materie rheumatica, et intestina deferente. Sed longa mali mora memoriam sui reliquit, et languidior ventriculi vis decoctusque iuventae hos superati morbi identidem commonefecit.

Tertia species rheumatismi, et dysenteriae.

Tertium quoddam genus erat destillationum, aestate, et sub initia autumnii, saepe conspectum, ery-

erysipelatodes, urentissimum, quod vel levissime digito contrectatum, aegro eiulatus expressit; sub vesperam et noctu crudelius saeviens, et septicum.

Anno 1777. binas iuenculas habuimus, quarum altera manum habuit eiusmodi rheumate tentatam, altera pedem, *Tempore* potius delinitum morbum existimabam, quam *consilio* fractum; quod, etsi varium fuerat, tamen a morbi ingenio capitoso identidem vincebatur.

Quibusdam id genus rheumata post multorum dierum cruciatus in pus convertebantur.

Quorum corpora iam ante morbum pravos succos fecerunt, hos prae caeteris hoc rheuma invaluit.

Sed etiam dysenteriam non absimilem vidi in cachochymicis, gravissimam, laethalem, atque id solum boni habentem, quod rarius fuerit observata, et anno 1776. omnino nunquam.

Dysenterici hi *ardorem abdominis*, eumque intensissimum, assiduum, contrectationis vel mitissimae impatientem mox primis morbi diebus; anxietatem miram, et iactitationem, creberrimas, mere, sed obsolete sanguineas deiectiones; pulsus saepe magnos, vibratosque, sed nunquam valde acceleratos, subinde autem tenuissimos exhibuerunt. Vena secta sanguinem dedit laudabilem, absque ulla phlogistica crusta, et absque dolorum levamine. Sub frigidissimo artuum frigore et plusquam cadaveroso internis caloribus se peruri querebantur; potus gelidi inexplibile desiderium. Lingua sicca, hirsuta, et ipsa quoque frigida. Mentis constantia, et dolorum sensus usque fere ad ultimum vitae diem. Mucilaginosae, tepidae, crebrae potiones, et abdominis foras assidui rarissime profuere. Tertia, quartave plerumque die

marmoreum illud humidumque frigus artus omnes occupavit; sudore gelido in magnas guttas collecto ubertim manante, praeprimis ex facie.

Septima atque octava die, deiectionibus et rarioribus, et melioribus, iam non torminosis, *αναδεμναίνεσθαι* subinde videbantur: at ore aperto, oculis conniventibus, taciturne deliri, et neglectim cubantes nona, aut decima periire.

In cadaveribus coecum, colon, eiusque potissimum transversa portio, et quae per sinistrum latus descendit, itemque intestinum rectum, crassas, et carnosas membranas habuere, duras, et tumefactas; color autem plumbeus fuerat, aut luride ruber.

Mesenterium et omentum obsoleta, et late diffusa rubedo infecit; hinc inde altius intra eorundem viscerum substantiam demissa.

Dissectus horum intestinorum canalis villosam tunicam profundo, et tristi virore imbutam exhibuit, quem nec aqua eluit, nec spongia extersit.

In quibusdam cadaveribus hic viror observatus non est; cum intestina interea foede ruberent, et luride rubente sanguine manarent. Glandulae quaedam mesenterii ex inflammatione tuebant, referebantque sanguinis grumos.

Rariora, et leviora, aut etiam nulla, vitia in tenuibus reperta sunt intestinis.

Mesenteritis gravissima huic fuit, et enteritis cum omenti simul inflammatione, non *benigna*, sed *septica*, *erysipelatoxa*, et antephlogistico apparatu non domanda.

Qui lubricantibus, et involventibus remediis morbum commisit, aequè parum profecit, ac iis, qui aut emesi, aut catharsi voluerat aegro mederi.

Solis

Solis quippe antiphlogisticis cicurare phlogosia interaneorum non licuit, relicta acri et inflammante, si qua aderat, bile: sed neque hanc licuit evacuare, ubi intestina, et omentum, et mesenterium iam tanto incendio conflagrant.

Nec morbi causa solum intra tubi alimentarii cavum commorabatur, uti forte in illis solet, quorum ventriculus ex prandio hesterno vitium et cruditatem traxit, sed ipsis intestinorum membranis, mesenterio, omento, infixae haesit portio materiae dysentericae non parca. Hanc extricare persaepe difficillimum fuit, periculique plenum.

Febris ipsa ex ampla, et variegata *februm septicarum*, aut potius, inflammatorio-septicarum, et erysipelatodon, familia fuit.

Rheumata gastrica dari, observatio quotidiana docet: eorum autem cum magna inter sese variatio est, tum ab aliis rheumatismis hucusque descriptis diversitas. Neque hoc novum est, aut nuper conspectum, sed homini vel mediocriter docto notum, et cognitum iam dudum. Ophthalmiae enim gastricae, et odontalgiae saburrales, cephalalgia gastrica, rheuma artuum biliosum, aliaeque aliarum partium fluxiones, quae a sordibus ventriculi nascuntur, nonne vulgata nomina iam sunt, et ex ipsis rerum, causarumque visceribus petita?

Quarta species rheumatismi aequae ac dysenteriae.

Fluxionibus his vel nulla comes it, vel obscura solum febricula. Molestiam potius quamdam, quam morbum arbitrantur, qui sic aegrotant.

Horum ventriculum acrior bilis ferit, sed quae tota intra eundem collecta non manet; tenuior enim eiusdem portio ac eius veluti aura quaedam intra alveos circumeuntium humorum

suscepta, vel ad varia corporis cola deferuntur, absceditque κατ' ἐξουον, vel vero in itinere suo aberrat, atque alicubi adhaerescit.

Quod si id in pulmonibus contingat, hique hanc ἀποθεσιν patiantur, catarrhum habebis ex primis viis ortum; si in membrana narium coryzam etc.

Fac iam alitum illum biliosum intra circum-euntes humores susceptum ita in suo cursu deviare, ut ad opportunum quoddam colatorium non appellat; aut forte per cutis poros exitum moliens, admissio frigore repercutiat, neque tamen, uti antea posui, pulmonibus infigatur, aut nariibus, sed decumbat ad ipsum intestinorum corpus, ad mesenterium etc., catarrhum habebis intestinorum, aut eorundem coryzam, seu *dysenteriam*, eamque speciem, quam in principio huius dissertationis simpliciter appellavi *biliosam*.

Sola ventriculi, et intestinorum saburra biliosa absque eo rheumate, et intra cavum intestinale solummodo contenta, alvinum forte fluxum fecisset indolentem, aut etiam dolentem, si quidam materiae fuisset acor: sed eiusmodi *diarrhoeam*, utur fortasse, acoreposito, *torminosam*, diversam arbitror a *dysenteria*; cuius creberrimae quidem, et torminosae sunt deiectiones, sed ferme irritae, ut faecum secedat plerumque nihil, sanguis vero et mucus vi exprimatur.

Ea certe est *dysenteriae* legitima conditio, ut hanc morbis adnumeres alvum potius occludentibus, inter assiduos licet deliciendi, sed frustraneos, conatus, et diarrhaea quoque *dysenteriam* sanet per saepe.

Nihilominus non ita *dysenteria* diarrhaeae opponitur, ut hac oborta, aut sponte, aut opo-

remediorum, necesse sit, illam *semper*, et *certo* tolli. Iuvencula enim quaedam, cum saltu incalisset, et meraciore vino, noctuque esset perfri-
 gationem passa, altera mox die in dysenteriam incidit crudelem omnino, cum intolerabili anxietate, exili pulsu, αλυσμῶ; exacto triduo ad nos venit. Materies veluti lactea, cum exiguo hinc inde virore, magno impetu, et pari copia, et ferme assiduo, per inferiora secessit. Venam secui, cum conceptam in abdomine inflammationem adverterem, et potu tepido, mucilaginoso, et fotu externo abdominis usus sum, ut prolapsos ad intestina humores revocarem; tandem, et opio volui ad aliquot saltem tempus secessus inhibere. Nihil profeci. Periit aegra inter assiduas iactitationes, et immanis circa praecordia ponderis querelas, cum tormina consopirentur.

In cadavere intestina omnia et ventriculum reperi colore iatense roseo imbuta per totum; mollia tamen, et membranis horum viscerum, se-
 cus ac in aliis observaram dysenteria eneētis, non tumidis. Omentum, et mesenterium eundem habuerunt colorem.

Sed redire ad *dysenteriam biliosam* iuvat, quam inter reliquas species multo frequentissimam vidi, ac popularem. Et anno 1773. in Hungariae quibusdam locis, atque aestate vigente anni 1776. per omnem agrum Viennensem, prope solam.

Utut haec vulgaris persaepe sit, multique per ea tempora in Libitinae rationem veniant; tamen naturam huius speciei immerito malignitatis damnantes, reamque ageres tot funerum.

Incusare aegrorum potius socordiam oportebat, morbi initia contemnentium; aut eidem medentium quidem, verum sinistre, et inauspicato.

Αυτων γαρ σφετερησιν αταξασλησιν ολοντο ,
 Νηπιοι (*).

Morbi faciem, atque notas hic non describam, cum id a me fuerit ante praestitum in relatione *dysenteriae biliosae*.

Sed et methodum medendi ibidem exposui, quae ferme in solius emetici, aut emeto-cathartici usu consistebat, et opio emeticum excipiente.

Emeto-catharticum praeplacuit prae solis catharticis, iisque quibuscunque. Nam eduxit id genus remedium, quidquid offenderat alieni in tubo alimentari, qua data porta.

Confidebam quoque in illa emeticorum vi, quae fixa purgatione sudores movet: hos tuto moveri tunc posse, iisque motis rheuma abdominis una submoveri, existimabam.

In eum finem *Nepenthes Helenae* propinavi, diaphoreticorum potentissimum, certissimumque, et dulce simul cruciatuum lenimen.

Quod si is morbi habitus fuerat, quem in antecedentibus *febrim biliosam dysentericam* nominavi; parcius, tardiusque opium exhibui, et febre iam inclinata. Eius rei rationem supra dedi.

Plerumque unicum emeto-catharticum profigando morbo par fuit; nonnullis id bis dedi, vix ulli ter, interiecta die una inter singulas emeto-cathartes. Die intercalari decoctum radicis graminis, et taraxaci cum syrupo ribesiorum, aut alio consimili, aeger per vices sumsit, cum narcotico vespertino,

Aliud quoque est, quod emesis prae ulla pur-

(*) *Odyss. A. v. 7.*: nam propria stulti culpa perire.

purgatione commendabat, actio nempe ipsa, et labor vomendi; quā re videlicet vel sola pungentes particulae eliciuntur, atque prolectae quaquaversum excutiantur.

Multi ad nos venerunt, rheo, myrobolanis, tamarindis, sale medio vario, manna, iam dudum, sed frustra usi. Fateor, me laboriosius sanasse horum dysenterias, quam illorum, qui partibus caeteris morbum naturae commiserunt.

Horum quidem remedium encomia novi: fors tardius sanarunt dysenteriam, quam nostra citius sanassent.

Quin mihi haec remedia nocere visa sunt, ubi abundantior saburra adfuit; aut in ventriculo, eique connexo intestino, sita.

Idem in dysentericorum curatione evenire observavi, quod in plerisque aliis morbis contingit; ut nempe sanati hoc vel illo remedio dicantur, quibus sub usu eiusdem id solum fortunae obtigit, ut non morerentur. Hinc intempestivae curationum quarundam laudes explicari possunt.

Periclitanti methodos diversas, easque inter se, et cum solis naturae non adiutae viribus, conferenti constabit, quatenus methodus alteri praestet, et quantum solius valeat naturae vis, quid ferre recusset. Horum omnium nobis copiam nosocomium fecit:

Rheumatismos inflammatorios, atque etiam inter sese complicatos compositosque, aut diversas rheumatum species sibi invicem succedentes, ea ipsa tempestate spectare licuit, qua eiusdem omnino indolis dysenteriae grassabantur, et eodem modo sanare, quo populari intestinorum morbo medebamur.

Aliae quaedam species rheumatismi et dysenteriae.

CAPUT V.

Varii exitus dysenteriae.

Nunc quos *haec* dysenteria diversos exitus habuerit, exponam. Non raro emeto-catharsis instituta morbum ex integro, atque repente sustulit, non rediturum.

I. dysenteriae
exitus in sa-
nitatem.

Atque hanc quidem rheumatum gastricorum, phrenitidis e gr. gastricae, ophthalmiae, coryzae, catarrhi, aliarumque aegritudinum, si forte ex sordibus ventriculi nascerentur, promptissimam levationem per saepe mox ab emesi intuebamur, atque etiam mirabamur; non enim ventriculum solum a recrementitia materie vomitorium vindicavit, verum etiam id, quod ab ea materie decerptum in parte subinde dissitissima fixum haesit, pari submovit celeritate. Ea fortasse portionis ex illuvie gastrica decerptae, et aut encephalon, aut oculos, nares, thoracem, artus, intestinorum membranas vexantis tenuitas, mobilitasque fuit, (in corpore praesertim iam praeparato, et fibris aliquantum iam emollitis, cedentibusque, seu *coctione praegressa*), ut eodem tempore et remedio eodem vacuari ventriculus potuerit, atque id, quod inde ad viscus quoddam ante abscesserat, moveri loco reduci in circulum communem, atque ad aliquod corporis colon deferri.

Subinde mitior morbus evasit, cessitque serius, nova materiae coctione praegressa, et corporis praeparatione ulteriori, datoque altero, vel etiam tertio, emetico.

Aliquoties nullum ab emesi levamen obser-

vabatur, manente eadem dolorum saevitie, et secessuum frequentia eadem. Venam in brachio tunc fecui, et ex Coi Senis oraculo *partes sub umbilico aqua calida multa lavabam*, et tepidos, copiosos, emollientes potus propinabam; atque ita multis tempestive profui, aliis vero aliquanto tardius profui, certo tamen.

Tum vero sanguinem eduxi per saepe, qualem in pleuritide solemus; sic antiphlogisticam methodum cum illa coniunxi, quam appellant *evacuante*.

Appetente autumno, aut ubi coelum asperius, quam pro anni ratione, atque aura rudior homines tenuiter vestitos, aut meridianis solibus, aut exercitatione, in sudorem solutos, percuteret coniceretque in dysenteriam, sola non tanto phlebotomia iuvat cum emolliente, et copiosa potione, et abdominis fottu.

Torminibus, seu *evacuante* methodo, seu *antiphlogistica* consopitis, alvus subinde fluebat indefinenter diebus multis, quin etiam septimanis. Radix arnicæ, vel eius infusum cum emolumento exhibebatur; uni alterive hanc diarrhoeam vesicans stitit.

Crurum oedema, quod diuturnum alvi fluxum exceptit, stomachica, invigorantia, frictio, et tempus tandem ipsum, dispulerunt. Verum caute invigorantibus utendum esse docebar, ne dum corroborare ventriculum volumus, eidem ingeramus, quae nimia sint, aut mole ipsa, aut vi. Languidissimum enim, et debilissimum ventriculum mitissima solum tonica reficiunt, fortiora offendunt. Diaeta medicatrix, et auxilium ab ipso tempore petitum potiora fuerunt hoc alvi fluxu laborantium, indeque convalescentium adiumenta.

De dysenteria, etiam post emeto-catharsin, non mitigata, deque huius phaenomeni ratione, et medela, itemque de dysenteriae in longam diarrhoeam conversione, dilucide opinor, atque abunde disputavi.

3. dysenteriae
exitus in dys-
senteriam
chronicam.

Verum tertiam quamdam aegrorum conditionem vidi, etsi raro obvenientem, at eo difficilior rem sanatu. Dysenteria nempe subinde plurimum remittit, ut et secessus rariores fuerint, et vis torminosa; torminosi tamen, multisque septimanis.

Hanc chronicam dysenteriam, utut dolore paucio, brevi evanido, sub ipsa solum deiectione modice percepto, stipatam prae acutissima dysenteria, praeque illa longa diarrhoea abominabar. Remedia, spesque nostras ut plurimum elusit, et aegros lentae, et certae morti consignavit.

Cadavera horum *phlogosin chronicam*, et duritiem, rigiditatemque intestinorum potissimum crassorum monstrabant.

Hanc dysenteriae conditionem cum rheumatica, aut arthritica materie comparabam, articulis tumentibus pertinaciter infixis, indeque non dimovenda; ut eundem putarim morbum, eandemque causam materialem, sed dispari fixam loco.

Qui florem aetatis iam superarunt, ex morbi diuturnitate potius, quam vi perierunt.

4. exitus in
tenesimum va-
rium.

Pauciores hoc anno (1779.) dysenterias tenesimus finiit, qui symptomatum dysentericorum alias plerumque ultimum est, atque agmen claudit. Fuere tamen, qui torminibus iam penitus compressis per aliquot dies inanem desidendi conatum experiebantur, expresso muco, subinde etiam paucio cruore. Semel solummodo tenesimum observavi longius durantem, et nulla pelendum ratione. Nam rheo, et myrobalanis subinde,

inde, nonnunquam mucilaginoso clystere, nonnunquam, consilio mutato, narcoticis molestum hoc symptoma volui profligare. Frustra fui. Una nocte repente tenesmus evanuit, orto mox, ea adhuc nocte, dolente tumore ad carpum dextrum, orta que ex sinistro latere ischiade. Non multo post aeger etiam ex his doloribus usu feri lactis convaluit.

Tenesmum, eundem postmodum morbum existimavi cum dysenteria, sede solum diversum, et magnitudine minorem. Si enim potior crassorum, colique praecipue intestini tractus, quam ego praecipuam, solennioreque dysenteriae provinciam puto, eo rheumate, atque eo modo laboret, quo id ad constituendam intestinorum difficultatem requiri superius afferebam, *dysenteriam* adesse in confesso fuit. Rheumate autem dysenterico sua illi ampliori de sede moto, atque intra angustos solum intestini recti, aut eiusdem extremae tantum orae cancellos concluso, *dysenteria recti* solummodo intestini fuerat, sive mutato nomine *tenesmus*.

Quaedam tenesmi species est, veluti dysenteria partialis.

Non aliam tenesmi, seu *dysenteriae huius partialis* curationem noveram, quam ipsius morbi integri, principisque.

Hinc evenerat, ut aut evacuantibus *αγω* aut *κατω*, vel vero emolliente enemate, potuque, ac venae sectione, nonnunquam etiam laudano, etiam vesicante semel ad os sacrum adplicato, tenesmum expugnarim; ratione videlicet diversa, prout diversam huius *topicae dysenteriae* notionem conceperam, et concipi debere arbitrabar.

Tempori subinde committi tuto tenesmus potuit.

Puellam ex dysenteria convalescentem tenesmus

Alia vero species est renesmus haemorrhoidalis.

mus vexabat, sed quem alterius indolis esse existimabam. Olim enim haemorrhoidum tumore dolente, et cum tenesmo afficiebatur. Nunc quoque easdem ab haemorrhoidum irritatarum tuberculis molestias pati videbatur.

Haemorrhoidalis hic tenesmus frequentius postea observabatur, in viris iisque robustioribus, frequentius quoque in dysenteria autumnali, quam aestiva.

Tenesmo haemorrhoidali emulsio medebatur, et mere emollientia enemata; opiata vero eundem angebant.

5. exitus dysenteriae in rheumata artuum, articulorum etc.

Nonnullis dysenteria versa est in rheuma cuiusdam alterius partis: sic humeri quibusdam, aliis nucha, occiput, manuum carpi, genua ec. dolore dilacerante occupari visa sunt, ventre, atque alvo sanatis.

Conversionem hanc dysenteriae in morbum articulare *subinde* optabam, utut a plurimis observatoribus damnatam. Malui enim articulos sanare, qui morbi vim facilius et minori cum noxa perferebant, quam intestina. Sed id *subinde* optasse me dixi, in dysenteria nempe graviori, difficulter, aut vix sananda, non autem in *dysenteria simplici biliosa*; utpote quam et cito poteram sanare et multo facilius, ac morbum articulare.

Subinde pulmones aegrotare veluti catarrhoe coeperunt, ut primum a dysenteria mitius habebantur, aut ex eadem convalescebant.

Quibusdam a dysenteria aures tinniebant cum aliqua surditate.

Paucissimis, morbo intestinorum iam cicurato, malum ad ventriculum versum est, ubi ingens quasi pondus percipiebatur.

Nonnunquam mitigatis iam symptomatibus dysentericis, pectus valdopere opprimi, aut latus veluti pleuritice dolere, citra tamen magnam, ac

manifestam febrem; rheumate nempe in pleuram, aut musculos intercostales irruente.

Subinde fixum hoc rheuma uni loco adhaesit, nonnunquam vero vage, atque errabunde discurrebat, ut modo hanc partem vellicaret, modo aliam.

Intra non multos dies haec destillatio evanuit, in quamcumque demum partem cecidisset; seu sponte, sive etiam aptis remediis.

In hunc scopum diaphoresin movebamus potu tepido floribus sambuci medicato, et stibio diaphoretico non abluto. Decocta radice bardanae etc. profuerunt, nonnullis serum lactis, aliis rheum, aliis admotum alicubi vesicans, hanc sustulit defluxionem.

Foeminam dolor pleuriticus corripuit, qui relicto thorace hypochondrii dextri portionem mollem obsedit, inde defluxio ad pulmones se recipiens molestissimam tussim, noctu praecipue, veluti catarrhosam fecit; ea repente cessante orta est dysenteria, quae, nycthemero nondum exacto subito conquievit, thorace dextro supremo pone claviculam acerbè dolente. Diaphoresin potu multo, tepido, et sambucino tentabam, atque inter scapulas ponebam vesicans: convaluit.

Petulantis id genus rheumatis aestivi, atque autumnalis exempla plura vidimus; quae, qua affinitate teneantur cum dysenteria, vel maxime reluctantes, atque aliter hucusque sentientes ita docent, ut omnis dubitatio eximatur.

Quibusdam ad vesicam morbus decubuit ita, ut dysenteria repente subsisteret, orta ingenti mingendi difficultate, aut etiam lotii plena suppressione. Aliis ingens solum in pube pondus erat, alvo sanata.

6. exitus in
urinae diffi-
cultatem.

Non-

Nonnulli dysenteria vigente adhuc moleste mingeant. Dysuriam post dysenteriam emulsum amygdalinum, cui syrupum altheae admiscebam, itemque adplicatum ad pubem cataplasma emolliens solvit.

Hoc anno (1779.) multo pauciores observavi, utut numero Dysentericorum longe majori, quos mictus difficilis una affligeret cum dysenteria, quam anni (1776.) aestate.

Paucissimos videre erat stranguiose mingentes, cum ponderis ad pubem sensu, sed absque dysenteria.

CAPUT VI.

Exitus dysenteriae in hydropem.

E P I S O D I O N

de hydropo plethorico.

Exitus quoque dysenteriae in hydropem fuit; in sexu praeprimis sequiori, quem morbi diuturnitas attrivit magis.

Sub ultimos nempe dysenteriae dies, eaque in indolentem alvi fluxum fatiscente, plerisque crura, subin et femora albo phlegmate intumuerunt; nonnullis abdomen quoque, ut universum corpus.

Quibusdam, pedes solum et crura tumidis, lenia tonica, grata cardiaca, amara etc. et crurum aromaticae frictiones, et ipsum tempus, remedio fuerunt.

Qui-

Quibus vero totum corpus intumuit, quod quidem paucissimis contigit, laboriosior curatio fuit, et variis modis tentata. Somno parco, exercitatione corporis, decocto taraxaci, cichorei tum terra foliata tartari, *extracto* praeterea *Colliniano*, quod ex succo recentis herbae *lactucae virosae* parari curaveram, autumno devexo, et sub initia hyemis, convaluerunt.

Hydripes alios complures et aliunde exortos, remediis methodisque cognitissimos sanatos non recensebo, cum nihil habeant non ubique descriptum. Illata tamen hydropis mentione non possum non aliquantum ab instituto desistere, et, fermocinantium more differere de ea re, ad quam forte fortuna delapsi sumus, nempe hydropem.

Digressio ad
hydropem
plethoricum.

Resumam iterum abruptum de dysenteria sermonem, ubi aliqua rerum varietate veluti refo-cillati, a longae narrationis taedio quieverimus.

Hydropem quemdam, praeter alios hydropes frequentiores, sed quos et quorum causas hic praetermitto, videre erat hinc inde quidem descriptum, minus tamen in praxi, ut opinor, cognitum, atque idcirco sinistra nonnunquam curatione vexatum.

Is nobis *hydrops plethoricus* erat, seu ortus a *plethora*.

Causas habuit aliis hydropis speciebus ferme oppositas, plethoram nempe, et laboriosum abundantium humorum, caeteroquin bonorum, circuitum. Inde vasa sanguifera, cruore nimio distenta, aquosam portionem facillime dimiserunt, extruseruntque, sed ita demissam difficulter receperunt: hinc aquae intra cellulosum corpus, aut cava varia collectae, hydropis eam speciem fecerunt, quam *plethoricam* appellabamus.

Hydropis huius genesin ipse mihi exemplo quodam illustrare conabar. Quemadmodum enim ultimo graviditatis tempore venarum iliacarum compressio abundantiam humorum in artubus inferioribus contentorum, sive topicam plethoram, indeque crurum, femorum et pudendorum facit hydropem; sic plethoricis columna cruoris maior, quam quae apte contineri valis possit, et expedite ad cor reduci, hydropem gignit.

Hic morbus in corpora solum robusta, aetatis florentis, et bene pasta, iuxta nostras observationes cadit.

Atque ex hac corporum aetatis et vitae ratione, item ex defectu caussarum illarum, quae alias producere hydropis species solent, huic nostrae plethoricae oppositas, hydropis huius indoles, cum eaque conveniens medendi methodus nobis innotuit.

Coquum Comitum St**, quadrato corpore donatum, Fabrum item lignarium, Fabrum ferrarium, famulum quoque compagis caeteroquin firmae, item binas foeminas, viraginum habitu utramque, praeter alios hac specie hydropis detentos vidimus; eventu, ut postea referam, diverso.

Plerumque hic hydrops *intercus* est, et diffusus per totum corpus, subinde crurum solum, et femorum. *Afciten plethoricum* nondum observabamus. Nonnunquam hydrothoracem prae se ferebat, difficili inter gradiendum spiratione, decubitu supino impossibili nocturna in primo somno excitatione cum suffocationis metu, aliisque.

Hydrothoracem plethoricum difficulter distinguebamus ab aliis hydrothoracis speciebus, alia a causa ortis, et alia sanandis ratione.

Clorosis quoque orta a *plethora*, et ab aliis
chlo-

chloroseos speciebus distincta , in puellis rusticanis , et duro labore exercitatis , nonnunquam occurrebat .

In hoc hydropo , et chlorosi remedia pleraque aliis chloroseos et hydropis speciebus apprimè dicata , nocuerunt .

Profuerunt autem phlebotomiae moderatae , sed aliquoties repetitae , et antiphlogisticus victus : decocta item emollientia , nitrosa , acidula , serum lactis cum terra foliata tartari .

Quasdam huius hydropis curationes longo cremoris tartari usu perfecimus .

Subinde hic noster hydrops et chlorosis phlogosin conceperunt . Sanguinem pleuriticum iterato educebamus , generosiori antiphlogistica methodo usi .

En huius hydropis exempla quaedam minus fausta :

Coqus Comitis St** quadrato corpore , laceratosus , amplo thorace , brevique sed crasso collo , vigente hyeme pleuritide laborabat domi suae : aegre eluctatus difficilem in incessu et noctu supine decumbens , respirationem querebatur ; inter primos somnos veluti iamiam suffocandus evigilabat , atque e lecto exsiliabat auram capturus . Multas noctes sedendo transegit ; crura valde tumebant aquoso tumore , ut etiam carpi , hi vero modice . Pulsus amplissimi , tardi et instar chordae ferreae digitum ferientes . Aliquoties domi adhuc suae sanguinem emisit pleuriticum et cum aliquo , sed temporario , levamine . Victu nihilominus pristino utebatur , carneo videlicet , et vinoso ; atque hoc quidem non raro meraciore , utpote multos inter labores , et penes ignes incalescens :

Exeunte vere mihi tradebatur. Ufu squillae, aliorumque remediorum urinas potentius moventium, et crurum frictionibus, intra breve tempus id est consecutus, ut noctu non excitaretur, aut excitatus non exiliret. Disparuit intra paucas septimanas tumor crurum et manuum, thoracis incommodis sublatis. Discessurus a nobis cum pridie suas sarcinulas collegisset, hilaris, et de recuperata valetudine sibi gratulatus, se lecto commisit; post mediam noctem cum eiulatu epipletice convellitur, inde apoplectico sopore pressus vespere periit.

In cadavere cor triplo fere maius inventum est, ac alias solet offendi, et giganteum; non morbose dilatatum, cum iusta partium id constituentium proportio fuerit.

Pulmones ubique laxiori cellulosa tela ambiententi thoraci revinciebantur.

Vasa encephali praegrandia, et multo cruore distenta. Pauxillum aquae intra meninges diffusae.

Remediis diureticis, purgatione, frictionibus plethorae effectus auferebantur; collectiones nempe aquosae, causa manente, atque etiam aucta.

Historiam similem in *diar. Swietenianis* legi, quarum notabiliorum partem, ut primum per alios labores licuerit, publici iuris faciam.

Quidam enim *eadem*, qua hic meus homo, ratione hydropicus, *eadem* curatus, *eandem* quoque mortem oppetiit.

Famulus compagis firmae, et valentissimo caeteroquin corpore ultra annum frequenter vomebat, matutinis horis praesertim: siti assidua vexabatur. Tandem intumescere *αναοσπρα* coepit. Purgantibus domi suae frustra utebatur; diuretica

non

non profuere, quin urinas potius parciore reddiderunt. Mirum id omnibus, qui hominem nonnoverant, visum fuit, potuisse nempe hominem ex athletico habitu transire repente in aquosam humorum cacochyniam, quin antea morbus quidam intercalaris vires athleticas attrivisset.

In nosocomium receptus pulsus plenos, du-ros, et vibratissimos exhibuit; totum corpus, femora et crura immane quantum tumebant; diuretica tentabantur de novo, eaque varia, cum experientia constet, in eodem etiam hydropes non idem semper remedium urinas movere.

Tandem, cum nihil proficerem, cruribus vesicantia apponi curavi; qua methodo alias gravissimos quosdam, et remediis quibuscunque internis rebelles hydropes sanavi.

E plagis vesicante erosio aquae largiter diu, noctuque manabant, ut aeger fere totus paucos intra dies detumuerit.

Laevum iam ab initio augurabar de hoc hydropes, quod ortus esset a causa ignota in homine iuvene, ad hydropem, ut arbitrabar, non praedisposito; et quod quaedam coquum inter, et hunc famulum analogia intercederet.

Sinistrum eventum, mortem convulsivam, apoplecticam, omnibus aliis bene sperantibus, et non longe absfuturam, praedixi; etsi tunc, qua ratione imminente tempestate occurrerem, nesciebam. Paucos post dies, aquis iam ferme evacuatis, repente aliquoties convulsus, et apoplecticus periit.

Cerebellum sero ambiebatur, vasa sanguine turgida. In thoracis cavo dextro libra eiusdem feri, et unciae novem in cavo sinistro fuerunt; pericardium uncias sex eiusdem feri continebat.

Vesicula fellea vacua : hepar consistentia sanum, sed colore per omnem suam substantiam viridissimum.

Susplicabar, hunc hepatis virorem, et bilis in vesicula absentiam, explicari a convulsionibus posse, quae sub finem vitae accesserunt.

Noveram quidem iam dudum hanc speciem hydropis, eamque etiam sanavi. Verum nescio, quid meam diagnosin in binis his aegris ita subverterit, ut morbo causam subicerem non suam.

Apparente fortasse curationis, utut male institutae, secessu decipiebar, inque mala, quam de morbi natura conceperam, notione confirmabar.

Equidem aquae exantlabantur copiose, verum iis remediis, quae vel causam ipsam hydropis non attigerunt, vel eiusdem adeo vires auxerunt.

Ex eo tempore in hydrope *plethorico* a vesicante abstinui: malui infima crura *scarificare*, et aquas ad plagam incisam invitas evocare. Haec praxis sanationis celeritatem, mirum, quantum adjuvit.

Murarius 38. annorum ante semialterum annum in quodam nosocomio aegrotasse se aiebat ex catarrhosa thoracis affectione, tussi crebra, licca, respiratione laboriosa, et frequenti, nocturno praecipue suffocationis metu. Pectus oppressum habuit. Venae sectionibus, aliisque remediis discessit curatus, ita tamen, ut haec thoracis incommoda non raro reditum minitarentur, nova sanguinis missione denno depulsum.

Iam ab undecim septimanis oppressionem infirmi thoracis, et spiritum impeditiorem consueta metho-

methodus non solabatur. Sputabat mucosa; appetebat; suoque opificio vacabat.

Ab octo diebus tussis catarrhosa, assidua, noctu gravior, et eo tempore ferme suffocans accessit; auctis et oppressione, et impedito spiritu, ut e lecto exilire, et per cubiculum ambulare, ne cubans, et quietus suffocaretur, debuerit.

Decumbebat aequae facile, aut verius, aequae difficulter, in quamcumque partem libuerat. Iam non appetit: dedolatus est, corpus totum *ανασπαρξα*, pedes praeprimis, cura, et femora tument. Pulsus fortis, plenus, et vibrans erat.

Cum respiratio continuo laborosior fieret, sibilosa, asthmatica, cumque universum corpus tumeret in dies magis, et sputa lateritia compluribus noctibus excuterentur, intermixto multo muco, et aeger frequenter e lecto exiliret, atque ultimis temporibus aliena per vices loqueretur; die, ex quo apud nos fuit, decimo tertio circa auroram periit.

In pugillaribus meis id solum adnotatum reperio, secto cadavere utriusque thoracis, et pericardii hydropem fuisse detectum, cum non exigua inflammatione dextri pulmonis.

Aquae repertae quantitatem per oblivionem, aut aliis laboribus distractus, non connotabam.

En hydropem, ad hanc, de qua loquimur, hydropis speciem, referendum; venae sectionibus initio sanatum, dein vero eodem auxilio frequenter mitigatum, donec tandem viribus resumptis hominem penitus oppressisset.

Faber ferrarius 46. annos natus a iuvenilibus annis difficilem et per intervalla ferme asthmaticam respirationem habuisse aiebat; caeterum nunquam graviori morbo, nisi hyeme anni 1768., ubi octi-

duo ex morbo thoracis acute decubuerit, constat fuisse.

A mensis Decembris (1778.) initio abdomen leviusculum tumidulum fieri occoepit, uti etiam crura circa malleolos. Ab eo etiam tempore laboriosius, praeprimis a pastu, spirabat, laborosius quoque decumbens.

Iam inde a fine eius mensis noctu frequenter e lecto surgit, aërem capturus, metuque, ne spiritus praecludatur cubanti.

A septemdecim diebus lateri sinistro incumbere nequit absque metu suffocationis, sed neque ante eos dies valebat semper, et absque molestia, in id latus cubare.

Huic *venas hesterno semper iacho turgere*, plures, qui hominem noverant, asserabant.

Tussicula moderata paucum subinde gluten elicuit.

Die 15. Ianuarii 1779. nosocomium adiit, tumentibus utroque crure femoreque, ac ventre, attamen non valde.

Terram foliatam tartari ex aqua petroselini et paucis oxymelle squillitico hauriebat, et multum iuvabatur, urinis motis et alvo referata. Post quadriduum, me vel maxime invito, discessit, liberior multo respirans. nondum tamen liberrime, tumidulisque et artubus inferioribus et ventre: hac se libertate spirandi contentum esse, et nolle se apud nos tanti emere plenam sanitatem; victu nempe tenuiori, et hydroposia, quam vivendi rationem prae morbo impatientius ferret.

Die 24. Ianuarii mane carpento impositum ad nos deducunt, eumque facie turgida, purpurea, livescente, et labiis plumbeis, protuberantibus oculis, sibilose, atque abruptim respirantem,

ve-

veluti iam iam moriturum, ad portam nosocomii deponunt.

Fit modica venae sectio; deportatur ad lectum; redit vox, et usus sensuum; respiratione tamen vix emendata.

Cum per horulam quievisset, et ad interrogata responderet, aiebat se pridie, atque reliquis diebus, postquam a nobis discesserat, labores vulcanicos exercuisse, eosque solito duriores, Baccho usum idcirco meraciore.

Fit denuo venae sectio unciarum decem; sanguis crustam phlogisticam tenuiorem, gelatinosam plumbeam efformavit. Educto sanguine dextrum thoracem perforari curavi, unde feri flavescents librae quinque pleno rivo fluxerunt. Chirurgus restabatur, se pulmones *duros*, quemadmodum eosdem inflammatos saepe in cadaverum sectionibus videramus, immisso digito offendisse.

Signa pleraque aderant, quae hominem ostenderant, praeter hydropem, saeva quoque peripneumonia correptum.

In lectum repositus commodius quidem multo, non tamen absque omni prorsus sibilo, spirabat. Terram foliatam tartari ex aqua petroselinii, et pauxillo oxymellis squillitici hausit; unde bis vomuit materiem soluto Lotricum saponi similimam, albidam, spumantem aliquantum tenacem, et amaritiae intensa.

Cum die proxima iterum aestuaret magis, et laboriose atque cum strepitu respiraret, potus mere emollientes, et tepidos, nitrososque haurire iussus est multis diebus; sanguine iterum iterumque educo, pleuritico semper, et semper levante; ut die 1. Februarii libere spiraret, decumberetque et supinus, et in quodcumque latus voluerat, tussiretque perquam raro. His

His omnibus diebus magna aquarum vis effluxit e cavo thoracis, atque e tela cellulosa musculorum thoracicorum. Sed crurum, et femorum tumor manebat aquosus, et magnus.

Ab hoc tempore e lecto surgebat, et cubiculum obambulabat: oxymellé squillitico aliisque, quibus lotium cieri posse sperabamus, uti coepit.

Verum post medium mensis Februarii crurum femorumque tumor ita increvit, ut lecto iterum affigeretur. Tussis redire, vespertina potissimum, atque nocturna: calere demum, atque febrile assiduo, vesperi tamen intensius. Vulnus paracentesi inflictum pus fudit tenue, aquosum, uberrimumque

Artubus inferioribus supra modum tumentibus; lacertosa brachia consumi, quaeve thoracem ambierunt, carnes tabescere.

Die 18. Martii occubuit. Pulmo lateris perforati *inflammatissimus* erat totus quantus, et ubique cum pleura arctius cohaesit, pariter *inflammata*. Nulla ullibi puris collectio, ulceratio nulla fuit. Caetera uti in sanis fuerunt.

Mirabamur veram, gravissimamque peripneumoniam hydrothoraci iunctam, et ingenti artuum inferiorum hydropi; sputa quoque *purulenta*, non *puriformia*, admirationi fuerunt; nullo ulceris, aut in pulmonibus, aut alibi, vestigio reperto.

Etsi aeger initio Februarii febre careret manifesta, et se e lecto proriperet; non omnis tamen pulmonum inflammatio, quam ad nos attulerat, videtur fuisse soluta.

Pulmonum cum pleura cohaesio, serius, et post institutam paracentesin, nascebatur. Nam aquae et liberrime profluxerunt, et nullus obser-

vabatur ab exploratore digito, mox a facta perforatione, coalitus pulmonum cum pleura.

Utut inflammata[m] pleuram reperiremus, nullos tamen dolores punctorios querebatur.

Pleuræ inflammatio sine dolore.

Hydrothoracis cum peripneumonia connubium (seu bini hi morbi fortuito solum sociantur, seu vero uterque a communi quadam causa nascatur, aut alter ab altero (id quod ut plurimum fieri, supra ostendi) dependeat tanquam effectus a sua causa) non infrequenter ostendi, atque etiam quosdam sanavi parciore, at vero frequentius instituta phlebotomia, et althæae decocto cum nitro.

Quae de usu mitiorum salium, acidorum, mediorum, salis acetosellae, cremoris tartari, et ipsius nitri in cura hydropis dicuntur, ad hanc praecipuis hydropis speciem, *plethorici* nempe, aut inflammatorii, pertinebunt; si et reliqua auxilia in eundem finem conspirent; victus, et potulenta congrua, et subinde ipsa quoque sanguini detractio.

Quamquam nec alios quoscunque hydropes dira a potu abstinencia putem expugnandos; quam certe praxin perniciosam esse, et ipsius expertus sum, et luculenter legi ab egregio MILLMANNO demonstratum (*).

CA-

(*) Animadversiones de natura hydropis, eiusque curatione, Auctore *Francisco MILLMANN*, M. D. Colleg. reg. med. Cons. et regiae Societatis Lond. Socio. Viennae et Londini, apud *Rudolphum GRAEFFERUM*.

CAPUT VII.

*De variis et remediis, et methodis
antidysentericis: quaedam dy-
senteriae proprietates.*

Longius fortasse, quam initio propositum fuerat, in exponendo *hydrope plethorico* processu, re nempe ab instituto sermone aliena: neque veniam ob hoc ἀναχολουσον, aut ipse alteri darem, aut rogarem ab aliis; nisi ferme perinde esset, quo ordine quis narret, qui non integram quamdam historiam, sed eius solummodo lacinias quaedam, et fragmina velit proferre.

Ordini, atque rerum oeconomiae is studeat, qui struere aedificium vult; nos, qui huic structori a servitio solum sumus, tanquam officio nostro egregie defuncti laetamur, si quaedam usui futura in acervos, prout fors dedit, congesserimus.

Hinc sepositam nuper telam resumam, et quae de dysenteria sparsim ac prout, aut in pugillaribus descripsi, aut memoria teneo, nullo certo rerum nexu narrabo.

Variae metho-
di antidys-
entericae.

Remediis variis in cura dysenteriae opus fuisse, constabit morbi diversissimam faciem non ignorantibus. Nunquam tamen adstringentibus me usum scio, nisi unica vice aestate anni 1776. in alvi profluvio indolente, et longo, dysenteriam excipiente. Nihil profeci; venter assiduo fluens hydropem primo, dein, hyeme iam inclinata, mortem induxit.

Adstringentibus remediis cum ea notione
male

male convenit, quam de dysenteriae natura concepi.

Qui bolum armenam eum in finem dysentericis propinabant, ut laxata ostia fluentis alvi restringant, et egregie *adstrinxisse* putabant, si dragmulam inertis terrae dederint, nae illi sese in aegrorum plerumque salutem deceperunt perbelle.

Longam et *apyreton* dysenteriam nullis remediis comprimendam balsamo, *Saxonico* dicto, sublatam novi.

Sublatam quoque consimilem dysenteriam scio vesicante abdomini imposito, atque aliam sinapismo ad ventrem adplicato.

Oleosorum vix ullus quoque usus fuit, nisi blandissimorum, et multa mucilaginis divisorum; qualia in seminum *frigidorum* emulsionibus habentur: in dysenteria non biliosa, sed potius *enteritica plus minusve*, tepidae emulsiones cum reliqua antiphlogistica penum primas tenebant. Eius vero indolis dysenterias veris exordium, aut etiam frigidior autumnus profert, non diu regnaturas, constitutione nempe iam senescente, iam iamque emoritura.

Atque hac ipsa tempestate (1779.), et autumnali rigore rarissimae fuerunt dysenteriae illae, quae, utut praemissis praemittendis, ab opio non abhorrerent. Febrim acutam, auctum adeo secessuum numerum, et peripneumoniae subinde initia proximo mane debueras venae sectione, et emulso tepido, et ventris foru comprimere; si pridie opium dederas, quietem, et somni blanditias aegro conciliaturus.

Dysenteriae autumnales plerumque erant bilioso-inflammatoriae, aut inflammatoriae; quales etiam vernas habuimus; utut universim perquam raras, et

et sola plerumque antiphlogistica methodo non morose sanatas.

Dysenterias complures, vix inchoatas, sub mensis Augusti finem, et per autumnum anni 1779., tenui victu, et potu tepido atque emolliente, priusquam invalescerent, suppressi absque morbi recurso.

Nec est, quod quis obiiciat, *diarrhoeas* solum fuisse leviculas, leviterque torminosas, non vero *dysenterias genuinas*, quas tanta facilitate sanarim, vix ortas. Idem profecto his morbi initium, quod aliis fuerat, quos morbus exercuit, omnium consensu dysentericus.

Erant igitur quaedam, veluti gravioris morbi praeludia, et velitationes dysenteriae; consummatae futurae, ni principiis obstitisses.

Mense Septembri eiusdem anni dysenterias quasdam iam persanatas, sed post aliquot dies reditum denuo meditantes, eadem ratione arcebam; victu nempe tenuiori, et potu tepido, ac emolliente; nisi forte voracior aeger ventriculum onerasset, adhucdum languentem, atque emesi purgandum.

Primarius canon in dignoscenda natura dysenteriae, et eligenda medendi methodo.

Plerumque determinari methodus medendi dysenteriis epidemicis potuit ex ea methodo, quam *febris illius tempestatis dominatrix* poscebat; cum *dysenteria epidemica ad epidemicae febris naturam quam proxime accesserit*.

Anno 1776. *biliosissimam* habuimus febrim aestivam, non male tamen moratam; ni illam inepte quis irritarit, meracam, et omnis phlogolecos ut plurimum expertem; atqui et dysenteriae fuerunt eodem anno *eiusdem* prorsus indolis, *biliosissimae* nempe, meracae, et absque ulla inflammatione, et
eadem

eadem prorsus methodo, atque *eadem* etiam cele-
ritate confectae.

Annis 1777., 1778., atque hoc ipso, quo
haec scribo, anno 1779., febris aestiva biliosa,
bilioso-putrida, non raro pertinax, cum phlo-
gosi complicata, et exanthematibus variegata, non
boni moris, non paucos oppressit. Eandem om-
nino indolem dysenteriae una regnantis experieba-
mur admirabundi.

Non tamen observabatur, quo anno pluri-
mae fuerint aestivae febres, eodem quoque pluri-
mas fuisse dysenterias; ut idcirco, stante licet ea-
dem inter febrim dominantem et dysenteriam affi-
nitate, tamen dispar subinde utriusque dominium
fuerit, et dispar ex alterutro morbo aegrotantium
numerus.

Et si hic morbus, si quando latius diffunda-
tur, amplissimas ubique praedas agat, neque nisi
cum opimis spoliis recedat; tamen eius saevities
plurimum cohiberetur, si modo morbi primordia
occuparentur, eaque opinio omnium animis insi-
deret, vix ullum morbum esse eos inter, qui *po-
pulares* appellantur, cuius initia tam cito queant
comprimi, et qui neglectus urbes, agros, castra
adeo depopuletur; ut haec pestis castrorum plures
ferme, ac ipsum hostile ferrum necet.

Prima dy-
senteriae
initia non
operose re-
primuntur.

Dysenterias quasdam nullum hucusque cogni-
tum remedium sapabat; at vero, dummodo non
gravissimae fuerant, et dummodo *valentiori* remedio
non urgerentur, mortem non intulerunt, nisi iam
antea debilibus: tepidi et mucilaginosi potus, et
abdominis fomenta et ipsum praeprimis *diuturnum*
tempus profuere.

Idem in curatione quorundam rheumatismorum
contingebat, quae *potentius* urgere non oportue-
rat;

rat; citius enim reliquam sanitatem attriveras, quam expugnaveris rebelle rheuma. Temporum *constitutio mutata et longa mora* solum praesidio fuerunt.

Monitum
grave!

Atque universim convincebamus, quosdam morbos urgeri nimium et premi non oportere: sat esse, si in peius non abeant, et si, utut tarde, quotidie tamen pauxillum ex morbo detrahatur. Quemadmodum enim medicando recte fit, sic etiam medicando peccatur.

Dysenteria
nullum sexus
aetatis, et
vitae rationis
discrimen fe-
cit.

Nullam aetatem hic morbus praeteribat, nec sexum: conditio hominum quaecunque, et quaevis humorum et solidorum crasis, valetudinis quaevis ratio dysenteriae ex aequo patebat, etsi diverso discrimine. Nec ullam ab hoc morbo immunitatem, aut hydropisia dedit, aut usu vini.

Qui a fructibus horaeis severe abstinebant, aut iisdem utebantur, aut etiam abutebantur; ita aut in dysenteriam inciderunt, aut ab ea perstiterunt intacti, ut nulla ratione, vel modice probabili, determinaveris, quid potius facere expediat.

Dysenterici fiebant, et qui victu animali ferme solo vescebantur, et qui vegetabili ferme solo.

Non tamen par ubique periculum fuit, si quem morbus corripuit; gravius enim foeminae mulstabantur, cum morbo ipso, et cum eiusdem iam profligati reliquiis diutius gelluctatae.

De vita periclitabantur cacochymici, seniculi, articulorum morbis antea vexati, et inter hos foeminae prae viris.

Illi enim aegri e sexu sequenti fuerunt, quibus dysentericis factis mox lingua aruit, extrema friguerunt glaciali frigore, manante per universum corpus sudore frigido, in magnisque guttas colle-

At cum sensu assidui et intolerabilis ardoris, in-
teranea exurentis, non restringenda siti, et potus
frigidi, vinosique implacabili deliderio, mentis
acie non retusa, et valente usu sensuum caetero-
rum.

In cadaveribus dysentricorum nunquam offendi suppuratam plagam, ut idcirco perrara existimem intestinorum ulcera ex dysenteria.

CAPUT VIII.

*Binæ opiniones erroneae de indole
et sede materiei dysentericae,
deque eiusdem contagio.*

Binas scaturigines dysenteriae huius *malignae* (ni eam malis *maligne inflammatoriam* appellare), quam sexui sequiori potissimum inimicam fuisse paullo ante dicebam, mihi visus sum detexisse; ipsius nempe male moratae constitutionis ingenium pravam, et corpus aegri huic morbo prae aliis opportunum.

Binas quoque opiniones notavi, quae de dysenteriae natura vigent, *plebeiam* alteram, quae humorum tumultuose ad intestina ruentium *copiam* accusat, eaque ipsa debiliora: alteram vero *non ignobilium Medicorum*, atque *aliquid* veritatis habentem; nempe, omnem dysenteriam pertinere ad *morbos saburrales*; quam scilicet materies, aut *biliosa*, aut *putrida*, eaque simul acris, intra intestina commorata, vellicando irritandoque producat.

Multis exemplis atuntur, qui sic opinantur,
Pars III. O ad

Dysenteriae
spuriae ,

ad illustrandum assertum . Qui enim (ut aiunt) resinam purgantem male subactam , et intestinorum plicis postea pertinacius adhaerentem devorarent ; in dysenteriae speciem incidunt aestivae dysenteriae analogam . Idem ex horum mente illis solet evenire , quorum intestina aliud acre quodcunque , aut etiam vermes rodunt ; unde frequentissima , et tenesmodeis , torminosae , mucosae , cruentae deiectiones proliciuntur .

Verum has ego dysenterias potius *spurias* nominandas puto , aut *diarrhoeas torminosas* ; nihil commune habentes cum *intestinorum rheumatismo* , seu *dysenteria vera* .

Plebeia opinio inter Medicos temporis tractu extabuit in generis humani felicitatem , nihilominus Herculi potius clavam , quam eandem hanc opinionem rudibus animis extorseris .

Haec tot malarum praxium auctor est , atque inventrix , unde tanta seges funerum quotannis succrescit .

Opio enim , et adstringentibus conatur alvum siccare .

Altera opinio , quae propius abest a vero , rodentis atque intra cavum intestinorum morantis materiae exitum molitur emeticis , purgantibus variis , et vario modo , in eaque re curationis cardinem docet versari .

Verum non omnis omnino dysenteria vomitorium aut purgans admittit ; nonnullae enim , etsi perpaucae , solo opio , et proleptis sudoribus illico cessant , SYDENHAMO testante : quaedam aliae , non multum ultra initia provectae , potu tepido et emolliente comprimuntur , quas evacuans remedium exasperasset . Atque alias quasdam phlebotomia sanat , eaque repetitis vicibus instituta .

Ut

Ut ita constet, dysenteriam popularem non esse morbum intestinalis cavi, acrem materiem continentis, sed ipsarum adeo *intestinalium membranarum*, rheumate laborantium; subinde et mesenterii, et omenti, et urinariae vesicae.

Hunc quidem rheumatismum intestinorum *per saepe* aut emeticum, aut purgans tollit, ut experientia constat.

In eorum opinio nata est, qui dysenteriam prorsus omnem merum esse *saburralem* morbum arbitrantur.

Quaquam neque altera opinio veram dysenteriae notionem habeat, tamen medendi rationem *plerisque* dysenteriarum epidemiis non erroream instituit.

Potiores enim huius morbi epidemiae eam speciem constituunt, quam superius *biliosam* appellavi.

Est nihilominus, ubi haud leves errores practici hanc quoque opinionem consequuntur.

Quando autem bona esse medendi methodus possit, utut falsae opinionioni innixa, et quando e contrario ea ipsa opinio in errores practicos inducat, et quae huius rei ratio sit; is intelliget, opinor, qui expositam in antecedentibus dysenteriae naturam et varias eiusdem species pensitavit.

Contagium dysentericum pauci in dubium vocarunt, idque effluvium ex uno homine exspirans communicari adstantibus posse, plerique credunt. Miror hercle, qui nos immunes per omnes hos annos a dysenteria manserimus, Medici, Medicorum adiutores, et aegrorum custodes. Atqui quotidie mane singulorum faeces lustramus ea nocte exceptas, et vel inviti haurimus putidissima effluvia toris naribus.

An detur
contagium
dysentericum
ab uno homine
diminans in plures.

Probe equidem novi, dysentericorum deiectionibus aërem, ex quo omnes tanquam ex communi fonte potant, foedo putore corrumpi, morbosque putridos, per emnientiam *nosocomiales* appellatos, invitare; verum quod dysentericorum exhalationes *eundem* in aliis morbum producant, id quidem arbitror observationibus adversari.

De vanitate
quorundam
aliorum con-
tagiorum.

Magni interesse puto, non ignorare, dysenteriam contagio carere. Quo enim animo Medicus Dysentericorum domos, pauperum praeprimis tabernas, adibit, de morbi contagio persuasus?

Quanti igitur interest, et esse ipsummet vano metu liberum, et eum aliis posse excutere.

Idem de miliari, petechiali, et scarlatinoso contagio intellectum velim; quod nullum est, neque tactu, nec inspiratione, nec devoratum, neque *inoculatum* quocunque modo *eundem* in aliis valet morbum excitare; observatione mea et experientia multiplici id perpetuo atque constanter testante.

Sic uno saltem, alterove terriculamento, eoque non minimo, minus habebimus, tot inter alios tam veros, quam inanes terrores.

CAPUT IX.

Prophylaxis.

Remedium prophylacticum dysenteriae in frequenti alvina purgatione frustra quaesitum est, hanc enim potius noxiam arbitror, nisi praesens saburra eandem poscat. Vires enim ventriculi et intestinorum aestivis caloribus remissiores crebra pur-

purgatio magis frangit, et rheuma tanquam ad partem debiliorem invitat.

Observationes etiam confirmarunt, hanc prophylaxin vanam esse.

Acque parum a dysenteria praeservantur, nec vomitio, qui frequenti vomitione ventriculum per vices subvertunt, dysenteria grassante; nisi forte iam adsit cacochylia exantlanda.

At sic non *prophylaticam* remedium haberes, sed *curativum*.

Nullum vitae genus a dysenteria intactum praeteriri, supra dixi. Nec ullum vitae genus.

Nullam certiore prophylaxin novi, quam quae aestuantis corporis, et profusius perspirantis refrigerium repentinum, et aerae frigidioris afflatum vitat. In quo consistat prophylaxis dysenteriae.

Non raro subita dysenteria correptos observavi, quorum male vestitum abdomen post largiores sudores subito perfrigeratum fuit.

Vitato eiusmodi refrigerio, cruditatem quoque, et saburralia vitia vitanda puto; quae, etsi dysenteriam sola non producant, corpus tamen debilitando eandem invitent, praesentemque reddant graviolem.

Proderit etiam praeter hanc et perfrigerationis, et cruditatis fugam, leni quoque tonico vim primarum viarum sustentare.

MÖHRLINI apud praeclarum ZIMMERMANNUM (1) observationi lubens subscribo, eos potissimum

O 3

dy-

(1) Quis nescit egregium *Zimmermanni* de dysenteria librum, qui, quidquid hucusque de eo morbo observationum exstabat, apte et philosophice disposuit, cum suis comparavit, leges stabilivit?

dysenteriam a se prohibuisse, qui vitatis diaetae vitiis, potum, praesertim aquae frigidae, si forte corpus aestuaret, liberaliorem vitassent, et diu noctuque non interceptam diaphoresin fuissent experti.

Magna curationis difficultas in eo est, quod aegri continuo surgendo, male contexti, pedibus nudis, noctibus saepe perquam frigidis, morbi causas identidem de novo repetant, perfrigerationem videlicet.

Hinc tantum quoque solaminis experiuntur, si in lecto manere iubeantur, iisque supponantur excipula, in quae vel decumbentes alvum ponant; item, si abdomen dolens molli et calido cataplasmate foveatur.

Hec ego ratione dysenteriam a me, meisque fortunate arcebam.

CA-

Cap. X. eiusdem libri spiritum practicotaton spirat; opus diurna, nocturnaue versandum manu: inquam, inquam, quem is solum rite intelliget, qui in praxi dysenterica versatus, ab huius operis lectione ad dysentericorum lectulos accesserit, indeque iterato fuerit ad legendum praecipue decimum libri caput reversus.

CAPUT X.

*Quaenam instructio plebi sit danda,
grassante dysenteria.*

Prophylacticas praeceptiones, atque ipsam methodum dysenterii medendi, medicorum collegia plebem, illam potissimum, quae rus colit, docere solent; si quando tempora dysenteriae ingruant, ruriculis praeprimis inimica.

Quod quidem institutum, ut est summe laudabile, ita arduum maxime, atque anceps videtur; ne nempe docendo noceas, ubi satagis prodesse.

Malim certe, *ut nulla* prorsus medicina fiat, quam *inepta*, et morbo *non respondens*, atque hoc ipso perniciosa, et salutarium naturae moliminum turbatrix.

Cur vigente
dysenteria
Vulgus vix
possit instrui
de methodo
medendi.

In morbo autem *tantopere versatili*, qui solertium etiam medicorum sagacitatem exercet, nonne saepius periculosam sibi medicationem plebs faciet? Quam remediis valentibus tanquam totidem armis instruere quidem possumus, dexteritate vero captandae occasionis, et indicationum scientia nequaquam.

Dispiciendum tamen est, quousque instrui plebs possit, ut constitutionibus dysentericis aut a morbo sese praeservet; aut eundem iam praesentem vel sanet omnino, vel sananti naturae salutem non obstit.

Primam instructionis partem ea fortassis praecpta, atque ea quidem sola, suppediabant,

quae de prophylaxi, et de cavenda aestuantis corporis perfrigeratione superius dicebam.

Alterum vero consilii caput morbum ipsam docebit sanare, atque *binis* solum methodis ab-solveretur, ab HIPPOCRATE *de affect. T. II. Sect. I. c. VII. Edit. HALLERI*, propositis; binas enim is suavit, utramque *parabilem, adplicatu non difficilem*, et quarum *apta tempora* atque *indicationes* vel ipsa edoceri rudior plebs potest.

Inter metho-
dos antidy-
sentericas
complures,
solum duae
sunt, de qui-
bus instrui
vulgus po-
test, et de-
bet.

Sunt autem hae duae methodi dysenterii medendi *evacuans* una, atque altera *antiphlogistica*.

Novi perbene, *methodam antidy-sentericam* minime his binis solummodo capitibus contineri; verum etiam scio, qui has binas scite noverit adhibere, eum *plurimis* profuturum; multis quidem *directe*, non paucis *indirecte*; vix ulli vero (quae res in omni medicina maximi momenti est) ob-futurum.

Et cur ?

Reliquae autem morbi varietates plebeium caprum superant; neque directa pro iis methodus potest plebi dari; nisi quis velit, ut sibi noceant male medicando.

Dysenterias quasdam HIPPOCRATES loco *supra citat. evacuante* remedio curat, et *medicamentum, quod supra pituitam purget* propinat. In aliis vero dysenteriiis, in quibus dolor *detinet*, *partes sub umbilico multa calida lavat*: *ibidem*.

Quae duae res et *evacuantis* methodi, et *antiphlogisticae* notiones exprimunt.

Hinc qui sibi mederi coguntur, his *omnis* dysenteriae cura a potu repido, et emolliente, itemque a fottu abdominis est inchoanda.

Quodsi dolor *remiserit*, aut *extra tempora de-jectionum penitus cessarit*, si et vires non sint pro-iectae, et febris evidentior absit, aut ea statim so-lum

lum horis intendatur, *medicamentum*, quod *supra* purget, hauriendum dato; *fotu abdominis* interim continuato .

Atque hac ipsa *methodo evacuante sola* quam plurimas novi dysenterias fortunate compressas; dummodo et tenuis victus accedat, et lecti tepor, et potus ex emollientibus, addita *chamomilla*, post emesim diutius sumendus .

Opio carere tunc possunt; nisi forte post emesin, dolore sublato, absente febre, pauxillo opii velis sudores iuvare, proficuos, et alvum siccant-
tes .

At vero, si dolor detinet, assiduus atque etiam extra tempora secessuum affligens, *attacum non ferens*, partes sub umbilico, Suasore HIPPOCRATE, calida multa lavato . Infidum enim hic esset, quin immo perniciosum, emeticum . Venae sectio proderit, et *fotus abdominis assiduus*, atque assiduus quoque potus ex emollientibus *althaea malva*, seminibus lini etc. confectus; sola enim *antiphlogistica* *methodus* opitulabitur .

Infantes dysenteria correptos, praeprimis si dolorem difficiliter ferant, et insistent prae dolore convulsiones, *aqua calida lavare*, seu calido balneo imponere, expediet .

Qui haec medendi momenta tenuerit, (neque ea sunt difficilia, utpote a manifestissimis qualitatibus, torminum nempe *assiduitate*, aut *intermissione* potissimum repetita) amplissimas dysenteriae species sanabit, *biliosam* nempe, et *inflammatoriam*, et ex hac utraque *conflatam* .

Unicum superest, quo id genus instructio carere non deberet; quas nempe *methodos*, quaeve remedia averfari tanquam noxia et pernicio-
sa, oporteat, esset dicendum .

Verum, utut sanissima consilia dederis, ve-
reor, ne aut nihil inde bonae frugis, aut non
nisi pauxillum, referas.

Solet enim plebecula praeiudiciis potius, quam
sanae rationis dictaminibus auscultare, atque hoc
ipso.

- - - ὑπερ μᾶλλον ἀλγὲ ἐχουσιν (1).

CAPUT XI.

*Quid peculiare, aut etiam commune
habuerint inter se quatuor aestatum
dysenteriae.*

Quatuor aestatum constitutiones dysentericas
strictim delineabo; qua re inter sese convenerint,
aut quid discriminis intercefferit, dicturus.

Aestas anni 1776. tota, et hinc veris pars
magna, illinc vero autumnus non minor, morbos
ὁμοουλου, καὶ ὁμογενεῖς proferebat; bile nempe
prognatos, sed ea meraciore, non inflammante, non
septica, atque indolis bonae, nisi mala fortasse me-
dicina obrigerat.

Eiusdem quoque ingenii dysenteriae fuerunt,
atque ex ea specie, quam rheumatico - biliosam, et
febrim biliosam dysentericam nominavi, numerosissimae
quidem, sed quae mira celeritate et tuto solis vo-
mitoriis, atque inter haec tartaro emetico, prom-
ptius multo sanabantur.

Quas-

(1) - - - Vel DIS nolentibus ipsi

Se miseros faciunt - - - *Odyss. L. I. v. 34.*

Quasdam illius anni dysenterias tamarindis, manna, sale amaro, cremore tartari, tartaro vitriolato, tandem rheo, et myrobolanis sanatas vidi ab iis, qui medicinam emericam, utut *suo loco*, et *suo tempore* per efficacem, ignorata eiusdem praestantia, aversantur, arque in delicatulis, foemellis, nobilioribus, iisque

- - quibus dant crustula blandi

Doctores.

Plus quidem temporis haec methodus insumsit, quam quae emetico utebatur; nihilominus aegri evaserunt, nisi si forte copiosorem quis bilem habuerat, καὶ αὖν potentius turgentem.

Aestate vero anni subsequenti (1777) dysenteria hinc inde solum in publicum prodit, ac ergastula frequens invisit, et cum aegrorum perniciē.

Verum ubicunque apparuerat, difficilis plerumque fuit, longa, et evacuantibus, seu αὖν, seu κατῶ non sanata, vix mitigata.

Quasdam dysenterias illius aestatis mutata potius temporum vice, quam vi remediorum, compositas arbitrabar; in iuvenibus praecipue, et qui ferendo morbo magis erant.

Erar haec difficultas intestinorum non mere biliosa, sed aliquantum, ut videbatur inflammans; patredine tamen non carens, ineffabilis cuiusdam ingenii, cuius solam pertinaciam certo cognoveramus.

Hi ipsi mores morbos etiam reliquos insigniverunt, exeunte vere, aestate, arque autumnō conspectos.

Salium mediorum vix ulla utilitas fuit cum in dysenteriis huius anni, tum caeteris in morbis. Iude in longos alvi fluxus, non comprimendos, aegri inciderunt.

Ra-

Radice arnicae magnus usus cum in illis dysentericis, phlogosi prius absterfa, fuit, tum potissimum in febribus caeteris non dysentericis.

Anno 1778. numerus dysentericorum paullo maior fuit, quam priori aestate; attamen multo minor, ac anno 1776.

Dysenteriae hae ad illas anni praeteriti proxime accedebant, nisi quod fuerint phlogisticoterae.

Alvus hoc anno in pluribus dysentericis tota quanta mucosa fuit, spermatis ranarum simillima; magna ductibilissimi et tremuli muci copia, ab excipulo vix abradenda, prodivit, qualem fere Calcuosi, aut quibus vesica ab alio quocunque stimulo irritatur, mingere solent, utut hic dysentericorum mucus instar glutinis vasi tenacius adhaeserit.

In reliquis faeces erant porraceae, spumantes, frustula sebacea referentes, lineis sanguineis pictae, carunculosa, loturae carniū similes.

Haec muci excretio aegros mirum quantum emaciabat, eosque intra non multos dies, morbo licet in speciem tolerabili, ad incitas atque ad mortem redegit.

Qui hac ratione aegrotabant, methodo illa evacuante, quae aestate 1776. tam feliciter cessit, non sanabantur; seu emeticum fuerat, seu eccoproticum propinatum.

Curationem oportuit compositam instituere; qualem, ut unicum exemplum proferam, puella quaedam auspiciato subivit, mucum illum tremulum largiter, et solum excernens, et dolorem totius abdominis quasi exulcerati conquesta. Dedit multa tepida, et emollientia per os, atque anum. Abdomen cataplasmate fovi, corpore probe contexto,

recto, sanguinem missurus, nisi iam suae domi misisset suo consilio. Elapsis aliquot diebus, et doloribus paullam remissionibus, lingua autem impuriore, salutare emericum hausit. Paulo post convaluit, et citius, quam omnes alii.

Post medium Septembrem 60. annorum foemina ad nos venit. Ante 3. septimanas diarrhoea laborabat octiduo; ea sponte cessante bene valuit. Nunc a quatrduo alvus creberrima, parca, tenesmodes, torminosa, cruenta. Dolor assiduus abdominis, non gravissimus, sed inter deiciendum auctus. Os mucosum: febricula. Eadem methodo morbum tentavi, qua dysenteriam puellae modo relatae. Venam secui, sanguinem pleuriticum eduxi, noctu alvus solum quinquies mota est copiosa, et scybalosa. Altera die ter deiecit, sana posthac.

Eodem anno (1778.) dysenterias quasdam levi brachio sanavi, quasdam vero difficulter. Duos aegros emacians alvi fluxus, quo mucus tremulus, initio torminose, dein etiam absque dolore, reddebatur, confecit serius. Binae foeminae post paucos dies dysenterice moriebantur.

Existimo, me minus fuisse attentum ad commistam huius constitutionis phlogosin, seductum nempe dysenteriis anno 1776. observatis, quas *merissime biliosas* celeriter constanterque paucos intra dies emeto-catharsi sanavi.

Sed penes lectorem erit diiudicare, num artis, an vero meam ipsius impotentiam inculcare oporteat, quod curationes quaedam non cesserint ex voto, ubi succinctam morborum historiam proposuero.

Septuagenario maior longa per aestatem febre, eaque intermittente, conflictabatur. Non ad-

notavi, qua methodo sanitatem recuperarit. Die 4. Augusti 1778. nos accedit, atque, se quatuordecim dierum dysenteria gravi affligi. Ante morbum praesentem per alios quatuordecim dies praecessisse inappetentiam, oris amarorem, febriculam vespertinam. Emeto-catharsi primo, dein vero radice arnicae dolor omnis sublatus est intra dies perpaucos. Verum alvus crebro fluxit diu, noctuque, mucosis, aquosis, et indolenter: sisti nulla ratione, nequidem opio poterat suspendi. Emaciatio, qualis in extrema phthisi. Cutis pendula, strigosa, aridissima. Finiente Septembre periit.

Intestina crassa inflammata valde, dura, rigida, difficillime scindenda in cadavere reperi.

Triginta annorum coelebs foemina die 13. Aug. huc venit; quatríduana dysenteria fuit, corpus macrum, exsuceum, aridissimum, ligneum, et, utut se sanam fuisse assereret, notas tamen sanitatis perpaucas habuit, hac iam aetate edentula. Deiecit inter assidua tormina materiem pendulam, albam, qualis ex calculosorum vesica exprimitur.

Remedia aut nulla sumsit, morosissima aegra, aut devorata revomuit, vomitum ipsa immissa in fauces manu proliciens. Parum potulenti emollientis retinuit. Vomitibus manu concitatis aquosa pauca cum paucis mucis vomuit, cum dolorum initio levamine, dein etiam eorundem plena evanescencia. Mansit fluxus alvi mucosus, et multo magis emacians, quam pro deperditi humoris mole.

Periit die 17. Septembris. Skeleton cadaveris, non cadaver. Omentum ruberrimum: intestina crassa parietes solito multo crassiores habuerunt, et duros; plagae hinc inde inflammatae:

in-

interior superficies luride rubescebat, mucos sanguinolento obducta: erosio nulla.

Puella quaedam circa finem mensis Iulii clam peperit, inde maturius ad pristinos labores reversa dolores lumborum assiduos experta est. Die 28. Augusti nosocomium adiit, a quinque diebus iam dysenterica: deiectiones innumerabiles, aquosae, aquoso-cruentae, excretorum exigua quantitas. Dolor ventris assiduus, attractum refugiens: pessime vestita, et ferme nuda ad nos venit frigidissimo die, plures alios aequae frigidos excipiente: inquires summa, lamenta assidua, pervigilium: gustus nulla ratione depravatus, et nulla febris, si pulsaum, et corporis calorem spectaveramus. Facies lurida, subflavescens. Tinctura rhei aquosa dabatur cum dolorum levamine. Tandem dolor iam nullus erat, at alvus fluens, aquosa, saepe cruenta. Die 3. Septembris vesperi paregoricum datum est. Ea nocte difficilis respiratio facta est, quae die sequenti fervens, et strepens fuit. Perit eadem die.

Omentum leviter inflammatum: inflammata hinc inde tenuia intestina, hinc inde etiam mesenterium. At vero totum colon, eius praecipue portio per latus sinistrum decurrens, valide inflammatum offendebar; hinc inde quoque livescens, crassissimis parietibus, et vix prae duritie, etiam qua parte livor erat, scindendis. Eodem modo etiam rectum intestinum fuit, eiusque, uti et coli glandulae praetumidae, permagnae, et dire inflammatae.

Die 30. Augusti alia puella 18. annorum nostrae curae committebatur. A quinque mensibus catamenia non fluxerunt. Octennis ex febre acuta continua decubuit. Ab eo tempore frequen-

quenter lumbricos excrevit. Triduana dysenteria se teneri dicebat. Color faciei foedus erat; exilissimi, ferme obliterati, creberrimique pulsus; dolor assiduus, perque vices ita intensus, ut eiularet, volutaretur per lectum, dentibus commorsis strideret, extremis frigidis, vultu miserabili, et desperabundo. Per os atque anum lumbrici secesserunt. Maximam frigidissimae noctis partem solebat extra lectum consumere, excipulo insidens, quo uti cubans non potuit. Sapor vitiosus. Tinctura rhei aquosa, et emesis aliquid levaminis, utut perparum id fuerit, attulerunt. Verum non multo post omnia exacerbatata sunt. Emollientia repida, mucilaginosa, cataplasmata etc. dolores mitigarunt, alvumque fecerunt rariorem, vix dolorificam. At die 7. Septembris periit; eo tempore, quo pulsibus et vegetioribus, et vix acceleratis, melius valere videbatur.

Omentum inflammatissimum fuit: intestina tenuia omnia profunde rubebant: totam colon, et rectum alta phlogosi correptum, cum livore hinc inde. Membranae crassorum intestinorum crassissimae, glandulae ex inflammatione magnae: cruentus mucus superficiem intestinorum internam obliniebat.

Hic curam oportuisset summe antiphlogisticam instituere, et curatio a tinctura rhei aquosa male est inchoata, male datum emericum. Infidum erat levamen. Sed decepit corporis habitus, verminosa dispositio, ipsique vermes excreti; sed maxime deceperunt aliae aliorum dysenteriae, eadem methodo feliciter curatae.

Non pauci dysenterici hoc anno lumbricos deiecerunt, quemadmodum in casu puellae mox memorato. Atque hi quidem aegri plerumque se-

xus sequioris fuerunt, foemellae pallidae, et olim iam verminosae. Non licebat curam ab anthelminthicis, emesi, purgante, etsi mitiore, inchoare; ob dolorum assiduitatem, et intensiorem ab inflammatione provenientium. Atque haec quidem inflammatio subinde *prava* fuit, et eius indolis, ut sanguis eductus, et praesidia reliqua antiphlogistica non iaverint, ac consueta crassa defuerit, qualis *inflammationes non pravas* plerumque solet commitari.

Omnibus hoc anno dysentericis febricula fuit vespertina, cum paucis frigore, calore non magno; alvo tunc crebriore, et torminibus auctis. Ictus arteriarum vix accelerati. Lingua sicca, arida. Urinae parcae, subinde quidem copiosiores, at semper colore minime exaltato, sordidae plerumque, mucosae, non transparentes: sero mucum deposuere album, copiosum, ad altitudinem digiti transversum. Tandem rebus in meliora mutatis urinae perlucidae manserunt, absque sedimento, et quales reddi solent integra sanitate. Tenesmi excruciantes plerisque fuere, et longo post dysenteriam tempore persisterunt; secus multo, ac anno 1776., ubi et dysenteriam, et tenesmos unicum plerumque emeto-catharticum absterfit. Singultum, in morbi progressu, et serius, accedentem non timui, si modo reliqua symptomata non fuerant peiora.

Pinguia, et obesa corpora hic morbus intra paucos dies valde ac longe validius emaciavit, quam pro excretorum ratione.

Moriebantur mente non moti, et inter assiduos secessus, pulsibus exilissimis, et evanescentibus.

Incerto dierum aut septimanarum numero, serius, ocyus, perierunt.

In cadaveribus *crudam* inflammationem offendit, et, utut hinc inde nonnunquam livor aderat, defuerunt tamen alia gangraenae signa; scilicet friabilitas affectae partis, et gangraenosae plagae minuta cohaesio. Erat enim lividarum partium magna durities inter scindendum animadversa.

Infimam plebem, foeminas praeprimis pauperiores, male pastas, peius vestitas, hic morbus frequentius, et gravius lacessivit.

Custodum nostrorum nemo, uti etiam nemo chirurgorum aut assistentium dysenteriam contraxit. Quidam, qui cataractae extractionem inter reconvalescentes expectabat, ubi nulli fuerant dysenterici, nihilominus in morbum hunc incidit, sed leviolem; cum levi vesticula tectus ambulacra frigidiora obambulare.

Ad eam, quae aestatem, et partem autumnii anni 1779. foedabat, dysenteriam transeo; multiformem, et variam, et non paucis interne cinam.

Mense Iunio perrarae dysenteriae fuerunt, Iulio vero crebriores, quam plurimae Augusto, atque Septembri, tandem Octobri contrahebantur.

Diversas dysenteriae species, quae hoc anno in scenam prodierunt, supra commemoravi; ea certe constitutio fuit, quae quasi composita ex constitutionibus priorum annorum videbatur, atque commista, aut cum iis per vices alternans; cum, quidquid dysenteriarum priores aestates atque autumnii progenerarint, haec una aestas protulerit collectim.

Saburras hoc anno habuerunt minus biliosas, et pauca vomuerunt, neque utiliter; nisi praemissis

missis multis emollientibus, tepidis, et non raro praemissa etiam sanguinis missione.

Salia media, quibus vel solis dysenterias *biliosas* anni 1776. subinde curatas dixi, horta dysenteria non tulit.

Deiectiones mere albas, tremulas, viscidasque, priori anno frequentes, hoc anno non vidi; harum vero loco loturae carniū similia, carunculosa, modice viridia, luride rubra prodierunt.

Multi certe aequae in urbe ac ruri perierunt, cum ob ipsius morbi naturam, nonnunquam arte superari nesciam, cum quod anceps, et versatilis morbus, atque *eadem* semper veste indutus, ignaris *idem* sit visus, fefelleritque.

Quam male enim *eandem* in omni dysenteria medendi rationem ii sequantur, quibus *nomina* pro rebus sunt, et quam vana spes sit remedii *universalis antidynterici*, huius anni constitutio luculenter demonstravit.

Non datur universale antidyntericum, uti nec universale antirheumaticum.

CAPUT XII.

De quibusdam magni momenti minutis.

Non puto, me acutulas conclusiones, et distinctiones, subtiles magis, quam utiles dilucidasse: aut, si diversissimam morbi faciem descripsi, si minutalas dedi distinctiones, tales solummodo videbuntur ignorantī, quod res parvae persaepe maximas trahant:

Duntaxat rerum magnarum parva potest res Exemplare dare, et vestigia notitiae. LUCRET.

Haud quidem ignoro, magis amari illam medicinam ab eius cultoribus, quae rerum occultarum enodatione tam laboriosa non indigeat, nec tam altos recessus habeat, quaeve in eliciendis morborum causis, et commistionum variarum examine minus anxie versatur, et multum disputari contra scrupulosam eiusmodi, seduloque *distinguentem* scientiam: sed difficultas et labor discendi disertam horum hominum negligentiam reddit. Malunt enim differere, nihil esse in hac investigante et philosophante medicina, quam, quid sit, operose addiscere.

Sed etiam illud non ignoro, me adhucdum quam longissime abesse ab illa, quam de dysenteria concepi, idea, et me meam ipsius mentem in describendo hoc morbo neutiquam plane fuisse afsecutum: neque, si id etiam licuisset efficere, idcirco existimo, his meis praeceptis instructum posse iam tuto dysenteriae mederi; cum abunde mihi constet, quantum vel fidelissima descriptio, morbi que inde hausta cognitio ab illa scientia distet, quam quis ipso artis exercitio comparavit. *Est enim*, ut LANCISIUS in *Epistola ad COCHIUM* ait, *medicina quoddam experimentalis prudentiae genus, quae vix doceri ab ullo potest: tota fere sedulo, peritotoque ab artifice in arena ipsa invenienda, ac tractanda est.*

Haec habui ex mea penu depromenda, ut cum aliis aliorum observatis conferantur.

Atque ita, qui plura quam ego, observavit, et
Cui lecta potenter erit res,

securiora tandem hanc annuam pestem propulsandi praecepta conder, efficietque, ut una morte minus moriamur.

S E C T I O V.

D E

MORBIS QUIBUSDAM
SYSTEMATIS HEPATICI,

PRAESERTIM

D E I C T E R O

ITEM DE QUIBUSDAM

AFFECTIBUS NERVOSIS

E T

S P A R S A Q U A E D A M
V A R I I A R G U M E N T I

OBSERVATIO I.

Vir 39. annorum ante octo annos febrim tertianam autumnalem passus est: cortex dabatur: frequens erat recidiva. Ab eo tempore saepius cardialgiam querebatur, et incommodum sensum in epigastrio dextro. Omni anno vere, et autumno oris aphthas habuit, graves, curatuque difficiles. Pallor continuus, et macies quaedam, alias insolita: appetiit: oculi levissima per vices flavedine tincti. A verno tempore anni 1777. hypochondrium dextrum in molli parte versus ventriculum saepius tumuit, et gravius doluit: minus appetiit, alvo facta morosiore. Sumsit pillulas ex gummiferulaceis, aloe etc. Inde alvus promptior, et levamen. Oculi tamen frequenter et magis teriei: officio suo fungebatur: plurimum equitabat.

bat. A mense Augusto quotidie, omni alterno quartove erronee, leviterque febrile, domi detineri, et saepissime esse in lecto, cum omnes antea relatae molestiae augerentur, virium iactura praecipue, et inappetentia, ac alvi tarditas; ut tandem non nisi enemate sollicitata dimitteret pauca, dura, caprilla. Circa medium Octobrem vomere saepius pituitosa coepit aliquot a pastu horris; vomitione per unum, duos, pluresve etiam dies cessante, paullo post reditura. Aucta omnia; alvi obstructio maior; vomitus crebrior. Nulli tandem secessus, nec iniecto enemate provocandi; at multo frequentior vomitio. Periiit quinta Novembris eiusdem anni.

Praedixi, cum circa medium Octobris in consilium vocarer, hunc morbi exitum probabilissime secuturum; addidi etiam, me *vitium circa pylorum, eiusque coarctationem cartilagineam* prae alia quacunque re suspicari: ita me esse per meas alio tempore habitas observationes edoctum.

SECTIO CADAVERIS.

Aperto abdomine ventriculi magnitudo erat prorsus insolita, ad umbilicum usque protensi, et figuram ferme quadratam referentis. Pylorus, et initium duodeni ad actum durissima, scirrhusa, nodosa, cum appendicibus crassis, itidem duris; quarum una, reliquis maior, pancreatis extima pars esse videbatur. Interior pylori facies, angusta, scabra, hinc inde modice arrosa, exhibebat tuberculum atheromatolum, nucem myristicam ferè excedens; quod, forfice dissectum, reddebat materiem pultaceam ex griseo flavescentem, et foetidam.

Tenuium intestinorum color pallide luteus fuit.

Intestinum coecum, valdopere distentum, nigricabat.

Hepar, et vesicula fellea, et lien, et mesenterium, eiusque glandulae, sanorum erant similia.

Contenta ventriculo copiosa erant et nigra; intestina autem tenuia, et vasa mesenterii, fere inania.

Coecum, et colon dextrum multis, durisque scybalis infarctum; colon vero transversum, solo aëre plurimum turgidum, obscure rubebat.

In ventriculo, praeter materiam copiosam et nigram, deprehensa fuit notabilis quantitas mercurii vivi, ante mortem ingesti (dicuntur enim ingestae fuisse mercurii vivi doses septem, singulis autem vicibus unciae tres cum oleo amygdalarum); et in intestinis tenuibus diu sed frustra quaesiti.

De visceribus thoracis, cum apertus non fuerit, nihil habeo, quod referam.

Sectioni, utpote ruri factae interesse non potui; alias in hepar, et vias bilis, eiusque liberum, aut difficilem, aut impeditum, effluxum in intestina sedulo inquisivissem, utut probabilissimum sit, bilem primo difficillime per angustatos ductus, tandem omnino non, in intestinum fuisse delatam.

OBSERVATIO II.

Viginti sex annorum iuvenis per octo septimanas appetitum solito minorem, itemque lassitudinem queritur. Tristis, cogitabundus, et gravi moerori immersus, quod nuper fuerat ab irato hero dimissus, et nunc egens oberret: sanus caetera.

Accessit oppressio thoracis infimi, et anterioris: subinde vagus artuum dolor. Oppressione hac pectoris, et membrorum dolore post 14. dies sponte evanescente, icterus ortus est, saturatissime flavus, per totum corpus; lassituto; obambulat; deiectus appetitus; oris subinde foetor, et mucii copia, fauces replentis.

Ictero iam tribus septimanis persistente, ad nos venit, apyretos prorsus. Faeces albae, caninae. Sumit solventia salina, decoctum graminis, taraxaci, dein emeticum; aequae saturata flavedo. Continuat solventia, et aperientia: excrementa nunc bile tincta apparebant.

Tandem febris accedit cum linguae ariditate lignea, pavores, taciturnitas, mite delirium. Ultimis diebus brachium dextrum totum mire intumuit, tumore non rubente et valde dolorifico. Paucos post dies, ex quo ad nos venit, moritur.

SECTIO CADAVERIS.

In abdomine omnia bile flava suffusa, vesicula fellea bile viridi refertissima. Hepar hinc inde vitellina bile admodum maculatum.

Liber exitus bilis per ductum cysticum, hepaticum, choledochum in intestinum duodenum, hique ductus satis ampli fuerunt; omnia viscera multo flaccidiora.

Brachium tumens incisum exhibuit tenuem biliformemque laticem, intra telam cellulosa ubique copiose collectum.

Mira facultas moeroris est, functiones ventriculi intestinorum, ac hepatis conturbandi. Frequenter a solo moerore diuturno febris lenta nervosa gigni est observata.

Plerosque icteros *febriles* aut perniciosos vidimus, aut saltem perquam periculosos. Iuvat id adnotasse, ut quantillum spei, et quantum periculi sit in ictero febrili, Medicus praevidere, et praeedicere queat.

Contigit aliquoties, *metastases biliosas* videre, seu bilis dilutissimae collectionem confertam. Latex biliosus e tumentis brachii tela cellulosa profluens, a depositione fuerat ipsius bilis resorptae, et ad brachium delatae.

Eiusdem biliosi humoris varias posse migrationes esse, et ad diversas deferri partes, ratione probatur, et experientia.

Ad encephalon delata biliosa materies morbos faciet varios, huic visceri competentes: ad oculos, fauces, thoracem etc. traducta, ibique commorata, lulum illum mirificum biliosae febris ludet, *Tomo II. meae rationis medendi* luculenter descriptum.

Quanta morborum familia est ab una eademque materie, tanquam protoparente oriunda!

An icterus saturatissimus, viis ad duodenum bilem ferentibus amplis atque hiantibus, quales a morte reperti sunt, oriri in vivo potuit? An in
vi-

vivente bilis vias spasmus interclusit, morte solutus?

Ductibus biliferis omnino perviis nihilominus dari isteros posse, observationes docent, atque etiam idem in hoc casu obtinuisse lubens confiterer, ni faeces albae absentiam bilis fuissent testatae.

OBSERVATIO III.

Triginta novem annorum Textor a viginti fere annis, quovis autumno in hyemem vergente, rheumatica febre per aliquot septimanas decubuit. Tertius modo annus est, quo ex febre quartana, per tres anni quadrantes durante, appetente ver-
no calore sine aliis remediis convaluit, quam quae contra tussim validam, sputa copiosa excutientem, et per anni dimidium una cum febre quartana affligentem, abhibuit. Fuere autem remedia haec herbae, ut aiebat, pectorales.

Sanus inde lucusque vixit.

Die 22. Januarii 1779. cum praecedente vespere solito lautius coenaret, et meracius biberet, mane leviter inhorruit, incaluitque alternatim. Mox vero assiduus et siccus calor ortus toto morbi tempore durabat. Erectus, sed fessa membra trahens et impar labori consueto, aegrotavit. Artuum omnium dolores rheumatici.

Die 24. decubuit. Sumit proprio consilio pulverem myrrhae ex haustu aquae: omnia graviora.

Die 27. tussis, quae ab initio adfuit levior,
nunc

nunc gravis fit, noctu praecipue infestans, cum sputis difficilibus, glutinosis. Doluisse hac die aiebat utrumque hypochondrium dolore punctorio; attamen non magno, et in profunda solum inspiratione, aut validiore tussi.

Die 28. domi suae venae sectionem instituit, eadem adhuc vespera repetitam.

Die 29. ad nosocomium deferretur. Dolores artuum rheumatici hodie evanescent. Vox rauca ab initio; sitis hucusque intensa; capitis dolor obtusus, et diminutus sapor, attamen non depravatus; nullus appetitus; lingua humida, leviter albescens; decubitus facilis in omnem partem; nullus dolor; nulla thoracis oppressio; hypochondria nunc indolentia; anxietas ingens circa praecordia; pulsus pleni, fortes. Potus dabantur emollientes, nitrosi, copiosi,

Die 30. Januarii venae sectio. Sanguis crustam crassissimam, non contractam, tenacem, aeruginosam habuit. Urinae fulvae: remedia priora: cataplasma ad praecordia. Alvus liquidior, levamen nullum: pulsus idem; ingens anxietas.

Die 31. Januarii nihil in melius mutabatur. Fit venae sectio: ingens, tenax, diffusa, icterodes, crusta plogistica. Remedia eadem (Ad nos adveniens videbatur levissime in facie flavescere, exceptis oculis, pulchre albicantibus; excepto et reliquo corpore, naturaliter se habente). Levis hodie icterus per totum corpus adparuit. Pulsus iidem, uti etiam reliqua. Noctu molestissima et assidua tussis, et ferme inanis. Urinae fulvae: spiratio extra tempora tussendi facilis, indolens.

1. Febr. icterus intensior, respiratio strepens, fervens, tussiculosa, pulsus pleni semper, et vibrantes, durique. Fit larga venae sectio: sanguis

ma-

maiores, sed eiusdem, ut ante, conditionis crustam habuit. Urinae profunde flavae. Ineffabilis anxietas circa praecordia, dolor vero nullus. Facilis in omnem partem decubitus. Perstat vox rauca. Mortem saepius invocat prae anxietate; alvus facilis.

2. Febr. mane, vigenti forti duroque pulsu, voce fere penitus abolita, et extremis frigentibus iam per aliquot horas, moritur, exacta morbi die undecima. Mens semper constabat. Alvus facilis semper, et biliosa.

SECTIO.

Pulmo dexter totus inflammatissimus, durus, ponderosus, carnosus. Id arctissime pleurae adhaerebat ubique, uti et diaphragmati. Superficiem omnem pulmonis dextri membrana investit, dimidia lineae crassitiem habens, solidae compagis, et plurimis rubris vasis distincta: ex duabus laminis conflata erat, facile ab se invicem dividendis; quarum utraque membranam tenacem, quasi vasis quam plurimis et ruberrimis perreptatam, res ferebat.

Notandum est, et pleuram ex parte una, et membranam extimam pulmonis, fuisse ab his membranis prorsus distinctas; neque posse hasse peregrinas membranas a degenerante, aut pleura, aut extima pulmonis superficie, repeti.

Pleura, supremum et posticum thoracis dextri cavum succinges, inflammatissima reperiiebatur.

Dillecta pulmonis inflammati substantia colorem cinereo-rubrum exhibuit.

Interna asperae arteriae superficies, uti et bronchiorum ramorumque bronchialium, ruberrima fuit, atque inflammata.

Pulmo sinister sanus, atque longiusculus, [at-
tamen validis nexibus cum membrana pleurae
ubique connexa.

Hepar mole permagnum, ex rubro flavum,
ponderosissimum, maiorem solito duriciem secanti
cultro opponens: ab hypochondrio dextro ad si-
nistrum procurrebat, replebatque praecordia tota.

Vesicula fellea pauculum bilis pendulae, te-
nacissimae, et profunde flavae continuit. Ex du-
ctu bilifero vesiculae felleae, itemque hepatico,
et communi, plena fuerat in intestinum duode-
num libertas, et bilis poterat pressione levissima
in intestinum effundi.

NOTA.

1. Libertatem cubandi semper adfuisse, in
quodcunque latus voluerat:

2. dolorem vere pleuriticum non adfuisse,
atque ultimis diebus nullum, utut gravis adfuerit
inflammatio ipsius pleurae:

3. icterum fuisse, viis, bilem effudentibus
in intestinum, perviis et patulis, quales fuisse e-
tiam durante morbo videntur, cum alvum po-
tuerit semper bile tinctam.

OBSERVATIO IV.

Murarius 40. annorum, antea semper sanus,
die Martis mane scalam, cui alius quidam infi-
stebat, valido nisu adhibito sustentat. In ipso hoc
opere dolorem, quasi aliquid intus ad cardiacam
dila-

dilaceraretur, sentit: dolor augetur, et ad medium usque sternum per totum sinistrum latus ascendit, ad umbilicum descendit: horret, caletque per vices; respiratio difficilis.

Die Mercurii eadem omnia. Respiratio stridens, fervens: obambulat.

Die Jovis fit venae sectio in brachio: postea sputat cruenta: nil emendatum.

Diebus Veneris, Sabbathi, Dominica, omnia peiora. Hucusque extra lectum semper erat, laborabat, utut difficulter: quotidie vinum hausit, & cerevisiam; morbum mero, labore & contemptu superaturus. Omnibus his diebus leviter per vices frigit, caluitque.

Die Lunae ad nos venit, ictero perfusus non scio a quot iam diebus. Calor naturalis ad actum: mens constans, vigor: sputum cruentum; tussis, respiratio fervens dolorque, uti hucusque: pulsus omni modo inaequalis.

Mox secta vena; sanguis crustam phlogisticam, diffusam, crassam habuit. Potus tepidi emollientes exhibiti.

Die Martis mane inter loquendum moritur.

S E C T I O

Icterus saturatus per totum corpus.

Pulmo dexter leviter in medio inflammatus, qua dorsum respicit; sinister vero per totum inflammatissimus, & sacco totus quantus inclusus, quem & a pleura, & ab ipso pulmone deglubere poteramus.

Saccus hic ex membrana constabat, vasis plurimis, magnis, evidentibus, & evidenter cum pul-

mo-

mone nexis , aut ex eodem provenientihus , distinctus .

Aquae flavae unciae tres in pericardio reperiuntur .

Ventriculus magnus ; varicosis magnisque vasculis distinctus .

Vesicula bile tenaci mediocriter plena ductibus in intestinum duodenum valde patulis , ut bilis libere transiret . Hinc inde maculae rubrae in intestinalis tenuibus , quasi ab incipiente inflammatione .

Seri circiter librae duae subflavi in abdomine . Hepar valde flavum , molle , friabile .

OBSERVATIO V.

Scriniarius 35. annorum sanus antea , nisi quod bacchanalium tempore catarrho laboraverit , non diu durante , sexta Martii mane incaluit praeter morem cum vagis horripilationibus , et cephalalgia gravi . Dolor acutus a mamma dextra usque ad cristam ossis ilei protensus . Bis eo die secta vena est sine levamine ; crusta phlogistica , pleuritica . Eodem die vomitiones accedunt spontaneae , aquosae , amarae , virides . Alvus dura . Sumit eodem die mixturam quamdam , quam suspicor fuisse nitrosam .

Die 7. Martii ad nosocomium deferitur . Symptomata hesternae manent , sponte vomit , et frequentissime multa , amara , aeruginosa . Alvus dura , clysteribus sollicitata .

Die 8. Martii cephalalgia mitior , lingua albidis-

bidissima, villosaque, at humectata; oris amaror; difficilis spiratio, et cum thoracis oppressione: dolor pungens ab ultima costa spuria ad mammam dextram usque, et procurrens ad scrobiculum, remittens, ubi quietus iacet. Decumbit in dorsum, at in latus affectum difficiliter cubat. Tussis moderata. Sputa pauca, tenacia, et hinc inde quasi herbida, ac virescentia. Sumit emollientia, copiosa, tepida, nitrosa: urinae croceae. Fit venae sectio; sanguis valde phlogisticus, et simul icterodes: levamen nullum.

Die 9. Martii levis icterus; spontaneae, aeruginosae, copiosae vomitiones. Vespero vero non amplius sponte vomebat, levare modice videbatur.

Die 10. Martii, seu 5. morbi, icterus paulo evidentior; nullae vomitiones: urinae saturate croceae; calor intensus; dolor punctorius levis. Continuabantur emollientia tepida, nitrosa. Cataplasma ad totum thoracem dextrum, et hypochondrium dextrum adplicatum. Fit venae sectio perquam larga.

Die morbi 6. sputa herbida, modice cruenta; respiratio anxiosa, brevis. Urinae, icterusque, et calor, uti heri. Pulsus naturalibus parumper celeriores, subduri. Venae sectio facta est; crusta eadem; remedia eadem.

Die 7. morbi eadem symptomata. Sputa multa, cruenta subinde, subinde vero viridissima. Serum lactis copiose bibitur iam a biduo, et tepide. Venae sectio fit; ingens et icterica crusta: urinae ferme nigrae. Citata decurtata, et abdominalis respiratio. Decumbit modo in utrumque latus: pulsus pleni, fortes. Calor intensus et perstans, icterus.

Die

Die 8. morbi sputa , calor , decubitus , respiratio , uti heri . Semel aeruginem modicam sponte vomit . Anxietas magna . Alvum hodie ter sponte posuit *multam , albiissimam , liquidam* , quae ante solo moveri enemate debuit . Respiratio vesperti peior . Celebratur venae sectio unciarum decem : sanguis idem .

Die 9. morbi omnia eadem . Alvus spontanea , sed *viridissima et aeruginosa* .

Die 10. morbi nihil emendatum .

Die 11. morbi ob febrim valde auctam , et difficillimam respirationem , fit venae sectio .

Die 12. morbi mane venae sectio . Alvus hucusque aeruginosa . Ex hoc tempore febris mitescere interdum coepit , et non nisi vesperti insurgere .

Die 17. sputa tenacia , partim puriformia , partim purulenta febris vespertina .

Die 18. et 19. sputa plurima .

Die 20. morbi vix ulla febricula ; sputa eadem . A triduo subinde e lecto surgit .

Ab hoc tempore emaciari , tussi maxime nocturna vexari , et ingentem sputorum purulentorum vim educere . Adhibita fuere pleraque , quae in viscerum ulceratione commendantur , cortex , lichen , lac inviscantia etc. , nihil profectum est . Accedente ultimis diebus diarrhaea colliquativa , animo erecto constantique , et vegeto sensuum usu , homo ultra suam sortem sapiens , tranquillissime moritur die 17. Maii 1779. Icterus ad finem usque vitae perstabat .

SECTIO .

Pulmo sinister arctissime et validissime per totum cohaesit cum pleura, et diaphragmate.

In cavo thoracis dextro aquae pellucidae librae tres reperiiebantur. Tota utriusque pulmonis substantia innumeris abscessulis obsessa fuit, ita constitutis, ut alter in alterum aperiretur, et pus continerent.

Vesicula fellea contracta, sine ulla bile, vacua, atque valde angusta erat. Ductus vesicularis, uti et hepaticus, et qui ex utroque coalluit, choledochus, impervii fuerunt per totum, atque occlusi, materia solida, succum liquiritiae inspissatum referente; quae, utut calculosam duritiem habuerat, aqua tamen dissolvi poterat, paullatim, et agitatione facta. Solutionem obtinuimus inde nigram, et atramento similem.

Hepar mollius solito, et mole minus, quam plerumque reperiri consuevit.

Intra tunicam vaginalem sinistri testis unciae quatuordecim aquae limpidae reperiiebantur. A novem iam annis hac hydrocele laboravit.

Pleuroperipneumonia utriusque lateris, et hepatitis in eodem aegro iungebantur.

Uterque morbus absque alterius adiutorio per saepe perniciem infert. Accessit immanis quoque saburrae biliosae turgor.

Hinc explicari potest, cur sola antiphlogistica methodus infringendae inflammationi impar fuerit, relicto nempe acris, et aeruginosae saburrae stimulo.

Sed neque votis respondisset saburrae evacuatio. Nimis enim protracta, et gravior inflammatio fuit,

fuit, quam ut emesi, utut stimulum inflammantem removente, non debuisset augeri.

Alvus pigra et flava plerumque fuit, dein vero aeruginosissima multo tempore, etsi impervias bilis in intestina vias a morte inveniremus.

OBSERVATIO VI.

Iuvenis 20. annorum, pincerna, corpore pleno, subrobusto, a biennio non interrupta sanitate gaudebat.

5. Maii, cum cubitum iret, inhorruit, postea incaluit. Dedolatus erat; sitivit; cephalalgia; oris amaror; anxietas; oppresso thorace difficulter respirabat.

6. Maii calor et cephalalgia maior: amaror idem. Dolor thoracem opprimens hodie auctus, et ad totum epigastrium protensus; nauseat; difficilis in utrumque latus decubitus: tussis cruenta. Fit venaesectio; sanguis exhibuit crustam summo-pere pleuriticam: non levatur.

Die 7. et 8. Maii, qua ultima ad nos venit, ictérico colore tinctus, omnia eadem. Vena bis secta, et sanguis pleuriticus, ac ictéroides: levamen nullum.

Die 9. Maii omnia peiora. Cruenta tussis hucusque perstat. Vena hoc die bis secta vix videbatur aliquid levaminis attulisse: sanguis corium ictéricum et pleuriticum habuit.

Die 10. Maii caput minus dolet. Totum corpus magis flavescit suffusum bile. Os hucusque semper amarum. Lingua hirsuta flavo mucosum ob-

linita : nauseae ; respiratio citata , laboriosa ; oppressio totius thoracis ; anxietas magna circa praecordia . Scrobiculi , et totius abdominis quasi contracti sensatio cum ingenti anxietate . Introrsum trahi potissimum hypochondrium dextrum existimabat . Pulsus celer , amplius , plenus , attamen absque dardie . Alvus facilis et biliosa : decubitus solum in dorsum ; reiectio cruenta : vesperi venae-sectio ; sanguis uti antea . Hucusque febris quotidie increvit .

Die 11. Maii datum est emeticum , unde multa , et profunde flava revomuit , cum ingenti levamine omnium symptomatum . Tussis nulla , nec ulla cruenta sputa . Icterus vesperi dilutior .

Die sequenti icterus disparuit .

Ex hoc tempore sub usu decocti ex gramine , taraxaco , cichoreo parati , sumto dein *elixirio stomachico temperato* convaluit , ut die 20. Maii optime se habuerit , excepto adhuc aliquo crurum aquoso tumore .

Peripneumoniam cum sputo cruento , et hepatitide adfuisse bilioso - inflammatoriam , historia morbi ostendit . Necessum fuit primo , inflammationi mederi , tanquam pernicioso effectui ; biliosae et sanguinem succedentis atque amurcosae saburrae . Verum id non suffecerat , cum et ipsum saburralem stimulum dilutum , enervatum , mobilisque effectum vomitu submovere oportuerit .

Male emeticum , initio datum , cessisset : nam eo tempore minus idonea materies erat , ut evacaretur , et excusso etiam fomite bilioso aeger ex inflammatione periisset , persistente , atque adau-cta .

OBSERVATIO VII.

Faber lignarius sexaginta et sex anno natus ultimo sexennio sanus vixit.

Cibi vix ullius; sed strenuus erat ardentium spirituum potator.

Toto Ianuario os continuo amarum habuit; non appetiit, sponte, frequenter vomuit amara, viridia; toto abdomine doluit; sine febre.

Initio Februarii in nosocomium receptus, post quatuordecim dies ad suos rediit, nihil amplius incommodi conquestus. Noluit diutius apud nos morari, etsi salutarem decocti radicis graminis, taraxaci, et cichorei vim fuerat vel intra breve tempus expertus.

Circa Svam Martii diem priora recrudere: accessit ischias et artuum dolor, quibus per tres septimanas domi suae conflictabatur. Apud nos denuo aliquot dierum spatio eadem ac prius methodo, et vesicante ad locum dolentem admoto, curatus, ad suos rediit.

Medio circiter Aprili omnibus prioribus malis peius affectus per quatuor septimanas domi decumbit: ad nos venit; emetico levatus est: discessit.

Decima septima Maii in nosocomium reversus est corpore strigoso, inperspirabili, et arecente; gressu tibitante; ictero flavo, virescente, profunde suffusus. Oris amarities, et lingua villosa, muco flavescente obducta; dolor abdominis per vices recurrens, levior tamen, et contrecta-

tionis non impatiens, quive ad hypochondrium dextrum, indeque per latus vicinum ad humerum usque ascendit. Vomitiones amurcosae, virides, spontaneae, crebrae, potissimum post assumpta: alvus libera, subinde fluens; pulsus exiles, celeres; virium ingens ruina, et, carne penitus diffluente, cutis aridissima vix ossibus haesit.

Ultimis morbi diebus placide deliravit. Periit die Iunii 5.

SECTIO.

Iecur cum virore flavum, molle, et multis corporibus rotundis, inglandem nucem aequantibus, cum pauca flavedine albis, et quasi sebaceis, ubique disseminatis, per omnem substantiam distinctum.

Vesicula biliosam amurcam continuit, quae exprimi in duodenum nulla potuit ratione.

Ductus choledochus angustissimus corpusculis rotundis fabam aequantibus, glandulas induratas, cartilagineas ferme referentibus, ubique obsessus. Canalis ipse totus durus.

Pylorus (quemadmodum vicina quoque ventriculi portio, et initium duodeni) durus, crassus, iisdem, quibus ductus choledochus, duris et glandulosis corporibus ubique confusus.

Viscera omnia thoracis et abdominis profunde flavicabant.

Ossa in iætero flava.

Flava quoque ossium substantia fuit, ut minus saturate, quam partes carneae.

Cartilagines per omnem substantiam flavae erant, paullo tamen dilutiori flavedine, quam qualem in ossibus repereramus.

Meninges ictericæ.

Substantia crebri, ictericis meningibus, colore erat naturali, uti etiam oculorum humores.

OBSERVATIO VIII.

Vir 62. annos notus Operarius, et, ut hoc hominum genus solet, paullulum vinosus, elapso anno febre continua corripiebatur, brevi postea in tertianam conversa; qua post quatuordecim septimanas sanata, sanus degebat hucusque.

Ante 14. dies inhorruit incaluitque per vices incertas. Propinatum a Chirurgo remedium est, quod multam per os et per alvum saburram eduxit, cum quodam levamine.

Manebat tamen ab eo tempore ponderis in epigastrio sensus, appetitus deiectus, et ventriculi regio dura. Tussicula pauxillum muci educens; hypogastrium molle; facies, atque oculi per hos quatuordecim dies flavo colore tincti; vomitiones frequentes, spontaneae, ingestorum.

Die 18. Novembris in nosocomium susceptus est, strigosus, et carnibus absumentis; alvo morosa, bile tamen colorata. Febris nulla.

Die 9. Decembris vesperti moritur, cum iam mane extrema frigerent, et arteriarum ictus levissime adhuc micantes, at appposito digito evanidi; observarentur. Mentis et sermonis facultas integra ad ultimum usque vitae momentum fuit.

Cranium resectum exhibuit duram matrem ictérico colore tinctam: cerebri cortex obscurioris paullo coloris, ac alias solet, exterior vero eiusdem substantia multo durior; caeterum nihil exhibuit vitiosi.

Parum aquae inter utramque meningem fuit,

atque in utroque laterali ventriculo, in dextro plus, quam in sinistro; hic plexum choroideum parvis hydatibus obsitum monstravit: plexus vero uterque multum rubebat.

Vertebris utraque, ubi intra calvariam emergit, laminis osseis, quasi insulis interstincta, quin et ossea ex toto paucarum linearum spatio fuit; dextra tamen magis, quam sinistra.

Pulmones, hinc inde granulis albis durisque interspersis, ferme toti incipiente phlegmone tentari, duriores, rubicundiores, magisque, quam sanorum pulmo solet, ponderosi fuere. Levioribus hinc inde nexibus cum pleura, et diaphragmate cohaesere.

Aperto abdomine ventriculus ingens in conspectum prodiit, cuius posterior facies longe lateque ex inflammatione, totam ipsius substantiam penetrante, rubebat; qua is in pylorum desinit, hepatis firmissimo crassoque membranaceo vinculo necebat.

Hepar magnum, multumque infra costas prominens, et per regionem epigastricam protensum. Colorem ex toto ictericum exhibuit.

Vesica fellea inflammata, intus puris albi, sed solito consistentioris unciam, aut paullo plus, at vero bilis nihil, continuit: ductus ex hac vesicula prognatus ex toto coaluit, cohaerentibus inter se eius parietibus, idque ibi arctissime omnium, quo is a vesicula nasci incipit. Canalis socius, quem hepaticum appellant, ita dilatatus inveniebatur, ut crassiorem viri pollicem facile admitteret, latis aequae canalibus, quasi totidem radicibus, hepar subiens. Bilis ibi profunde flava, et ductilis continebatur. At vero latus hic ductus mox in perangustum canaliculum, ductum scilicet cho-

choledochum, duros et sex fere lineas crassos parietes habentem, terminabatur. Duodenum, quo loco canalem hunc susceperat, crassius multo, duriusque fuit.

Intestina pleraque livida, omnia fere contracta admodum in funiculi speciem: omentum gangraena affectum: mesenterium totum ictero colore tinctum rubras, hic inde latiores, maculas, quasi ex inflammatione, monstrabat.

Pulmones et in hoc, et in plerisque cadaveribus *granulosas* deprehendi; granulis videlicet innumeris, milii semen colore, et magnitudine referentibus, duris ad instar cartilaginis firmioris.

En hic quoque ventriculum inflammatum, absque consuetis et manifestioribus inflammationis signis.

Viscera quaedam inflammata absque consuetis inflammationis signis.

In hoc homine, uti in multis aliis, is hepar tetigit, qui ventriculi regionem exploravit: hunc enim situm, et hanc molem id viscus habuit, habuit, habetque non raro.

Difficilior solum erat hepaticae bilis in duodenum effluxus, non autem nullus.

Intestina livida vel absque praegressa inflammatione fuerunt, vel praegressa est inflammatio, absque eiusdem signis.

Virorum icteros chronicos, potatorum praecipue, subinde vidi brevi laethales fieri, ubi aeger (non contentus blanda et emolliente methodo morbum deliniri) remediis *potentius resolventibus* fuisset usus.

Icterus chronicus potatorum potentiora resolutiva non fert.

Vomitibus ingestorum diuturni, initio rariores, aliquo post pastum tempore oriri soliti, demum frequentiores, et post quaevis ingesta, aut solidiora, aut copiosiora, mihi et in nosocomio, et olim aliquoties occurrebant. Ventriculus nihil retinebat,

tinuit, nisi aut hydrogalae, aut iuris carniū pau-
xillum: demum ne hoc quidem: extrema macie
confecti perierunt.

Angustissimos tunc pyloros offendi, et ma-
gnam ventriculi portionem, qua is pylorum spe-
ctabat, duram, ac semicartilagineam.

OBSERVATIO IX.

Sartor 59. annos natus, ab octodecim vero iam
annis templi custos, a longo tempore saepius vo-
mituriebat; amara ructabat, matutinis praesertim
horis: non raro toto propemodum animo linque-
batur. Potui spirituum ardentium, et vini quoti-
dia et largiter indulgit, eratque cibi perpauci.

Ante quatuor vero septimanas os amarescere
magis coepit, accessitque ciborum fastidium, et
artuum per intervalla rheumaticus dolor, noctu
exacerbatus: sitivit.

Tertia morbi die tribus pilulis assumtis vo-
mit semel biliosa, saepius deiecit. Emaciari de-
in, et abdominis scindentes dolores pati, et uni-
versim flavescere coepit. Sumsit adhuc aliquoties
pulverem ex ialappa, et scammonio, sed omnia
indies peiora. Decubuit vix non semper per in-
tegrum mensem.

7. Decembris ad nos venienti consumptio mul-
ta: cutis ossibus haesit, flavescens tota, strigosa,
et imperispirabilis. Abdomen, attactum paullo ru-
diorem aegre ferens, tumebat tympaniticum in
morem. Lingua impura erat, et os amarum: non
appetebat. Vires fractae, et pulsus exiles, celeres-
que.

que. Sumtis per aliquot dies solventibus ac ce
diarrhaea colliquativa; 17. moritur.

SECTIO.

Cutē ab anteriori thorace separata primum
videre erat cartilagineas, quae costas sternō adne- Cartilagineae
ictericae.
ctunt, flavedine tinctas, diluta quidem, sed ip-
sam cartilaginum substantiam imam penetrante.
Pericardium flavicabat pariter, uti et cor-
dis extrema superficies. Pulmones a statu sano vix
recedebant. Diaphragmatis facies superior sana
erat, inferior vero flava, nodosa, laminas cartila- Laminae car-
tilagineae
diaphragma-
tis.
gineas exhibens maiores, minoresque. Hepatis
color erat ex obscure flavo viridescens, substan-
tia valide compacta, dura.

Vesicula fellea continebat bilem fuscā, mu-
cosā. Ventriculus solito longe minor, flavica-
bat. Pancreas pugni magnitudinem et figuram
fere referens, nodosum erat, et durum, secantis
manui valide resistens. Intestina nihil, quod prae-
ter naturam esset, ostendebant, excepto coeco,
quod a statu tumebat, et coli parte extrema,
qua in rectum intestinum terminatur; haec enim
pars a sinistro latere in dextrum transversim por-
rigebatur ante ultimam lumborum vertebrae; in-
de vero intestinum rectum secundum ossis sacri
latus dextrum per pelvim ad anum usque descen-
debat. Omenti margo inferior pendulus exhibebat
plures series nodorum, quorum varia magnitudo,
figura varia, ut alii fabas, alii pisca maiora, item-
que nuces avellanas referrent; universim fusci co-
loris, et cartilaginum instar duri.

Glandulae mesenterii induratae, peritonaei
facies interior flavicabat tota, hinc inde obrita
crustis et nodis cartilagineis. Abdominis cavo con-
ti-

Cerebri substantia modice ictERICA.

tinebantur mensurae fere tres aquae flavicantis, quae immersam chartam tingeat. Membranae corporis pleraque et periostium flavescebant, immo ossa ipsa, et cerebri substantia, sed modice.

Obstaculum bilis effluxum prohibens in intestinum duodenum erant tubercula dura, circumcirca pone biliferos canales sita.

OBSERVATIO X.

Icterus emesi repetita sanatus.

Foeminae 45. annorum, ictero profunde flavo, aut potius fusco laboranti omnis generis solventia data sunt, non emendabatur. Sapore amaro, ructibusque biliosis affligebatur. Dato tartaro emetico immanem saburrae biliosae molem reiecit, color faciei dilatior fiebat. Deinceps singulis septimanis vomitorium datum est, cum post aliquot ab emesi peracta dies iterum ructus amaros experiretur, et singulum emeticum partem icteri auferret.

Postquam sexto vomitorio usa esset, ex integro convaleuit.

Infidustamen plerumque est emeticorum usus in ictero.

Emetica in ictero rarius convenire observavi, etsi in casu praesente, et aliis perpaucis profuerint ferme sola.

Icterus enim a vomitorio non raro intendebatur, aut motus febriles, qui antea non adfuerant, excitabantur. Hinc solum in ictero non febrili, nec diuturno, praemissis multis solventibus, et fotu praecordiorum emolliente, atque in iis, quorum viscera, antequam ictero corriperebantur, integra existimarem, atque illaesa, vomitorium cum emolumento propinavi.

OBSERVATIO XI.

In tribus ictericis hoc autumno post adhibita aliquot dierum remedia efflorescentiae nascebantur omni nota *scarlatinosae*, itemque *miliares rubrae*, in brachiis maxime, atque per crura diffusae. Ut primum hoc exanthema in conspectum prodit, aliqua icteri emendatio observabatur, qui protracto eorundem remediorum usu ex toto profligabatur.

Efflorescentiae scarlatinosae ictericorum.

An *scarlatinosum*, et *miliare* exanthema a bile est in febre *scarlatinosa* et *miliari*, quemadmodum nempe erysipelas ab eodem humore generari solet?

OBSERVATIO XII.

In cadaveribus eorum, quos colica saturnina correptos superveniens epiplepsia peremit, vesiculam felleam semper deprehendi multa et viridi amurca biliosa turgidissimam; absque ictero plerumque, aut praecedente, aut coniuncto, nisi leviori, et raro.

OBSERVATIO XIII.

Sutor febre putrida laboravit: provecto morbo icterus accessit. Febris ante assidua nunc in remittentem mutatur, debili, celerique pulsu, et aridissima lingua: consumptio carniū. Decocto corticis et icterus, et febris auscultabat.

OBSERVATIO XIV.

Luvenulae 20. annorum a 5. mensibus catamenia non fluxerunt. Ab octo septimanis ventriculo doluit, calores fugaces, et vagos, minutumque appetitum, et lassitudinem experta. Vergente Iulio pharmacum potavit drasticon; unde ventriculo vehementer, et multis vicibus subverso multam aeruginem revomuit, valideque deiecit.

Inde tormina, febris, aurigo intensa, et, cum die 6. Augusti nosocomium adiret, lingua prae rubra, et pulsus fortes, accelerati.

Cum febris, et icterus intenderetur, et, alvo immorigera vomitiones ingestorum accederent spontaneae cum epigastrii cruciatu, atque ab remediis non levaretur, die 13. morosior, oblata quaevis averfaretur, et eiularet per vices, accedente subinde lumborum dolore; tandem impos mentis, et aeruginosa aurigine contaminata, die 15. Augusti, foetu recenter mortuo prius excluso, periit.

Videbatur vitriolum cupri sumsisse, quo foetum expelleret; remedium in vulgus notum, et cui non pauca funera debentur.

Seçto cadavere vesicula fellea bile ex flavo virescente plena fuit, et eiusdem humoris per *amplos* ductus liberrimus in duodenum effluxus. Hepatis substantia ita mollis reperiëbatur, qualis alias pulmonum esse solet sanorum. Vacua intestina et flatu turgidula. Mesenterium multis in locis prae-rubrum, et veluti sugillatum.

An ductus bilem in intestinum ferentes in vivente quoque aperti, atque ampli fuere? An vero aut spasmo constricti, aut ab utero grandescente compressi?

OBSERVATIO XV.

Foemina triginta octo annorum a mense Novembri catameniis caruit, abdomine inde pedetentim increſcente; se gravidam esse negabat.

9. Martii noctu derepente, et vicibus repetitis vomere coepit ingesta, dein biliosa viridia; alvus a quinque diebus clausa; horror; frigus; calor alternans; oppressio pectoris; sitis magna; et ingens abdominis cruciatus.

10. Martii circa meridiem in nosocomium suscepta, semel sponte et copiosissime deiecit. Vesperi venae sectio: symptomata eadem.

11. mane altera venae sectione sanguis valde compactus leviter phlogisticus emittebatur; lingua sicca cum crusta ex albo flavescente; urinam in tertiam diem suppressa applicato cathetere-

Rupta vesicula fellea, et bilis in abdomen effusa

magna quantitate educebatur : dolor abdominis continuus, attactum non ferens, per vices exacerbatus, maxime in regione hypochondrii dextri: cutis subflavescent, perspirabilis; pulsus fortis, celer, plenus, et durus. Denuo secta vena est, et data sunt mucilaginoso, oleosa. Fetus emollientes ad abdomen applicabantur, et enemata.

12. Martii noctu, ventriculo aliquoties adhuc et sponte subverso, aeruginosa multa, deinde pituitosa, et nigrescentia reiecit. Summo mane inter parientium dolores cum haemorrhagia magna per vices repetente excipulum periit, in quod foetus quinque mensium exclusit, per horam adhuc viventem.

Tribus post foetum exclusum horis occubuit.

Dissectus thorax nil vitiosi habuit.

Abdomine recluso bilis flavae, mucosae libra in cavum abdominis effusa colligebatur. Intestina omnia leviter hinc inde inflammata, multisque in locis livescencia. Hepar coloris dilutioris, quam soleat esse, et substantiae mollioris fuit. Vesicula fellea collapsa maculam obsolete rubentem exhibuit, monetae cruciferae magnitudine; cuius medium foramine exiguo pertusum esse, paucula bilis, ea digitis compressa, profluens, itemque injecta aqua demonstravit, qua in altera vesiculae parte, pertusae maculae directe opposita, tuberculum prominuit inflammatum, et magnitudine ciceris. Duo calculi minorem avellanam aequantes, obtusis angulis praediti, intra vesiculam reperiabantur. Ventriculus ingens copiosam materiem nigram, leviter mucosam, et ferme roob sambuci aqua dilutum referentem, qualem ultimis vomitibus non exigua quantitate reddiderat, continebat.

Py.

Pylorus pollicem facile admisit. Intestinum duodenum livescens, et amplum valde, ut potius colon referret.

Ductus hepaticus, cysticus, choledochus, pervii fuerunt. Placentam osculo uterino ante abortum supertensam fuisse, dissecto utero, constabat.

Sero intellexi, foeminam hanc infuso sabinae furtivi amoris fructum perdere tentasse.

OBSERVATIO XVI.

Foemina quadraginta annorum per duos annos menstrua nulla habuit; bene caeteroquin valens ante annum lapsum ex alto passa, nil tamen mali inde retulisse se aiebat, at sanam posthac vixisse, donec ante medium annum, post cibum praecipue paullo largiorem, pressionem ad scrobiculum sentire inciperet. Dolor caeterum nullus; Ex amicarum consilio vinum dein amaricans per aliquot dies sumsit. Vomuit inde per intervalla mucosa, tenacia, item alimenta. Ieiuno ventriculo non vomuit. Continuato per vices vomitu pressionis ad cardiam sensatio intendebatur.

Ante novem circiter septimanas, quin sensus rupti cuiusdam abscessus preecesserit, vomuit materiam, Medico *pyrulentam* affirmante, primo meracam, dein sanguine striatam. Quantitas materiae per intervalla reiectae mens. IV. V. aequabat. Pressio inde minor et levamen; corporis vero robusti antea crassique, de die in diem maior consumptio. Hoc rerum statu aegra die 1. Martii 1777. ad nosocomium venit. Exactis hic

Pars III.

R

tribus

ribus septimanis residuae vires prosternebantur. Omnino non appetiit; non caluit; non sitivit; vomitus per intervalla, praeprimis post ingesta; sapor reietorum acidus, color vero cinereus, fuscus, niger, et lintea, veluti atramento, tingens: levamen a vomitu; ardor circa ventriculum, et per oesophagum ad fauces usque; alvus tarda. Pulsus contracti, non debiles, naturalibus vix celeriores; sudores noctu nulli; difficilis decubitus in latus dextrum, et vomitum promovens; tumor manum aequans in regione ventriculi versus hypochondrium sinistrum, durus, et ad attactum dolens. Circa 27. Martii corpus erat pallidissimum, vix observandus tumor a duabus fere septimanis; pulsus humiles debiles; faciei, artuumque leve oedema; respiratio parva; in latus affectum continuo decumbit. Mens constans, et initio diei 28. Martii mors.

Altera die sectum cadaver est. Sinistrum thoracis cavum libras duas cum dimidia aquae leviter flavescentis continuit, dextrum vero vix unciam eiusdem aquae. In dextro pulmone hydatidis avelanae magnitudine ex pendunculo tenui suspendebatur. Pulmones maculis parvis nigrisque variegati, sani caeterum. Cor parvum: Aqua in pericardio nulla, et pauca in abdomine. Hepatis gibba facies cum diaphragmate membranaceo coalitu, digitis solvendo, necitebatur.

Sinister huius visceris lobus, ventriculi regionem occupans, ad duos transversos digitos supra umbilicum terminabatur, eamque duritiem, quam manu toties contrectatam ultimo, quo vixit, tempore identidem minui credebamus, effecerat. Hepatis pars illa, cui vesicula fellea insidet, cum duodeno, quo id ex ventriculo emergit, ipsoque

pyloro ad tres fere digitos transversos validissime cohaesit; cum eodem intestino duodeno etiam colon transversum valide necebatur.

Divisis cultro ab se invicem connatis hepate et ventriculo, ulcus semialterum digitum latum in conspectum prodijt; hinc duodeno proxime pylorum, illinc lobo hepatico erosio: parietes ulceris crassi. Materies ex eo profluens, atra, odoris penetrantissimi, acerrimique, et quasi acidi. Vesiculae felleae, et ductuum biliferorum nulla vestigia comparebant, videbaturque hoc bilis receptaculum cum ductibus suis elisum, erosumque ipsum ulcus formasse. Ventriculus ingens totum hypochondrium sinistrum implebat; eadem atra, quam vomuerat, materie turgens. Lien exiguus, ventriculo arcte connatus. Transversa coli portio post arctum cum duodeno, et pyloro coactum ad tres infra umbilicum digitos descendebat; inde sursum et sinistrorsum pergens, flexum lienarem formabat. Omentum sano simile, uti etiam mesenterium. Intestina livida. Rectum supra uteri fundum contra se ipsum retorquebatur; eo vero loco, quo id uterum, vaginamque sibi incumbentem habet, non recte per pelvim via, sed huc et illuc flexum ad anum pergebat. Uteri tota posterior facies cum subiecto intestino recto firmissime, cum eoque et ovaria exigua, strigosaque coaluere. Tubae utrimque digiti grassitiem aequantes, serum flavum et mucilaginosum continebant. Ovaria, complexae tubarum fimbriae, ipsaeque tubae cum iisdem et recto intestino nexu continuato membraneoque, quem cultro vix solvebamus, utpote difficillime ab ipsis visceribus connexis internoscendam, iungebantur. Uterus exiguus, intra parietis dextri substantia tumorem

Vesiculae felleae defectus: an ab erosione?

Uterus, ovaria, tubae cum recto intestino firmissime nexa

rotundum durumque, nucis inglandis magnitudine continens. Cultro per medium diffecanti eam is tumor duritiem opposuit, quam mollior cartilago solet; albidus, quique digitis excipi ex eiusdem parietis substantia veluti ex folliculo poterat. Ex inferiori et interna colli uterini facie duae albae quatuor lineas longae unamque latae excrescentiae prodibant.

Strumae diffectio, natura.

Glandula thyroidea in pugni magnitudinem distenta mucilaginem intra substantiam quasi cellulosa, cum secaretur, exhibuit; septis cartilagineis diversa intus cava, mucu tenui cellulisque membranaceis referta, efformantibus.

Nulla suffocatio nocturna observatur; semper cubabat capite humili, situque fere horizontali.

Quare vomitus, si quando in latus dextrum cubaret?

Quaedam deceptio in explorandis tumoribus abdominis.

Duritiem opponunt, et viscerum indurationes mentiuntur muscoli abdominales, recti praecipue, in iis maxime, qui eosdem habent magis torosos, exercitatos etc. Item hepatis prominens indurationem ventriculi fingit.

Doleo, me naturam ichoris non examinasse accuratius, qui acidum penetrantissimum olebat.

Nulla adfuit unquam febris, in pessima licet suppuratione.

OBSERVATIO XVII.

Die 5 Decembris 1779. Foeminam ad nos deportabant, delirantem a quatridduo, corpore emaciatissimo, strigosoque; 34. circiter annos natam, et viro iunctam a decennio. Maritus sequentia narrabat:

A mensis Iulii initio, frequentes cardialgias passam, emaciari coepisse; accessisse tormina frequentiora, et ante has 15. septimanas vomitum ingestorum, initio rarius, dein vero quotidie crebrius recursantem. A duobus mensibus alvum, semper antea iam morosam, ita desidem esse factam, ut non nisi acri enemate aliquid durae faecis emitteret.

Vino largius indulgisse, non raro usque ad crapulam. Nunquam peperisse, nisi una vice, et ante annos bene multos: eodem, quo ad nos deferrebatur, die perit.

Dissecto cadavere pylorus observabatur angustus, et solito durior, quive calamus scriptorium vix admitteret.

Multa pylorum et duodenum corpora glandulosa, duriora, maioraque obsidebant. Vesiculam felleam in fabae molem, et figuram contractam exigui calculi, seu potius *fabulum biliosum* replevit; deleta, impervioque ductu cystico, hepatico vero, et choledocho apertis. Hepar bonum; crassa intestina multa faece infarcta. Uteri osculum praedurum, cartilagineum.

In aliis potatorum cadaveribus non dissimilia viria biliosi et gastrici systematis occurrebant.

OBSERVATIO XVIII.

M^{Metastases biliosae}etastases biliosae frequenter occurrebant, erantque variae, atque ad varias corporis partes factae. Viridissima sputa, et meram aeruginem anacatharsi eductam in pleuroperipneumonicis non raro licuit observare, et linguam aeruginoso, aut prasino colore tinctam. Gravis simul inflammatio, forte ab ipsa acri bile succensa, pulmones tenuit.

In quibusdam dilutam bilem, croceam, et quae linteam aut chartam croceo colore tingebat, modicissime pendulam, ut vinum pendulam solet, atque illi bili per omnia experimenta simillimam, quam, ex vesicula fellea depromptam, aqua diluebam, ad varia corporis loca, e. gr. ad cavum thoracis, translatam offendi. Liber nihilominus erat effluxus bilis in duodenum.

OBSERVATIO XIX.

Ictericam hoc autumnio florum arnicae decocto sanavi; atque aliam felle taurino, ad dr. j. initio, deinde ad dr. ij., quotidie dato.

Cuidam alteri virescente aerugine contaminato gummi ammoniacum protulit aceto scillitico solutum,

latum, et ad duas primo, dein vero ad tres quotidie drachmas, propinatum.

Vigente hyeme et constitutione inflammatoria icterus non raro phlebotomiam, et potus antiphlogistico solum admittebat, resolventia averfabatur.

OBSERVATIO XX.

Quidam catarracta multati, cum in originem morbi atque eiusdem occasionem inquirerem, asserēbant, se repente visu fuisse privatos, quo tempore febre acuta fuerant detenti, quam biliosam fuisse examinanti constabat.

Origo quā-
rundam ca-
tarractarum

Sed alias quoque catarractarum origines multas et varias erat observare.



D E

ADFECTIONIBUS QUIBUSDAM NERVOSIS

OBSERVATIO I.

Chorea S. Viti.

Extractum
radicis bella-
donnae in
chorea S. Vi-
ti.

Puella 3. annorum, semper antea sana, circa medium Novembris 1778., curru in itinere subverso, quo una cum parentibus vehebatur, vehementer terrefit. Nullum ullibi vis illatae signum comparuit: nullibi dolor.

Mox a lapsu omnes corporis motus promptius, et multo velocius solito, ac quasi raptim peregit, attamen ordinate. Post octiduum motus etiam facere exleges et gesticulationes coepit; nec firmiter stare, nec singula, quemadmodum antea solebat, vocabula proferre.

Tandem nec ulla ratione aut stare aut sedere erecto corpore potuit: motus omnium articulorum varii, gesticulatorii, citati; nil poterat profari. Oris et labiorum assidua motitatio, et ludicra contorsio. Nocte placidissime dormit et corpore quiescente. Appetitus viget.

Die

Die totius morbi decima octava ad nos deportatur.

Remedium salinum, et eccoprocticum initio dedi, dein emeticum; quod interposito aliquot dierum spatio iterabatur. Non emendabatur. Accessi dein ad usum florum zinci, quos sincerissimos adhibui, ita ut omni quarta tantum hora duo grana exhibuerim: nihil mutatum est. Destitici post septem dies. Fors debuisssem experimentum protrahere. Verum nolui tempus terere, metuens, ne malum radices agat fixiores, et nervi morbo assuefiant.

Dedi extractum ex succo recentis radice belladonnae paratum, dosi unius grani per 24. horas, ea lege, ut quarta quavis hora sextam unius grani partem absumeret. Elapso biduo emendationis vestigium leve comparuit. Dabatur dein granum unum cum dimidio dilutum in aqua simplici. Post sex dies elevare se in lecto potuit, et sola sedere. Intra octo dies sola etiam stare, et tandem aliquot passus eundo conficere.

Sub finem Decembris 1778. cubiculum et ambulacra obambulat, percurrit, cursu etiam veloci. Brachia necdum sunt penitus emendata; cibum enim manu propria capere non potest, et brachio dextro, manuque subinde ab obiecto, ad quod extenditur, adhuc aberrat. Vocabula omnia profert, atque ordinate loquitur, attamen cum aliqua adhuc difficultate, et morose. Labiorum subinde motus inordinati observantur. Sumit per dies aliquot eiusdem extracti grana duo, in sex doses divisa.

Trigesima Decembris in febrim quotidianam, sed levem, incidit. Datum est lene solvens et deinde cortex peruvianus.

Stante

Stante febre nil emendabatur, neque etiam habebat peius.

Sexta Ianuarii 1779. nulla accessio febrilis observabatur. Ea die praescripsi sequens:

Rec. Spiritus serpilli

Essent. castorei, aa. unc. ij.

Camphorae. drach. semis

M. D. ut totum dorsum, lumbi, humeri, brachia omni mane probe fricentur.

Die 9., 10., 11. Ianuarii utroque brachio dextre apteque utitur ad cibos capiendos: vegeta est, et alacris: convaluit.

OBSERVATIO II.

Idem extractum in convulsione.

Puella undecim annorum 1778. verno tempore mihi committebatur. Ea a triennio, ni fallor, frequenter levi totius corporis horrore, quasi ab affusa inopinato frigida, perstringitur, artubus omnibus leviter et per momentum, fulguris instar, convulsis. Hac transitoria convulsione, persistente integro omnium sensuum usu, saepissime singulis diebus vellicabatur. Convulsa non corruerat, nisi perraro. Dederam corticem peruvianum, valerianam sylvestrem, folia aurantiorum, asam foetidam, camphoram, flores zinci etc.: nil emendabatur. Dedi tandem extractum radice belladonnae; primum granum unum intra 24. horas, ita, ut grani unius pars sexta pro dosi propinaretur. Tandem exhibui grana ij. intra nychthemeron. Intra paucos dies rarius convelli coepit. Tandem post

post 14. dies omnino non. Defecerat ex ractu, nec eius ulla erat eo anno recuperandi facultas.

Puella Hungariam petiit, ubi denuo levicula convelli coepit per vices; sed multo rarius, quam initio, et magis transitorie.

Pinguis et optime valens e nosocomio discessit.

OBSERVATIO III.

Epilepsia.

Cuidam alteri Puellae, pauperrimae, orphanae, tredecim annorum, a triennio convulsae epileptice, id extractum dedi; dosi initio minutissima, deinde largiori, ut intra 24. horas grana octodecim in sex doses divisa absumeret. Cum ante usum remediorum singulis diebus saepius convelleretur, id nunc erat lucrata, ut integris diebus a paroxysmo epileptico libera perstaret. Integris quondam octodecim diebus continuis morbus siluit, rediit tamen postmodum, utut minus frequenter. Paroxysmus mihi videbatur plerumque eo gravior esse, quo longior praecesserat ab eo immunitas. Experimentum prosequi non licuit, cum puellam quidam eius cognatus e nosocomio abduceret.

Idem extractum
Cum in epilepsia.

OBSERVATIO IV.

Actiones extracti belladonnae in corpus humanum.

Clarissimus DE WASSERBERG, omnigena eruditione illustris, cui aliquid extracti belladonnae commiseram, ut data occasione eius quoddam periculum faceret; vim remedii in se ipso expertus, sequentia rescripsit; observationibus meis caeteris adamussim consona.

Mutationes
ab extracto
belladonnae
in corpus hu-
manum indu-
cit.

» Ab usu pilularum extracti belladonnae,
» quarum in proprio corpore periculum feci, sensi
» oris siccitatem ac oesophagi magnam, hinc
» tim; siccitatem praeterea narium ac oculorum,
» cum sensu quodam ardoris in hisce ac palpebris.
» Dum quatuor de die sumebam, magis adhuc,
» dum augere dosin volui, cephalalgia; lectio ad
» lumen candelae difficilis, linearum subultus,
» legenda oculo breviori sub foco admovenda:
» in ore sapor subvinosus; pulsus mollior, tardior
» paullo, quam alias esse consuevit; subin ardor
» quidam ad cardiacam: cephalalgia auctam dosin
» certissime nunquam non insequuta, cum quo-
» dam stupore, mentisque acie obrusiori reddi-
» ta. »

OBSERVATIO V.

Epilepsia.

Filius Consilarii Sz** quarto aetatis anno initio saepius quodam quasi terrore momentaneo, et levicula, subitanea, brachiorum convulsione perstringebatur. Causam ignorabant. Ea affectio et crebrior evasit, et diuturnior graviorque, ut tandem in veram epilepsiam abierit, cuius assultus non raro quotidianos, et quavis die plerumque saepius, perferebat. Nonnunquam integris quatuordecim diebus, quin et multo pluribus, immunis a paroxysmo fuit, absque manifesta ratione.

Usus extracti belladonnae et electricitatis contra inveteratam epilepsiam.

Innumera remedia per hos annos adhibita nil effecerunt, nisi ut morbus a quovis fere medicamine, anthelminticis variis, moscho, camphora, castoreo, valeriana, asa foetida, marte, foliis aurantiorum, cortice peruviano, foedo quoque et sordido menstrui sanguinis potu intendi, et frequentius affligere videretur.

Annum agebat 13., quo mihi concredebatur. Dedi exacta aestate anni 1779 extractum radicis belladonnae; minutissima primum dosi, sensim aucta, ut sub finem anni eiusdem intra nycthemeron grana viginti devoraret in quinque doses divisa.

Paroxysmi ab assumpto extracto mitigati primo, dein totis septimanis non redire; reversique imperfecti fuerunt, et qui aegrum in terram non

pro-

proruerent, neque mente privarent, et cito evanescerent, praecipue si quis fortiter alloqueretur trementem aegrum. Verum noctu, atque inter dormiendum nihilominus subinde verus perfectusque rediit epilepsiae insultus.

Iussi ut dosin dormitum eunti, et aliam media de nocte propinent.

Non rediit amplius accessio nocturna; interdum vero rarius atque imperfecte.

Spes est, eodem remedio, quod morbum cicuravit, eum penitus fore persanandum.

Dum haec typis mandantur, ad machinam electricam aeger quotidie accedit. Sub usu electricitatis, et pilularum ex belladonnae extracto paratarum, nullum est iam a multis septimanis epilepsiae paroxysmus, neque imperfectus, observatus.

OBSERVATIO VI.

Convulsio ex terrore.

Octo annorum Puer, semper antea sanus, pridie festi Nicolai simulato spectro terrebatur. Exactis ab eo terrore 24. horis, cum iterum putaret se terreri (etsi nemo tunc ipsum terrefecerit), subito ad parentem adprehendit, calamataque, se a spectro iam correptum iri. Hic metus, cum clamore et fuga ad proximum adstantem, hucusque frequenter rediit insperato, quavis fere die, subinde tamen post plures primum elapsos dies.

In

In nosocomio id illi accidit aliquoties; cursitando, clamando, proxima quaevis valide apprehendendo, per aliquot minuta ineptiebat, insaniebatque.

Sumit quotidie gr. j. belladonnae. Altera die, ex quo sumere hoc remedium coepit, tota die insaniebat, noctemque egit insomnem. Inde a paroxysmo immunis mansit usque ad 2. Nov., ubi per aliquot minuta priores morbi accessum patiebatur. Die sequenti dedi extracti belladonnae gr. ij.

Die 9. Nov. denuo paroxysmus rediit. Data sunt gr. iij.

Cum accessiones morbi frequentius reverterentur, cum impotentia mentis, et alterius aut cruris aut brachii vel utriusque convulsione, et sopor, brevi quidem evanidus, paroxysmum terminaret, morbusque sub usus belladonnae ad epilepsiam magis magisque accederet; verminosum quid subesse in macro puero, coloris terrei, rustico et pauperiore arbitratus, purgare ventrem anthelminticis coepi. Crebriores inde paroxysmi. Camphora et extracto chamomillae nunc utitur; verum hucusque absque effectu optato.

Serius ad machinam electricam adductus melioris esse coloris coepit, et rariores multo levioresque pati paroxysmos.

OBSERVATIO VII.

Chorea S. Viti.

Chorea S. Viti anthelmin-
ticis, et pi-
tuitam inci-
dentibus sa-
nata.

Iuvenis 16. annorum, cellae vinariae curator,
die 23. Maii 1779. caput remulentum quereba-
tur, caetera sanus.

Die sequenti remulencia maior, ardor cum
sensu pressionis ad scrobiculum, utriusque hypo-
chondrii inflatio, ructus subacidi, nauseae, conatus
vomendi, febricula vaga, dolor per laevum bra-
chium veluti rheumaticus, ac sensus urticationis
cum levicula subinde eiusdem contractione, et
momentanea convulsione: noctes turbatae.

Die 26 Maii brachium sinistrum gesticula-
tiones motusque facit, magis magisque inordina-
tos, atque animae imperanti obedit minus. Sym-
ptomata reliqua persisterunt.

Die 27. ira excaudit. Omnia peiora, cum
sinistri cruris quoque motu inordinato.

Die 28. lingua exiguis pustulis obsita, atque
oris in laevum latus retractio accessit.

Die 30. Maii in facie quoque quaedam pu-
stulae effloruerunt: augebantur priora. Venaese-
ctio, quam die sequenti reperit: levamen nullum.
Noctes perquam inquietae.

1. Iunii in notocomium susceptus est. Prae-
ter superius enarrata, linguam albescentem exhi-
buit. Alvus difficilis et rara semper fuit.

Sumtis solventibus, salinis, emeticum hausit:

vomit amara. Febricula disparuit, cum omni molestia praecordiorum. Artus multo quietiores.

Post emesin eccoprotica sumit, atque ita est emendatus, ut die 7. Iulii de solo ferme sinistri brachii, atque humeri dolore rheumatico querelas moveret. Posito igitur inter scapulas vesicante, diaphoreticus potus exhibebatur. Verum die sequente, (8. Iunii) absque causa manifesta incepit flere, gesticulari omnibus artubus, trunco corporis, capite, musculis omnibus faciei, et multa fatua per vices loqui.

A gummi-ferulaceis peius habuit, a camphora pessime. Continuum oris gluten et dentium sordes accusavit.

Ab eccoproticis salinis emendabatur denuo, non curabatur.

Ab extracto radice belladonnae vertigo, cephalalgia, delirium, furor est ortus, ut, eo seposito, purgare denuo ventrem placuerit rheo, et salibus mediis, cum multo oxymelle squillitico propinatis. Inde lumbricum deiecit (plures iam olim repetitum secessisse aiebat), et pituitam; alio mediocriter, sed quotidie, fluente. Oris gluten, artus, atque omnia reliqua sic emendata sunt ut sub mensis eiusdem finem sanus ad suos redierit.

OBSERVATIO VIII.

Chorea S. Viti priori similis.

Idem mor-
bus, eodem
modo sanatus

Choream S. Viti, ab amarescente primarum viarum pituita natam solventibus, eccoproticis, rheo, arcano duplicato et oxymelle squillitico sanavi in alia puella, quam diuturnus ante eum morbum rheumatismus afflixit; neglectus, atque in choream S. Viti suapte tandem fatiscens. Nocuere stimulantia, extractum quoque radicis belladonnae, flores zinci, flamma electrica, in ea specie choreae, quam tubi intestinalis pituita et vermes produxerunt.

OBSERVATIO IX.

Tetanus maxillae, fracturis et contusionibus superveniens, laethalis.

Magdalena KANINGERIN die 26. Iunii succensa turri pulveraria singulari ratione laedebatur. Brachium dextrum binis in locis diffractum. Pes sinister infra malleolum externum vulnere cutaneo laesus. Crus sinistrum et eiusdem lateris femur, ac nates validissime sugillati. Apte deligata bene habuit, ac multo melius, quam omnes alii, eodem tem-

tempore et ex eadem ratione aegrotantes; venae sectio facta.

Die 3. levis dolor lateris sinistri pectorius, levicula febris: venae sectio et potus tepidus emolliens, eadem adhuc die dolorem sustulit.

Attamen vulnus illud pedis cutaneum eadem die gangraenescere coepit. Scarificatio facta est partis gangraenosae, et deligatio cum spiritu terebinthinae, camphora, unguento de styrace etc.

Partes gangraenosae die 7. secessere. Tendo nudus, boni coloris, et integer apparuit. Nullus ullibi dolor.

Die 9. sera vespera tetanus maxillae per vices accessit; noctu perstitit, ita, ut apicem minimi digiti difficillime utrique maxillae interponeres. Per vices ea nocte difficulter deglutivit. Alvus nonnisi enemate, eoque difficulter, movenda. Amaror oris assiduus, amaror et assumtorum. Per vices quoque nuchae tensionem dolorificam, et caput in posteriora valide retrahentem, conquesta.

Mane diei alterius (decima morbi) symptomata eadem. Balneum totius corporis; catalasma anodynum et emolliens ad maxillam; enemata. Opii gr. iv. sex dosibus ex mixtura nevrotica propinabantur. A balneo levare se ait. Illud opisthotonicum rarius iam et mitius per vices redit. Maxilla paulo latius diduci potest; noctu vero denuo maxillae arctius ad se invicem accedunt; ita, ut spatium lineae dimidiae vix fuerit relictum.

11. morbi mane, eadem, ut noctu. Frequenter exordia opisthotoni recurrunt. Opii gr. v. intra 12. horas ex mixtura nevrotica. Balnea ea die bina; enemata; cataplasma ex fol. hyoscyami, flor. chamomill. fimo equino; nil profectum. Datae sunt refractae doses tartari emetici; non scopo

emetico, sed alterante, antispasmodico: nauseae inanes, et sine levamine; nox insomnis.

Mane (12.) datur sequens mixtura:

℞. Camph. mucilag. gummi arabic. solutae, drachm. sem.

Opii puri gr. vij.

Syrupi diacodii unc. j. sem.

Aquae chamomillae unc. v.

M. D. omni bihorio duo cochlearia: bina balnea: levamen nullum.

Tetanus eo morbi tempore accessit, quo nulli ullum dolorem est quæstus, atque optime se habuerat.

Magna sugillationis pars discussa est. In infimo sinistro externo femore levis apertura sponte est facta, quae rubrum humorem effudit et copiosum. Latum in natibus sinistris et impurum ulcus iam inde ab initio.

12. nox insomnis: paroxysmi opisthotonici frequentiores: mixtura hesternæ, sed aucta opii doli. Levamen nullum.

13. morbi, frequentiores et validiores paroxysmi opisthotoni. Difficilior in dies et horas deglutitio. Erecta melius habet. Melius etiam, si invadente opisthotono caput vi ab adstante in anteriora urgeatur. Pulsus celeres semper, et hodie solito debiliores. Opisthotonus semper cum metu suffocationis et strangulationis erat coniunctus. Alvus non, nisi enemate sollicitata, parcissima, difficilis; sudores. Ulcera coloris leviter plumbei, atque hodie sicciora. Vesperis subinde abscondita loquebatur: mens dein rediit perfecte. Post mediam noctem periit.

Summis in morbi decursu, præter alia superius

rius commemorata, decoctum corticis peruviani; addita sub finem morbi radice valerianae sylv. liquore anod. min. Hoffm. et syrupo chamomill.

SECTIO.

In thorace dextro sanguinis grumosi unciae circiter tres. In eo thoracis cavo, sinistro nempe, quod primis diebus pleuritice doleat, nil praeternaturale inveniebatur.

In femore sinistro contuso sanguis per telam cellulosa hinc inde deprehendebatur diffusus; non magna quantitate, nec magnas efficiens collectiones. Videbatur illud sanguineum adhuc resorberi potuisse, si aegra vixisset.

Fors in eo erravi, quod non plures fecerim venae sectiones: tres universim me fecisse scio, primam initio, alteram cum pleuritice inciperet dolere, tertiam invadente tetano. Sed bene habere visa est, usque dum tetanus accederet; hinc plures ante adventum tetani venae sectiones non feci.

OBSERVATIO X.

*Tetanus maxillae, vulneri super-
veniens, sanatus.*

Vocabar ad nobilem foeminam viginti aliquot annos natam, octavo graviditatis mense, die 18. Julii 1779. ut consilio interesset. Historiam mor-

bi egregius eius Medicus DE BEGONTINA Junior, hanc dedit.

Ante sedecim dies (scilicet 2. Iulii 1779.), ex alto decidit, altitudine circiter 14. pedum. Dextrum crus paullo supra maleolos diffractum in frustula; quorum quedam ex amplo vulnere ex-
emta sunt. Calcaneum fractum, et vulneratus pedis calx vulnere lato.

Repositio facta est: pus tenue; noctes inquietae. Dabatur cortex peruvianus, et vesperi paregoricum.

Die a lapsu 14. utrinque ad maxillae articulos sensus constrictionis, identidem increscens, ita, ut die 16. a lapsu, cum me vocarent, vix digitus posset dentibus interponi. Bacillum ligneum mordicus tenebat, quo prohibere conabatur, plenam utriusque maxillae contractionem. Pus hodie laudabilius; quies. Nulli hodie ullibi dolores.

Infauftam feci prognosin, nihilominus sequentia proposui.

Rx. Pulv. corr. peruv.

— rad. valerianae sylv. aa. drachm.
sem.

Moschi.

Camphorae aa. gr. ij.

Syrup. chamomill. q. s.

F. bolus, dentur tales Nro. viij.; omni trihorio bolum sumat.

Vesperi sumat mixturam opiatam; et maxillis adplicet cataplasma ex foliis hyoscyami, cum lacte coctis et camphora.

Die 1. August. per vices accessit levior opisthotonus, isque frequenter postea rediit ad diem usque 6. Augusti.

Die 2. August. mane leves partus dolores

acceſſerant, ſed fugitivi; quotidie horis matutinis reſerſi, iterumque evanidi.

Noctes tranquillae erant, leves ſolum hinc inde motus artuum convulſivi inter dormiendum.

Dolor in loco vulnerato exiguus, et vix ullus toto tempore obſervabatur: quin immo, per omne id tempus, quo tetanus adfuit, dolor in vulnere erat multo minor, quam ante eiufdem acceſſum.

Inter dormiendum maxillae ſponte diducebantur, ita ut bacillus, quem dentibus interpoſuit, ad impediendam plenariam maxillarum clauſuram, in ſomno ſaepenumero ex maxillis relaxatis, atque aliquantum magis hiantibus, elaberetur.

Relicto moſcho et camphora (ab utroque enim remedio multum abhorrebat), uſa eſt cortice et valeriana; veſperi opio.

Die 9. Auguſt. circa octavam matutinam foetus maturum et vegetum facili partu excluſit.

Pus toto hoc tempore bonum fuit. Saepius fruſtula et fragmenta offiſculorum excipiebantur.

Die 26. Auguſt. Maritus mihi retulit, Uxorem a 15. diebus non iam indigere bacillo ligneo, quam antea mordicus tenebat; poſſe maxillas parumper diducere: caetera bene valere.

Toto tempore utebatur cortice peruviano, et radice valeriana ſylveſtri. Convaluit.

Partu primum abſoluto coadunatio fractorum eſt facta.

OBSERVATIO XI.

Tetanus, opisthotonus, epilepsia, probabilius a vermibus, et sectio.

Sutor 18. annorum a longo tempore sanus, §. Maii querebatur mane dolorem in nucha continuum, prementem, descendentem per dorsum; oppressionem pectoris a iugulo ad scrobiculum usque. Noctu sudor copiosus.

6. Maii omnia eadem. Accessit levior, et per pauca minuta durans, maxillae tetanus. Nox inquieta: sudor multus.

7. Maii in nosocomium venienti, validi caloris sensatio utrinque ad tempora fuit, et lingua multum spurca, subflavescens; quaedam oris amarities per omnes morbi dies, halitus acidum spirans, et dolor in nucha pressivus: perstat oppressio pectoris, alvus dura, et pulsus naturali celerior.

Exhibebantur haustus salini:

Die 8. eadem omnia: totius corporis musculorumque omnium obrigescentia fere continua, saepe gravior, nunquam omnino soluta; ita ut nunc tetanus videretur universalis, nunc potius opisthotonus: febris intensior: urinae croceae, iumentosae, semihypostaticae: sitis: lingua impurissima: amaror; odor acidum redolens.

Alvus, pertinaciter clausa, clystere, primo oleoso, dein acri, reserata est. Haustu purgante
ex

ex sale amaro et manna iteratò propinato ter purgabatur copiose.

Noctu binis vicibus epileptice convellebatur ; Linguam aliquoties commordebat . Insomnis , inquietus . Finito insultu epileptico iactitatio , clamor , boatus :

Die 9. febris : siccis . Pectus liberum ; impurissima lingua . Toto hoc tempore videbatur , si quis alloqueretur , veluti subridenti vultu respondere :

Pulsus totò tempore naturali paullo celerior fuit , non durus . Calor naturali vix maior . Urinae cerevisiae instar , brevi iumentosae , et paullo post semihypostaticae , sedimento ex albo rubescente ; supernatante , et vitri parietibus adhaerente , sordè multa mucosa .

Hac die minor musculorum colli , thoracisque convulsio , agitatioque : at abdomen ligni adinstar durum , et hodie magis quam praeteritis diebus . Minor rigiditas brachiorum , rariorque convulsio . Ter deiecit . Dolor hodie utrinque in inguine ; penis identidem arrectus :

Dolor subitaneus et pungens circa umbilicum per vices , et crebro redit , eoque redeunte subito postrosum convellebatur ; convulsione mox iterum , sed nunquam ex integro , cessante .

A meridie repente convellitur , respiracione diutissime suspensa ; tandem lividus , ore spumas agens , non respirans , artubus omnibus raro et leviter agitaris , seu potius obrigescentibus , intra octavam horae partem perit .

Pulsus tempore insultus epileptici explorabam : ii erant tenuissimi , vix observandi , parum celeres , tandem identidem tenuiores , manente celeritate non magna , donec omnino evanescerent .

EXTISPICIUM.

Pulmones boni; sinister sanguine congesto gravior, quam alias solet.

Intestina omnia flatu valdopere distenta. Ieiunum coloris leviter ex rubro liventis, in eoque lumbrici aliquot.

Colon, antequam in rectum abierat, vasis ruberrimis, solito maioribus, copiosioribus, liventibus quibusdam, longitudine spithamæ, cum magna annexi mesenterii rubentis portione, erat distinctum; quod, an inflammatorium fuerit, an sugillatio, an potius congestio sanguinis non inflammatoria, a spasms facta, ignoro.

Omentum solito rubicundius erat. Glandulae mesenterii maiores consueto et infarctæ apparent: hepar mollius.

An vermes in causa fuerunt? An erat aliud acre in intestinis, aut alibi? Tenebrae ubique.

SPARSA QUÆDAM

VARII ARGUMENTI

Die 19. Iun. 1779. nobis infans offerrebat; quindecim menses natus, qui sequentia exhibuit. Utrunque erat hernia scrotalis, magna; maior tamen in latere dextro. Dextri lateris hernia fuit congenita, sinistri vero post tres primum a natiuitate menses prodire coepit, postquam infans

aliquis.

Penis fissus;
hernia vesi-
cæ.

assiduos antea, validosque vagitus edidisset. Supra ossa pubis tumor erat, dimidiatum gallinae ovum magnitudine aequans, subrotundus: re accurate examinata, constitit, esse vesicam urinariam, aut eius saltem quamdam partem, quae inter musculos abdominis rectos, a se invicem dimotos, supra ossa pubis herniose prodiit.

Haec vesicae hernia pariter fuerat congenita.

Penis in dorso fissus, quousque eum poteramus oculis persequi.

* * *

Complures repente moriebantur, cum ex febre acuta convalescerent, et cruribus adhuc essent oedematosis, si forte somno iudulserant plus aequo; aqua enim ab inferioribus partibus subito ad encephalon decubuit.

Mortes subitae Hydropicorum.

Quidam etiam, aliunde hydropici facti, subinde subito suffocati perierunt, aquis ad pectus fluentibus; aut apoplectici, sero encephalon occupante.

* * *

Nudum tendinem forcipe varie tentatum, indolentem, hoc anno vidimus.

Tendo insensibilis.

* * *

In gangraena a decubitu; et bubonibus gangraenosis, magnae efficacie esse usum externum decocti foliorum, aut corticis, salicis albae, certo novi.

Decoctum fol. aut cort. salicis albae antisepticum.

Nemo tamen aegrorum gangraenam a decubitu

bitu apud nos primum contraxit; domi vero contractam dicta ratione in nosocomio sanavimus.

* * *

Febris venerea
larvata

Puellae 18. annorum, semper antea sanae, a novem septimanis in medio sterni tumor excrevit offeus; dolens per vices incertas, interdium, noctu, dolore scindente, per mammas, et brachia discurrente: subinde dolor penitus quievit: nulla alia signa luis venereae unquam adfuerunt. Electuarium ex roob sambuc. unc. iij. extr. gratiol. dr. iij. et merc. subl. corros. gr. iij. paratum exhibebatur. Tumor dolorque disparuerunt. Convaluit.

Huc quoque historia pertinet puellae illius febre quotidiana venerea laboranti, p. ...

* * *

Luem veneream, aliis praeparatis mercurialibus non profligatam, sanavit mercur. sublimat. non raro; quem, aut solum dedimus cum roob sambuci commixtum, aut admixto extracto aconiti, vel gratiolae.

Sic herpes pone aurem dextram in collo puellae, sanissimae ceteroquin et nulla signa luis monstrantis, sanabatur: variam subiit curationem rebelle malum, causticis et vesicante impolito funditus erosum, iteratis vicibus succrevit: veneream originem tandem suspicabamur. Verum, nec litus mercurialis, nec quaecunque hydrargyri praeparata profuerunt. Sublimato et extracto aconiti, cum roob sambuci commixtis, herpes cessit, nec rediit posthac.

Multa nobis exempla visa sunt luis venereae,
mer.

mercurio sublimato corrolivo perfectae sanatae.
Verum in re obvia certaque, atque ab uno solum alterove contra tot alios ac tantos in dubium vocata, nolo diutius versari.

Visi tamen sunt morbi venerei quidam, qui, mercurio sublimato rebelles, aliis obediverant mercurialibus remediis, atque his quidem prae illis.

Hinc nullam mercurii praeparationem semper, et ubique, in omni et singula lue venerea, depraedicandam, tanquam *universale antivenericum* remedium, arbitrabamur.

Idcirco modo huic, modo illi praeparato locus erat; pro diversa aegrotantis aut *idiosyncrasta*, aut ipsius morbi venerei in variis hominibus *diversa modificatione*, aut luis cum aliis morbis morbo-
sisque conditionibus *diversa complicatione*.

Male ergo mercurium sublimatum ex cura antisymphilitica quidam penitus proscriptum voluerunt, tanquam aut inutilem, aut et perniciosum. Sed male quoque tanquam remedium, quod semper et ubique *optimum* esset, commendaretur.

Illi igitur, qui luem eo remedio saepe et cum constantia sanatam referebant, non fuerant atro calculo notandi, tanquam sublestae fidei, aut deceptores; utpote quos vel maxime iterata, castaque et sine metu, et sine metu, et sine spe, et variis in regionibus, capta observatio mirum quantum iustificat.

Profecto non merebantur magni SWIETENII manes incusari tanquam nimium quondam creduli, atque ab aliis decepti. Veras esse observationes, de mercurii sublimati emolumento; SWIETENIUS suis ipse oculis usurparat non raro, et experientia propria edocebatur, cui hodiernae quoque observationes suffragantur.

Liceat hoc loco illis respondere, qui malevolis rumoribus circumventi, observationes quasdam Viennenses atque experimenta iis verbis in dubium vocant, ut revera omnem his fidem denegare probe constet.

Omnia experimenta de remediorum quorundam facultate Viennae capta ex ipsorum auctorum testimonio id docent, hoc vel illud remedium non raro profuisse; nocuisse etiam subinde.

Sed ecce rem quamdam propemodum incredibilem; paucorum illepidissimorum hominum invidiosa, ac falsitatis dudum convicta relatio de permodesto hoc virorum gravium asserto triumphavit.

Verum obtrectationem hanc, temere atque imprudenter prolatam, tempus ipsum et repetita clarissimorum per Europam virorum experimenta examabunt.

* * *

Exacerbatio
dolorum venereorum
mercuriana.

In foemina venerea venereis maculis et tophis tibialibus laborante notabatur quotidiana dolorum exacerbatio circa meridiem exacte recurrens; noctes bonae erant; mercurio sublimato corrosivo sanabatur.

Rheumatismus tibiaram venereus omni alterno die interdiu rediit horis constitutis; noctu siluit. Tibiae denudatae, et aëri frigido expositae multo mitius doluerunt.

Dolores venereos diu noctuque *continuos* contigit videre; itemque in alio aegro continuos diu noctuque in certa quaedam eiusdem brachii parte, quum alia quaedam eiusdem brachii plaga solum noctu doleret.

An-

* * *

Angina mercurialis, item *ulcera mercurialia* faucium bene debebant distingui ab *angina venerea*, et *venereis ulceribus*. Ulcus enim faucium venereum mercurio sanabatur; ortum vero a nimia hydrargyri ingesti quantitate, purgante rhabarbarino et myrobalanis, parce sed frequenter exhibitis, et collutoriis adstringentibus fuerat sublatum.

Angina mercurialis.

Angina mercurialis vesperi atque per noctem intendebatur, et ob hanc vespertinam exacerbationem *venerea* esse videbatur.

Subinde ulcus faucium, quod initio miasmati venereo debebatur, usu hydrargyri, properantius et copiosius exhibitum, non consolidabatur. Ulcus enim *venereum* deletum miasmate transibat in *mercuriale*.

* * *

Curationis difficultatem in lue venerea potius ex tempore, quo miasma intra corpus delituit, quam ex symptomatum gravitate, aut numero, dimetiendas arbitrabamur. Invereratam, atque annosum morbum, et palliante subinde cura mitigatum, laboriose sanavimus, et tarde, et acrioribus solum hydrargyri praeparatis, aliisque etiam remediis, pro morbi complicati natura in opem vocatis. Luem vero recentem, utut pleno venereorum graviumque symptomatum agmine stipatam, absque alterius, aut morbi, aut morbosae conditionis consortio, sanavimus citius, et mitioribus mercurii praeparatis, atque iis plerumque solis.

Lues

Lues non raro levis initio visa est, et ob pauca, eaque dubia symptomata, de eius praesentia ancipites subinde haesimus. Pauxillum mercurii dabatur, mox certa luis signa comparuerunt, morbo e latebris in lucem protracto, et quis esset, monstrante.



Binas puellas hydrargyro sanavi, sorores; 10. unam, alteram 11. annos natam, rheumate venereo, et tophis effectam utramque; probis moribus, et circumspecte educatas, sanas ad id usque aetatis. Nulla alia luis signa aut praecedebant, aut comitabantur; parens aiebat, se adhuc coelibem gonorrhoea laborasse, diu durante, atque neglecta, donac sponte evanesceret. Illaefam Uxoris sanitatem et fuisse antehac, et adhucdum esse. Sanatis puellis, quin iis adhucdum aegrotantibus, parens anginam, noctu graviolem querebatur; cuius quosdam, utut leviores afflatus, saepius iam, et a multis annis persensit, fugaces tamen; frons quoque maculis effloruit, quales in venereis solent; ulcerabatur labium pris superius, et fauces. Tandem sanabatur decocto guaiaci et antimonii, et mercurio sublimato corrosivo cum extracto aconiti; ita tamen, ut labium superius identidem de novo ulceraretur, donec remediis mercurialibus, ad ipsam affectam plagam adplicatis, consolidaretur. Triennium est, ex quo integra sanitate gaudet.

Puella quaedam, undecimum aetatis annum pondum egressa, tophos in utraque tibia exhibebat, et articulorum syphiliticos cruciatus; ante
hanc

hanc aetatem prorsus sana, et absque aliis luis signis. Omnis suspicio procul absuit morbi confortio contracti. Puellae mater dolorem cubiti sinistri, plurimis annis, noctu exacerbatum, et iam ante, quam enixa prolem esset, persensit. Dolore tandem hoc anno praeter modum crescente nos adiit, filiam una adducit; utramque mercurio sublimato ita sanavimus, ut per annum ad id usque tempus, quo haec scribo, ambae incolumem vitam degant, et veteris doloris immunem.

Fomes veneris haereditate acquisitus videbatur in his puellis, et, pubertatis annis iam iam instantibus, prorupisse quasi recluso carcere, et viribus ab aetate acceptis.

* * *

Triginta quatuor annorum vir gonorrhoeam ante aliquot annos, iteratis, ni fallor, vicibus, contraxit. Decocto lignorum copiose poto gonorrhoea sanata, articulorum dolor sublatus est, diuturnus, et blanda noctis silentia turbans. Angina nocturna ulcerosa, maculae syphiliticae in facie, atque ulcus impurum in parte capitis supremi capillata pone frontem. Labia ulceris elata erant a tela cellulosa praetumida, et luxuriose excrecente. Utebatur decoctis variis, antimonio, litu quoque mercuriali, et variis quoque hydrargyri preparatis per sex menses continuos: angina et artuum tortura emendabantur; ita tamen, ut vagus vesperi noctuque dolor, mitior quidem, nunc hanc, nunc illam corporis partem impeteret. Ulcus cicatricem pertinaciter renuebat, fundebatque pus non illau-

dabile; facies caeterum sanissimi hominis, et habitus corporis plenus, atque athleticus.

Cum saliva identidem, utut non supra modum, moveretur, et faciem bene coloratam, et paullo turgidiorem viderem, blandis et eccoproticis remediis quotidie alvum sollicitare constitui, praescripto simul parciore victu. Animus erat, vim humorum, ob usum hydrargyri longiorem validius caput petentium, avocare, atque ita pertinaci ulceri subtrahere pabulum, ut imposito deinde siccante remedio, et levi mechanica pressione laxis et luxuriantibus plagae carnibus admota, haec perennis puris scaturigo exarescat.

Longo eccoproticorum usu siccatum ulcus est; at mansit vagus ille per vices et noctu maxime incurrens rheumatismus, orto in media clavicula sinistra tumore osseo, dissectae nucis avelanae hemisphaerium aequante, dolente, si rudius tetigeras, noctuque. Ulcus ipsum post paucas septimanas, cum recenter obducta cicatrix caesariem fictitiam, qua locum crinibus carentem tegerbat, aegrius ferret, et abortis forte subitus caesariem sudoribus, vehementer pruriret, recruduit, neque amplius adhibita quacunque methodo cicatricem admisit. Exostosis unguento mercuriali inungebatur, imposito extra inunctionum tempora mercuriali emplastro.

Cum per quatuor menses nihil proficeretur, en febrim validam, cum faciei totius erysipelate, repente exortam; facta venae sectio, et dati potus antiphlogistici, atque etiam emeticum. Post quatuordecim dies a febre profligata ulcus coaluit, evanescente exostosi, artuumque vago dolore.

Post quatuordecim septimanas cephalalgia hominem

minem ex improvise adorta est, dolorque in loco nuper ciacatrifato validior. Secta vena est, et antiphlogistico victu paucos intra dies convaluit.

Exacto iterum mense idem capitis dolor eodem modo sanatus est.

Inde firma et vegeta ad hunc usque diem valetudo perstat.

Exostofin et arthritidem vagam et ulceris pertinaciam, hydrargyrosis cicuravit solum, non autem penitus devicit. Vehementior febris auxilio fuisse contra antiquum morbum videtur; quam utinam in rebelli nonnunquam atque inveterato malo, ita excitare possemus, ut, quousque salutaris foret, intenderetur, neque eos tamen idcirco limites, quos intra ipsius vix medicatrix coëssisteret, egrederetur!

Articulorum dolores nocturnos et tophos, in aliis quoque nulla subinde ratione sanandos, febris sustulit, quaecumque demum, et undecumque exorta.

Ipsae certe febres, teste SENECA, quaedam genera valetudinis levant; et febris, quod maxime mirum videri potest, saepe praesidio est. CELSUS.

*

*

*

Curam antiveneream eousque protrahendam; donec omne miasma penitus fuerit extinctum, quivis concedet; sed, quae signa sunt miasmatum ex toto deleti? An symptomatum plena evanescencia? Verum constat indubitato, luem, quae penitus extincta videbatur, fuisse nonnunquam solummodo ad tempus enervatam, et absque novo contagio, denuo, sero licet, repullulasse.

Quousque
continuanda
cura antisyp-
hilitica?

Scirrhorum
substantia.

Scirrhos mammarum dolentes et cultro excisos aliquoties examinavimus; substantia dura erat et molliorem cartilagineam consistentia et colore aemulabatur; ita, ut nihil organici superesset, et corpus adpareret homogeneous, ac cartilagineum,

Fractorum
coactus im-
peditus.

Habuius duos in nosocomio ossibus fractis. Unus brachium fractum repositumque saepius initio commovit. Non est unio facta, licet post aliquot dies quietissimus cubaret, et fracta non dislocaret. Alter et brachium et femur simul confractum habuit. Brachium consolidatum est, non autem femur, etsi fractos artus ne hilum commoveret.

Señio Foe-
minae hy-
drophobae.

In corpore foeminae, ex morfu rabidi canis hydrophobae factae, accuratissime lustrato culter anatomicus nihil prorsus alieni laesique potuit detegere.

Multi hoc anno visam nostro auxilio repperarunt; cataracta subinde extracta, subinde vero depressa.

Non perinde nobis erat, an hac, vel illa ratione cataractae medeamur; sed erat non raro locus extractioni, nonnunquam vero soli depressioni.

Opa-

Operatio per *extractionem* nunquam instituebatur, ubi rheumaticus alicubi dolor, aut arthriticus aegrum vexarat, aut cephalaea, aut hemi-crania; nec iis, quibus tempora doluerunt, nec frequenti ophthalmiae, aut erysipelati laepe recurrenti obnoxiiis; nec quibus tussis longa, aut facies pustulosa fuit, aut dentium et gingivarum conditio prava; neque illis demum, quibus alterutra cornea opacari incepit, aut oculus vasis sanguineis amplioribus, aut varicosis petreptabatur. His instituta cataractae extractio plerumque male cessit, et oculus post operationem inflammabatur; visu posthac aut imminuto, aut penitus amisso.

Eo autem in casu *depressio* solummodo locum habuit.

Hanc vero acti argentea instituebamus, non in apice hastata, sed in conum longiorem excurrente et tenuem; cum eius manubrium calami scriptorii crassitiem et formam cylindri et septem pollicum longitudinem haberet.

Hoc instrumentum ex argento confectum dixi, sed cupro largius admisto; ut apici conoideo et subtiliori quaedam firmitas et robur esset.

Acus ita comparata, duobus digitis comprehensa, lente gyrando ita intra oculum immittebatur, ut nulla adhibita vi, sed solo ferme pondere proprio, adigeretur.

Depressionem hoc modo institutam oculus ita ferebat, ut deligatione vix opus habuerit, nihilque unquam mali sit consecutum, nec fuerit aegro necessitas decumbendi; praestabat tamen oculum deligare, cum lucem repente admissam non raro aegerrime ferrent.

Ante, aut post depressionem valentioribus sanguis detrahebatur.

Unus, cataracta depressa, multis vicibus et cum labore vomebat; nihil tamen inde mali est consecutum, neque ideo depressa lenticula atque infra vitreum corpus abscondita, priorem stationem repetiit.

Quibus lenticulam extracturi eramus, parari corpus debuit, aptumque reddi operationi subeundae.

Diebus aliquot ante operationem tenuiori victu utebantur, et sanguinis detractione.

Non quovis anni tempore aequalem sortem experti sumus; aversabamur constitutiones rheumaticas, illas praeprimis, ubi ventres supremi prae infimis imperantur.

Facilem quotidie alvum habere, post operationem mirum profuit, eamque enemate sollicitare potius placuit, quam remedio purgante, utut leni.

Post operationes quascunque chirurgicas dolor in plaga vulnerata intendebatur, nisi aeger quotidie et facile deiiceret.

Aëris boni habenda est cura peculiaris; hinc praestat, separato cubiculo committere, cui lentem volueris extrahere. Inter alios enim aegros decumbentes aëre vescuntur immundiore, et in febres tunc epidemicas, aut motus saltem febriculosos facilius labuntur. Febris autem, utut levis, et forte solum ephemera, id efficiet, ut morbifica materies in ea corporis parte figatur, quae ante febrem imbecillior fuerat dolueratque; in oculo nempe vulnerato.

Has cautelas nos usus docuit, et eventus quidam non boni, sed quos vitare posthac didicimus.

Hora post extractionem elapsa, et oculo, num se omnia ex voto haberent, denuo explora-

to, cataplasma imposuimus ex mica panis albi et pulpa pomorum acido-dulcium, cum aqua coctis addito florum sambuci pauxillo.

Maturus hic usus cataplasmatidis id fecit, ut inflammatio praepediretur; quam subinde experti eramus, cum visus diminutione, aut etiam iactura, priusquam hoc usi consilio essemus.

Hinc omnibus ferme indiscriminatum post operationem hunc solum admovebamus.

Non erat eadem in inflammationem apud omnes proclivitas: vidi enim in extractione cataractae secundariae oculum cultello, forbice, hamulo diu multumque vexatum, quin ulla fuerit inflammatio secuta; ubi aliam, in alio homine susceptam, lentis extractionem, cito et nitide et sine ulla oculi insigniore molestia peractam, inflammatio dira excepit.

Videor mihi observasse, eos, quibus sub operatione aliquid humoris vitrei effluxit, fuisse ab inflammatione, tantopere metuenda, et a cuius absentia omnis ferme operationis felicitas dependet, magis immunes.

Deperdita quondam maiori vitrei humoris portione, oculum semicollapsum, intra nycthemeron denuo sano aequalem deprehendi, turgidumque et vulnusculum clausum.

Emissus humor aqueus in alio aegro post dimidiam horam denuo erat restitutus.





